

গগদেবতা

এক

কারণ সামান্যই। সামান্য কারণেই গ্রামে একটা বিপর্যয় ঘটয়া গেল। এখানকার কামার অনিরুদ্ধ কর্মকার ও ছুতার গিরীশ সূত্রধর নদীর ওপারে বাজারে-শহরটায় গিয়া একটা করিয়া দোকান ফাঁদিয়াছে। খুব ভোরে উঠিয়া যায়, ফেরে রাত্রি দশটায়; ফলে গ্রামের লোকের অহুবিধার আর শেষ নাই। এবার চাষের সময় কি নাকালটাই যে তাদের হইতে হইয়াছে, সে তাহারাই জানে। লাঙলের ফাল পাঁজানো, গাড়ীর হাল বাঁধার জন্য চাষীদের অহুবিধার আর অন্ত ছিল না। গিরীশ ছুতারের বাড়ীতে গ্রামের লোকের বাবলা কাঠের গুঁড়ি আজও স্তম্ভীকৃত হইয়া পড়িয়া আছে সেট গত বৎসরের ফাল্গুন-চৈত্র হইতে; কিন্তু আজও তাহার নতুন লাঙল পাইল না।

এ ব্যাপার লইয়া অনিরুদ্ধ এবং গিরীশের বিরুদ্ধে অসন্তোষের সীমা ছিল না। কিন্তু চাষের সময় ইহা লইয়া একটা জটলা করিবার সময় কাহারও হয় নাই। প্রয়োজনের তাগিদে তাহাদিগকে মিষ্ট কথায় তুষ্ট করিয়া কার্খোদ্ধার করা হইয়াছে; রাত্রি থাকিতে উঠিয়া অনিরুদ্ধের বাড়ীর দরজায় বসিয়া থাকিয়া, তাহাকে আটক করিয়া লোকে আপন আপন কাজ সারিয়া লইয়াছে; জরুরী দরকার থাকিলে, ফাল হইয়া, গাড়ীর চাকা ও হাল গড়াইয়া গড়াইয়া সেই শহরের বাজার পর্যন্তও লোকে ছুটিয়াছে। দূরত্ব প্রায় চার মাইল—কিন্তু ময়ূরাক্ষী নদীটাই একা বিশ ক্রোশের সমান। বর্ষার সময় ভরানদীর খেয়াঘাটের পারাপারে দেড় ঘণ্টা কাটিয়া যায়। শুকনার সময়ে যাওয়া-আসায় আট মাইল বালি ঠেলিয়া গাড়ীর চাকা গড়াইয়া লইয়া যাওয়া সোঁজা কথা নয়। একটু ঘুর-পথে নদীর উপর রেলওয়ে ব্রীজ আছে; কিন্তু লাইনের পাশের রাস্তাটা এমন উঁচু ও অল্পপরিসর যে গাড়ীর চাকা গড়াইয়া লইয়া যাওয়া প্রায় অসম্ভব।

এখন চাষ শেষ হইয়া আসিল। মাঠে ফসল পাকিয়া উঠিয়াছে—এখন কান্ডে চাই। কামার চিরকাল লোহা-ইস্পাত লইয়া কান্ডে গড়িয়া দেয়—পুরানো কান্ডেতে নান লাগাইয়া পুরি কাটিয়া দেয়; ছুতার বাঁট লাগাইয়া দেয়। কিন্তু কামার-ছুতার সেই একই চালে চলিয়াছে; যে অনিরুদ্ধের হাত পায় হইয়াছে, সে গিরীশের হাতে দুঃখ ভোগ করিতেছে। শেষ পর্যন্ত গ্রামের লোক এক হইয়া পঞ্চায়েৎ-মজলিস ডাকিয়া বসিল। কেবল একখানা গ্রাম নয়, পাশাপাশি দুখানা গ্রামের লোক একত্র হইয়া গিরীশ ও অনিরুদ্ধকে একটি নির্দিষ্ট দিন জানাইয়া ডাকিয়া পাঠাইল। গ্রামের শিবতলায় বারোয়ারী চণ্ডীমণ্ডপের মধ্যে মজলিস বসিল। মন্দিরে ময়ূরেশ্বর শিব, পাশেই ভাড়া চণ্ডীমণ্ডপে গ্রামদেবী মা ভাড়া-কালীর বেদী। কালী-ঘর স্বতবার তৈয়ারী হইয়াছে, ততবারই ভাঙিয়াছে—সেই হেতু কালীর নাম ভাড়া-কালী। চণ্ডীমণ্ডপটিও বহুকালের এবং এক কোণ ভাড়া হইয়া আছে; মধ্যে নাটমন্দির। তার চাল কাঠামো হাতীশুঁড়-ষড়দল-তীরশাড়া প্রভৃতি হয়েক রকমের কাঠ দিয়া যেন অক্ষয়

অমর করিবার উদ্দেশ্যে গড়া হইয়াছিল। নিচের মেঝেও সনাতন পদ্ধতিতে মাটির। এই চণ্ডীমণ্ডপের এই নাটমন্দিরে বা আটচালায় শতরঞ্জি, চাটাই, চট প্রভৃতি বিছাইয়া মজলিস বসিল।

গিরীশ, অনিরুদ্ধ এ ভাকে না আসিয়া পারিল না। যথাসময়ে তাহার। দুজনেই আসিয়া উপস্থিত হইল। মজলিসে দুইখানা গ্রামের মাতব্বর লোক একত্র হইয়াছিল; হরিশ মণ্ডল, ভবেন্দ্র পাল, মুকুন্দ ঘোষ, কীৰ্ত্তিবাস মণ্ডল, নটবর পাল—ইহারা সব ভারিকী লোক। গ্রামের মাতব্বর সদগোপ চাষী। পাশের গ্রামের দ্বারকা চৌধুরীও উপস্থিত হইয়াছে। চৌধুরী বিশিষ্ট প্রবীণ ব্যক্তি, এ অঞ্চলে বিশেষ মাননীয় জন। আচার ব্যবহার বিচারবুদ্ধির জ্ঞান সকলের প্রশংসা পাত্র। লোকে এখনও বলে—কেমন বংশ দেখতে হবে! এই চৌধুরীর পূর্বপুরুষেরাই এককালে এই দুইখানা গ্রামের জমিদার ছিলেন, এখন ইনি অবশ্য সম্পন্ন চাষীরূপেই গণ্য কারণ জমিদারী অল্প লোকের হাতে গিয়াছে। আর ছিল দোকানী বৃন্দাবন দত্ত—সেও মাতব্বর লোক। মধ্যবিত্ত অবস্থার অল্পবয়স্ক চাষী গোপন পাল, রাখাল মণ্ডল, রামনারায়ণ ঘোষ প্রভৃতিও উপস্থিত ছিল। এ-গ্রামের একমাত্র ব্রাহ্মণ বাসিন্দা হরেন্দ্র ঘোষাল—ও গ্রামের নিশি মুখ্যো, পিয়ারী বাঁড়ুয়ো—ইহারাও একদিকে বসিয়াছিল।

আসরের প্রায় মাঝখানে জাঁকিয়া বসিয়াছিল ছিক পাল; সে নিজেই আসিয়া জাঁকিয়া আসন লইয়াছিল। ছিক বা শ্রীহরি পালই এই দুইখানা গ্রামের নূতন সম্পদশালী ব্যক্তি। এ অঞ্চলের মধ্যে বিশিষ্ট ধনী মাহারা, ছিক ধন-সম্পদে তাহাদের কাহারও চেয়ে কম নয়—এই কথাই লোকে অনুমান করে। লোকটার চেহারা প্রকাণ্ড; প্রকৃতিতে ইতর এবং দুর্ধর্ষ ব্যক্তি। সম্পদের জ্ঞান যে প্রতিষ্ঠা সমাজ মানুষকে দেয়, সে প্রতিষ্ঠা ঠিক ঐ কারণেই ছিকের নাই। অভ্যস্ত, ক্রোধী, গোঁয়ার, চরিত্রহীন, ধনী ছিক পালকে লোকে বাহিরে সহ্য করিলেও মনে মনে ঘৃণা করে, ভয় করিলেও সম্পদোচিত সম্মান কেহ দেয় না। এজ্ঞা ছিকের ক্ষোভ আছে, লোকে তাহাকে সম্মান করে না বলিয়া সেও সকলের উপর মনে মনে রুষ্ট। প্রাপ্য প্রতিষ্ঠা জোর করিয়া আদায় করিতে সে বদ্ধপরিকর। তাই সাধারণের সামাজিক মজলিস হইলেই ঠিক মাঝখানে আসিয়া সে জাঁকিয়া বসে।

আর একটি সবল-দেহ দীর্ঘকায় শ্রামবর্ণ যুবা নিতান্ত নিম্পৃহের মত এক পাশের খামে ঠেস দিয়া দাঁড়াইয়াছিল। সে দেবনাথ ঘোষ—এই গ্রামেরই সদগোপ চাষীর ছেলে। দেবনাথ নিজ হাতে চাষ করে না, স্থানীয় ইউনিয়ন বোর্ডের ক্রি প্রাইমারী স্কুলের পণ্ডিত সে। এ মজলিসে আসিবার বিশেষ ইচ্ছা না থাকিলেও সে আসিয়াছে; অনিরুদ্ধের যে অন্তায় সে অন্তায়ের মূল কোথায় সে জানে। ছিক পালের মত ব্যক্তি যে মজলিসে মধ্যমণির মত জম্কাইয়া বসে, সে মজলিসে তাহার আস্থা নাই বলিয়াই এই নিম্পৃহতা, নীরব অবজ্ঞার সহিত সে একপাশে খামে ঠেস দিয়া দাঁড়াইয়া ছিল। আসে নাই কেবল ও-গ্রামের কৃপণ মহাজন মৃত রাখহরি চক্রবর্তীর পোস্তপুত্র হেনারাম চাটুজ্ঞ ও গ্রাম্য ডাক্তার জগন্নাথ ঘোষ। গ্রামের চৌকিদার ভূপাল মোহারও উপস্থিত ছিল। আশেপাশে ছেলেদের দল গোলমাল করিতেছিল, একেবারে

একপ্রান্তে গ্রামের হরিজন চাষীরাও দাঁড়াইয়া দর্শক হিসাবে। ইহারাই গ্রামের শ্রমিক চাষী। অস্ববিধার প্রায় বারো-আনা ভোগ করিতে হয় ইহাদিগকেই।

অনিরুদ্ধ এবং গিরীশ আসিয়া মজলিসে বসিল। বেশভূষা অনেকটা পরিচ্ছন্ন এবং ফিটফাট—তাহার মধ্যে শহুরে ফ্যাশানের ছাপ সুস্পষ্ট; তুজনেই সিগারেট টানিতে টানিতে আসিতেছিল—মজলিসের অনতিদূরেই ফেলিয়া দিয়া মজলিসের মধ্যে আসিয়া বসিল।

অনিরুদ্ধ কথা আরম্ভ করিল; বসিয়াই হাত দিয়া একবার মুখটা বেশ করিয়া মুছিয়া লইয়া বলিল—কই গো, কি বলছেন বলুন। আমরা খাটি-খুটি খাই; আমাদের আজ এ বেলাটাই মাটি।

কথার ভঙ্গিমায় ও স্বরে সকলেই একটু চকিত হইয়া উঠিল যেন ঝগড়া করিবার মত লোভেই কোমর বাঁধিয়া আসিয়াছে; প্রবীণের দলের মধ্যে সকলেই একবার সশব্দে গলা ঝাড়িয়া লইল। অল্পবয়সীদের ভিতর হইতে যেন একটা আগুন দপ করিয়া উঠিল। ছিরু গুরুগুরু শীহরি বলিয়া উঠিল—মাটিই যদি মনে কর, তবে আসবারই বা কি দরকার ছিল?

হয়েছে ঘোবাল কথা বলিবার জন্য হাঁক-পাঁক করিতেছিল; সে বলিল—তেমন মনে হলে এখনও উঠে যেতে পার তোমরা। কেউ ধরে নিয়েও আসে নাই, বেঁধেও রাখে নাই তোমাদিগে।

হরিশ মণ্ডল এবার বলিল—চুপ কর তোমরা। এখানে যখন ডাকা হয়েছে, তখন আসতেই হবে। তা তোমরা এসেছ, বেশ কথা—ভাল কথা, উল্লেখ্য কথা। তারপর এখন হু'পকে কথাবার্তা হবে, আমাদের বলবার যা বলব—তোমাদের জবাব যা তোমরা দেবে; তারপর তার বিচার হবে। এত তাড়াতাড়ি করলে হবে কেন? ঘোড়া দুটো বাঁধো।

গিরীশ বলিল—তা হলে, কথা আপনাদের আমাদিগে নিয়েই?

অনিরুদ্ধ বলিল—তা আমরা আঁচ করেছিলাম। তা বেশ কি কথা আপনাদের বলুন? আমাদের জবাব আমরা দোব। কিন্তু কথা হচ্ছে কি জানেন—আপনারা সবাই যখন একজোট হয়েছেন, তখন এক-কথার বিচার করবে কে? নালিশ যখন আপনাদের, তখন আপনারা বিচার কি করে করবেন—এ তো আমরা বুঝতে পারছি না।

হারকা চৌধুরী অকস্মাৎ গলা ঝাড়িয়া শব্দ করিয়া উঠিল; চৌধুরীর কথা বলিবার এটি পূর্বাভাস। উচ্চ গলা-ঝাড়ার শব্দে সকলে চৌধুরীর দিকে ফিরিয়া চাহিল। চৌধুরীর চেহারায় এবং ভঙ্গিমাতে একটা স্বাতন্ত্র্য আছে। গৌরবর্ণ রং, সাদা ধবধবে গৌফ, আকৃতিতে দীর্ঘ। মালুমটি আসরের মধ্যে আপনাআপনি বিশিষ্ট হইয়া বসিয়াছিল। সে এবার মুখ খুলিল—দেখ কর্মকার, কিছু মনে কর না বাপু, আমি একটা কথা বলব। গোড়া থেকেই তোমাদের কথাবার্তার স্বর শুনে মনে হচ্ছে যেন তোমরা বিবাদ করবার জন্তে তৈরী হয়ে এসেছ! এটা তো ভাল নয় বাবা। বস স্থির হয়ে বস।

অনিরুদ্ধ এবার সবিনয়ে ঘাড় হেঁট করিয়া বলিল—বেশ, বলুন কি বলছেন।

হরিশ মণ্ডলই আরম্ভ করিল—দেখ বাপু, খুলে বলতে গেলে মহাভারত বলতে হয়।

সংক্ষেপই বলছি—তোমরা দুজনে শহরে গিয়ে আপন আপন ব্যবসা করতে বসেছ। বেশ করেছে। যেখানে মাহুৰ দুটো পরমা পাবে সেখানেই যাবে। তা যাও। কিন্তু এখানকার পাট যে একেবারে ভুলে দেবে, আর আমরা যে এই দু'কোশ রাস্তা জিনিসপত্র ঘাড়ে করে নিয়ে ছুটব ওই নদী পার হয়ে, তা তো হবে না বাপু। এবার যে তোমরা আমাদের কি নাকাল করেছে সে কথাটা ভেবে দেখ দেখি মনে মনে।

অনিরুদ্ধ বলিল—আজ্ঞে, তা অসুবিধে একটুকুন হয়েছে আপনাদের।

ছিক বা শ্রীহরি গর্জিয়া উঠিল—একটুকুন! একটুকুন কি হে? জ্ঞান, জমিতে জল থাকতে ফাল পাজানোর অভাবে চাষ বন্ধ রাখতে হয়েছে? তোমারও তো জমি আছে, জমির মাথায় একবার ঘুরে দেখে এস দেখি পটুপটি ঘাসের ধুমটা। ভাল ফালের অভাবে চাষের সময় একটা পটুপটিরও শেকড় ভাল ওঠে নাই। বছর সাল তোমরা ধানের সময় ধানের জন্তে বস্তা হাতে করে এসে দাঁড়াবে, আর কাজের সময় তখন শহরে গিয়ে বসে থাকবে,—তা করলে হবে কেন?

হরেন্দ্র সঙ্গে সঙ্গে সায় দিয়া উঠিল—এই ক—থা! এবং সঙ্গে সঙ্গে হাতে একটা তালি বাজাইয়া দিয়া বসিল।

মজলিস-সুদ সকলেই প্রায় সমস্তরে বলিল—এই।

প্রবীণেরাও ঘাড় নাড়িয়া সায় দিল। অর্থাৎ এই।

অনিরুদ্ধ এবার খুব সপ্রতিভ ভঙ্গিতে নড়িয়া-চড়িয়া জাঁকিয়া বসিয়া বলিল—এই তো আপনাদের কথা? আজ্ঞা, এইবার আমাদের জবাব শুুন। আপনাদের ফাল পাজিয়ে দিই, হাল লাগিয়ে দিই চাকায়, কান্তে গড়ে দিই, আপনারা আমাকে ধান দেন হাল পিছু কাঁচি পাঁচ শলি। আমাদের গিরীশ স্ত্রধর—

বাধা দিয়া ছিক পাল বলিল—গিরীশের কথায়, তোমার কাজ কি হে বাপু?

কিন্তু ছিক কথা শেষ করিতে পারিল না; দ্বারকা চৌধুরী বলিল—বাবা শ্রীহরি, অনিরুদ্ধ তো অগ্নায় কিছু বলে নাই। ওদের দুজনের একই কথা। একজন বললেও তো ক্ষতি নাই কিছু।

ছিক চুপ করিয়া গেল। অনিরুদ্ধ ভরসা পাইয়া বলিল—চৌধুরী মশায় না থাকলে কি মজলিসের শোভা হয়,—উচিত কথা বলে কে?

—বল অনিরুদ্ধ কি বলছিলে, বল!

—আজ্ঞে, ই্যা। আমার, মানে কর্মকারের হাল পিছু পাঁচ শলি, আর স্ত্রধরের হালপিছু চার শলি করে ধান বরাদ্দ আছে। আমরা এতদিন কাজও করে আসছি, কিন্তু চৌধুরী মশাই, ধান আমরা ঠিক হিসেব মত প্রায়ই পাই না।

—পাও না?

—আজ্ঞে না।

গিরীশও সঙ্গে সঙ্গে সায় দিল—আজ্ঞে না। প্রায় ঘরেই দু-চার আড়ি করে বাকী রাখে,

বলে, দু-দিন পরে দোব, কি আসছে বছর দোব। তারপর সে ধান আমরা পাই না।

ছিন্ন সাপের মত গর্জিয়া উঠিল—পাও না? কে দেয় নি শুনি? মুখে পাই না বললে তো হবে না। বল, কার কাছে পাবে তোমরা?

অনিরুদ্ধ দুরন্ত ক্রোধে বিদ্যুৎগতিতে ঘাড় ফিরাইয়া শ্রীহরির দিকে চাহিয়া বলিল—কার কাছে পাব? নাম করতে হবে? বেশ, বলছি!—তোমার কাছেই পাব?

—আমার কাছে?

—হ্যাঁ তোমার কাছে। দিয়েছ ধান তুমি দু'বছর? বল?

—আর আমি যে তোমার কাছে হাওনোটো টাকা পাব! তাতে ক'টাকা উত্তল দিয়েছ শুনি? ধান দিই নাই মজলিসের মধ্যে তুমি যে এত বড় কথাটা বলছ।

—কিন্তু তার তো একটা হিসেব-নিকেশ আছে? ধানের দামটা তোমার হাওনোটোর পিঠে উত্তল দিতে তো হবে—না কি? বলুন চৌধুরী মশায়, মণ্ডল মশাইরাও তো রয়েছেন, বলুন না।

চৌধুরী বলিল—শোন, চুপ কর একটু। শ্রীহরি, তুমি বাবা হাওনোটোর পিঠে টাকাটা উত্তল দিয়ে নিয়ো। আর অনিরুদ্ধ, তোমরা একটা বাকীর ফর্দ তুলে, হরিশ মণ্ডল মশায়কে দাও। এ নিয়ে মজলিসে গোল করাটা তো ভাল নয়। ওঁরাই সব আদায়-পত্র করে দেবেন। আর তোমরাও গায়ে একটা করে পাট রাখ। যেমন কাজকর্ম করছিলে তেমনি কর।

মজলিস শুরু সকলেই এ কথায় সায় দিল। কিন্তু অনিরুদ্ধ এবং গিরীশ চুপ করিয়া রহিল, ভাবে-ভঙ্কিতেও সম্মতি বা অসম্মতির কোন লক্ষণ প্রকাশ করিল না।

এতক্ষণে দেবনাথ মুখ খুলিল; প্রবীণ চৌধুরীর এ মীমাংসা তাহার ভাল লাগিয়াছে। অনিরুদ্ধ গিরীশের পাওয়া অনাদায়ের কথা সে জানিত বলিয়াই তাহার প্রথমে মনে হইয়াছিল—অনিরুদ্ধ এবং গিরীশের উপর মজলিস অবিচার করিতে বসিয়াছে। নতুবা গ্রামের সমাজ-শৃঙ্খলা বজায় রাখিবারই সে পক্ষপাতী। তাহার নিজের একটি নিয়ম-শৃঙ্খলার ধারণা আছে। সেই ধারণা অল্পমাত্রা আজ দেখু খুসী হইল; অনিরুদ্ধ ও গিরীশের এবার নত হওয়া উচিত বলিয়া তাহার মনে হইল। সে বলিল—অনি ভাই, আর তো তোমাদের আপত্তি করা উচিত নয়।

চৌধুরী প্রশ্ন করিল—অনিরুদ্ধ?

—আজ্ঞে!

—কি বলছ বল।

এবার হাত জোড় করিয়া অনিরুদ্ধ বলিল—আজ্ঞে, আমাদেরকে মাপ করুন আপনারা। আমরা আর এভাবে কাজ চালাতে পারছি না।

মজলিসে এবার অসন্তোষের কলরব উঠিয়া গেল।

—কেন?

—না পারবার কারণ?

—পারব না বললে হবে কেন ?

—চালাকি নাকি ?

—গাঁয়ে বাস কর না তুমি ?

ইহার মধ্যে চৌধুরী নিজের দীর্ঘ হাতখানি তুলিয়া ইঙ্গিত প্রকাশ করিল—চূপ কর, ধাম ।

হরিশ বিরক্তিভরে বলিল—ধামের বাপু ছোড়ারা ; আমরা এখনও মরি নাই ।

হরেন্দ্র ঘোষাল অল্পবয়সী ছোকা এবং ম্যাট্রিক পাস এবং ব্রাহ্মণ । সেই অধিকারে সে প্রচণ্ড একটা চীৎকার করিয়া উঠিল—এইও ! সাইলেন্স—সাইলেন্স !

অবশেষে দ্বারকা চৌধুরী উঠিয়া দাঁড়াইল । এবার ফল হইল । চৌধুরী বলিল—চীৎকার করে গোলমাল বাধিয়ে তো ফল হবে না । বেশ তো, কর্মকার কেন পারবে না—বলুক । বলতে দাও ওকে ।

সকলে এবার নীরব হইল । চৌধুরী আবার বসিয়া বলিল—কর্মকার, পারবে না বললে তো হবে না বাবা । কেন পারবে না, বল ! তোমরা পুরুষাত্মক করে আসছ । আজ পারব না বললে গ্রামের ব্যবস্থাটা কি হবে ?

দেবনাথ বলিল—অজ্ঞায় । অনিরুদ্ধ ও গিরীশের এ মহা অজ্ঞায় ।

হরিশ বলিল—তোমার পূর্বপুরুষের বাস হল গিয়ে মহাগ্রামে ; এ গ্রামে কামার ছিল না বলেই তোমার পিতামহকে এনে বাস করানো হয়েছিল । সে তো তুমিও শুনেছ হে বাপু । এখন না বললে চলবে কেন ?

অনিরুদ্ধ বলিল—আজ্ঞে, মোড়ল জ্যাঠা, তা হলে শুভুন । চৌধুরী মশায় আপনি বিচার করুন । এ গাঁয়ে আগে কত হাল ছিল ভেবে দেখুন । কত ঘরে হাল উঠে গিয়েছে তাও দেখুন । এই ধরুন গদাই, শ্রীনিবাস, মহেন্দ্র—আমি হিসেব করে দেখেছি, আমার চোখের ওপর এগারটি ঘরের হাল উঠে গিয়েছে । জমি গিয়ে ঢুকেছে কঙ্কণার ভদ্রলোকদের ঘরে । কঙ্কণায় কামার আলাদা । আমাদের এগারোখানা হালের ধান কমে গিয়েছে । তারপরে ধরুন—আমরা চাবের সময় কাজ করতাম লাঙ্গলের—গাড়ীর, অল্প সময়ে গাঁয়ের ঘর-দোর হত । আমরা পেরেক গজাল হাতা খুস্তি গড়ে দিতাম—খঁটি কোদাল কুড়ুল গড়তাম,—গাঁয়ের লোকে কিনত । এখন গাঁয়ের লোকে সে সব কিনছেন বাজার থেকে । সস্তা পাচ্ছেন—তাই কিনছেন । আমাদের গিরীশ গাড়ী গড়ত, দরজা তৈরী করত ; ঘরের চালকাঠামো করতে গিরীশকেই লোকে ডাকত । এখন অল্প জায়গা থেকে সস্তায় মিস্ত্রী এনে কাজ হচ্ছে । তারপর—ধরুন—ধানের দর পাঁচ সিকে—দেড় টাকা, আর অল্প জিনিসপত্র আক্রা । এতে আমাদের এই নিয়ে চূপচাপ পড়ে থাকলে কি করে চলে, বলুন ? ঘর-সংসার যখন করছি—তখন ঘরের লোকের মুখে তো ছুটো দিতে হবে । তার ওপর ধরুন, আজকালকার হাল-চাল সে রকম নেই—

ছিন্ন এতক্ষণ ধরিয়া মনে মনে ফুলিতেছিল, সে স্বেচ্ছা পাইয়া বাধা দিয়া কথার মাঝখানেই

বলিয়া উঠিল—তা বটে, আজকাল বাণিশ-করা জুতো চাই, লম্বা লম্বা জামা চাই, সিগারেট চাই—পরিবারের শেমিজ চাই, বডিস্ চাই—

—এই দেখ ছিঁক মোড়ল, তুমি একটু হিসেব করে কথা বলবে। অনিরুদ্ধ এবার কঠিন স্বরে প্রতিবাদ করিয়া উঠিল।

ছিঁক বারকতক হেলিয়া-হুলিয়া বলিয়া উঠিল, হিসেব আমার করাই আছে রে বাপু। পঁচিশ টাকা নানা তিন পয়সা। আসল দশ টাকা, স্বদ পনের টাকা নানা তিন পয়সা। তুই বরং কষে দেখতে পারিস। শুভকরী জানিস তো?

হিসাবটা অনিরুদ্ধের নিকট পাওনা হ্যাণ্ডনোটের হিসাব। অনিরুদ্ধ কয়েক মূহূর্ত স্তব্ধ হইয়া রহিল—সমস্ত মজলিসের দিকে একবার সে চাহিয়া দেখিল। সমস্ত মজলিসটাও এই আকস্মিক অপ্রত্যাশিত রূঢ়তায় স্তব্ধ হইয়া গিয়াছে। অনিরুদ্ধ মজলিস হইতে উঠিয়া পড়িল।

ছিঁক ধমক দিয়া উঠিল—যাবে কোথা তুমি?

অনিরুদ্ধ গ্রাহ্য করিল না, সে চলিয়া গেল।

চৌধুরী এতক্ষণে বলিল—শ্রীহরি।

ছিঁক বলিল—আমাকে চোখ রাঙাবেন না চৌধুরী মশায়, দুতিনবার আপনি আমাকে খামিয়ে দিয়েছেন, আমি সহ করেছি। আর কিন্তু আমি সহ করব না।

চৌধুরী এবার চাদরখানি ঘাড়ে ফেলিয়া বাঁশের লাঠিটি লইয়া উঠিল; বলিল—চললাম গো তা হলে। ব্রাহ্মগণকে প্রণাম—আপনাদিগে নমস্কার।

এই সময়ে গ্রামের পাড়লাল মুচি জোড়হাত করিয়া আগাইয়া আসিয়া বলিল—চৌধুরী মহাশয়, আমার একটুকুন বিচার করে দিতে হবে।

চৌধুরী সন্তর্পণে মজলিস হইতে বাহিয় হইবার উদ্যোগ করিয়া বলিল—বল বাবা, এরা সব রয়েছেন, বল!

—চৌধুরী মশায়!

চৌধুরী এবার চাহিয়া দেখিল—অনিরুদ্ধ আবার ফিরিয়া আসিয়াছে।

—একবার বসতে হবে চৌধুরী মশায়! ছিঁক পালের টাকাটা আমি এনেছি—আপনারা থেকে কিন্তু আমার হ্যাণ্ডনোটটা ফেরতের ব্যবস্থা করে দিন।

মজলিস-স্বদ্ধ লোক এতক্ষণে সচেতন হইয়া চৌধুরীকে ধরিয়া বলিল। কিন্তু চৌধুরী কিছুতেই নিরস্ত হইল না, সবিনয়ে নিজেকে মুক্ত করিয়া লইয়া ধীরে ধীরে বাহিয় হইয়া গেল।

অনিরুদ্ধ পঁচিশ টাকা দশ আনা মজলিসের সম্মুখে রাখিয়া বলিল—এখনি হ্যাণ্ডনোটখানা নিয়ে এস ছিঁক পাল!

পরে হ্যাণ্ডনোটখানি ফেরত লইয়া বলিল—ও একটা পয়সা আমাকে আর ফেরত দিতে হবে না। পান কিনে থেয়ো। এস হে গিরীশ, এস।

হরিশ বলিল—ওই, তোমরা চললে যে হে? যার জন্তে মজলিস বলল—

অনিরুদ্ধ বলিল—আজ্ঞে হ্যাঁ। আমরা আর ও কাজ করব না মশায়, জবাব দিলাম।
যে মজলিস ছিন্ন মোড়লকে শাসন করতে পারে না, তাকে আমরা মানি না।

তাহারা হন হন করিয়া চলিয়া গেল। মজলিস ভাঙিয়া গেল।

পরদিন প্রাতেই শোনা গেল, অনিরুদ্ধের দুই বিধা বাকুড়ির আধ-পাকা ধান কে বা কাছারা
নিঃশেষে কাটিয়া তুলিয়া লইয়াছে।

দুই

অনিরুদ্ধ ফসলশূন্য ক্ষেত্রখানার আইলের উপর স্থিরদৃষ্টিতে দাঁড়াইয়া কিছুক্ষণ দেখিল। নিঃফল
আকোশে তাহার লোহা-পেটা হাত ছুঁখানা মুঠা বাধিয়া ভাইন-ঘস্কের মত কঠোর করিয়া তুলিল।
তাহার পর সে অত্যন্ত দ্রুতপদে বাড়ী দিবিয়া হাতকাটা জামাটা টানিয়া সেটার মধ্যে মাথা
গলাইতে গলাইতে বাহির দরজার দিকে অগ্রসর হইল।

অনিরুদ্ধের জীব নাম পদ্মমণি—দীর্ঘাক্ষী পরিপূর্ণ-ঘোবনা কালো মেয়েটি। টিকালো নাক,
টানা-টানা ভাসা-ভাসা ডাগর দুটি চোখ। পদ্মের রূপ না থাক, শ্রী আছে। পদ্মের দেহে
অদ্ভুত শক্তি, পরিশ্রম করে সে উদয়াস্ত। তেমনি তীক্ষ্ণ তাহার সাংসারিক বুদ্ধি। অনিরুদ্ধকে
এইভাবে বাহির হইতে দেখিয়া সে স্বামী অপেক্ষাও দ্রুতপদে আসিয়া সম্মুখে দাঁড়াইয়া বলিল—
চলে কোথায়?

রুটদৃষ্টিতে চাহিয়া অনিরুদ্ধ বলিল—ফিল্ডের মত পেছনে লাগলি কেন? যেখানে যাই না,
তোর সে খোঁজে কাজ কি?

হাসিয়া পদ্ম বলিল—পেছনে লাগি নাই। তার জন্ম সামনে এসে দাঁড়িয়েছি। আর,
খোঁজে আমার দরকার আছে বৈকি। মারামারি করতে যেতে পাবে না তুমি।

অনিরুদ্ধ বলিল—মারামারি করতে যাই নাই, থানা যাচ্ছি, পথ ছাড়।

—থানা?—পদ্মর কণ্ঠস্বরের মধ্যে উদ্বেগ পরিস্ফুট হইয়া উঠিল।

—হ্যাঁ, থানা। শালা-ছিরে চাষার নামে আমি ভাইরি করে আসব—রাগে অনিরুদ্ধের
কণ্ঠস্বর রণ-রণ করিতেছিল।

পদ্ম স্থিরভাবে ঘাড় নাড়িয়া বলিল—না। সত্যি হলেও ছিন্ন মোড়ল তোমার ধান চুরি
করেছে—এ চাকলায় কে এ কথা বিশ্বাস করবে?

অনিরুদ্ধের কিন্তু তখন এ পরামর্শ শুনিবার মত অবস্থা নয়, সে ঠেলিয়া পদ্মকে সরাইয়া
দিয়া বাহির হইবার উত্তোগ করিল।

অনিরুদ্ধের অনুমান অশ্রান্ত,—ধান শ্রীহরি পালই কাটিয়া লইয়াছে।

কিন্তু পদ্ম যাহা বলিয়াছে সে-ও নিঃসন্দেহে সত্য, ধনীকে চোর প্রতিপন্ন করা বড় সহজ নয়।
শ্রীহরি ধনী।

এ চাকলায় কাছাকাছি তিনখানা গ্রাম—কালীপুর, শিবপুর ও ককণা—এ তিনখানা

গামে ছিঁক পাল বা শ্রীহরি পালের ধনের খ্যাতি যথেষ্ট। কালীপুর ও শিবপুর সরকারী সেরেস্তায় দু'খানা ভিন্ন গ্রাম হিসাবে জমিদারের অধীন স্বতন্ত্র মৌজা হইলেও কার্যত একখানাই গ্রাম। একটা দীঘির এপার-ওপার মাত্র। শ্রীহরির বাস এই কালীপুরে। এ দু'খানা গ্রামের মধ্যে শ্রীহরির সমকক্ষ ব্যক্তি আর কেহ নাই। শিবপুরের হেলা চাটুজেরও টাকা ও ধান যথেষ্ট; তবে লোকে বলে—শ্রীহরির ঘরে সোনার ইট আছে, টাকা ধানও প্রচুর, তা হইলেও দুইজনের তুলনা হয় না। ক্রোশখানেক দূরবর্তী কঙ্কণা অবস্থা সমৃদ্ধ গ্রাম। বহু সম্ভ্রান্ত ব্রাহ্মণ পরিবারের বাস। সেখানকার মুখুজ্জীবাবুরা লক্ষ লক্ষ টাকার অধিকারী,—এ অঞ্চলের প্রায় গ্রামই এখন তাহাদের কুক্ষিগত। মহাজন হইতে তাহারা প্রবল-প্রতাপাধিত জমিদার হইয়া উঠিয়াছে; শিবপুর কালীপুর গ্রাম দু'খানাও ধীরে ধীরে তাহাদের গ্রামের আকর্ষণে সর্পিণ জিহবার দিকে আগাইয়া চলিয়াছে। কিন্তু সেখানেও শ্রীহরি পালের নামডাক আছে। ময়ূরাক্ষীর ওপারে আধা শহর—রেলওয়ে জংশন; সেখানে ধনী মাড়োয়ারীর গদী আছে—দশ-বারটা চালের কল, গোটা দুয়েক তেল-কল, একটা আটার কল আছে—সেখানেও শ্রীহরি পালকে 'ঘোষ মশায়' বলিয়াই সম্বোধিত করা হয়। ওই জংশন-শহরেই এ অঞ্চলের থানা অবস্থিত।

স্বতরাং পদ্মের অনুমানের ভিত্তি আছে। কঙ্কণায় অথবা জংশন-শহরে কেহ এ কথা বিশ্বাস করিবে না; কিন্তু শিবকালীপুরের কেহ একথা অবিশ্বাস করে না। ছিঁক ভয়ঙ্কর ব্যক্তি—এ সংসারে তাহার অসাধ্য কিছু নাই! এ ধান কাটিয়া লওয়া তাহার অনিরুদ্ধের উপর প্রতিশোধ লইবার জন্তই নয়—চুরিও তাহার অগত্যম উদ্দেশ্য। এ কথাও শিবকালীপুরের আবাল-বৃদ্ধ-বনিতা বিশ্বাস করে। কিন্তু সে কথা মুখ ফুটিয়া বলিবার সাহস কাহারও নাই।

শ্রীহরির বিশাল দেহ—কিন্তু স্থূল নয়, একবিদু মেদশৈথিল্য নাই। বাশের মত মোটা হাত-পায়ের হাড়—তাহাতে জড়ানো কঠিন মাংসপেশী। প্রকাণ্ড চওড়া হু'খানা হাতের পাঞ্জা, প্রকাণ্ড বড় মাথা, বড় বড় উগ্র চোখ, খ্যাবড়া নাক, আকর্ণ-বিস্তার মুখগহ্বর, তাহার উপর একমাথা কৌকড়া-ঝাঁকড়া চুল। এত বড় দেহ লইয়া সে কিন্তু নিঃশব্দ পদসঞ্চারে দ্রুত চলিতে পারে। পরের ঝাড়ের বাঁশ কাটিয়া সে রাতারাতি আনিয়া আপনার পুকুরে ফেলিয়া রাখে, শব্দ নিবারণের জন্ত সে হাত করাত দিয়া বাঁশ কাটে। খেপলা জাল ফেলিয়া রাখে সে পরের পুকুরের পোনামাছ আসিয়া নিজের পুকুর বোঝাই করে; প্রতি বৎসর তাহার বাড়ীর পাঁচিল সে নিজেই বর্ষার সময় কোদাল চালাইয়া ফেলিয়া দেয়, নতুন পাঁচিল দিবার সময় অপরের সীমানা অথবা রাস্তা খানিকটা চাপাইয়া লয়। কেহ বড় প্রতিবাদ করে না, কিন্তু ব্যক্তিগত সীমানা আত্মসাৎ করিলে প্রতিবাদ না করিয়া উপায় থাকে না। তখন ছিঁক কোদাল হাতেই উঠিয়া দাঁড়ায়; দস্তহীন মুখে কি বলে বুঝা যায় না। মনে হয় একটা পশু গর্জন করিতেছে। এই চুয়াল্লিশ বৎসর বয়সেই সে দস্তহীন; যৌনব্যাধির আক্রমণে তাহার দাঁতগুলো প্রায় সবই পড়িয়া গিয়াছে। হরিজন-পল্লীতে সন্ধ্যার পর যখন পুরুষেরা মদে

বিভোর হইয়া থাকে, তখন ছিন্ন নিঃশব্দ পদসঙ্কারে শিকার ধরিতে প্রবেশ করে। কতবার তাহার উহাকে তাড়া করিয়া ধরিবার চেষ্টা করিয়াছে—কিন্তু ছিন্ন ছুটিয়া চলে অন্ধকারচারী হিংস্র চিতাবাঘের মত।

এই শ্রীহরি ঘোষ, ওরফে ছিন্ন পাল বা ছিরে মোড়ল!

শ্রীহরিকে ভাল করিয়া চিনিয়াও অনিরুদ্ধ স্ত্রীর কথা বিবেচনা করা দূরে থাক, তাহাকে তেলিয়া সরাইয়া দিয়া বাড়ী হইতে রাস্তায় নামিয়া পড়িল। পদ্ম বুদ্ধিমতী মেয়ে, সে রাগ অভিমান করিল না, আবার ডাকিল—ওগো, শোন—শোন, ফেরো। অনিরুদ্ধ ফিরিল না।

এবার একটু ক্ষীণ হাসিয়া পদ্ম ডাকিল—পেছন ডাকছি যেও না, শোন!

সঙ্গে সঙ্গে অনিরুদ্ধ লাঙুলস্পৃষ্ট কেউটির মত সক্রোধে ফিরিয়া দাড়াইল।

পদ্ম হাসিয়া বলিল—একটু জল খেয়ে যাও।

অনিরুদ্ধ ফিরিয়া আসিয়া পদ্মের গালে সজোরে এক চড় বসাইয়া দিয়া বলিল—ডাকবি আর পিছন থেকে?

পদ্মের মাথাটা ঝিন্ ঝিন্ করিয়া উঠিল, অনিরুদ্ধের লোহাপেটা হাতের চড়—নিদারুণ আঘাত। পদ্ম ‘বাবা রে’ বলিয়া হাতে মুখ ঢাকিয়া বসিয়া পড়িল।

অনিরুদ্ধ এবার অপ্রস্তুত হইয়া পড়িল। সঙ্গে সঙ্গে একটু ভয়ও হইল। যেখানে-সেখানে চড় মারিলে নাকি মাহুষ মরিয়া যায়; সে ব্রহ্ম হইয়া ডাকিল—পদ্ম! পদ্ম! বউ!

পদ্মের শরীর থব্ব থব্ব করিয়া কাঁপিতেছে—সে ফুলিয়া ফুলিয়া কাঁদিতেছে। অনিরুদ্ধ বলিল—এই নে বাপু, এই নে জামা খুললাম, থানায় যাব না। ওঠ! কাঁদিস না, ও পদ্ম। ...সে পদ্মের মুখ-ঢাকা হাতখানি ধরিয়া টানিল—ও পদ্ম!—

পদ্ম এবার মুখ হইতে হাত ছাড়িয়া দিয়া খিল-খিল করিয়া হাসিয়া উঠিল; মুখ ঢাকা দিয়া পদ্ম কাঁদে নাই, নিঃশব্দে হাসিতেছিল। অদ্ভুত শক্তি পদ্মের; আর অনিরুদ্ধের অনেক কিল চড় খাওয়া তাহার অভ্যাস আছে—এক চড়ে তাহার কি হইবে।

কিন্তু অনিরুদ্ধের পৌরুষে বোধ হয় বা লাগিল—সে গুম হইয়া বসিয়া রহিল। পদ্ম থানিকটা গুড় আর প্রকাণ্ড একটা বাটিতে একবাটি মুড়ি ও টুকনি-ঘটির এক ঘটি জল আনিয়া নামাইয়া দিয়া বলিল—তুমি ছিন্ন মোড়লকে স্নেহ করে এজাহার করবে, গাঁয়ের লোক কে তোমার হয়ে সাক্ষী দেবে বল তো? কাল থেকে তো গাঁয়ের লোক সবাই তোমার ওপর বিরূপ হয়ে দাঁড়িয়েছে।

কাল সন্ধ্যার পর আবার মজলিস বসিয়াছিল, অনিরুদ্ধের ওই ‘মজলিসকে মানি না’ কথাটা সকলকে বড় আঘাত দিয়াছে। সন্ধ্যার মজলিসে অনিরুদ্ধ এবং গিরিশের বিরুদ্ধে জমিদারের কাছে নালিশ জানানো স্থির হইয়া গিয়াছে।

কথাটা অনিরুদ্ধের মনে পড়িল, কিন্তু তবু তাহার মন মানিল না।

ভিন্ন

বেশ পরিপাটি করিয়া এক ছিলিম তামাক সাজিয়া হুকায় জল ফিরাইয়া পদ্ম স্বামীর আহার-শেষের প্রতীক্ষা করিতেছিল। অনিরুদ্ধের থাওয়া শেষ হইতেই হাতে জল তুলিয়া দিয়া হুকটি তাহার হাতে দিয়া বলিল—থাও। অনিরুদ্ধ টানিয়া বেশ গল্ গল্ করিয়া নাক-মুখ দিয়া ধোঁয়া বাহির করিয়াছে, তখন পদ্ম বলিল—আমার কথাটা ভেবে দেখ। রাগ একটু পড়েছে তো ?

—রাগ ! অনিরুদ্ধ মুখ তুলিয়া চাহিল—ঠোট দুইটা তাহার থবু থবু করিয়া কাঁপিতেছে।—এ রাগ আমার তুষের আগুন, জনমে নিববে না। আমার হু'বিষে বাকুড়ির ধান—

কথাটা শেষ করিতে পারিল না। কারণ তাহার চোখের জলের ছোঁয়াচে পদ্মের ভাগর চোখ দুটিও অশ্রুজলে উজ্জ্বলিত হইয়া উঠিয়াছে। এবং অনিরুদ্ধের আগেই তাহার কোঁটা কয়েক জল টপ টপ করিয়া ঝরিয়া পড়িল।

অনিরুদ্ধ চোখ মুছিয়া বলিল—কাদছিস্ কেন তুই ? হু'বিষে জমির ধান গিয়েছে, ষাক্গে ! আমি তো আছিরাে বাপু ! আর দেখ না—কি করি আমি !

চোখ মুছিতে মুছিতে পদ্ম বলিল—কিন্তু থানা-পুলিশ কর না বাপু ! তোমার ছুটি পায়ে পড়ি আমি। ওরা সাপ হয়ে দংশায়, রোজা হয়ে ঝাড়ে। আমার বাপের ঘরে ভাকাতি হল—বাবা চিনলে একজনকে কিন্তু পুলিশ তার গায়ে হাত দিল না। অথচ মুঠো-মুঠো টাকা খরচ হয়ে গেল বাবার। ছেলেকে গুপ্তি সমেত নিয়ে টানাটানি ; একবার দারোগা আসে, একবার নেসপেকটার আসে, একবার সায়েব আসে—আর দাঁও এজাহার। তার পরে, ক'জনকে কোথা হতে ধরলে, তাগিদে সনাক্ত করতে জেলখানা পর্যন্ত মেয়েছেলে নিয়ে টানাটানি। তাছাড়া গালমন্দ আর ধমক ত আছেই।

—হুঁ। চিন্তিতভাবে হুকায় গোটা কয়েক টান দিয়া অনিরুদ্ধ বলিল—কিন্তু এর একটা বিহিত করতে তো হবে। আজ না হয় হু-বিষে জমির ধান গেল। কাল আবার পুকুরের মাছ ধরে নেবে—পরশু ধরে—

বাধা পড়িল—আনি ভাই ধরে রয়েছে নাকি ? অনিরুদ্ধের কথা শেষ হইবার পূর্বেই বাহির হইতে গিরীশ ডাকিয়া সাড়া দিয়া বাড়ীর মধ্যে আসিয়া প্রবেশ করিল। পদ্ম আধঘোমটা টানিয়া, এঁটো বাসন কয়খানি তুলিয়া ঘাটের দিকে চলিয়া গেল।

অনিরুদ্ধ একটা দীর্ঘ নিশ্বাস ফেলিয়া বলিল—হু-বিষে বাকুড়িয়া ধান একেবারে শেষ করে কেটে নিয়েছে, একটা শীষও পড়ে নাই।

গিরীশও একটা নিশ্বাস ফেলিয়া বলিল—গুনলাম।

—খানায় ভায়রি করব ঠিক করেছিলাম, কিন্তু বউ বারণ করছে। বলছে, ছিক পাল

চুরি করেছে—এ কথা বিশ্বাস করবে কেন ! আর গাঁয়ের লোকও আমার হয়ে কেউ সাক্ষী দেবে না ।

—হ্যাঁ, কাল সন্ধ্যাতে আবার নাকি চণ্ডীমণ্ডপে জটলা হয়েছিল । আমরা নাকি অপমান করেছি গাঁয়ের লোকদের । জমিদারের কাছে নালিশ করবে শুনছি ।

ঠোটের দিক ঝাঁকাইয়া অনিরুদ্ধ এবার উঠিল—যা যা, জমিদার, জমিদার আমার কচু করবে ।

কথাটা গিরীশের খুব মনঃপূত হইল না, সে বলিল—তাই বলারই বা আমাদের দরকার কি ? জমিদারেরও তো বিচার আছে, তিনি বিচার করুন না কেন !

অনিরুদ্ধ বারবার ঘাড় নাড়িয়া অস্বীকার করিয়া বলিল—ঈহ, ছাই বিচার করবে জমিদার । নিজেই আজ তিন বছর ধান দেয় নাই । জমিদার ঠিক ওদের রায়ে রায় দেবে ; তুমি জান না ।

বিষমভাবে গিরীশ বলিল—আমিও পাই নাই চার বছর ।

অনিরুদ্ধ বলিল—এই দেখে ভাই, যখন মুখ ফুটে বলেছি করব না তা তখন আমার মরা বাবা এলেও আমাকে করাতে পারবে না ; তাতে আমার ভাগ্যে যাই থাক ! তুমি ভাই এখনও বুঝে দেখ ।

গিরীশ বলিল—সে তুমি নিশ্চিন্দ থাক । তুমি না মিটোলে আমি মিটাব না !

অনিরুদ্ধ প্রীত হইয়া কব্বেটি তাহার হাতে দিল । গিরীশ হাতের ছাঁদের মধ্যে কব্বেটি পুরিয়া কয়েক টান দিয়া বলিল—এদিকে গোলমালও তোমার চরম লেগে গিয়েছে । শুধু আমরা দু'জন নই । জমিদার ক'জনার বিচার করবে, করুক না ! নাপিত, বায়েন, দাই, চৌকিদার, নদীর ঘাটের মাঝি, মাঠ-আগলদার সবাই আমাদের ধুয়ো নিয়ে ধুয়ো ধরেছে—ওই অল্প ধান নিয়ে আমরা কাজ করতে পারব না । তারা নাপিত তো আজই বাড়ীর দোরে অর্জুনতলায় খান কয়েক ইট পেতে বসেছে—বলে পরশা আন, এনে কামিয়ে যাও ।

অনিরুদ্ধ কব্বেটি ঝাড়িয়া নতুন করিয়া তামাক সাজিতে সাজিতে বলিল—তাই বৈকি ! পরশা ফেল, মোওয়া খাও ; আমি কি তোমার পর ?

গিরীশের কথাবার্তার মধ্যে বেশ একটি বিজ্ঞতা-প্রচারের ভঙ্গি থাকে, ইহা তাহার অভ্যাস হইয়া গিয়াছে ; সে বলিল—এই কথা ! আগেকার কাল তোমার এক আলাদা কথা ছিল । সন্তাগণ্ডার বাজার ছিল—তখন ধান নিয়ে কাজ করে আমাদের পুষিয়েছে—আমরা করেছি ; এখন যদি না পোষায় ?

বাহিরে রাস্তায় ঠুন-ঠুন করিয়া বাইসাইকেলের ঘণ্টা বাজিয়া উঠিল ; সঙ্গে সঙ্গে ডাক আসিল—অনিরুদ্ধ !

ডাক্তার জগন্নাথ ঘোষ ।

অনিরুদ্ধ ও গিরীশ দুজনেই বাহির হইয়া আসিল । মোটাসোটা খাটো লোকটি, মাথায় বাবরী চুল—জগন্নাথ ঘোষ বাইসাইকেল ধরিয়া দাঁড়াইয়া ছিল । ডাক্তার কোথাও পড়িয়া-

শুনিয়া পাস করে নাই, চিকিৎসাবিত্তা তাহাদের তিনপুরুষের বংশগত বিত্তা ; পিতামহ ছিলেন কবিরাজ, বাপ জ্যেষ্ঠা ছিলেন কবিরাজ এবং ডাক্তার—একাধারে দুই। জগন্নাথ কেবল ডাক্তার, তবে সঙ্গে দু-চারটি মুষ্টিযোগের ব্যবস্থাও দেয়—তাহাতে চট্ করিয়া ফলও হয় ভাল। গ্রামের সকল লোকই তাহাকে দেখায়, কিন্তু পয়সা বড় কেহ দেয় না। ডাক্তার তাহাতে খুব গররাজী নয়, ডাকিলেই যায়, বাকীর উপরে বাকীও দেয়। ভিন্ন গ্রামেও তাহাদের পুরুষানুক্রমিক পসার আছে—সেখানকার রোজগারেই তাহার দিন চলে। কোনদিন শাক-ভাত, আর কোনদিন ঘাহাকে বলে এক-অন্ন পঞ্চাশ-ব্যাঞ্জন, যেদিন যেমন রোজগার। এককালে ঘোষেরা সম্পত্তিশালী প্রতিষ্ঠাবান লোক ছিল। ধনীর গ্রাম কঙ্কণায় পর্যন্ত যথেষ্ট সম্মান-মর্যাদা পাইত, কিন্তু ওই কঙ্কণার লক্ষপতি মুখুজ্জদের একহাজার টাকা ঋণ ক্রমে চারি হাজারে পরিণত হইয়া ঘোষেদের সমস্ত সম্পত্তি গ্রাস করিয়া কেলিয়াছে। এই সম্পত্তি এবং সকলের সম্মানিত প্রবীণ-গণের তিরোধানের সঙ্গে সঙ্গে তাহাদের সেই সম্মান-মর্যাদাও চলিয়া গিয়াছে। জগন্নাথ অকাতরে চিকিৎসা এবং ঔষধ সাহায্য করিয়াও সে সম্মান আর ফিরিয়া পায় নাই। তাহার জন্ত তাহার ক্ষোভের অন্ত নাই। সেই ক্ষোভে কাহাকেও রেয়াত করে না, ক্রূতম ভাষায় সে উচ্চকণ্ঠে বলে—“চোরের দল সব, জানোয়ার।’ গোপনে নয়, সাক্ষাতেই বলে। ধনী দরিদ্র যেই হোক প্রত্যেকের ক্ষুদ্রতম অন্টারেরও অতি কঠিন প্রতিবাদ সে করিয়া থাকে। তবে স্বাভাবিক ভাবে ধনীদের ওপর ক্রোধ তাহার বেশী।

অনিরুদ্ধ ও গিরীশ বাহির হইয়া আসিতেই ডাক্তার বিনা ভূমিকায় বলিল—থানায় ডায়রি করলি ?

অনিরুদ্ধ বলিল—আজ্ঞে তাই—

—তাই আবার কিসের রে বাপু ? যা, ডায়রি করে আয়।

—আজ্ঞে বারণ করছে সব, বলছে—ছিরু পাল চুরি করেছে কে একথা বিশ্বাস করবে ?

—কেন ? ও বেটার টাকা আছে বলে ?

—তাই তো সাত-পাচ ভাবছি ডাক্তারবাবু।

বিদ্রূপতীক্ষ্ণ হাসি হাসিয়া জগন্নাথ বলিল—তা হলে এ সংসারে যাদের টাকা আছে তারাই সাধু—আর গরীব মাতেই অসাধু, কেমন ? কে বলেছে এ কথা ?

অনিরুদ্ধ এবার চুপ করিয়া রহিল। বাড়ীর ভিতরে বাসনের টুংটাং শব্দ উঠিতেছে। পদ্ম ফিরিয়াছে, সব শুনিতেছে, তাহারই ইশারা দিতেছে। উত্তর দিল গিরীশ, বলিল—আজ্ঞে, ডায়রি করেই বা কি হবে ডাক্তারবাবু, ও এখুনি টাকা দিয়ে দারোগার মুখ বন্ধ করবে। তা ছাড়া থানার জমাদারের সঙ্গে ছিরুর বেশ ভাবের কথা তো জানেন ! একসঙ্গে মদ-ভাং খায়—তারপর—

ডাক্তার বলিল—জানি। কিন্তু দারোগা টাকা খেলে—তারও উপায় আছে। তার উপরে কমিশনার আছে। তার ওপরে ছোট লাট, ছোট লাটের ওপর বড় লাট আছে।

অনিরুদ্ধ বলিল—তা বুঝলাম ডাক্তারবাবু, কিন্তু মেয়েছেলেকে এজাহার-ফেজাহার দিতে

হবে, সেই কথা আমি ভাবছি।

—মেয়েছেলের এজাহার? ডাক্তার আশ্চর্য হইয়া গেল। মাঠে ধান চুরি হয়েছে, তাতে মেয়েছেলেকে এজাহার দিতে হবে কেন? কে বলল? এ কি মগের মূলুক নাকি?

সঙ্গে সঙ্গে অনিরুদ্ধ উঠিয়া পড়িল।—তা হলে আমি আক্ষে এই এখুনি চললাম।

ডাক্তার বাইসাইকেলে উঠিয়া বলিল, যা, তুই নির্ভাবনায় চলে যা। আমি ও-বেলা যাব। চুরি করার জন্তে ধান কেটে নিয়েছে—এ কথা বলবি না, বলবি, আকোশবশে আমার ক্ষতি করবার জন্তে করেছে।

অনিরুদ্ধ আর বাড়ীর মধ্যে ঢুকিল না পর্যন্ত, রওনা হইয়া গেল, পাছে পদ্ম আবার বাধা দেয়। সে ডাক্তারের গাড়ীর সঙ্গে সঙ্গেই চলিতে আরম্ভ করিল; গিরীশকে বলিল—গিরীশ, কামারশালের চাবিটা নিয়ে এসো তো ভাই চেয়ে।

ও-পারের জংশনের কামারশালার চাবি। গিরীশকে ভিতরে ঢুকিয়া চাহিতে হইল না, দরজার আড়াল হইতে বনাং করিয়া চাবিটা আসিয়া তাহার সম্মুখে পড়িল। গিরীশ হেঁট হইয়া চাবিটা তুলিতেছিল—পদ্ম দরজার পাশ হইতে উঁকি মারিয়া দেখিল—ডাক্তার ও অনিরুদ্ধ অনেকখানি চলিয়া গিয়াছে। সে এবার আধঘোমটা টানিয়া সামনে আসিয়া বলিল—একবার ডাক ওকে।

মুখ তুলিয়া একবার পদ্মের দিকে একবার অনিরুদ্ধের দিকে চাহিয়া গিরীশ বলিল—পেছনে ডাকলে ক্ষেপে যাবে।

—তা তো যাবে। কিন্তু তাত? তাত নিয়ে যাবে কে? আজ কি খেতেদেতে হবে না?

গিরীশ ও অনিরুদ্ধ সকালে উঠিয়া ও-পারে যায়, তাহার পূর্বেই তাহাদের ভাত হইয়া থাকে—যাইবার সময় সেই ভাত তাহারা একটা বড় কোঁটায় করিয়া লইয়া যায়। সেই খাইয়াই তাহাদের দিন কাটে। রাত্রে খাওয়াটা বাড়ীতে ফিরিয়া আরাম করিয়া খায়। গিরীশ বলিল—ভাতের কোঁটা আমাকে দাও, আমিই নিয়ে যাই।

*

*

*

*

পদ্ম সংসারে একা মাহুষ। বছর দুয়েক পূর্বে শান্তী মারা যাওয়ার পর হইতেই সমস্ত দিনটা তাহাকে একলাই কাটাইতে হয়। সে নিজে বন্ধা, ছেলে-পুলে নাই। পাড়াগায়ে এমন অবস্থায় একটি মনোহর কর্মাস্তর আছে—সে হইল পাড়া বেড়ানো। কিন্তু পদ্মের স্বভাব যেন উর্নানভ-গৃহিণীর মত। সমস্ত দিনই সে আপনার গৃহস্থালীর জাল ক্রমাগত বুনিয়া চলিয়াছে। ধান-কলাই রৌদ্রে দিতেছে, তুলিতেছে, সেগুলি মাটি ও কুড়ানো ইট মাটি দিয়া গাঁথিয়া ঘবে বেদী বাঁধিতেছে; ছাই দিয়া মাজিয়া-তোলা বাসনেরও ময়লা তুলিতেছে—শীতের লেপ-কাঁথাগুলি পাড়িয়া নতুন পাট করিতেছে। ইহা ছাড়া নিয়মিত কাজ—গোয়াল পরিষ্কার করা, জাব কাটা, ঘুঁটে দেওয়া, তিন-চারবার বাড়ী বাঁট দেওয়া এসব তো আছেই।

আজ কিন্তু তাহার কোন কাজ করিতে ইচ্ছা হইল না। সে খিড়কির ঘাটে পা ছড়াইয়া বসিল। অনিরুদ্ধকে খানায় ঘাইতে বারণ করিয়াছে, হাসিমুখে রহন্ত করিয়া তাহাকে শাস্ত করিবার জন্ত চেষ্টা করিয়াছে—সে কেবল ভবিষ্যৎ অশান্তি নিবারণের জন্ত। ঐ দু'বিঘা বাকুড়ির ধানের জন্ত তাহারও দুঃখের সীমা ছিল না। আপন মনেই সে মৃদুস্বরে ছিক পালকে অভিসম্পাত দিতে করিল।

—কানা হবেন—কানা হবেন—অন্ধ হবেন ;—হাতে কুষ্ঠ হবে, সর্বস্ব যাবে—ভিক্ষে করে খাবেন।

সহসা যেন কোথাও প্রচণ্ড কলরব উঠিতেছে বলিয়া মনে হইল। পদ্ম কান পাতিয়া শুনিল। গোলমালটা বায়েনপাড়ায় মনে হইতেছে। প্রচণ্ড রুচকর্মে অশ্লীল ভাষায় কেউ তর্জন-গর্জন করিতেছে। ওই ছোঁয়াচটা যেন পদ্মকেও লাগিয়া গেল। সেও কণ্ঠ উচ্ছে চড়াইয়া শাপ-শাপান্ত আরম্ভ করিল—

—জোড়া বেটা ধড়ফড় করে মরবে ; এক বিছানায় একসঙ্গে। আমার জমির ধানের চালে কলেরা হবে। নিবংশ হবেন—নিবংশ হবেন ; নিজে মরবেন না, কানা হবেন—দুটি চোখ যাবে, হাতে কুষ্ঠ হবে। যথা-সর্বস্ব উড়ে যাবে—পুড়ে যাবে। পথে পথে ভিক্ষে করে বেড়াবেন।

বেশ হিসাব করিয়া—ছিক পালের সহিত মিলাইয়া সে শাপ-শাপান্ত করিতেছিল। সহসা তাহার নজরে পড়িল, খিড়কির পুকুরের ওপারে রাস্তার উপর দাঁড়াইয়া ছিক পাল তাহার গালিগালাজগুলি বেশ উপভোগ করিয়া হাসিতেছে। একমাত্র ছিক পাতু বায়েনকে মারপিট করিয়া ফিরিতেছিল, বায়েনপাড়ার কলরবটা তাহারই সেই বিক্রমোদ্ভূত। ফিরিবার পথে অনিরুদ্ধের স্ত্রীর শাপ-শাপান্ত শুনিয়া দাঁড়াইয়া হাসিতেছিল। সে হাসির মধ্যে বস্তু একটা জুর প্রবৃত্তির প্রেরণা অথবা তাড়নোও ছিল। দেখিয়া পদ্ম উঠিয়া বাড়ার মধ্যে ঢুকিয়া পড়িল। ছিক ভাবিতেছিল, লাক দিয়া বাড়ীর মধ্যে ঢুকিয়া পড়িবে কি না ? কিন্তু দিবালোককে তাহার বড় ভয়, সে স্পন্দিতবক্ষে দ্বিধা করিতেছিল। সহসা পদ্মের কণ্ঠস্বর শুনিয়া আবার সে ফিরিয়া চাহিল। তিস্ত কিসের একটা প্রতিবিন্দিত আলোকচ্ছটা তাহার চোখে আসিয়া পড়িতেই সে চোখ ফিরাইয়া লইল।

—ধার পরীক্ষা করতে এক-কোপে দুটো পাঁটা কেটে আমার কাজ বাড়িয়ে গেলেন বীরপুরুষ। রক্তের দাগ ধোয়া নাই—ঘরে ভরে রেখে দিয়েছেন। আমি ঘাটে বসে ঝামা ঘষি আর কি।

পদ্মের হাতে একখানা বগি দা ; রোদ পড়িয়া দাখানা ঝকঝক করিতেছে। তাহারই ছটা আসিয়া চোখে পড়িতেই ছিক পাল চোখ ফিরাইয়া লইল। পরক্ষণেই হুম্-হুম্ শব্দে পা ফেলিয়া আপনার বাড়ীর পথ ধরিল। সঙ্গে সঙ্গে পদ্মের মুখেও নিষ্ঠুর কৌতুকের হাসি ফুটিয়া উঠিল।

চার

গ্রাম হইতে বাহির হইলেই বিস্তীর্ণ পঞ্চগ্রামের মাঠ। দৈর্ঘ্যে প্রায় ছয় মাইল—প্রস্থে চার মাইল ; ককণা, কুশুমপুর, মহাগ্রাম, শিবকালীপুর ও দেখুড়িয়া এই পাঁচখানা গ্রামের অবস্থিতি ; এবং পাঁচখানা গ্রামের সীমানার মাঠ ময়ূরাক্ষী নদীর ধার পর্যন্ত ছড়াইয়া আছে। মাঠখানার দক্ষিণ ও পূর্ব-পশ্চিমে অর্থাৎ তিন দিকে ময়ূরাক্ষী নদী। ময়ূরাক্ষী নদীর তীরভূমি জুড়িয়া এই মাঠখানার উর্বরতা অন্তত। অংশের নামই হইল ‘অমরকুণ্ডার মাঠ’ অর্থাৎ মাঠে ফসলের মৃত্যু নাই। শিবপুরের ইহার মধ্যে আবার শিবকালীপুরের সীমানার জমিই না কি উৎকৃষ্ট। এইটুকু জমির পরিমাণ এদিকে অতি অল্প ; শিবপুরের সমস্ত জমি উত্তর দিকে। কালীপুরের চাষের মাঠ অধিকাংশই গ্রামের দক্ষিণ ও পূর্বদিকে অর্থাৎ এই দিকে। শিবকালীপুর নামে-মাত্র দুইখানা গ্রাম ; শিবপুর ও কালীপুর, দুই গ্রামে বসতির মধ্যে কেবল একটা দীঘির ব্যবধান। কালীপুর গ্রামখানাই বড়, ওই গ্রামেই লোকসংখ্যা বেশী ; শ্রীহরি, দেবু প্রভৃতি সকলেরই বাস এখানে।

শিবপুর গ্রামখানি বহু পূর্বে ছিল—ছোট একটি পাড়াবিশেষ ; তখন অর্থাৎ বর্তমান কাল হইতে প্রায় আশী-নব্বই বৎসর পূর্বে সেখানে একশ্রেণীর বিচিত্র সম্প্রদায় বাস করিত ; তাহারা নিজেদের বলিত, ‘দেবল-চাষী’। তাহারা নিজ হাতে চাষ করিত না, শিবপুরের বৃদ্ধা শিবের সেবাপূজার ভার লইয়া তাহারা মাতিয়া থাকিত। এখন এই দেবল সম্প্রদায়ের আর কেহই নাই। অধিকাংশই মরিয়া হাজিয়া গিয়াছে, অবশিষ্ট কয়েক ঘর এখন হইতে অল্পতর চলিয়া গিয়াছে। ক্রোশ পাঁচেক দূরবর্তী রক্ষেশ্বর গ্রাম এবং ক্রোশ আষ্টেক দূরবর্তী জলেশ্বর গ্রাম—বাবা রক্ষেশ্বর ও বাবা জলেশ্বর এই নামীয় দুই শিবের আশ্রয় লইয়া পাণ্ডা হিসেবে তাহাদের জাতিগোষ্ঠীর সঙ্গে বাস করিতেছে। শিবভক্ত দেবলদের বাস ছিল বলিয়াই পল্লীটার নাম ছিল শিবপুর। দেবলেরা চলিয়া যাইবার পর কালীপুরের চৌধুরীরা গ্রামের জমিদারী স্বত্ব কিনিয়া শিবপুরে আসিয়া বাস করিয়াছিল। জাতি সদগোপ চাষীদের প্রত্যেক সংস্রব এড়াইবার জন্তই তাহারা এই ব্যবস্থা করিয়াছিল। চৌধুরীরাই শিবপুরকে একটি স্বতন্ত্র মৌজায় পরিণত করিয়াছিল। তাহাদের পতনের সঙ্গে সঙ্গে আবার শিবপুর স্তিমিত হইয়া আসিয়াছে।

উত্তর-পশ্চিমে যে গ্রামের মাঠ, সে গ্রামে নাকি লক্ষ্মী বসতি করেন না, গ্রামের দক্ষিণ ও পূর্বদিকে যে গ্রামের চাষের সীমানা—সেখানে নাকি লক্ষ্মীর অপার করুণা। অন্ততঃ প্রবীণেরা তাই বলে। মাঠ উত্তর ও পশ্চিমদিকে হইলে দেখা যায়। গ্রাম অপেক্ষা মাঠ উচু। অধিকাংশ ক্ষেত্রেই দক্ষিণ ও পূর্বদিকে ক্রমনিম্নতার একটা একটানা প্রবাহ চলিয়া গিয়াছে। বোধহয় গোটা পৃথিবী জুড়িয়া এইটাই এই ক্রমনিম্নতার জন্তই, দক্ষিণ ও পূর্বদিকে কৃষিক্ষেত্র হইলে—গ্রামের সমস্ত জলই গিয়া মাঠে পড়ে ; গ্রাম ধোয়া জলের উর্বরতা প্রচুর।

ইহা ছাড়াও গ্রামের পুকুরগুলির জলের হ্রবিধা বোল-আনা পাওয়া যায়। এই কারণে শিবপুর এবং কালীপুর পাশাপাশি গ্রাম হইলেও দুই গ্রামের জমির গুণ ও মূল্য অনেক প্রভেদ। এক্ষণে কালীপুরের লোকের অনেক অহঙ্কার শিবপুরের লোককে সহ্য করিতে হয়। শিবপুরের চৌধুরীরা এককালে তাহাদের জমিদার ছিল, তখন কালীপুরকে শিবপুরের আধিপত্য সহ্য করিতে হইয়াছে; কালীপুরের বর্তমান অহঙ্কারের ঔদ্ধত্য তাহারও একটা প্রতিক্রিয়া বটে।

দ্বারকা চৌধুরী সেই বংশোদ্ভূত। চৌধুরীদের সমৃদ্ধি অনেক দিনের কথা। দ্বারকা চৌধুরীর একপুরুষ পূর্বে তাহাদের বংশের সম্মান সমৃদ্ধির ভাণ্ডার নিঃশেষিত হইয়াছে। চৌধুরীরও আভিজাত্যের কোন ভান নাই; পূর্বকালের কথা সে সম্পূর্ণ ভুলিয়া গিয়াছে। এ অঞ্চলের চাষীদের সঙ্গে সে সমানভাবেই মেলামেশা করে; এক মজলিসে বসিয়া তামাক খায়—সুখ-দুঃখে গল্প করে। তবু চৌধুরীর কথাবার্তার ধরন ও স্বরের মধ্যে একটু স্বাতন্ত্র্য আছে। চৌধুরী কথা বলে খুব কম, যেটুকু বলে—তাহাও অতি ধীর এবং মৃদুস্বরে। কথার প্রতিবাদ করিলে চৌধুরী তাহার আর প্রতিবাদ করে না। কোন ক্ষেত্রে প্রতিবাদকারীর কথা সংক্ষেপে স্বীকার করিয়া লয়, কোন ক্ষেত্রে চুপ করিয়া যায়, কোন ক্ষেত্রে সেদিনকার মত মজলিস হইতে উঠিয়া পড়ে। মোট কথা, চৌধুরী শাস্তভাবেই অবস্থান্তরকে মানিয়া লইয়া জীবন অতিনাহিত করিয়া চলিয়াছে।

বৃদ্ধ দ্বারকা চৌধুরী সকালেই ছাতাটা মাথায়—বাঁশের লাঠিটি হাতে লইয়া কালীপুরের দক্ষিণ মাঠে নদীর ধারে রবি-ফসলের চাষের তদ্বিধে চলিয়াছিল। কালীপুরের জমিদারীর স্বয়ং চলিয়া গেলেও—সেখানে তাহাদের মোটা জোত এখনও আছে। কালীপুরের দক্ষিণেই ‘অমরকুণ্ডার মাঠ’, পূর্বেই বলিয়াছি এখানকার ফসল কখনও মরে না, এ মাঠে হাজা-সুখা নাই। মাঠটির মাথায় বেশ বিস্তৃত দুইটি ঝরনার জলা আছে; প্রশস্ত একটি অগভীর জলা হইতে নালা বাহিয়া অবিরাম জল বহিয়া চলিয়াছে; জলাটি কানায় কানায় অহরহই পরিপূর্ণ, জল কখনও শুকাইয় না। এই যুগ্ম-ধারাই অমরকুণ্ডার মাঠের উপর যেন ধরিত্রী-মাতার রক্ষ-ক্ষরিত ক্ষীরধারা। নালা বাহিয়া জলাভাবের সময় নালায় বাধ দিয়া, যাহার যে দিকে প্রয়োজন জলশ্রোতকে ঘুরাইয়া লইয়া যায়।

অগ্রহায়ণ পড়িতেই হৈমন্তী ধান পাকিতে শুরু করিয়াছে, সবুজ রঙ হলুদ হইতে আরম্ভ করিয়াছে। অমরকুণ্ডার মাঠের এক প্রান্ত হইতে অপর প্রান্ত নদীর বাঁধের লোক পর্যন্ত হুপ্রচুর ধানের সবুজ ও হলুদ রঙের সমন্বয়ে রচিত অপূর্ব এক বর্ণ-শোভা বলমল করিতেছে। ধানের প্রাচুর্যে মাঠের আল পর্যন্ত কোথাও দেখা যায় না। কেবল ঝরনার দুই পাশের বিসর্পিত বাঁধের উপরের তালগাছগুলি আঁকাবাঁকা সারিতে ঊর্ধ্বলোকে মাথা তুলিয়া দাঁড়াইয়া আছে। হেমন্তের পীতাম্বু রোদ্দ্রে মাঠখানা বলমল করিতেছে। আকাশে আজও শরতের নীলের আমেজ রহিয়াছে; এখনও ধূলি উড়িতে আরম্ভ করে নাই। দূরে আবাদী মাঠের

শেষপ্রান্তে নদীর বক্তারোধী বাঁধের উপর ঘন সবুজ সরবন একটা সবুজ রঙের দীর্ঘ প্রাচীরের মত দাঁড়াইয়া আছে। মাথায় চুনকাম-করা আলিসার মত চাপ বাঁধিয়া সাদা ফুলের সমৃদ্ধ সমারোহ বাতাসে অন্ন অন্ন তুলিতেছে।

কালীপুরের পশ্চিম দিকে—সম্ভ্রান্ত ধনীদেব গ্রামকঙ্কণ; গ্রামের চারিপাশে গাছপালার উপর সাদা-লাল-হলুদ রঙের দালানগুলির মাথা দেখা যাইতেছে। একেবারে কাঁকা প্রান্তরে স্থল—হাসপাতাল—বাবুদের থিয়েটারের ঘর আগাগোড়া পরিষ্কার দেখা যায়। বাবুরা হালে টাকায় এক পয়সা ঈশ্বরবৃত্তির প্রচলন করিয়াছেন; টাকা দিতে গেলেও দিতে হইবে—টাকা লইতে গেলেও দিতে হইবে। ঐ টাকায় পার্বণ-উপলক্ষে ধুমধাম যাত্রা-থিয়েটার হয়। চৌধুরী নিঃশ্বাস ফেলিল—দীর্ঘনিঃশ্বাস। বৎসরে দেড় টাকা দুই টাকা করিয়া তাহাকে ঐ ঈশ্বরবৃত্তি দিতে হয়।

অমরকুণ্ডার ক্ষেতে এখনও জল রহিয়াছে, জলের মধ্যে প্রচুর মাছ জন্মায়; আল কাটিয়া দিয়া মুখে ঝুড়ি পাতিয়া হাড়ী বাউড়ী ভোম ও বায়েনদের মেয়েরা মাছ ধরিতেছে। ক্ষেতের মধ্যেও অনেকে ঘুরিয়া বেড়াইতেছে, তাহাদের দেখা যায় না—কেবল ধানগাছগুলি চিরিয়া একটা চলন্ত রেখা দেখা যায়, যেমন অগভীর জলের ভিতর মাছ চলিয়া গেলে জলের উপর একটা রেখা জাগিয়া ওঠে ঠিক তেমনি। অনেকে ঘাস কাটিতেছে; কাহারও গরু আছে—কেহ ঘাস বেচিয়া দুই-চার পয়সা রোজগার করে। এই এখানকার জীবন।

অমরকুণ্ডার মাঠের ঠিক মাঝামাঝি একটি প্রশস্ত আলের উপর দিয়া যাওয়া-আসার পথ। প্রশস্ত অর্থে একজন বেশ স্বাচ্ছন্দ্য চলিতে পারে, দুইজন হইলে গা ঘেঁষাঘেঁষি হয়। এই পথ ধরিয়া গ্রামের গরু বাছুর নদীর ধারে চরিতে যায়। ধান থাইবে বলিয়া তখন তাহাদের মুখে একটি করিয়া দড়ির জাল বাঁধিয়া দেওয়া হয়। প্রোঁচ চৌধুরী একটু হতাশার হাসি হাসিল—গরুগুলির মুখের জাল খুলিবার মত গো-চরও আর রহিল না।

বক্তারোধী বাঁধের ওপারে নদীর চর ভাঙিয়া রবি ফসলের চাষের একটা ধুম পড়িয়া গিয়াছে। চাষীদের অবশ্য আর উপায়ও ছিল না। অমরকুণ্ডার মাঠের অধিকের উপর জমি কঙ্কণার বিভিন্ন ভদ্রলোকের মালিকানিতে চলিয়া গিয়াছে। অনেক চাষীর আর জমি বলিতে কিছুই নাই। এই তাহারাই প্রথম নদীর ধারে গো-চর ভাঙিয়া রবি ফসলের চাষ আরম্ভ করিয়াছিল। এখন দেখাদেখি সবাই আরম্ভ করিয়াছে। কারণ চরের জমি খুবই উর্বর। সারা বর্ষাটাই নদীর জলে ভুরিয়া থাকিয়া পলিতে পলিতে মাটি যেন সোনা হইয়া থাকে। সেই সোনা, ফসলের কাণ্ড বাহিয়া শীঘ্র ভরিয়া দানা হইয়া ফলিয়া উঠে। গম যব সরিষা প্রচুর হয়; সকলের চেয়ে ভাল হয় ছোলা। ওই চরটার নামই ‘ছোলাকুড়ি’ বা ছোলাকুণ্ড। এখন অবশ্য আলুর চাষেরই রেওয়াজ বেশী। আলু প্রচুর হয় এবং খুব মোটাও হয়। নদীর ওপারের জংশনে আলুর বাজারও ভাল। কলিকাতা হইতে মহাজনেরা ওখানে আলু কিনিতে আসে। এক কয় মাসের জন্ত তাহাদের এক একজন লোক আড়ত খুলিয়া বসিয়াই আছে—আলু লইয়া গেলেই নগদ টাকা! বড় চাষী যাহারা তাহার বিংশ-পঞ্চাশ টাকা দানও পায়।

সকলের টানে চৌধুরীকেও গো-চর ভাঙিয়া আনুগম ছোলার চাষ করিতে হইতেছে। চারিপাশে ফসলের মধ্যে তাহার গো-চরে গরু চরানো চলে না ; অবুঝ অবোলা পশু কখন যে ছুটিয়া গিয়া অল্প লোকের ফসলের উপর পড়িবে—সে কি বলা যায় ! তাহার উপর অমর-কুণ্ডার মাঠে উৎকৃষ্ট দোয়েম জমিতে রবি ফসলের চাষও অসম্ভব হইয়া উঠিয়াছে। কঙ্কণার ভদ্রলোকের জমি সব পড়িয়া থাকে, তাহার রবি ফসলের হাক্কামা পোহাইতে চায় না, আর খইল-সারেও টাকা খরচ তাহার করিবে না। কাজেই তাহাদের জমি ধান কাটার পর পড়িয়াই থাকে। অধিকাংশ জমি চাষ হইলে—সেখানে কতকটা জমি পতিত রাখিয়া গরু চরানো যেমন অসম্ভব, আবার অধিকাংশ জমি পতিত থাকিলে—সেখানে কতকটা জমি চাষ করাও তেমন অসম্ভব। তবুও গরু-ছাগলকে আগলাইয়া পারা যায়, কিন্তু মাছ ও বানরকে পারা যায় না। তাহার খাইয়াই শেষ করিয়া দিবে। কালীপুরের দোয়েম—শোনার দোয়েম !...

এদিকে যুদ্ধ বাধিয়া সব যেন উন্টাইয়া গেল। (প্রথম মহাযুদ্ধ) কি কালযুদ্ধই না ইংরেজরা করিল জার্মানদের সঙ্গে ? সমস্ত একেবারে লণ্ড-ভণ্ড করিয়া দিল। দুঃখ দুর্দশা সব কালেই আছে, কিন্তু যুদ্ধের পর এই কালটির মত দুর্দশা আর কখনও হয় নাই। কাপড়ের জোড়া ছ-টাকা সাত-টাকা, ওষুধ অগ্নিমূল্য—মায় পেরেক ও সূতের দাম চার গুণ হইয়া গিয়াছে। ধানচালের দরও প্রায় দ্বিগুণ বাড়িয়াছে ; কিন্তু কাপড়-চোপড়ের দর বাড়িয়াছে তিনগুণ। জমির দামও ডবল হইয়া গিয়াছে। দর পাইয়া হতভাগা মুখের দল জমিগুলা কঙ্কণার বাবুদের পেটে ভরিয়া দিল। ফলে এই অবস্থা, আজ আপমোস করিলে কি হইবে !

মরুক, হতভাগারা মরুক ! আঃ—সেই তেরোশো একুশ সালে যুদ্ধ আরম্ভ হইয়াছিল, যুদ্ধ শেষ হইয়া গিয়াছে পঁচিশ সালে ; আজ তেরোশো উনত্রিশ সাল—আজও বাজারে আশুন নিবিল না। কঙ্কণার বাবুরা ধূলানুঠা শোনার দরে বেচিয়া কাঁড়ি কাঁড়ি টাকা আনিতেছে, আর কালীপুরের জমি কিনিতেছে মোটা দামে। ধূলো বৈকি ! মাটি কাটিয়া কয়লা ওঠে—সেই কয়লা বেচিয়া তো তাহাদের পয়সা ! যে-কয়লায় মণ ছিল তিন আনা, চৌদ্দ পয়সা, আজ সেই কয়লার দর কিনা চৌদ্দ আনা। গোধের ওপর বিধকোড়ার মত—এই বাজারে আবার প্রেসিডেন্ট পঞ্চায়েতি ঘুচাইয়া ট্যাক্স বাড়াইয়া বসাইল ইউনিয়ন বোর্ড ! বাবুরা সব বোর্ডের মেম্বর সাজিয়া দণ্ডমুণ্ডের মালিক হইয়া বসিল—আর, দাও তোমরা এখন ট্যাক্স ! ট্যাক্স আদায়ের ধুম কি ! চৌকিদার দকাদার সঙ্গে লইয়া বাধানো খাতা বগলে বোর্ডের কেরানী দুগাই মিশ্র যেন একটা লাটসাহেব।

সহসা চৌধুরী চকিত হইয়া থমকাইয়া দাঁড়াইল। কে কোথায় তারস্বরে চীৎকার করিয়া কাঁদিতেছে না ? লাটিট বগলে পুরিয়া রৌদ্রনিবারণের ভঙ্গিতে জ্বর উপরে হাতের আড়াল দিয়া এপাশ ওপাশ দেখিয়া চৌধুরী পিছন কিরিয়া দাঁড়াইল। হ্যাঁ, পিছনেই বটে। ওই—গ্রাম হইতে কয়জন লোক আসিতেছে, উহাদের ভিতরেই কেহ কাঁদিতেছে ; সে স্ত্রীলোক,

তাহাকে দেখা যাইতেছে না, সামনের পুরুষটির আড়ালে সে ঢাকা পড়িয়াছে। আ-হা-হা ! পুরুষটা ! পুরুষটা কেউটে সাপের মত ফিরিয়া মেয়েটার চুলের মুঠি ধরিয়া ভ্রম-দাম করিয়া প্রহার আরম্ভ করিয়া দিল। চৌধুরী এখান হইতেই চীৎকার করিয়া উঠে—এই, এই ; আ-হা-হা ! ওই !

তাহারা শুনিতে পাইল কি না কে জানে, কিন্তু স্ত্রীলোকটি চীৎকার বন্ধ করিল ; পুরুষটিও তাহাকে ছাড়িয়া দিল। চৌধুরী কিছুক্ষণ সেইদিকে চাহিয়া দাঁড়াইয়া থাকিয়া—আবার রওনা হইল। ছোটলোক কি সাধে বলে ! লজ্জা-সরম, রীত-করণ উহাদের কখনও হইবে না। জানে না—স্ত্রীলোকের চুলে হাত দিলে শক্তি ক্ষয় হয়। রাবণ যে রাবণ যাহার দশটা মূণ্ড, কুড়িটা হাত, এক লক্ষ ছেলে, একশ লক্ষ নাতি, সে যে সে, সীতার চুলের মুঠি ধরিয়া সে একে-বারে নির্বংশ হইয়া গেল।

বাঁধের কাছাকাছি চৌধুরী পৌঁছিয়াছে—এমন সময় পিছনে পদ-শব্দ শুনিয়া চৌধুরী ফিরিয়া চাহিল। দেখিল, পাতু বায়েন হন্ হন্ করিয়া বুনো শূকরের মত গৌভরে চলিয়া আসিতেছে। পিছনে কিছু দূরে ধুপ্ ধুপ্ করিয়া ছুটিতে ছুটিতে আসিতেছে একটি স্ত্রীলোক। বোধ হয় পাতুর স্ত্রী। সে এখনও গুন্ গুন্ করিয়া কাঁদিতেছে—আর মধ্যে মধ্যে চোখ মুছিতেছে। চৌধুরী একটু সন্ত্রস্ত হইয়া উঠিল। পাতু যে-গতিতে আসিতেছে, তাহাতে তাহাকে পথ ছাড়িয়া না দিলে উপায় কি। উহার আগে আগে চলিবার শক্তি চৌধুরীর নাই। পাতু কিন্তু নিজেই পথ করিয়া লইল, সে পাশের জমিতে নামিয়া পড়িয়া ধানের মধ্য দিয়া যাইবার জন্য উদ্ভত হইল। সহসা সে থমকিয়া দাঁড়াইয়া চৌধুরীকে একটা প্রণাম করিয়া বলিল—জ্ঞাথেন চৌধুরী মশায় জ্ঞাথেন।

চৌধুরী পাতুর মুখের দিকে চাহিয়া শিহরিয়া উঠিল। কপালে একটা সত্তা আঘাতচিহ্ন হইতে রক্ত ঝরিয়া মুখখানাকে রক্তাক্ত করিয়া দিয়াছে। সঙ্গে সঙ্গে পাতুর স্ত্রী ডাক ছাড়িয়া কাঁদিয়া উঠিল।

—ওগো, বাবুমশায় গো ! খুন করলে গো !

—এ্যা-ও ! পাতু গর্জন করিয়া উঠিল।...আবার টেঁচাতে লাগিল মাগী ? সঙ্গে সঙ্গে পাতুর স্ত্রীর কণ্ঠস্বর নামিয়া গেল ; সে গুন্ গুন্ করিয়া কাঁদিতে আরম্ভ করিল—গরীবের কি দশা করেছে দেখেন গো ; আপনারা বিচার করেন গো।

পাতু পিছন ফিরিয়া দাঁড়াইয়া পিঠ দেখাইয়া বলিল—দেখেন পিঠ, দেখেন।

এবার চৌধুরী দেখিল পাতুর পিঠে লম্বা দড়ির মত নির্মম প্রহার চিহ্ন রক্তমুখী হইয়া ফুটিয়া উঠিয়াছে। দাগ একটা দুইটা নয়—দাগে দাগে পিঠটা একেবারে ক্ষতবিক্ষত। চৌধুরী অকপট মমতা ও সহানুভূতিতে বিচলিত হইয়া উঠিল, আবেগ-বিগলিত স্বরেই বলিল—আ-হা-হা। কে এমন কল্লেরে পাতু ?

—আগে, ওই ছিঁক পাল। রাগে গন্ গন্ করিতে করিতে প্রাণ শেষ হইবার পূর্বেই পাতু উত্তর দিল—কথা নাই, বার্তা নাই, এসেই একগাছা দড়ির বাড়িতে দেখেন কি করে দিলে

দেখেন! আবার সে পিছন ফিরিয়া ক্ষতবিক্ষত পিঠখানা চৌধুরীর চোখের সামনে ধরিল। তারপর আবার ঘুরিয়া দাঁড়াইয়া বলিল—দড়িখানা চেপে ধরলাম তো একগাছা বাথারীর ঘায়ে কপালটাকে একেবারে দিল ফাটিয়ে।

ছিরু পাল—শ্রীহরি ঘোষ? অবিশ্বাস করিবার কিছু নাই, উঃ! নির্মমভাবে প্রহার করিয়াছে। চৌধুরীর চোখে অকস্মাৎ জল আসিয়া গেল। এক এক সময় অপরের দুঃখ-দুর্দশায় মানুষ এমন বিচলিত হয় যে, তখন নিজের সকল সুখ-দুঃখকে অতিক্রম করিয়া নিষাতিতের দুঃখ যেন আপন দেহমন দিয়া প্রত্যক্ষভাবে অনুভব করে। চৌধুরী এমনই একটি অবস্থায় উপনীত হইয়া সম্মলচক্ষে পাতুর দিকে চাহিয়া রহিল, তাহার দন্তহীন মুখের শিথিল ঠোঁট অত্যন্ত বিকী ভঙ্গিতে থর থর করিয়া কাঁপিতে লাগিল।

পাতু বলিল—মোড়লদের ফি-জনার কাছে গেলাম। তা কেউ রা কাড়লে না মশায়। শক্তর সব দুয়ের মুক্ত।

পাতুর বউ অমূল্য কান্নার ফাঁকে ফাঁকে বলিতেছিল—সর্বনাশী কালামুখীর লেগে গো—

পাতু একটা ধমক কষিয়া বলিল—আই—আই, আবার ঘান্ ঘান্ করে!

চৌধুরী একটু আত্মসম্বরণ করিয়া বলিল—কেন এমন করে মারলে? কি এমন দোষ করেছে তুমি যে—

অভিযোগ করিয়া পাতু কহিল—সেদিন চণ্ডীমণ্ডপের মজলিসে বলতে গেলাম—তা তো আপনি শুনলেন না, চলে গেলেন। গোটা গেরামের লোকের ‘আঙোটজুতি’ আমাকে সারা বছর যোগাতে হয়; অথচ আমি কিছুই পাই না। তা কর্মকার যখন রব তুললে, তখন আমিও বলেছিলাম যে, আমি আর ‘আঙোটজুতি’ যোগাতে লাভব। কাল সানঝেতে পালের মূনিষ আঙোটজুতি চাইতে এসেছিল—আমি বলেছিলাম—পয়সা আন গিয়ে। তা আমার বলা বটে! আজ সকালে উঠে এসেই কথা নাই বাস্তা নাই—আখালি-পাখালি দড়ে দিয়ে মার!

চৌধুরী চুপ করিয়া রহিল। পাতুর বউ বার বার ঘাড় নাড়িয়া মূহু বিলাপের স্বরে সেই বলিয়াই চলিল—না গো—বাবুশায়—

পাতু তাহার কথা ঢাকিয়া দিয়া বলিল—আমার পেট চলে কি ক’রে—সেটা আপনারা বিচার করবেন না, আর এমনি করে মারবেন?

চৌধুরী কাশিয়া গলা পরিষ্কার করিয়া লইয়া বলিল—শ্রীহরি তোমাকে এমন করে মেরেছে—মহা অগ্নায় করেছে, অপরাধ করেছে, হাজারবার, লক্ষবার, সে কথা সত্যি। কিন্তু ‘আঙোটজুতি’র কথাটা তুমি জান না বাবা পাতু! গাঁয়ের ভাগাড় তোমরা যে দখল কর—তার জন্তেই তোমাংগে গাঁয়ের ‘আঙোটজুতি’ যোগাতে হয়। এই নিয়ম। ভাগাড়ে মড়ি পড়লে তোমরা চামড়া নাও, হাড় বিক্রি কর—তারই দরুন তোমরা ওই ‘আঙোটজুতি’—, মাংস কাটিয়া লইয়া ঘাওয়ার কথাটা আর চৌধুরী ঘৃণাবশে উচ্চারণ করিতে পারিল না।

পাতু অবাক হইয়া গেল; সে বলিল—ভাগাড়ের দরুন!

—হ্যাঁ ! তোমাদের প্রবীণেরা তো কেউ নাই, তারা সব জানত ।

—শুধু তাই নয়, মশায় ; ওই পোড়ামুখী কলঙ্কিনী গো । এই ফাঁকে পাতুর বউ আবার হুর তুলিল ।

পাতু এবার সঙ্গে সঙ্গে বলিল—আছে হ্যাঁ । শুধু তো ‘আঙোটজুতি’ও নয় ; আপনারা ভদ্রনোকরা যদি আমাদের ঘরের মেয়েদের পানে তাকান—তবে আমরা যাই কোথায় বলুন ?

প্রোঢ় প্রবীণ ধর্মপরায়ণ চৌধুরী বলিয়া উঠিল—রাম ! রাম ! রাম ! রাধাকৃষ্ণ ! রাধাকৃষ্ণ !

পাতু বলিল—আজ্ঞে, রাম রাম নয়, চৌধুরী মশায় । আমার ভগ্নী দুর্গা একটু বজ্জাত বটে ; বিয়ে দেলাম তো পালিয়ে এল স্বশুরঘর থেকে । সেই তারই সঙ্গে মশায় ছিক পাল ফটিনস্ট্রি করবে । যখন তখন পাড়ায় এসে ছুতোনা তা নিয়ে বাড়ীতে ঢুকে বসবে । আমার মা হারামজাদীকে তো জানেন ? চিরকাল একভাবে গেল । ছিক পালকে বসতে মোড়া দেবে—তার সঙ্গে ফুস-ফাস করবে । ঘরে মশায়, আমার বউ রয়েছে । তাকে, মাকে আর দুর্গাকে আমি ঘা কতক করে দিয়েছিলাম । মোড়লকেও বলেছিলাম, ভাল করেই বলেছিলাম চৌধুরী মশাই,—আমাদের জাত-জ্ঞেতে নিন্দে করে—আর আপনি আসবেন না, মশায় । এ আকোশটাও আছে মশাই ।

লাঠি ও ছাতায় চৌধুরীর দুই হাত ছিল আবদ্ধ, কানে আঙুল দিবার উপায় ছিল না ; সে স্বপ্নভরে থুতু ফেলিয়া মুখ ফিরাইয়া বলিল—রাধাকৃষ্ণ হে ! থাক পাতু, থাক বাবা—সকালবেলা ওসব কথা আমাকে আর শুনিও না । এতে আর আমার কি হাত আছে বল ! রাধাকৃষ্ণ !

পাতু কিন্তু ইহাতে তুষ্ট হইল না । সে কোন কথা না বলিয়া চৌধুরীকে পাশ কাটাইয়া হন্ হন্ করিয়া অগ্রসর হইল । তাহার পিছন পিছন তাহার স্ত্রী আবার ছুটিতে আরম্ভ করিল । স্বামীর নীরবতার স্বেয়োগ পাইয়া সে আবার কান্নার হুরে হুর করিল—হারামজাদী আবার ঢং ক’রে তাইয়ের দুঃখে ঘটা ক’রে কানতে বসেছে গো ! ওগো আমি কি করব গো !

পাতু বিদ্যায়-গতিতে ফিরিল ; সঙ্গে সঙ্গে বউটি আতঙ্কে অশ্রুট চীৎকার করিয়া উঠিল—
অ্যা—।

পাতু মুখ খিঁচাইয়া বলিল—চেল্লাস না বাপু । তোকে কিছু বলি নাই...তু থাম । ধাক্কা দিয়া জীকে সরাইয়া দিয়া সে ফিরিয়া পশ্চাদগামী চৌধুরীর সম্মুখে আসিয়া বলিল—আচ্ছা চৌধুরীমশায়, আলিপুরের রহমৎ শ্রাথ যে কঙ্কণার রমন্ড চাটুজ্জের সঙ্গে ভাগাড় দখল করেছে, তার কি করছেন ?

আশ্চর্য হইয়া চৌধুরী বলিলেন—সে কি ?

—আজ্ঞে হ্যাঁ মশায় । ভাগাড়ের চামড়া তাদিগে ছাড়া আর কাউকে বেচতে পাব না আমরা । তারা বলে, ভাগাড় জমিদার আমাদের বন্দোবস্ত দিয়েছে । ছাল ছাড়ানোর মজুরী আর জুনের দাম—তার ওপর দু-চার আনা ছাড়া আর কিছু দেয় না । অথচ চামড়ার

দাম এখন আঙন ! তাহলে ?

চৌধুরী পাতুর মুখের দিকে চাহিয়া প্রশ্ন করিল—সত্যি কথা পাতু ?

—আজ্ঞে হ্যাঁ। মিছে যদি হয় পঞ্চাশ জুতো খাব, নাকে খৎ দোব।

—তা হলে, চৌধুরী ঘাড় নাড়িয়া বলিল—তা হলে হাজার বার তুমি বলতে পার ও-কথা, গায়ের লোক পয়সা দিতে বাধ্য। কিন্তু জমিদারের গোমস্তা নন্দীকে কথাটা জিজ্ঞাসা করেছ ?

পাতু বলিল—গোমস্তা নন্দী কেন, জমিদারের কাছেই যাব আমি। ভাক্তার ঘোষ মশায় বললে, থানায় যা। তা থানা কেন—আগে জমিদারের কাছেই যাই, দুটো বিচারই হয়ে যাক ! দেখি, জমিদার কি বলে !

সে আবার ফিরিল এবং সোজা আল-পথটা ছাড়িয়া দক্ষিণ দিকের একটা আল ধরিয়া কঙ্কণার দিকে মুখ করিল। বৃদ্ধ চৌধুরী ঠুক ঠুক করিয়া নদীর চরের দিকে অগ্রসর হইল। নদীর ওপারের জংশনের কলগুলার চিমনি এইবার স্পষ্ট হইয়া উঠিয়াছে, আর চৌধুরী চরের উপর আসিয়া পড়িয়াছে। কিন্তু হতভম্ব হইয়া গিয়াছে বৃদ্ধ চৌধুরী ; সব করিয়া সব হইল—শেষে চামড়া বেচিয়া রামেন্দ্র চাটুজ্ঞে বড়লোক হইবে ! ছিঃ ছিঃ, ব্রাহ্মণের ছেলে !

পাঁচ

গরে শোনা যায়, যমজ ভাইয়ের ক্ষেত্রে যমদূতেরা রামের বদলে শ্রামকে লইয়া যায়, শ্রামের বদলে আসিয়া ধরে রামকে। তাদের অমুহুরণে হইলেও ক্ষেত্র বিস্তৃততর করিয়া লইয়া রাম অপরাধ করিলে মানুষ অতিবুদ্ধিবশতঃ প্রায়ই শ্রামকে লইয়া টানাটানি করে। পুলিশও মানুষ, স্তত্রাং এক্ষেত্রেও তাহার ব্যতিক্রম হইল না। পরদিনই একটা পুলিশ তদন্ত হইয়া গেল। অমিরুদ্ধ আক্রোশের কারণ দেখাইয়া ছিহু পালকে সন্দেহ করিলেও পুলিশ আসিয়া মাঠ-আগলদার সতীশ বাউড়ীর বাড়ী খানাতল্লাস করিয়া সব তছনছ করিয়া তাহাকে টানিয়া আনিল। ঘণ্টার পর ঘণ্টা লোকটাকে জেরায় নাজেহাল করিয়া অবশেষে ছাড়িয়া দিল। অবশ্য, অনিরুদ্ধের সন্দেহ অমুখ্যারী একবার ছিহু পালের খামার-বাড়ীটাও ঘুরিয়া দেখিল,—কিন্তু সেখানে দুই বিঘা জমির আধ-পাকা ধানের একগাছি খড়ও কোথাও মিলিল না।

পুলিস আসিয়া গ্রামের চণ্ডীমণ্ডপেই বসিয়াছিল। গ্রামের মণ্ডল-মাতঙ্গরেরাও আসিয়া চন্দ্রমণ্ডলের নক্ষত্র সভাসদের মত চারিপাশে জমকাইয়া বসিয়া উত্তেজিতভাবে ফিস ফিস করিয়া পরস্পরের মধ্যে কথা বলিতেছিল। ছিহু পাল বসিয়াছিল—পুলিসের অতি নিকটেই এবং অত্যন্ত গম্ভীরভাবে। তাহার আকর্ষণবিস্তৃত মুখগহ্বরের পাশে চোয়ালের হাড় দুইটা কঠিন ভঙ্গিতে উচু হইয়া উঠিয়াছিল। অনিরুদ্ধ সম্মুখেই উবু হইয়া বসিয়া মাটির দিকে চাহিয়া কত কি ভাবিতেছিল। তদন্ত-শেষে পুলিশ উঠিল। সঙ্গে সঙ্গে অনিরুদ্ধও উঠিল।

সে চাহিয়া না দেখিয়াও স্পষ্ট অল্পভব করিতেছিল যে, সমস্ত গ্রামের লোক কঠিন প্রতিহিংসা-তীক্ষ্ণ দৃষ্টিতে তাহার দিকে চাহিয়া আছে। প্রত্যক্ষ যত্নগ্ৰহণ সহ করা যায়—নিরুপায় হইয়া মানুষকে সহ্য করিতে হয়—কিন্তু যত্নগ্ৰহণও ভাবী ইজিত বা নিষ্ঠুর কল্পনা মানুষের পক্ষে অসহ্য। সে পুলিশেরই পিছন পিছন উঠিয়া আসিল।

পুলিস চলিয়া যাইতেই চণ্ডীমণ্ডপে প্রচণ্ড কলরব উঠিল। সমবেত জনতার প্রত্যেকে আপন আপন মন্তব্য ঘোষণা আরম্ভ করিল; কেউ কাহারও কথা শোনে না দেখিয়া প্রত্যেকেই আপন আপন কণ্ঠস্বরকে যথাসম্ভব উচ্চগ্রামে লইয়া গেল। সদৃগোপ সম্প্রদায়ের কেহই অবগত শ্রীহরি ঘোষকে স্নজের দেখে না; কিন্তু অনিরুদ্ধ কর্মকার যখন পুলিশে খবর দিয়া তাহার বাড়ী থানা-তল্লাস করাইল, বাড়ীতে পুলিশ ঢুকাইয়া দিল, তখন অপমানটাকে তাহার সম্প্রদায়গত করিয়া লইয়া বেশ উত্তেজিত হইয়া উঠিয়াছে। বিশেষ করিয়া সেদিন অনিরুদ্ধের সমাজকে উপেক্ষা করার ঔদ্ধত্যজনিত অপরাধের ভিত্তির উপর আজিকার ঘটনাটা ঘটবার ফলে বিষয়টা গুরুত্বেরীতিমত বড় হইয়া উঠিয়াছে।

দেবনাথ ঘোষের গলাটা যেমন তীক্ষ্ণ তেমনি উচ্চ, এ গ্রামে সকল কলরবের উর্ধ্বে তাহার কণ্ঠস্বর শোনা যায়। সে দুই অর্থেই। চাষীর ঘরে দেবনাথ যেন ব্যতিক্রম! তীক্ষ্ণবী বুদ্ধিমান যুবক দেবনাথ! তাহার ছাত্র-জীবনে সে কৃতী ছাত্র ছিল। কিন্তু আর্থিক অসাচ্ছল্য এবং সাংসারিক বিপর্যয় হেতু ম্যাট্রিক ক্লাস হইতে তাহাকে পড়া ছাড়িতে হইয়াছে। সে এখন এই গ্রামেরই পাঠশালার পণ্ডিত। গ্রাম্যজীবনের ব্যবস্থা শৃঙ্খলার বহু তথ্য সে ব্যগ্র কোঁতুহলে অন্বেষণ করিয়া জানিয়াছে। সে বলিতেছিল—কামার, ছুতোর, নাপিত কাজ করব না বললেই চলবে না। কাজ করতে তারা বাধ্য।

শ্রীহরি কেবল তেমনি গম্ভীরভাবে দাঁতে দাঁতে চাপিয়া বসিয়াছিল, এতখানি যে হইবে—সে তাহা ভাবিতে পারে নাই। ওদিকে শ্রীহরির খামারবাড়ীতে শুকাইতে দেওয়া ধান পায়ের পায়ের ওলোট-পালোট করিয়া দিতে দিতে ছিফর মা অল্পলি ভাষায় গালাগালি ও নিষ্ঠুরতম আক্রোশে নির্মম অভিসম্পাত দিতেছিল অনিরুদ্ধকে।

* * * *

অন্যদিকে অনিরুদ্ধের বাড়ীতে পদ্ম উৎকর্ষিত দৃষ্টিতে পথের দিকে চাহিয়া বাহির দরজাটিতে দাঁড়াইয়া ছিল। থানা-পুলিসকে তাহার বড় ভয়। ছিফর মায়ের অল্পলি গালাগালাজ এবং নিষ্ঠুর অভিসম্পাতগুলি এখান হইতে স্পষ্ট শোনা যাইতেছিল। ছিফর পালের বাড়ী এবং তাহাদের বাড়ীর মধ্যে ব্যবধান মাত্র একটা পুকুরের এপার ওপার। শব্দ তেরছা ভাসিয়া আসে। পথটা তিনপাড় বেড় দিয়া থানিকটা ঘুর পথ। গালাগালি শুনিয়া পয়ের মুখখানা থমথমে হইয়া উঠিয়াছিল। পদ্ম ঘুরন্ত মুখেরা মেয়ে; গালাগালাজ অভিসম্পাত সে-ও অনেক জানে। সে কাহারও স্পষ্ট নামোল্লেখ না করিয়া তাহাদের অবস্থার সহিত মিলাইয়া এমনভাবে অভিসম্পাত দিতে পারে যে শব্দভেদী বাণের মত উদ্ভিষ্ট ব্যক্তিটির একেবারে বুক গিয়া আমূল বিঁধিয়া যায়। কিন্তু আজ দারুণ উৎকর্ষায় কে যেন গলা চাপিয়া

ধরিত্বাছে। এই সময় অনিরুদ্ধ আসিয়া বাড়ী ঢুকিল। অনিরুদ্ধকে দেখিয়া গভীর আশ্বাসে সে স্বস্তির একটা দীর্ঘনিশ্বাস ফেলিল। পরমুহূর্তেই চোখমুখ দীপ্ত করিয়া বলিল—কুন্ড তো? আমিও এইবার গাল দোব কিন্তু!

অনিরুদ্ধের অবস্থাটা তখন ঠিক শীতের বরফের মত অস্বস্তিপূর্ণ, স্থির ও কঠিন। সে রুদ্ধকণ্ঠে বলিল—না, গাল দিতে হবে না—ঘরে চল।

পদ্ম ঘরের দিকে আসিতে আসিতে বলিল—না। শুধু শুধু ঘরে যাব? কানের মাথা খেয়েছ? গালাগালগুলো শুনতে পাচ্ছ না?

—তবে যা, গাল দিগে; গলা ফাটিয়ে চীৎকার করু গিয়ে! মর গিয়ে।

পদ্ম গজ গজ করিতে করিতে গিয়া ভাঁড়ার ঘর হইতে তেল বাহির করিয়া আনিয়া বলিল—কি খোয়ারটা আমার করছে শুনতে পাচ্ছ না তুমি?

পদ্ম ও অনিরুদ্ধ নিঃসন্তান—তাই ছিঁকুর মা অনিরুদ্ধের নিষ্ঠুরতম মৃত্যু কামনা করিয়া পদ্মের জগৎ কদৰ্ভতম অলীকতম ভবিষ্যৎ উপজীবিকার নির্দেশ দিয়া অভিসম্পাত দিতেছে। তেলের বাটি পাশে রাখিয়া সে স্বামীর একখানা হাত টানিয়া লইয়া তাহাকে তেল মাখাইতে বসিল। কর্কশ ও কঠিন হাত; আঙুলের আঁচে রোমগুলি পুড়িয়া কামানো দাড়ির মত করকরে হইয়া আছে। শুধু হাত নয়, হাত-পা-বুক—মোট কথা সম্মুখভাগের প্রায় অনাবৃত অংশটাই এমনি দক্ষরোম। তেল দিতে দিতে পদ্ম বলিল—বাব্বা, হাত-পা নয় যেন উঠো!

অনিরুদ্ধ সে কথায় কান না দিয়া বলিল—আমার গুপ্তিটা বার করে বেশ করে মেজে রাখবি তো।

পদ্ম স্বামীর মুখের দিকে চাহিয়া বলিল—আমারও দা আছে, কাল মেজে ঘষে সান দিয়ে রেখেছি নিজের গলায় মেরে একদিন দু-খানা হয়ে পড়ে থাকব কিন্তু।

—কেন?

—ভূমি খুনখারাপী করে ফাঁসি যাবে—আর আমি হাড়ির ললাট ভোমের দুর্গগতি ভোগ করে বেঁচে থাকব?

অনিরুদ্ধ কথার কোন উত্তর দিল না, কেবল বলিল—হু-উ!—অর্থাৎ পদ্মের হাড়ির ললাট ভোমের দুর্গগতির সম্ভাবনার কথাটা সে ভারি দ্বিধা দেখে নাই, নতুবা ছিরেকে জখম করিয়া জেল খাটিতে বা হত্যা করিয়া ফাঁসি ঘাইতে বর্তমানে তাহার বিশেষ আপত্তি ছিল না।

পদ্ম বলিল—বারণ করলাম থানা পুলিশ কর না। কথা কানেই তুললে না। কিন্তু কি হল? পুলিশ কি করলে? গাঁয়ের সঙ্গে কেবল ঝগড়া-বিবাদ বেড়ে গেল। আর আমি গাল দোব বললেই একেবারে বাঘের মত হাঁকিয়ে উঠেছ—‘না, দিতে পাবি না।’

রুদ্ধক্রোধ অনিরুদ্ধ বিরক্তিতে অসহিষ্ণু হইয়া উঠিল; কিন্তু কোন কঠিন কথা বলিতে তাহার সাহসও হইল না, প্রবৃত্তিও হইল না। বন্ধা পদ্মকে লইয়া তাহাকে বড় সম্ভর্পণে চলিতে হয়; সামান্য কারণে নিতান্ত বালিকার মত সে অভিমান করিয়া মাথা খুঁড়িয়া, কাঁদিয়া-কাটিয়া অনর্থ বাধাইয়া তোলে; আবার কখনও প্রবীণা প্রৌঢ়া যেমন দ্রুত ছেলের

আবদার-অত্যাচার সহ করে তেমনি করিয়া হাসিমুখে অনিরুদ্ধের অত্যাচার সহ করে—অনিরুদ্ধের হাতে মার খাইয়াও তখন সে খিল্ খিল্ করিয়া হাসে। কখন কোন্ মুখে পদ্ম চলে—সে অনিরুদ্ধ অনেকটা বুঝিতে পারে। আজিকার কথার মধ্যে তাহার আবদারের সুর ফুটিতে আরম্ভ করিয়াছে; সেইটুকু বুঝিয়াই সে দারুণ বিরক্তি সত্ত্বেও আত্মসংবরণ করিয়া রহিল। কোন কথা না বলিয়াই পদ্মর হাত হইতে সে আপনার পা-খানা টানিয়া লইয়া বলিল—কই, গামছা কই?

পদ্ম কিন্তু এইটুকুতেই অভিমানে ফোস করিয়া উঠিল; অনিরুদ্ধ তুল করে নাই। পদ্ম আজ ছোট মেয়ের মতই আবদারে হইয়া উঠিয়াছে। মুখে সে কিছু বলিল না বটে, কিন্তু বিদ্রোহের মত চমকিয়া মুখ তুলিয়া অলস দৃষ্টিতে স্বামীর দিকে চাহিল,—পরমুহূর্তেই তেলের বাটিটা তুলিয়া লইয়া উঠিয়া চলিয়া গেল।

বিরক্তিতে অকুটি করিয়া অনিরুদ্ধ বলিল—বেলার পানে তাকিয়ে দেখেছিস? ছায়া কোথা গিয়েছে দেখ্। এদিকে তিনটে বাজে।

গম্ভীর মুখে চকিত দৃষ্টিতে চাহিয়া বাড়ীর উঠানের ছায়া লক্ষ্য করিয়া পদ্ম গামছাখানা আনিয়া অনিরুদ্ধের হাতে দিয়া বলিল—বস, আমি জল এনে দিই, বাড়ীতেই চান করে নাও।

গামছাখানা কাঁধে ফেলিয়া অনিরুদ্ধ বলিল—তাতে দেরি হবে, পদ্ম। আমি এই যাব আর আসব। পানকোড়ির মত ভুক করে ডুবব আর উঠব। ভাত তুই বেড়ে রাখ্। বলিতেই সে দ্রুতপদে বাহির হইয়া গেল।

পদ্ম ভাত বাড়িতে গিয়া রান্নাঘরের শিকলে হাত দিয়া থমকিয়া দাঁড়াইল। ভাল-তরকারি সব ঠাণ্ডা হিম হইয়া গিয়াছে! সেসব বাবুর মুখে রুচিবে কি? বাবু নয় নবাব। যত আয় তত ব্যয়। কামার, কুমোর, নাপিত, স্বর্ণকার—ইহাদের অবশ্য খরচে বলিয়া চিরকাল বদনাম, কিন্তু উহার মত খরচে পদ্ম আর কাহাকেও দেখে না। ওপারের শহরে কামারশালা করিয়া খরচের বাতীক তাহার আরো বাড়িয়া গিয়াছে। এক টাকা সেরের ইলিশমাছ এ গ্রামে কে খাইয়াছে? এখন গরম একটা কিছু না করিয়া দিলে নবাব কেবল ভাতে-হাত করিয়াই উঠিয়া পড়িবে! খিড়কির ডোবাটার পাড়ে পদ্ম প্রথম আশ্বিনেই কয়েক ঝাড় পেঁয়াজ লাগাইয়াছিল, সেগুলো বেশ ঝাড়ে-গোছে বড় হইয়া উঠিয়াছে। পেঁয়াজের শাক আনিয়া ভাজিয়া দিলে কেমন হয়? পদ্ম খিড়কির দিকে অগ্রসর হইয়াই লক্ষ্য করিল—দুয়ারের পাশে কে যেন দাঁড়াইয়া আছে। সাদা কাপড়ের খানিকটা মধ্যে মধ্যে দেখা যাইতেছে। সে শিহরিয়া উঠিল। তাহার মনে পড়িয়া গেল—গত কালের ছিন্ন পালের সেই বীভৎস হাসি! কয়েক পা পিছাইয়া আসিয়া সে প্রশ্ন করিল—কে? কে দাঁড়িয়ে গো?

সাদা পাইয়া মানুষটি চকিত গতিতে ঘরে প্রবেশ করিল। পদ্ম আশ্চর্য হইল—পুরুষ নয়, স্ত্রীলোক। পরমুহূর্তেই সে স্তম্ভিত হইয়া গেল—এ যে ছিন্ন পালের বউ! বয়স ত্রিশ-বত্রিশের বেশী হইবে না; এককালে সুন্দরী ছিল সে, কিন্তু এখন অকালবার্ধক্যে জাঁপ এবং

লীর্ণ। চোখে তাহার যত ক্লান্তি তত সক্রিয় মিনতি। ছিন্ন পালের বউ বিনা ভূমিকায় ছুটি হাত জোড় করিয়া সামনে দাঁড়াইয়া বলিল—ভাই, কামার বউ !

পদ্ম কোন কথা বলিতে পারিল না, ছিন্ন পালের বউকে সে ভাল করিয়াই জানে, এমন ভাল মেয়ে আর হয় না। কত বড় ভাল ঘরের মেয়ে সে তাও পদ্ম জানে। তাহার কতখানি দুঃখ তাও সে চোখে দেখিয়াছে—কানে শুনিয়াছে, ছিন্ন পালের গ্রহাণু সে দূর হইতে স্বচক্ষে দেখিয়াছে ; তত্পরি ছিন্নর মায়ের গালিগালাজ সে নিতাই শুনিতেছে।

ছিন্নর বউ তাহার সম্মুখে আসিয়া ঈষৎ নত হইয়া বলিল—তোমার পায়ে ধরতে এসেছি ভাই।

তুই পা পিছাইয়া গিয়া পদ্ম বলিল—না না না ! সে কি !

—আমার ছেলে দুটিকে তোমরা গাল দিও না, ভাই ; যে করেছে তাকে গাল দিও—কি বলব আমি তাতে !

ছিন্ন পালের সাতটি ছেলের মধ্যে দুইটি মাত্র অবশিষ্ট ; তাও পৈতৃক গুণব্যাধির বিবে জর্জরিত—একটি রুগ্ন, অপরটি প্রায় পঙ্গু।

সন্তানবতী নারীদের উপর বক্ষা পদ্মের একটা অবচেতনগত হিংসা আছে। এই মুহূর্তে কিন্তু সে হিংসাও তাহার স্তব্ধ হইয়া গেল। সে আপনা-আপনি কেবলি একটা দীর্ঘনিঃশ্বাস ফেলিল।

ছিন্ন পালের স্ত্রী বলিল—তোমাদের অনেক ক্ষতি করেছে। চাষীর মেয়ে—আমি জানি। তুমি ভাই এই টাকা টকা রাখ—বলিয়া সে স্তম্ভিত পদ্মের হাতে দুখানি দশ টাকার নোট গুঁজিয়া দিয়া আবার বলিল—লুকিয়ে এসেছি, ভাই, জানতে পারলে আমার আর মাথা থাকবে না—বলিয়াই সে দ্রুতপদে ফিরিল। দরজার মুখে গিয়া আবার একবার ফিরিয়া দাঁড়াইয়া হাত দুটি জোড় করিয়া বলিল—আমার ছেলে দুটির কোন দোষ নাই ভাই। আমি হাত জোড় করে যাচ্ছি।

পরমুহূর্তে সে খিড়িকির দরজার ও-পাশে অদৃশ্য হইয়া গেল। পদ্ম যেন অসাড় নিষ্পন্দ হইয়া দাঁড়াইয়া রহিল—

* * * *

কিছুক্ষণ পরে তাহার এই স্তম্ভিত ভাব কাটিয়া গেল অদ্রবর্তী একটা কোলাহলের আঘাতে। আবার একটা কোথায় গোলমাল বাধিয়া উঠিয়াছে। সকল কোলাহলের উর্ধ্বে একজনের গলা শোনা যাইতেছে। পদ্ম উৎকণ্ঠিত হইয়া উঠিল ;—অনিরুদ্ধ কি ? না, সে নয়। তবে ? ছিন্ন পাল ? কান পাতিয়া শুনিয়া পদ্ম বুঝিল—না, এ ছিন্ন পালের কণ্ঠস্বরও নয়। তবে ? সে দ্রুতপদে আসিয়া বাহির-দরজার সম্মুখে পথের উপর নামিয়া দাঁড়াইল। এবার সে স্পষ্ট চিনিতে পারিল এ কণ্ঠস্বর এ গ্রামের একমাত্র ব্রাহ্মণ বাসিন্দা হরেন্দ্র ঘোষালের। পদ্ম এবার নিশ্চিত ও নিশ্চিন্ত দুইই হইল। মুখে খানিকটা ব্যঙ্গহাস্তও দেখা দিল। হরেন্দ্র ঘোষালের মাথায় বেশ খানিকটা ছিট আছে, তাহাতে সন্দেহ নাই। গ্রামের

সকলকে টেকা দিয়া তাহার চলা চাই। ছিন্ন পাল সাইকেল কিনিলে, সে সাইকেল এবং কলের গান দুইই কিনিয়া ফেলিল, টাকা যোগাড় করিল জমি বন্ধক দিয়া। ছিন্ন পাল নাকি রহস্ত করিয়া একবার রটনা করিয়াছিল—সে এবার ঘোড়া কিনিবে। হরেন্দ্র মান বন্ধার জন্য চিন্তিত হইয়া মায়ের সঙ্গে পরামর্শ করিয়াছিল—ছিন্ন পাল ঘোড়া কিনিলে সে একটা হাতী কিনিবে! আজ আবার বামুনের কি রোখ মাথায় চাপিয়াছে কে জানে? পথে কোন একটা ছোট ছেলেও নাই যে জিজ্ঞাসা করে!

ঠিক এই সময়েই পদ্ম দেখিল অনিরুদ্ধ আসিতেছে। কাছে আসিয়া পদ্মের মুখের দিকে চাহিয়া সে হো হো করিয়া হাসিয়া উঠিল।

পদ্ম বলিল—মরণ—হাসছ কেন?

অনিরুদ্ধ হাসিয়া প্রায় গড়াইয়া পড়িল।

—যা গেল! ব্যাপারটা বলে তবে তো মাথুখে হাসে! এত চেষ্টামেচি কিসের; হ'ল কি? হরু ঠাকুর এমন চেষ্টাচ্ছে কেন?

—ঠাকুরকে ভারী জ্বদ করেছে। আধখানা কামিয়ে দিয়ে। আবার হাসিতে সে ভাঙ্গিয়া পড়িল।

বহুকষ্টে হাস্য-সংবরণ করিয়া অনিরুদ্ধ বলিল—তারা নাপিত মহা ধূর্ত।

কাপড় ছাড়িয়া থাইতে বসিয়া এতক্ষণে অনিরুদ্ধ কোনমতে কথাটা শেষ করিল। সেটা এই—তারা নাপিতও তাহাদের দেখাদেখি বলিয়াছে, ধান লইয়া গোটা বৎসর সমস্ত গ্রামের লোকের ক্ষৌরির কাজ সে করিতে পারিবে না।—যাহাদের জমি নাই—হাল নাই—তাহাদের ধান পাওয়া যায় না। যাহাদের আছে তাহারাও সকলে দেয় না স্বতরাং ধান লইয়া ক্ষৌরির কারবার ছাড়িয়া সে নগদ কারবার শুরু করিয়াছে। হরুঠাকুর কামাইতে গিয়াছিল—তারা নাপিত পয়সা চাহিয়াছিল! খানিকটা বকাইয়া অবশেষে ‘পয়সা দিব’ বলিয়াই হরুঠাকুর কামাইতে বসে।

অনিরুদ্ধ বলিল—তারা নাপিত—একে নাপিতধূর্ত, তায় তারা। আধখানা কামিয়ে বলে—কই, পয়সা দাও ঠাকুর। হরু বলে—কাল দোব। তারাও অমনি ক্ষুর ভাঙ গুটিয়ে ঘরে ঢুকে বলে দিয়েছে—তা হলে আজ থাক—কাল বাকীটা কামিয়ে দেব। এই চেষ্টামেচি গালাগালি—হিন্দী ফাসী ইংরেজী। গায়ের লোকেরা সব আবার জটলা পাকাচ্ছে।

অনিরুদ্ধ আবার প্রবল কৌতুকে হাসিয়া উঠিল এবং সে হাসির তোড়ে তাহার মুখের ভাত ছিটাইয়া উঠানময় হইয়া গেল।

পদ্মের খানিকটা শুচি-বাতিক আছে; তাহার হাঁ-হাঁ করিয়া উঠিবার কথা, কারণ সব উচ্ছিষ্ট হইয়া যাইতেছে। কিন্তু আজ সে কিছুই বলিল না। অনিরুদ্ধের এত হাসিতেও সে এতক্ষণের মধ্যে একবার হাসে নাই। কথাটা অনিরুদ্ধের অকস্মাৎ মনে হইল। সে গভীর বিস্ময়ে পদ্মের মুখের দিকে চাহিয়া প্রশ্ন করিল—তোরা আজ কি হল বল দেখি?

দীর্ঘনিঃশ্বাস ফেলিয়া পদ্ম বলিল—ছিন্ন পালের বউ শুকিয়ে এসেছিল।

—কে ? কিয়ন্নে অনিৰুদ্ধ সচকিত হইয়া উঠিল।

—ছিন্ন পালের বউ গো। তারপর ধীরে ধীরে সমস্ত কথাগুলি বলিয়া পদ্ম কাপড়ের খুঁটে-বাঁধা নোট দুইখানি দেখাইল।

অনিৰুদ্ধ নীরব হইয়া রহিল।

পদ্ম আবার দীর্ঘনিঃশ্বাস ফেলিয়া বলিল—আহা, মায়ের প্রাণ।

অনিৰুদ্ধ আরও কিছুক্ষণ স্তব্ধ হইয়া থাকিয়া অকস্মাৎ গা-ঝাড়া দিয়া উঠিয়া পড়িল, যেন বাঁকি দিয়াই নিজেকে টানিয়া তুলিল; বলিল—বাবাঃ! রাজ্যের কাজ বাকী পড়ে গিয়েছে। এইবার থেয়ে-দেয়ে দেড় ক্রোশ পথ ছুটতে হবে।

পদ্ম কোন কথা বলিল না। অনিৰুদ্ধ হাতমুখ ধুইয়া মশলা মুখে দিয়া একটা বিড়ি ধরাইল। এবং একমুখ হাসিয়া বলিল—একখানা নোট আমাকে দে দেখি !

পদ্ম অকুণ্ঠিত করিয়া অনিৰুদ্ধের মুখের দিকে চাহিল। অনিৰুদ্ধ আরও খানিকটা হাসিয়া বলিল—লোহা আর ইম্পাত কিনতে হবে পাঁচ টাকার। ছিরে শালাকে টাকা দিতে খদ্দেরের পাঁচ টাকা ভেঙেছি। আর—

পদ্ম কোন কথা না বলিয়া একখানা নোট অনিৰুদ্ধের সম্মুখে ফেলিয়া দিল।

অনিৰুদ্ধ কুড়াইয়া লইয়া হাসিয়া বলিল—আমি নিজে একটি—। মাইরি বলছি—একটি টাকার এক পয়সা বেশী পয়সা খরচ করব না। কতদিন খাই নাই তুই বল ?

অর্থাৎ মদ।

তবু পদ্ম কোন কথা বলিল না। অকস্মাৎ যেন অনিৰুদ্ধের উপর তাহার মন বিরূপ হইয়া উঠিয়াছে।

ছন্ন

হরু ঘোষালের আধখানা দাড়ি কামাইয়া বাকীটা রাখিয়া দেওয়ান তার নাগিতের যতই পরিহাস রসিকতা প্রকাশ পাইয়া থাকুক এবং গ্রামের লোকে প্রথমটা হরু ঘোষালের সেই অর্ধনারীশ্বরবৎ রূপ দেখিয়া হাসিয়া ব্যাপারটা যতই হাস্যকর করিয়া তুলুক,—প্রতিক্রিয়ার পালাটা কিন্তু সহজ ও আদৌ হাস্যকর হইল না; অত্যন্ত ঘোরালো এবং গম্ভীর হইয়া উঠিল।

হরিশ মণ্ডল প্রবাণ মাতব্বর ব্যক্তি—লোকটির সূক্ষ্ম বোধশক্তিও আছে। সে-ই প্রথম বলিল—হাসিস না তোরা, হাসির ব্যাপার এটা নয়। গাঁয়ের অবস্থাটা কি হ'ল একবার ভেবে দেখেছিল ?

সকলেই হাসির বেগের প্রবলতা খানিকটা সংবরণ করিয়া হরিশের মুখের দিকে চাহিল। হরিশ গম্ভীরভাবে বলিল—ঘোর অরাজক।

ভবেশ পাল—ছিন্নর কাকা—স্থূল ব্যক্তি, তবুও বুদ্ধিমত্তার ভান তাহার আছে, সে-ও

গভীর হইয়া বলিল—তা বটে !

দেবনাথ হাসি-তামাসায় যোগ দিবার মত লোক নয় ;—সে ব্যাপারটা অহুমান করিয়া লইয়া বলিল—এ আপনারা আটকাবেন কি করে ? গাঁয়ের জোটান আছে আপনাদের ? ওই কামার-ছুতোরের প্ৰকাহতি আসরে ছিক দ্বারিক চৌধুরীর অপমান করলে, চৌধুরী উঠে চলে গেল ; জগন ডাক্তার তো এলই না—উণ্টে অনিচ্ছাকে উল্লেখ দিলে ।

ভবেশ একটা দীর্ঘনিঃশ্বাস কেলিয়া বলিল—হরিনাম সত্য হে ! ‘কলিশেষে একবর্ষ হইবে যবন’—একি আর মিথ্যা কথা বাবা ? এমনি করেই ধন-কন্য জাত-জন্ম সব যাবে ।

হরিশ বলিল—ওদিকে লুটনী দাই কি বলছে জান ? আমার বউমায়ের ন’মাস চলছে তো ! তাই বলে পাঠিয়েছিলাম যে, রাত-বিরেতে কোথাও যদি ঘাস তবে আগে খবর দিয়ে ঘাস যেন ! তা বলেছে—আমাকে কিন্তু নগদ বিদেয় করতে হবে ।

গভীর চিন্তায় বিভোর হইয়া ভবেশ বলিল—হঁ ।

হরিশ বলিল—রাজা বিনে রাজ্যনাশ যে বলে—কথাটা মিথ্যে নয় । আমাদের জমিদার যে হয়েছে সে থেকেও না থাকা !

দেবনাথ সঙ্গে সঙ্গে বলিল—জমিদারের কথা বাদ দেন । জমিদার আমাদের খারাপ কিসের ? এ কাজ তো জমিদারের নয়—আপনাদের । আপনারা কই শক্ত হয়ে বসে ডাকুন দেখি মজলিস । ঘাড় হেঁট করে সবাইকে আসতে হবে । আসবে না—চালাকি নাকি ? বিপদ-আপদ কি নাই তাদের ? লোহাতে মুড় বাঁধিয়ে ঘর করে সব ? চৌধুরীকে ডাকুন—জগন ডাক্তারকে ডাকুন—ডেকে আগে ঘর বুঝুন । তারপর, কামার, ছুতোর, বায়েন, দাই, ধোপা, নাপিত এদের ডাকুন ; আর গ্রায্য বিচার করুন । তাদের পাওনাটা কড়ায়গুণ্ডায় পাবার ব্যবস্থা করতে হবে ।

হরিশ মাতঙ্গরদের মুখের দিকে চাহিয়া বলিল—এ দেবনাথ কিন্তু বলেছেন ভাল । কি বলেন গো সব ?

ভবেশ বলিল—উত্তম কথা ।

নটবর বলিল—হ্যাঁ, তাই করুন তা হলে ।

দেবনাথের উৎসাহের সীমা ছিল না, সে বলিল—আজই বহু ন সব সন্ধ্যার সময় । আমি আসব ক’রে দিচ্ছি, জ্বলের চল্লিশ বাতির আলো দিচ্ছি ; খবরও দিচ্ছি সকলকে । কি বলছেন সব ?

হরিশ আবার সকলের দিকে চাহিয়া জিজ্ঞাসা করিল—কি গো ?

—তা বেশ । খানিকটা তামাক আর আগুনের যোগাড় রেখো বাপু ।

* * * *

বহুকাল পর চণ্ডীমণ্ডপের আটচালাটা আবার আলোকোজ্জ্বল হইয়া গ্রাম্য-মজলিসে জমিয়া উঠিল । ত্রিশ বৎসর পূর্বেও এই আটচালা ও চণ্ডীমণ্ডপ এমনি ভাবে নিত্য সন্ধ্যায় জমজমাট হইয়া উঠিত । গ্রাম্য-বিচার হইত, সংকীৰ্ত্তন হইত, পাশা-দাবাও চলিত, গ্রাম্যখানির

সলাপরামর্শের কেন্দ্রস্থল ছিল এই চণ্ডীমণ্ডপ ও আটচালা। গ্রামে কাহারও কোন হুটুপ সজ্জন আসিলে—এই চণ্ডীমণ্ডপেই বসানো হইত। ক্রিয়া কর্ম—অন্নপ্রাশন, বিবাহ, শ্রাদ্ধ—সবই এইখানে অনুষ্ঠিত হইত। কালগতিক ধূলার অবলেপনে অবলুপ্তপ্রায় বহু বহুধারার চিহ্ন এখনও শিবমন্দিরের দেওয়ালে এবং চণ্ডীমণ্ডপের খামের গায়ে অঙ্কিত দেখা যায়। তখন গ্রামে ব্যক্তিগত বৈঠকখানা বা বাহিরের ঘর কাহারও ছিল না। জগন ডাক্তারের পূর্বপুরুষ—জগনের পিতামহই কবিরাজ হইয়া বাহিরের ঘর বা বৈঠকখানার পত্তন করিয়া-ছিল। প্রথমে সে অবশ্য এই চণ্ডীমণ্ডপে বসিয়াই রোগী দেখিত। তারপর অবস্থার পরিবর্তনের জন্তও বটে এবং জমিদারের গোমস্তার সঙ্গে কি কয়েকটা কথাবার্তার জন্তও বটে—কবিরাজ, ঔষধালয় ও বৈঠকখানা তৈয়ারী করিয়া ঔষধালয় খুলিল এবং সেখানে পান ও তামাকের সাম্রল্যে মজলিস জমাইয়া চণ্ডীমণ্ডপের মজলিসে ভাঙন ধরাইয়া দিল। তারপর ক্রমে ক্রমে অনেকের বাড়ীতেই একটি করিয়া বাহিরের ঘরের পত্তন হইয়াছে। সেইগুলিকে কেন্দ্র করিয়াই সমগ্র গ্রাম জুড়িয়া এখন অনেকগুলি ছোট ছোট মজলিস বসে। কেহ কেহ বা একাই একটি আলো জালিয়া সম্মুখের অন্ধকারের দিকে চাহিয়া চুপ করিয়া বসিয়া থাকে। তবে এখনও জগন ডাক্তারের ওখানেই মজলিসটি বড় হয়। জগনের রূঢ় দাস্তিকতা সত্ত্বেও রোগীর বাড়ীর লোকজন সেখানে যায়; আরও কয়েকজন যায়—ডাক্তারের অর্ধসাপ্তাহিক খবরের কাগজের সংবাদের প্রত্যাশায়। দেবনাথ ঘোষ এত বিকল্পতা সত্ত্বেও যায়। সে-ই টাঁংকার করিয়া কাগজ পড়ে, অল্প সকলে শোনে। অসহযোগ আন্দোলন তখন শেষ হইয়াছে, স্বরাজ-পার্টির উগ্র বক্তৃতায় এবং সমালোচনায় কাগজের স্তম্ভগুলি পরিপূর্ণ। শ্রোতাদের মনে চমক লাগে—স্থিতিগতি পল্লীবাসীর রক্তে যেন একটা উষ্ণ শিহরণ অনুভূত হয়।

আজ চণ্ডীমণ্ডপের মজলিসে দেবনাথই সকলকে সম্ভাষণ জানাইতেছিল, সে-ই উত্তোলা; মজলিস আরম্ভ হইবার পূর্ব হইতেই আসর সে বেশ জমাইয়া তুলিয়াছে। চণ্ডীমণ্ডপের বাহিরের দেবস্থলের আঙিনায় পুরানো বকুলগাছটি গ্রামের বসন্তালা, একটি বাহুদেব-মূর্তি সেখানে গাছের শিকড়ের বন্ধনে একেবারে আঁটিয়া বসিয়া আছে; সেইটিই বসীদেবী বলিয়া পূজিত হয়। সেখানে একটা মোটা শুকনা ডাল জালিয়া আগুন করা হইয়াছে। আগুনের চারিপাশে গ্রামের জনকতক হরিজন আসিয়া বসিয়া গিয়াছে। ভদ্র সজ্জনেরা প্রায় সকলেই আসিয়াছে। কেবল দ্বারকা চৌধুরী, জগন ডাক্তার, ছিক পাল এবং আরও দু-একজন এখনও আসে নাই।

চল্লিশ বাতির আলোয় আলোকিত চণ্ডীমণ্ডপটির উপরের দিকে চাহিয়া ভবেশ বলিল—
দেখতে বেশ লাগছে বাপু।

হরিশও একবার চারিদিক দেখিয়া লইয়া বলিল—এইবার কিন্তু একবার মেয়ামত করতে হবে চণ্ডীমণ্ডপটিকে। বলিয়া সে সপ্রশংসকণ্ঠে বলিল—কি কাঠামো দেখ দেখি! ওঃ—কি কাঠ।

দেবনাথ বলিল—বড়দলে কি খেলা আছে জানেন—ঘাবলপ্রাকমেদিনী। মানে চন্দ্র-

স্বর্ধ-পৃথিবী যতদিন থাকবে, এও ততদিন থাকবে।

—তা থাকবে বাপু! বলিহারি বলিহারি! ভবেশ পাল অকারণে উজ্জ্বলিত এবং প্লকিত হইয়া উঠিল।

ঠিক এই সময়েই ধারকা চৌধুরী লাঠি হাতে ঠুক ঠুক করিয়া আসিয়া বলিলেন—ওঃ তব যে বড় জোর গো!

দেবনাথ ব্যস্ত হইয়া উঠিয়া গেল, জগন ডাক্তার ও ছিন্নর জন্ত আবার সে ছুটি ছেলেকে দু'জনের কাছে পাঠাইয়া দিল। কিন্তু জগন ডাক্তার আসিল না, সে স্পষ্ট বলিয়া দিয়াছে—তাহার সময় নাই। চোখে চশমা লাগাইয়া সে নাকি খবরের কাগজ পড়িতেছে। ছিন্নর আসে নাই; তাহার জ্বর হইয়াছে, তবে সে বলিয়াছে—‘পাঁচ জনে যা করবেন তাই আমার মত’।

ছিন্নর এই অযাচিত বিনয়ে দেবনাথ অত্যন্ত আশ্চর্য হইয়া গেল।

* * * *

ছিন্নর কথাটা অস্বাভাবিকতা-দোষে দুষ্ট; বিনয়ের ধার ছিন্ন পাল ধারে না। জ্বর তাহার হয়ই নাই। সে নির্মম আক্রোশে গর্তের ভিতরকার আহত অজগরের মত মনে মনে পাক থাইয়া ঘুরিতেছিল। বাড়ীর ভিতরে দাওয়ার উপর উবু হইয়া বসিয়া সে প্রকাণ্ড বড় ছাঁকাটায় ক্রমাগত একঘেয়ে টান টানিয়া ঘাইতেছিল ও প্রথর নির্নিমেষ দৃষ্টিতে উঠানের একটা বিন্দুর উপর দৃষ্টি নিবদ্ধ করিয়া বসিয়া ছিল। নানা চিন্তা তাহার মাথার মধ্যে ঘুরিতেছে।

—‘ঘরে আগুন লাগাইয়া দিলে কি হয়!’ মনটা আনন্দে চঞ্চল হইয়া উঠে। পরক্ষণেই মনে হয়, না। সত্ত্ব সত্ত্ব আক্রোশের বশে একটা-কিছু করিয়া বসিলে আবার হয়ত ফ্যাসাদে পড়িতে হইবে। আজই পঞ্চাশ টাকা জমাদার বন্ধুকে দিতে হইয়াছে। তাই লইয়া তাহার মা এখনও গজ গজ করিয়া তাকে গালি পাড়িতেছে।

—মব্ব, তুই মব্ব রে। এমন রাগ তোর! একটু সবুর নাই! হাঁদা—গাডোল গোঁয়ার কোথাকার, পঞ্চাশ টাকা আমার থলু থলু করে বেরিয়ে গেল! আমার বৃকে বাঁশ চাপিয়ে দে তুই—আমার হাড় জুড়োক।

শ্রীহরি সে দিকে কানই দিতেছে না। অল্প সময় হইলে এতক্ষণে সে বুড়ীর চুলের মূর্তা ধরিয়া উঠানে আছাড় মারিয়া ফেলিয়া নির্মম প্রহার আরম্ভ করিত। কিন্তু আজ সে নিহুর প্রতিহিংসার চিন্তায় একেবারে মগ্ন হইয়া গিয়াছে।

অনিরুদ্ধ ওপার হইতে রাত্রি ন’টা-দশটার সময় ফেরে। অন্ধকারে অতর্কিত আক্রমণে—না—সঙ্গে গিরীশ ছুতোর থাকে! থাকিলেই বা, দুজনকে ঘামেল করিয়া দেওয়াই বা এমন কি কঠিন? শ্রীহরিরও মিতে আছে। মিতে গভাক্রী সানন্দে তাকে সাহায্য করিবে।

পরক্ষণেই সে চমকিয়া উঠিল। ধরা পড়িলে ফাঁসি হইয়া যাইবে। তাহার সে চমক এত স্পষ্টভাবে পরিস্ফুট যে তাহার কণিদৃষ্টি বুড়ী মা পর্যন্ত দেখিয়া ফেলিল। অত্যন্ত রুঢ় ভাষায় সে বলিল—মব্ব মুখপোড়া! ছোট ছেলের মত চমকে উঠে যেন দেয়লা করছে।

শ্রীহরি অত্যন্ত কঠিন দৃষ্টিতে মায়ে দিকে একবার ফিরিয়া চাহিল, পরক্ষণেই দৃষ্টি ফিরাইয়া হঁকা হইতে কঙ্কটা নামাইয়া দিয়া বলিল—এই! গুনচিস্? কঙ্কটা পাণ্টে দিগ্নে যা।

কথাটা বলা হইল তাহার স্ত্রীকে। ছিকর স্ত্রী রন্ধনশালে তাভের হাঁড়ির দিকে চাহিয়া বসিয়া ছিল। পাশেই ল্যাম্পের আলোয় ছিকর বড় ছেলেটা বই খুলিয়া একদৃষ্টে বাপের দিকে চাহিয়া বসিয়া আছে। শীর্ণ, ক্লম্ব, বছর দশেকের ছেলেটা—গলায় এক বোকা মাদুলী—বড় বড় চোখে অদ্ভুত স্থির মৃঢ় দৃষ্টি। চিন্তাগ্রস্ত বাপের প্রতিটি ভঙ্গিয়া সে লক্ষ্য করিতেছে। শ্রীহরির ছোট ছেলেটা প্রায় পঙ্গু এবং বোকা, সেটাও একপাশে বসিয়া আছে—মুখের লালায় সমস্ত বুকটা অনবরত ভিজিতেছে। বড় ছেলেটি উঠিয়া আসিয়া কঙ্কটা লইয়া গেল। শ্রীহরি ছেলেটার দিকে একবার চাহিল। ছেলেটা অদ্ভুত, শ্রীহরির মার খাইয়াও কাঁদে না, স্থিরদৃষ্টিতে চাহিয়া থাকে। ছেলেটার জন্ম এখন তাহার মাকে প্রহার করা কঠিন হইয়া উঠিয়াছে। মাকে ঘেন আগলাইয়া ফেরে! মারিলে পশুর মত হিংস্র হইয়া উঠে। সেদিন সে প্রহাররত শ্রীহরির পিঠে একটা সূচ বিঁধাইয়া দিয়াছিল। ছেলেটার দিক হইতে দৃষ্টি ফিরাইয়া শ্রীহরি স্ত্রীর দিকে চাহিল—বিশীর্ণ গৌরবর্ণ মুখখানা উনানের আগুনের আভায় লাল হইয়া উঠিয়াছে—চামড়ায় ঢাকা ককালসার মুখ! শ্রীহরি দৃষ্টি ফিরাইয়া লইল।

—হ্যা, আর এক উপায় আছে! অনিরুদ্ধের অগুপস্থিতিতে পাচিল ডিঙাইয়া পদ্ম কামারনৌকে বাঘের মত মুখে করিয়া’—। শ্রীহরির বুকখানা ধক ধক করিয়া লাফাইতে লাগিল। দীর্ঘাঙ্গা সবলদেহী কামারনার সেই না-খানা কিছু বড় শানিত! চোখের দৃষ্টি তাহার শীতল এবং ক্রুর। সেদিন দা-খানার রৌদ্র প্রতিকলিত ছটায় ছিকর চোখ ধাঁধিয়া গিয়াছিল।

বায়েনদের হুর্গা।—কামারনার চেয়ে দেখিতে অনেক শ্রী। যৌবন তাহার উজ্জ্বলিত; দেহবর্ণে সে গৌরা; রন্ধরসে, লাল-লাগ্তে সে অপক্লপা। কিন্তু সে বহুভোগ্যা, সেই কারণেই তাহার আকর্ষণ শ্রীহরিকে আর তেমন বিচলিত করে না। হুর্গার দাদা পাতু আবার তাহার নামে জমিদারের কাছে নালিশ করিয়াছে। স্পর্ধা দেখ বায়েনের! শ্রীহরির মুখে তাক্ষিল্যের ব্যঙ্গ হাস্য ফুটিয়া উঠিল। জমিদারের ছেলের সোনার নিমকলের গোষ্ঠ তাহার কাছে বন্ধক আছে। অকস্মাৎ শ্রীহরি উঠিয়া দাঁড়াইল।

শ্রীহরির স্ত্রী কঙ্কতে নতুন তামাক সাজিয়া আনিয়া নামাইয়া দিল। কিন্তু তামাক শ্রীহরিকে আর আকর্ষণ করিল না। দেওয়ালে-পোতা পেরেকে ঝুলানো জামাটা হইতে বিড়ি-দেশলাই বাহির করিয়া লইয়া সে চলিয়া গেল। অন্ধকার গলি-পথে-পথে ঘুরিয়া সে হরিজন-পল্লীর প্রান্তে আসিয়া উপস্থিত হইল।

প্রাচণ্ড কলরব উঠিতেছে। পল্লীর প্রান্তে বহুকালের বৃক বহুলগাছ, গ্রামের ধর্মরাজতলা—সেখানে প্রতি সন্ধ্যায় উহাদের মঞ্জলি বসে। গান-বাজনা হয়, ভাসান, বোলান, ঘেঁটুগানের মহলা চলে—আবার এক-একদিনে দুর্নিবার কলহও বাধিয়া উঠে। আজ কলহ বাধিয়াছে।

শ্রীহরি একটা গাছের অন্ধকারের মধ্যে আত্মগোপন করিয়া কান পাতিয়া শুনিতে আরম্ভ করিল।

পাতু বাইনই আফালন করিয়া চীৎকার করিতেছে।

দুর্গারও তীক্ষ্ণ-কণ্ঠের আওয়াজ উঠিতেছে—ভাত দেবার ভাতার লয়, কিল মারার গোসাই। দাদা সাজছে, দা-দা! মারবি ক্যানে তু! আমার যা খুশি আমি তাই করব। হাজার নোক আসবে আমার ঘরে, তোর কি? তোর ভাত আমি খাই?

সঙ্গে সঙ্গে দুর্গার মা-ও চীৎকার করিতেছে। শ্রীহরি হাসিল,—ওঃ। এ যে তাহাকে লইয়াই আলোলন চলিতেছে।

সহসা একটা মতলব তাহার মাথায় খেলিয়া গেল। গাছের আড়াল হইতে বাহির হইয়া সে নিশেধে অগ্রসর হইল দুর্গাদের বাড়ির দিকে। বকুল গাছটার ওপাশে পল্লীটা থা থা করিতেছে। মেয়ে পুরুষ সব গিয়া জুটিয়াছে ওই গাছতলায়। শ্রীহরি স্তম্ভর্ণবে ঢুকিয়া পড়িল দুর্গাদের বাড়ীতে। বাড়ী অর্থে প্রাচীর বেটনহীন এক টুকরো উঠানের দুই দিকে দু'খানা ঘর; একখানা দুর্গা ও দুর্গার মায়ের, অপরখানা পাতুর। শ্রীহরির তাকদুটি পাতুর ঘরখানার দিকে। শ্রীহরি হতাশ হইল। দরজাটা বন্ধ—দাওয়াটাও শূন্য।

একটা কুকুর অকস্মাৎ গৌঁ গৌঁ শব্দ করিয়া ছুটিয়া পলাইয়া গেল। বোধ হয় চুরি করিয়া কাঁচা চামড়ার টুকরা খাইতে আসিয়াছিল। শ্রীহরি হাসিয়া একটা বিড়ি ধরাইল, স্বকৌশলে হাতের মধ্যে সেটাকে সম্পূর্ণভাবে লুকাইয়া টানিতে টানিতে বাহির হইল। দুর্গার জন্ম কতক্ষণ অপেক্ষা করিতে হইবে কে জানে? আবার সে গাছের আড়ালে আসিয়া দাঁড়াইল।

ওদিকে কিন্তু ঝগড়াটা ক্রমশই প্রবলতর হইয়া উঠিতেছে। শ্রীহরি আবার একটা বিড়ি ধরাইল। কিছুক্ষণ পরে সে গাছতলা হইতে বাহির হইয়া জবস্ত বিড়িটা পাতুর চালের মধ্যে গুঁজিয়া দিয়া দ্রুত লঘুপদে আপন বাড়ীর দিকে চলিয়া গেল।

ওদিকে চণ্ডীমণ্ডপেও ভদ্র সজ্জনদের প্রবল আলোচনা চলিতেছে।

শ্রীহরি হাসিল।

কিছুক্ষণ পরেই গ্রামের উত্তরলোকে অন্ধকার আকাশ রক্তাভ আলোয় ভয়াল হইয়া উঠিল। আকাশের নক্ষত্র মিলাইয়া গিয়াছে। উৎক্ষিপ্ত খড়ের জলন্ত অন্ধার আকাশে উঠিয়া ফুলঝুরির মত নিভিয়া যাইতেছে। মাঝে মাঝে হাউই-এর মত প্রজ্জলিত-বাথারিগুলি সশব্দে বাগানের মাথায় ঠিকরাইয়া পড়িতে লাগিল। আগুন! আগুন! ভয়াবহ চীৎকার—শিশু ও নারীর উচ্চ কান্নার রোলে শূন্যলোকের বায়ুতরঙ্গ মূখর, তারাক্রান্ত হইয়া উঠিল।

নিমেষে বকুলতলার জটলা এক তাহার পরই চণ্ডীমণ্ডপের মজলিশ ভাঙ্গিয়া গেল।

সাত

একা পাতুর ঘর নয়, পাতুর ঘরের আগুন ক্রমশ বিস্তৃত হইয়া সমস্ত হরিজন-পল্লীটাকেই পোড়াইয়া দিল ! বড় বড় গাছের আড়াল পাইয়া থান দুই-তিন ঘর কোন রকমে বাঁচিয়াছে। বাকি ঘরগুলি অতি অল্প সময়ের মধ্যেই পুড়িয়া গিয়াছে। সামান্য কুটারের মত নিচু-নিচু ছোট-ছোট ঘর—বাঁশের হালকা কাঠামোর উপর অল্প খড়ের পাতলা ছাউনি ; কাক্তিকের প্রথম হইতে বৃষ্টি না হওয়ায় রোদে শুকাইয়া বাকুদের মত দাছ বস্তু হইয়াই ছিল ; আগুন তাহাতে স্পর্শ করিবার মাত্র বিক্ষোভের মতই অগ্নিকাণ্ড ঘটয়া গেল। গ্রামের লোক অনেকেই ছুটিয়া আসিয়াছিল—বিশেষ করিয়া অল্পবয়সী ছেলের দল। তাহারা চেষ্টাও অনেক করিয়াছিল, কিন্তু জল তুলিবার পাত্রের অভাব এবং বহিমান সন্ধীর্ণ চালাগুলিতে দাঁড়াইবার স্থানের অভাবে তাহারা কিছু করিতে পারে নাই। তাহাদের মুখপাত্র ছিল জগন ডাক্তার। অগ্নিদাহের সমস্ত সময়টা চীৎকার করিয়া সেনাপতির মত আদেশ দিয়া ও উপদেশ বাংলাইয়া এমন গলা ফাটাইয়া ফেলিল যে, আগুন নিবিত্তে নিবিত্তে তাহার গলায় আগুয়াজও বসিয়া গেল।

রাতে উহাদের সকলকে চণ্ডীমণ্ডপে আসিয়া গুইতে অনুমতি দেওয়া হইল ; কিন্তু—আশ্চর্য মাত্র উহারা—কিছুতেই ওই পোড়া ভিটার মায়া ছাড়িয়া আসিল না। সমস্ত রাত্রি পোড়া ঘরের আশেপাশে কোনরূপে স্থান করিয়া লইয়া হেমন্তের এই শীতজরুর রাত্রিটা কাটাইয়া দিল। ছেলেগুলো অবশ্য ঘুমাইল ; মেয়েগুলো গানের মত সুর করিয়া বিনাইয়া বিনাইয়া কাঁদিল, আর পুরুষেরা পরস্পরকে দোষ দিয়া নিজের রুতিয়ের আক্ষালন করিল এবং দক্ষগৃহের আগুন তুলিয়া ক্রমাগত তামাক খাইল।

প্রায় ঘরেই দু-একটা গরু দুই-চারিটা ছাগল আছে ; আগুনের সময় সেগুলোকে তাহারা ছাড়িয়া দিয়াছিল। সেগুলো এদিকে-ওদিকে কোথায় গিয়া পড়িয়াছে—রাতে সন্ধানের উপায় নাই। হাঁস-মুরগীও প্রত্যেকের ছিল ; তাহার কতকগুলো পুড়িয়াছে, চোখে দেখা না গেলেও গন্ধে তাহা অনুমান করা যায়। যেগুলো পলাইয়া বাঁচিয়াছে—সেগুলো ইতিমধ্যেই আসিয়া আপন আপন গৃহস্থের জটিলার পাশে পালক ফুলাইয়া যথাসম্ভব দেহ সঙ্কুচিত করিয়া বসিয়া গেল। অল্প সম্পদের মধ্যে কতকগুলো মাটির হাঁড়ি, দুই-চারিটা পিতল-কাঁসার বাসন, হেঁড়া-কাপড়ে তৈয়ারী জীর্ণমলিন দুর্গন্ধযুক্ত কয়েকখানা কাঁথা ও বালিশ, মাদুর চ্যাটাই, মাছ ধরিবার পলুই, দু-চারখানা কাপড়—তাহার কতক পুড়িয়াছে বা পোড়া-চালের দাইয়ের মধ্যে চাপা পড়িয়াছে। যে যাহা বাহির করিয়াছে—সে সেগুলি আপনার পরিবার বেটনীর মাঝখানে—যেন সকলে মিলিয়া বুক দিয়া বিরিয়া রাখিয়াছে। শেষরাত্রের হিমেল তীক্ষ্ণতায় কুণ্ডলী পাকাইয়া সকলে কিছুক্ষণের জগু কাতর ক্লাস্তির নীরবতার মধ্যে কখন নিদ্রাচ্ছন্ন হইয়া পড়িয়াছিল।

সকাল হইতেই জাগিয়া উঠিয়া মেয়েরা আর একদফা কাঁদিয়া শোকোচ্ছ্বাস প্রকাশ করিতে বসিল। একটু রোদ উঠিতেই কোমর বাঁধিয়া মেয়ে-পুরুষে পোড়া খড়ের ছাইগুলা বুড়িতে করিয়া আপন আপন সারগাদায় ফেলিয়া ঘর দুয়ার পরিষ্কার করিতে লাগিয়া গেল। পাকা-কাঠগুলি একদিকে গাঢ় করিয়া রাখা হইল; পরে জালানির কাজে লাগিবে। ছাইয়ের গাদায় ভিত্তর হইতে চাপা-পড়া বাসন যাহার যাহা ছিল—সেগুলি স্বতন্ত্র করিয়া রাখিল। এ সমস্ত কাজ ইহাদের মুখস্থ। গৃহের উপর দিয়া এমন বিপর্যয় ইহাদের প্রায়ই ঘটিয়া থাকে। প্রবল বর্ষা হইলেও ঘরগুলির জীর্ণ-আচ্ছাদন খুবড়াইয়া ভাঙ্গিয়া পড়ে, নদীর বীদ ভাঙিলে বস্তার জল আসিয়া পাড়াটা ডুবাইয়া দেয়, ফলে দেওয়ালহুক ঘরগুলি ধ্বসিয়া পড়ে। মধ্যে মধ্যে জালানির জন্ত সংগৃহীত শুকনা পাতায় তামাকের আগুন ও জ্বলন্ত বিড়ির টুকরা ফেলিয়া মজ্জ-নিভোর নিশীথে নিজেরাই ঘরে আগুন লাগাইয়া ফেলে। সব বিপর্যয়ের পর সংসার গুছাইবার শিক্ষা এমনি করিয়া পুরুষাতন্ত্রমেই ইহাদের হইয়া আসিতেছে। ঘর-দুয়ার পরিষ্কারের পর আহাধের ব্যবস্থা করিতে হইবে। গত সন্ধ্যার বাসি ভাতই ইহাদের সকালের খাণ্ড, ছোট ছেলে-দের মুড়ি দেওয়া হয়; কিন্তু ভাত বা মুড়ি সবই নষ্ট হইয়া গিয়াছে। ছোট বাচ্চাগুলো ইহারই মধ্যে চাঁৎকার আরম্ভ করিয়া দিয়াছে—কিন্তু তাহার আর উপায় নাই। দুই-একজন মা ছোট ছোট ছেলেমেয়েগুলার পিঠে দুম-দাম করিয়া কিল-চড় বসাইয়া দিল।—রাক্ষসদের প্যাটে যেন আগুন লেগেছে। মরু মরু তোরা, মর!

ঘরদুয়ার পরিষ্কার হইয়া গেলে মনিব-বাড়ী যাঁহাতে হইবে—তবে আহাধের ব্যবস্থা হইবে। মনিবেরা এসব ক্ষেত্রে চিরকালই তাহাদিগকে সাহায্য করিয়া থাকেন। এ পাড়ার প্রায় সকলেই চাষীদের অধীনে থাকে—বাঁধা বাৎসরিক, বেতন বা উৎপন্ন ভাগের চুক্তিতে শ্রমিকের কাজ করে। কেহ কেহ পেট-ভাতায় বা মাসে ভাতের হিসাব মত ধান লইয়া থাকে এবং ছোটগুলো পেট-ভাতায় বৎসরে চারখানা সাত হাত কাপড় লইয়া রাখালি করে। অপেক্ষাকৃত বয়স্ক ছেলেরা মাসে আট আনা হইতে এক টাকা পর্যন্ত মাহিনা পায়-ধানের পরিমাণও তাহাদের বেশী। পূর্ণ জোয়ানদের অধিকাংশই উৎপন্নের এক-তৃতীয়াংশ পাইবার চুক্তিতে চাষে শ্রমিকের কাজ করে। মনিব সমস্ত চাষের সময়টা ধান দিয়া ইহাদের সংসারের সংস্থান করিয়া দেয়—ফসল উঠিলে ভাগের সময় হুদ-সমেত ধান কাটিয়া লয়। হুদের হার প্রায় শতকরা পঁচিশ হইতে ত্রিশ পর্যন্ত। অজন্মার বৎসরের এই ঋণ শোধ না হইলে আসল এবং হুদ এক করিয়া তাহার উপর আবার ঐ হারে হুদ টানা হয়। এই প্রথার মধ্যে অজন্ম কিছু ইহার বা বোধ করে না—বরং সন্তোষ আনুগত্যের ভাবই অন্তরে ইহার জন্ম পোষণ করে। দায় দৈবে মনিবেরা যে সাহায্য করেন—সেইটাই অতিরিক্ত করুণা। সেই করুণার ভরসাতেই আহাধের চিন্তায় এখন তাহারা খুব ব্যাকুল নয়। মেয়েরাও অবস্থাপন্ন চাষীর-গৃহস্থের ঘরে সকালে-বিকালে বাসন মাজে, আবর্জনা ফেলিয়া পাঠ-কাম করে। মেয়েরাও সেখান হইতে কিছু কিছু পাইবে। এ ছাড়া দুধের দাম কিছু কিছু পাওনা আছে। সে

পাওনা কিন্তু গ্রামে নয়। চাষীর গ্রামে চাষীদের স্বরের দ্রুত হয়। হরিজনেরা তাদের গরুর দুধ পাশের বড়লোকের গ্রাম কল্লণায় গিয়া বেচিয়া আসে। ঘুঁটেও সেখানে বিক্রয় হয়। কেহ কেহ জংশনে যায়।

পাতুর কিন্তু এসব ভরসা নাই। সে জাতিতে বায়েন বা বাতকর অর্থাৎ মুচি। তাহার কিছু চাকরান জমি আছে। গ্রামের সরকারী শিবতলা, কালীতলা এবং পাশের গ্রামে চণ্ডীতলায় নিত্য ঢাক বাজায়। সেই হেতু বৎসরে দেবোত্তর সম্পত্তির কিছু ধান সে পিতামহদের আমল হইতে পাইয়া আসিতেছে। নিজের দুইটা হেলে বলদ আছে—তাই দিয়া সে নিজের জমির সঙ্গে ঐ কল্লণার ভদ্রলোকের কিছু জমিও ভাগে চাষ করিয়া থাকে। এ ছাড়া ভাগাড়ের মরা গরু-মহিষের চামড়া ছাড়াইয়া পূর্বে সে চামড়া-ব্যবসায়ী শেখদের বিক্রয় করিত। আপদে-বিপদে তাহারাই দু'চারি টাকা দান-স্বরূপ দিত। কিন্তু সম্প্রতি জমিদার ভাগাড় বন্দোবস্ত করায় এ দিকের আয় তাহার অনেক কমিয়া গিয়াছে। নেহাৎ পারিশ্রমিক অর্থাৎ তিন-চার আনা মজুরি ছাড়া কিছুই পাওয়া যায় না। ইহা লইয়া চামড়া-ওয়ালার সঙ্গে মনাস্তরও হইয়াছে। সে কি আর এ সময় সাহায্য করিবে? যে ভদ্রলোকের জমি ভাগে চাষ করে, সে কিছু দিলেও দিতে পারে; কিন্তু ভদ্রলোক খং না লেখাইয়া কিছু দিবে না। সেও অনেক হাঙ্গামার ব্যাপার। খংকে পাতুর বড় ভয়। শেষ পর্যন্ত নালিশ করিয়া বাড়ীটা লইয়া বসিলে সে যাইবে কোথায়? পৃথিবীর মধ্যে তাহার সম্পত্তি এই বাড়ীটুকু।

আপন মনে ভাবিতে ভাবিতে পাতু দ্রুত গতিতে ছাই জড় করিয়া চলিয়াছিল। ছিক পালের কাছে সেদিন মার খাইয়া তাহার মনে যে উত্তেজনা জাগিয়া উঠিয়াছিল—সে উত্তেজনা দিন দিন বাড়িয়াই চলিয়াছে। সে উত্তেজনাবশেই সেদিন অমরকুণ্ডার মাঠে দ্বারকা চৌধুরীর কাছে ছিক পাল সম্পর্কে আপনার সহোদরা দুর্গার যে কলঙ্কের কথা প্রকাশ করিয়া নালিশ করিয়াছিল তাই লইয়াই গত সন্ধ্যায় স্বজাতির মধ্যে তাহার যথেষ্ট লালন হইয়াছে। স্বজাতির কথাটা লইয়া ষোঁট পাকাইয়া তাহাকে প্রশ্ন করিয়াছিল—তুমি তো আপন মুখেই এই কলঙ্কার কথা চৌধুরী মহাশয়ের কাছে বলেছ, জমিদারের কাছারীতে বলেছ। বলেছ কি না?

—হ্যাঁ, বলেছি!

—তবে? তুমি পতিত হবে না কেন, তা বল?

কথাটা পাতুর ইহার পূর্বে ঠিক খেয়াল হয় নাই। সে চমকিয়া উঠিয়াছিল। কিছুক্ষণ চূপ করিয়া থাকিয়া সে হন হন করিয়া বাড়ী চলিয়া গিয়া দুর্গার চুলের মুঠি ধরিয়া হিড় হিড় করিয়া টানিয়া তাহাকে মজলিশের সম্মুখে হাজির করিয়াছিল। ধাক্কা দিয়া দুর্গাকে মাটির উপরে কেলিয়া দিয়া বলিয়াছিল—‘সে কথা এই হারামজাদী ছেনালুকে শুধাও। ভিত্ত ভাতে বাপ পড়লী; আমি ওর সঙ্গে পেথকার।’

দুর্গার পেছনে পেছনে তাহার মা চাঁৎকার করিতে করিতে আসিয়াছিল; সকলের

শিচ্ছেন পাতুর বিড়ালীর মত বউটাও গুন গুন করিয়া কাঁদিতে কাঁদিতে আসিয়াছিল। তারপর সে এক চরম অশ্লীল বাক-বিতণ্ডা। শৈবিলী দুর্গা উচ্চকণ্ঠে পাড়ার প্রত্যেকটি মেয়ের কুকাঁতিব গুপ্ত ইতিহাস প্রকাশ করিয়া পাতুর মুখের ওপর সদন্তে ঘোষণা করিয়া বলিয়াছিল—‘ঘর আমার, আমি নিজের রোজগারে করেছি, আমার খুশী যার ওপর হবে—সেই আমার বাড়ী আসবে। তোর কি? তাতে তোর কি? তু আমাকে খেতে দিস, না, দিবি? আপন পরিবারকে সামলাস তু।’

পাতু আরও ঘা কতক লাগাইয়া দিয়াছিল। পাতুর বউটি ঘোমটার ভিতর হইতে তীক্ষ্ণকণ্ঠে ননদকে গাল দিতে শুরু করিয়াছিল। মজলিশের উত্তাপের মধ্যে উত্তেজিত কলরব হাতাহাতির সামান্য বোধ করি গিয়া পৌঁছিয়াছিল—ঠিক এই সময়েই আগুন জলিয়া উঠে।

এই দুই দিনের উত্তেজনা, তাহার উপর এই অগ্নিদাহের কলে গৃহহীনতার অপরিমেয় দুঃখ তাহাকে রুদ্ধমুখ আগ্নেয়গিরির মত করিয়া তুলিয়াছিল। সে নীরবেই কাজ করিয়া চলিতেছিল, এমন সময় তাহার বউ-এর ছিচকান্না তাহার কানে গেল। সে এতক্ষণে ছাগল-গরুগুলিকে অদূরবর্তী খেজুরগাছগুলার গোড়ায় খোঁটা পুঁতিয়া দিল। তাহার পর হাঁসগুলিকে নিকটবর্তী পুকুরের জলে নামাইয়া দিয়া, স্বামীর কাজে সাহায্য করিতে আসিল। সঙ্গে সঙ্গে সেই গুনগুনানির কান্নার রেশও টানিয়া চলিল। পাতু হিংস্র জানোয়ারের মত দাঁত বাহির করিয়া গর্জন করিয়া উঠিল—‘গ্ৰাই দেখ, মিহি গলায় আর ঢং করে কাঁদিস না বলছি। মেরে হাড় ভেঙে দোব—হ্যা।’

ঘর পুড়িয়া যাওয়ার দুঃখে এবং সমস্ত রাত্রি কষ্টভোগের ফলে পাতুর বউয়ের মেজাজও খুব ভাল ছিল না, সে বচুবিড়ালীর মত হিংস্র ভঙ্গিতে ফাঁস করিয়া উঠিল—‘ক্যানে, ক্যানে আমার হাড় ভেঙে দিবি শুনি? বলে—‘দরবারে হেরে, মাগকে মারে ধরে’—সেই বিস্তাস্ত। নিজের ছেনাল বোনকে কিছু বলবার ক্ষোভতা নাই—

পাতুর আর সন্ত হইল না, সে বাঘের মত লাক দিয়া বউকে মাটিতে ফেলিয়া তাহার বুকে বসিয়া গলা টিপিয়া ধরিল। তাহার সমস্ত কাণ্ডজ্ঞান তখন লোপ পাইয়া গিয়াছে।

পাতুর ঘরের সম্মুখেই—একই উঠানের ওপাশে দুর্গা ও তাহার মায়ের ঘর। তাহারাও ঘরের ছাই পরিষ্কার করিতেছিল। বউয়ের কথা শুনিয়া দুর্গা দংশনোত্তত সাপিনীর মতই ঘুরিয়া দাঁড়াইয়াছিল, পাতুর নির্ধাতন-ব্যবস্থা দেখিয়া বিজ্ঞভাবে ভাইকেই বলিল—‘হ্যা, বউকে একটুকুন শাসন কর, মাথায় তুলিস না।’

সেই মুহূর্তেই জগন ভাস্করের ধরা-গলা শোনা গেল, সে হাঁ হাঁ করিয়া বলিল—‘ছাড়, ছাড়, হারামজাদা বায়েন, মরে যাবে যে।’

কথা বলিতে বলিতে ভাস্কর আসিয়া পাতুর চুলের মুঠি ধরিয়া আকর্ষণ করিল। পাতু বউকে ছাড়িয়া দিয়া হাঁপাইতে হাঁপাইতে বলিল—‘দেখেন দেখি হারামজাদীর আশ্পদা, ঘরে আগুন-টাগুন লাগিয়ে—

—জল আন, জল। জলদি, হারামজাদা গোঁয়ার—বলিয়া জগন হাঁটু গাড়িয়া বসিয়া পড়িল। বউটা অচেতন হইয়া অসাড়ের মত পড়িয়া আছে। ডাক্তার ব্যস্ত হইয়া নাড়ী ধরিল।

পাতু এবার শব্দিত হইয়া বুঁকিয়া বউয়ের মুখের দিকে চাহিয়া অকস্মাৎ এক মুহূর্তে হাউ হাউ করিয়া কাদিয়া উঠিল—ওগো, আমি বউকে যেতে ফেললাম গো।

পাতুর মা সঙ্গে সঙ্গে চীৎকার করিয়া উঠিল—ওরে বাবা, কি করলি রে ?

ডাক্তার ব্যস্ত হইয়া বলিল—ওরে জল,—শীগগির জল আন।

দুর্গা ছুটিয়া জল লইয়া আসিল। সে বউয়ের মাথাটা কোলে তুলিয়া লইয়া বসিয়া বৃকে হাত বুলাইতে আরম্ভ করিল ; ডাক্তার ছপাছপ জলের ছিটা দিয়া বলিল—কই, মুখে মুখ দিয়ে ফুঁ দে দেখি দুগ্গা।

কিন্তু ফুঁ আর দিতে হইল না, বউ আপনিই একটা দীর্ঘনিঃশ্বাস ফেলিয়া চোখ মেলিয়া চাহিল। কিছুক্ষণ পরে সে উঠিয়া বসিয়া কাদিতে আরম্ভ করিল—আমাকে আর কাকুর মেমতা করতে হবে না রে, সংসারে আমার কেউ লাই রে। গলা তাহার ধরিয়া গিয়াছে, আঙুল বাহির হয় না ; তবু সে প্রাণপণে চীৎকার আরম্ভ করিল।

* * * *

জগন ডাক্তার কতগুলি ঘর পুড়িয়াছে গণনা করিয়া নোটবুকে লিখিয়া লইল ; কতগুলি মানুষ বিপন্ন তাহাও লিখিয়া লইল। খবরের কাগজে পাঠাইতে হইবে। ম্যাজিস্ট্রেট সাহেবের কাছে একটা আবেদনের খসড়া সে ইতিপূর্বেই করিয়া ফেলিয়াছে : স্থানীয় চার-পাঁচখানা গ্রামের অধিবাসীদের নিকট হইতে ভিক্ষা করিয়া খড়, বাঁশ, চাল, পুরানো কাপড়, অর্থ সংগ্রহের জন্ত একটা সাহায্য সমিতি গঠনের কল্পনাও মনে মনে ছকিয়া ফেলিয়াছে।

এ পাড়ার সকলকে ডাকিয়া ডাক্তার বলিল—সব আপন আপন মনিবের কাছে যা, গিয়ে বল—ছুটো করে বাঁশ, দশ গুণ্ডা করে খড়, পাঁচ-সাত দিনের মত খোরাকি আমাদের দিতে হবে। আর যা লাগবে—চেয়ে-চিন্তে আমি যোগাড় করছি। ম্যাজিস্ট্রেট সাহেবের কাছে একটা দরখাস্ত দিতে হবে—আমি লিখে রাখছি, ও বেলায় গিয়ে সব টিপসই দিয়ে আসবি।

সকলে চূপ করিয়া রহিল, ম্যাজিস্ট্রেটের নামে তাহার ভড়কাইয়া গিয়াছে। সাহেব-স্ববাকে ইহার দণ্ডশূণ্ডের কর্তা বলিয়াই জানে, কনস্টেবল দারোগার উপরওয়াল হিসাবে ম্যাজিস্ট্রেটের নামে তাহাদের আতঙ্ক বহুগুণ বাড়িয়া যায়। তাহার কাছে দরখাস্ত পাঠাইয়া আবার কোন ফ্যাসাদ বাধিবে কে জানে !

জগন বলিল—বুঝলি আমার কথা ? চূপ করে রইলি যে সব !

এবার সতীশ বাউড়ি বলিল—আজ্ঞে সায়েবের কাছে—

—হ্যাঁ, সায়েবের কাছে—

—শেষে, আবার কি-না কি ফ্যাসাদ হবে মশার !

—ফ্যাসাদ কিসের রে ? জেলার কর্তা, প্রজার হুখ-দুঃখের ভার তাঁর ওপর । দুঃখের কথা জানালেই তাকে সাহায্য করতে হবে ।

—আজ্ঞে, উ মশায়—

—উ আবার কি ?

—আজ্ঞে, কনস্টেবল-দারোগা-থানা-পুলিস টানা-ই্যাচড়া-কৈফেত—সে মশায় হাজার হাজার !

ডাক্তার এবার ভীষণ চট্টিয়া গেল । তাহার কথায় প্রতিবাদ করিলে সে চট্টিয়াই যায় । তাহার উপর এই লোক-হিতৈষণা উপলব্ধ করিয়া ম্যাজিস্ট্রেটের সহিত পরিচিত হওয়ার একটা প্রবল বাসনা তাহার ছিল । স্থানীয় ইউনিয়ন বোর্ডের সভ্যশ্রেণীভুক্ত হইবার আকাঙ্ক্ষা তাহার অনেক দিনের ; কেবলমাত্র মান-মর্যাদা লাভের জন্তই নয়, দেশের কাজ করিবার আকাঙ্ক্ষাও তাহার আছে । কিন্তু কঙ্কণার বাবুর্চাই ইউনিয়ন বোর্ডের সমস্ত সভ্য পদগুলি দখল করিয়া রহিয়াছে । ইউনিয়নের সমস্ত গ্রামগুলিই কঙ্কণার বিভিন্ন বাবুদের জমিদারি । গতবার জগন ঘোষ বোর্ডের ইলেকশনে নামিয়া মাত্র তিনটি ভোট পাইয়াছিল । সরকার তরফ হইতে মনোনীত সভ্যপদগুলিও কঙ্কণার বাবুদের একচেটিয়া । সাহেব-সুবোরা উহাদিগকেই চেনে, কঙ্কণাতেই তাহারা আসে যায়, সভ্য-মনোনয়নের সময়ও এই দরখাস্তগুলিই মঞ্জুর হইয়া যায় । এই কারণে এমন একটি পরহিত-ব্রতের ছুতা লইয়া ম্যাজিস্ট্রেট সাহেবের সহিত দেখা করিবার সঙ্কল্পটি ডাক্তারের বহু আকাঙ্ক্ষিত এবং পরম কাম্য । সেই সঙ্কল্প পূরণের পথে বাধা পাইয়া ডাক্তার ভীষণ চট্টিয়া উঠিল । বলিল—তবে মবু গে তোরা, পচে মবু গে । হারামজাদা মুখ্যর দল সব ।

—কি, হ'ল কি ডাক্তার—বলিয়া ঠিক এই মুহূর্তটিতেই বৃদ্ধ দ্বারকা চৌধুরী পিছনের গাছ-পালার আড়াল অতিক্রম করিয়া সম্মুখে আসিয়া উপস্থিত হইল । চৌধুরী ইহাদের এই আকস্মিক বিপদে-সহায়ত্বভূতি প্রকাশ করিতে আসিয়াছেন । এ তাঁহাদের পূর্বপুরুষের প্রবর্তিত কর্তব্য । সে কর্তব্য আজও তিনি যথাসাধ্য পালন করেন । ব্যবস্থাটার মধ্যে দয়ারই প্রাধান্য, কিন্তু প্রেমও থানিকটা আছে ।

ডাক্তার চৌধুরীকে দেখিয়া বলিল—দেখুন না, বেটাদের মুখ্যমি । বলছি, ম্যাজিস্ট্রেট সায়েবের কাছে একটা দরখাস্ত কর । তা, বলছে কি জানেন ? বলছে,—থানা-পুলিস-দারোগা সায়েব-সুবো—বেজায় হাজারিমা ।

চৌধুরী বলিল—তা, মিছে বলে নাই—এর জন্তে আর সায়েব-সুবো কেন ভাই ? গায়ের পাঁচজনের কাছ থেকেই তো ওদের কাজ হয়ে যাবে ! ধর, আমি ওদের প্রত্যেককে দু'গুণা ক'রে খড় দোব, পাঁচটা বাঁশ দোব ; এমন ক'রে—

ডাক্তার আর শুনিল না, হন হন করিয়া সে চলিতে আরম্ভ করিল । যাইবার সময় সে বলিয়া গেল—যাস্ বেটার এর পর আমার কাছে । আরও কিছুদূর আসিয়া আবার দাঁড়াইয়া চীৎকার করিয়া বলিল—কাল রাতে কে কোথায় ছিল রে ? কাল রাতে ? চৌধুরীর কথায়

সে বেজার চট্টা গিয়াছে।

চৌধুরী একটু চিন্তা করিয়া বলিল—তা দরখাস্ত করতেই বা দোষ কি বাবা সতীশ ? ডাক্তার যখন বলছে। আর সাত্ত্বের যদি দম্বাই হয়—সে তো তোমাদেরই মঙ্গল ! তাই বরং তোমরা যেও ডাক্তারের কাছে।

সতীশ বলিল—হাঙ্গামা কিছু হবে না তো চৌধুরী মশায় ? আমাদের সেই ভয়টাই বেশী নাগছে কিনা।

—ভয় কি ? হাঙ্গামাও কিছু হবে বলে তো মনে নেয় না বাবা ! না—না—হাঙ্গামা কিছু হবে না—

অপরাত্তে সকলে দল বাঁধিয়া ডাক্তারের কাছে হাজির হইল। আসিল না কেবল পাতু।

ও বেলার ক্রুদ্ধ ডাক্তার এ বেলায় তাহাদের আসিতে দেখিয়া খুশী হইয়া উঠিয়াছিল ; বেশ করিয়া সকলকে দেখিয়া লইয়া বলিল—পাতু কই, পাতু ?

সতীশ বলিল—পাতু আজ্ঞে আসবে না। সে মশাই গাঁয়েই থাকবে না বলছে।

—গাঁয়েই থাকবে না ? কেন, এত রাগ কেন রে ?

—সে মশায় সেই জানে। সে আপনার,—উপারে জংশনে গিয়ে থাকবে। বলে যেখানে খাটবে সেখানেই ভাত।

—দেবোত্তরের জমি ভোগ করে যে !

—জমি ছেড়ে দেবে মশায়। বলে ওতে পেটই ভরে না, তা উ-কি হবে। উ-সব বড়নোকের কথা ছেড়ে দেন। পাতু বাঙ্গেন আমাদের বড়নোক উকিল ব্যালেক্টারের সামিল।

—আহা তাই হোক। সে বড়নোকই হোক। তোমার মুখে ফুলচন্দন পড়ুক। দলের পিছনে ছিল দুর্গা, সে ফৌস করিয়া উঠিল। তারপর বলিল—সে যদি উঠেই যায় গাঁ থেকে, তাতে নোকের কি শুনি ? উকিল ব্যালেক্টার—সাত-সতেরো বলা ক্যানে শুনি ? সে যদি চলেই যায়—তাতে তো ভাল হবে তোদেরই। ভিক্ষের ভাগ তোদের মোটা হবে।

জগন ডাক্তার ধমক দিয়া উঠিল—ধাম, ধাম দুর্গা।

—ক্যানে, ধামবে ক্যানে ? কিসের লেগে ? এত কথা কিসের ?—বলিয়াই সে মুখ কিরাইয়া আপনার পাড়ার দিকে পথ ধরিল।

—ওই ! এই দুর্গা, টিপ-সই দিয়ে যা !

—না—

—তা হলে কিন্তু সরকারী টাকার কিছুই পাবি না তুই।

এবার ঘুরিয়া দাঁড়াইয়া মুখ মুচকাইয়া দুর্গা বলিল—আমি টিপ-সই দিতে আসি নাই গো। ডোন্নার তালগাছ বিক্রি আছে শুনে এসেছিলাম কিনতে। গতর থাকতে ভিখ মাড়ব ক্যানে ? গলায় দড়ি। সে আবার মুহুর্তে ঘুরিয়া আপনার মনেই পথ চলিতে আরম্ভ করিল।

পথে বাশ-জন্তলে ঘেরা পাল-পুকুরের কোণে আসিয়া দুর্গা দেখিল বাশবনের আড়ালে শ্রীহরি পাল দাঁড়াইয়া আছে। দুর্গা হাসিয়া দুই হাত জড়ো করিয়া একটা পরিমাণ ইজিতে দেখাইয়া বলিল—টাকা চাই! এই এতগুলি! ধর করব। বুঝেছ?

শ্রীহরি কথাটা গ্রাহ্য করিল না, প্রশ্ন করিল—কিসের দরখাস্ত হচ্ছে রে?

—ম্যাজিস্ট্রেট সায়েবের কাছে। ঘর পুড়ে গিয়েছে—তাই।

শ্রীহরি শুনিবামাত্র অকারণে চমকিয়া উঠিল, পরক্ষণেই মুখখানা ভয়ঙ্কর করিয়া তুলিয়া চাপা গলায় বলিল,—তাই আমাকে হবে করে দরখাস্ত করছে বুঝি শালা ভাত্তার? শালাকে—

দুর্গার বিশ্বাসের সীমা রহিল না। সে শ্রীহরিকে চেনে। ছিফ পাল ছোট খোকার মত দেয়ালা করিয়া অকারণে চমকিয়া উঠে না। স্থির তীক্ষ্ণদৃষ্টিতে ছিফর মুখের দিকে চাহিয়া থাকিতে থাকিতেই অপরাধীকে চিনিয়া ফেলিল এবং বলিল,—হ্যাঁ গো, তুমিই যে দিয়েছ আগুন!

শ্রীহরি হাসিয়া বলিল,—কে বললে দিয়েছি। তুই দেখেছিস? সে আর কথাটা দুর্গার কাছে গোপন করিতে চাহিল না।

দুর্গা বলিল,—ঠাকুর ঘরে কে রে? না, আমি তো কলা খাই নাই। সেই বৃত্তান্ত। হ্যাঁ দেখেছি বৈকি আমি।

—চুপ কর, এতগুলো টাকাই দোব আমি।

দুর্গা আর উত্তর করিল না। ঠোট বাকাইয়া বিচিত্র দৃষ্টিতে শ্রীহরির দিকে মুহূর্তের জন্ত চাহিয়া দেখিয়া আপন পথে চলিয়া গেল। দম্ভহীন মুখে হাসিয়া ছিফ তাহার গমন-পথের দিকে চাহিয়া রহিল।

আট

দুর্গা বেশ স্ত্রী জগঠন মেয়ে। তাহার দেহবর্ণ পৃথক গৌর, যাহা তাহাদের স্বভাবের পক্ষে যেমন দুর্বল তেমনি আকর্ষক। ইহার উপর দুর্গার রূপের মধ্যেও এমন একটা বিশ্বকর মাদকতা আছে, যাহা সাধারণ মানুষের মনকে মুগ্ধ করে মত্ত করে—দুর্নিবারভাবে কাছে টানে।

পাতু নিজেই হারকা চৌধুরীকে বলিয়াছিল—আমার মা-হারামজাদীকে তো জানেন? হারামজাদীর স্বভাব আর গেল না।

দুর্গার রূপের আকর্ষকতা পাতুর মায়ের সেই স্বভাবের জীবন্ত প্রমাণ।

এই স্বভাব ধমনের জন্ত কোন কঠোর শাস্তি বা পরিবর্তনের জন্ত কোন আদর্শের সন্ধান ইহাদের সমাজে নাই। অল্পবয়সে উচ্ছ্বলতা, বামীর পৃথক দেখিয়াও দেখে না। বিশেষ করিয়া উচ্ছ্বলতার সহিত যদি উচ্চবর্ণের সজ্জন অবস্থার পুরুষ জড়িত থাকে তাহা হইলে তো তাহার বোবা হইয়া যায়। কিন্তু দুর্গার উচ্ছ্বলতা সে-সীমাকেও অতিক্রম করিয়া

গিয়াছে! সে দুর্বল স্বচ্ছাচারিণী; উর্ব্বা অথঃলোকের কোন সীমাকেই অতিক্রম করিতে তাহার বিধা নাই। নিশীথ রাত্রে সে কঙ্কণার জমিদারের প্রেমোদভবনে যায়, ইউনিয়ন বোর্ডের প্রেসিডেন্টকে সে জানে; লোকে বলে দারোগা, হাকিম পর্বত তাহার অপরিচিত নয়। সেদিন ডিব্রুই বোর্ডের ভাইস-চেয়ারম্যান মুখার্জী সাহেবের সহিত সে গভীর রাত্রে পরিচয় করিয়া আসিয়াছে, দকাদার শরীররক্ষীর মত সঙ্গে সঙ্গে গিয়াছিল। দুর্গা ইহাতে অহঙ্কার বোধ করে, নিজেকে স্বাভাৱীদের অপেক্ষা শ্রেষ্ঠ মনে করে; নিজের কলঙ্ক সে গোপন করে না। এ স্বভাবের জন্ত লোকে দায়ী করে তাহার মা নাকি কল্যাকে স্বামী পরিত্যাগ করাইয়া এই পথ দেখাইয়া দিয়াছে। কিন্তু দায়ী তাহার মাননয়। তাহার বিবাহ হইয়াছিল কঙ্কণায়। দুর্গার শাণ্ডী কঙ্কণার এক বাবুর বাড়ীতে ঝাড়ুদারগীর কাজ করিত। একদিন শাণ্ডীর অস্থখ করিয়াছিল—দুর্গা গিয়াছিল শাণ্ডীর কাজে। বাবুর বাড়ীর চাকরটা সকল কাজের শেষে তাহাকে ধমক দিয়া বাবুর বাগানবাড়ী ঝাঁট দিবার জন্ত একটা নির্জন ঘরে ঢুকাইয়া দিয়াছিল। ঘরটা কিন্তু নির্জন ছিল না। জনের মধ্যে ছিলেন স্বয়ং গৃহস্বামী বাবু। সজ্ঞ হইয়া দুর্গা ঘোমটা টানিয়া দরজার দিকে ফিরিল, কিন্তু একি? এ যে বাহির হইতে দরজা কে বন্ধ করিয়া দিয়াছে।

ঘটাখানেক পরে সে কাপড়ের খুঁটে-বাঁধা পাঁচ টাকার একখানি নোট লইয়া বাড়ী ফিরিল। আতঙ্কে, অশান্তিতে ও ঘানিতে এবং সেই সঙ্গে বাবুর দুর্লভ অল্পগ্রহ ও এই অর্থপ্রাপ্তির আনন্দে—পথ ভুল করিয়া, সেই পথে পথেই সে পলাইয়া আসিয়াছিল আপন মায়ের কাছে। কারণ সে বাবুর কাছে শুনিয়াছিল এই যোগসাজশটি তাহার শাণ্ডীর। সব শুনিয়া মায়ের চোখেই বিচিত্র দৃষ্টি ফুটিয়া উঠিয়াছিল; একটা উজ্জ্বল আলোকিত পথ সহসা যেন তাহার চোখের সম্মুখে উদ্ভাসিত হইয়া উঠিল—সেই পথই সে কল্যাকে দেখাইয়া দিয়া বলিল, যাক আর স্বপ্নরবাড়ী যেতে হবে না। তাহার পর হইতে দুর্গা সেই পথ ধরিয়া চলিয়াছে। সেই পথেই আলাপ হইয়াছে ছিক পালের সঙ্গে।

ছিক পালের সহিত দুর্গার আলাপ অনেক দিনের; কিন্তু সবকটা একান্তভাবে দেওয়া-নেওয়ার সীমামার মধ্যেই গভীবন্ধ। তাহার প্রতি এতটুকু কোমলতা কোনদিন তাহার ছিল না। আজ এই নূতন আবিষ্কারে তাহার প্রতি দুর্গার দারুণ ঘৃণা ও আক্রোশ জন্মিয়া গেল। পাতুর সহিত তাহার যতই বিরোধ থাক, জাতি-জাতিদের যতই সে হীন ভাবুক—আজ তাহাদের জন্ত সে ক্ষমতাই অর্জুভব করিল। সারাপথ সে কেবলি ভাবিতে লাগিল—ছিক পালের মদের সঙ্গে গন্ধা-বিষ মিশাইয়া দিলে কেমন হয়?

—ভাকার কি বললে, পাছ বেচবে?—প্রশ্নটা করিল দুর্গার মা। চিন্তা করিতে করিতে দুর্গা কখন যে আসিয়া বাড়ী পৌঁছিয়াছে—খেরাল ছিল না।

সচকিত হইয়া দুর্গা উত্তর দিল—না।

—বেচবে না ?

—জিজ্ঞাসা করি নাই।

—স্বরণ ! গেলি ক্যান্নে তবে ঢং করে ?

দুর্গা একবার কেবল তির্যক তীব্র দৃষ্টিতে মায়ের দিকে চাহিল, কথার কোন জবাব দিল না। হয়তো কোন প্রয়োজন বোধ করিল না।

কস্তার দেহবিক্রয়ের অর্থে যে মা বাঁচিয়া থাকে তাহার কাছে এ তীব্র দৃষ্টির শাসন অলঙ্কার। দুর্গার চোখেও তীব্র দৃষ্টি দেখিয়া মা সঙ্কুচিত হইয়া চুপ করিয়া গেল ; কিছুক্ষণ পর আবার বলিল—হামুহু শ্রাথ পাইকার এসেছিল।

দুর্গা এবারও কথার উত্তর দিল না।

মা আবার বলিল—আবার আসবে, ধর্মরাজতলায় পাড়ার নোকের সঙ্গে কথা কইছে।

দুর্গা এবার বলিল—ক্যান্নে ? কি দরকার তার ? আমি বেচব না গরু ছাগল। দুর্গার একপাল ছাগল আছে, কয়েকটা গাই এবং একটা বলদ-বাহুরও আছে।

হামুহু শেখ পাইকার গরু-বাহুর কেনা-বেচা করিয়া থাকে। হুতরাং অগ্নিকাণ্ডের খবর পাইয়া শেখ নিজেই ছুটিয়া এ-পাড়ায় আসিয়াছে। এখন এই পাড়ার অনেকে ছাগল-গরু বেচিবে। এ পাড়ায় সে ছাগল-গরু কেনে, প্রয়োজন হইলে চার আনা আট আনা হইতে দু'চার টাকা পর্যন্ত অগ্রিমও দেয়। পরে ছাগল-গরু লইয়া টাকাটা হুদ সমেত শোধ লইয়া থাকে। আজও সে আসিয়াছে ছাগল-গরু কিনিতে, দু'একজনকে অগ্রিমও দিবে, এত বড় বিপদে এই দারুণ প্রয়োজনের সময় ইহাদের জন্ত হামুহু কর্ত্ত করিয়া টাকা লইয়া আসিয়াছে। দুর্গার পালিত বলদ-বাহুরটার জন্য হামুহু অনেকদিন হইতে ভোবামোদ করিতেছে কিন্তু দুর্গা বেচে নাই। আজ সে আবার আসিয়াছে এবং দুর্গার মাকে গোপনে চার আনা পরগাও দিয়াছে। সপ্তাহ হইলে, পশ্চিম মুখে দাঁড়াইয়া আরও চার আনা দিবার প্রতিশ্রুতিও হামুহু দিয়াছে। মেয়ের কথাটা মায়ের মোটেই ভাল লাগিল না—খানিকটা ঝাঁজ দিয়া বলিল—বেচবি না তো, ঘর কিসে হবে তুনি ?

—তোয় বাবা টাকা দেবে বুঝলি হারামজাদী। আমি আমার শাখাবাখা বেচব। দুর্গা দুই চারিখানা সোনার গহনাও গড়াইয়াছে ; অত্যন্ত সামান্য অবশ্য কিন্তু তাহাই ইহাদের লক্ষে স্বপ্ন-লাকল্যের কথা।

দুর্গার মা এবার বিফোদক রঙের মত কাটিয়া পড়িবার উপক্রম করিল। কিন্তু দুর্গা তাহাতে দমিবার মেয়ে নয়, সে জিজ্ঞাসা করিল—ক'আনা নিয়েছিল হামুহু শ্রাথের কাছে ? আমি কিছু বুঝি না মনে করেছিল ! ধান-চালের তাত আমি খাই না, লয় ?

বিফোদনের মুখেই দুর্গার মা প্রচণ্ড বর্ষণে যেন ভিজিয়া নিজের হইয়া পড়িল। সে অকস্মাৎ কাঁদিতে আরম্ভ করিল, প্যাটের মেয়ে হয়ে তু এত বড় কথাটা আমাকে বলিল !

দুর্গা থাঙ্ক করিল না, বলিল—খাক, ঢের হয়েছে। এখন দাদা কোথায় গেল কলতে পারিল ? বুউচাই মা গেল কোথায় ?

মা আপন মনেই ক্লিাপ করিয়া কাঁদিতে আরম্ভ করিল, দুর্গার প্রেমের উত্তর তাহার মধ্যেই ছিল—গভ্যে আমার আগুন ধরে দিতে হয় যে! নেকনে আমার পাখর দ্বারতে হয় রে! জ্যাণ্ডে আমার দধে দধে মারলে রে! যেমন বেটা ভেমনি বিটা রে! বিটা বলছে চোর। আর বেটা হল জ্যাশের বার! জ্যাশের লোক ভালপাতা কেটে আপন আপন ঘর ঢাকলে, আর আমার বেটা গাঁ ছেড়ে চললো। মরুক, মরুক ড্যাকরা—এই অজ্ঞানের গীতে সারিপাত্তিক মরুক!

এবার অত্যন্ত রুচন্বরে দুর্গা বলিল—বলি, রান্না-বান্না করবি, না, প্যান প্যান করে কাঁদবি? পিণ্ডি গিলতে হবে না?

—না, মা রে; আর পিণ্ডি গিলব না, মা রে; তার চেয়ে আমি গলায় দড়ি দোব রে। দুর্গার মা বিনাইয়া বিনাইয়া জবাব দিল।

দুর্গা মুখে কিছু বলিল না, উঠিয়া ঘরের ভিতর হইতে একগাছা গকবাঁধা দড়ি লইয়া মায়ের কোলের কাছে কেলিয়া দিয়া বলিল, লে, তাই দেগা গলায়, যা! তারপর সে পাড়ার মধ্যে চলিয়া গেল আগুনের সন্ধানে।

হরিজন-পল্লীর মজলিশের স্থান—এই ধর্মরাজ ঠাকুরের বকুলগাছতলা। বহুদিনের প্রাচীন বকুলগাছটি পত্রপল্লবে পরিধিতে বিশাল; কাণ্ডটার অনেকাংশ শূন্যগর্ত এবং বহুকাল পূর্বে কোন প্রচণ্ড বড়ে অর্ধোৎপাটিত ও প্রায় ভূমিশায়ী হইয়া পড়িয়া আছে, কিন্তু বিশ্বাসের কথা, সেই গাছ আজও বাঁচিয়া আছে। ইহা নাকি ধর্মরাজের আশ্রয় মহিমা! এমন শাস্তিত অবস্থায় কোথায় কোন্ গাছকে কে জীবিত দেখিয়াছে? গাছের গোড়ায় তুপীকৃত মাটির বোড়া; মানত করিয়া লোকে ধর্মরাজকে বোড়া দিয়া যায়, বাবা বাত ভাল করিয়া থাকেন। আশপাশের ছায়াবৃত স্থানটি বারোমাস পরিচ্ছন্নতায় তক্ত-তক্ত করে। পল্লীর প্রত্যেক প্রভাতে একটি করিয়া মাড়ুলী দিয়া যায়; সেই মাড়ুলীগুলি পরস্পরের সহিত যুক্ত হইয়া—গোটা স্থানটাই নিকানো হয়। হাম্ভু শেখ সেইখানে বসিয়া পল্লীর লোকজনের সঙ্গে গন্ধ-ছাগল সওদার দরদস্তর করিতেছিল। পাঁচ-সাতটা ছাগল, দুইটা গরু অদূরে বাধিয়া রাখিয়াছে; সেগুলি কেনা হইয়া গিয়াছে।

পুরুষেরা সকলেই গিয়াছে জগন ডাক্তারের ওখানে। হাম্ভুর কারবার চলিতেছে মেয়েদের সঙ্গে। মেয়েরা কেহ মালো, কেহ পিনো, কেহ দিদি, কেহ চাচো, কেহ বা ভাবী! হাম্ভু একটা খালী লইয়া এক বাউড়া ভাবীর সঙ্গে দর করিতেছিল—ইহার গায়ে কি আছে, তুই বল ভাবী, সেরেক খালটা আর হাড় ক'খানা। পাঁচ স্তার গোস্তও হবে না ইয়াতে। জোর স্তার তিনেক হবে। ইয়ার দাম পাঁচ সিকা বলেছি—কি অস্তায় বলেছি বল? পাঁচজন্য তো রয়েছে—বলুক পাঁচজন্য। আর এই অসময়ে লিবেই বা কে বল? গরজ এখন তুর, না, গরজ পরের, তু বুঝ কেনে!—বলিতে বলিতেই সে চাঁৎকার করিয়া ডাকিল—ও দুর্গা দিদি, শুন্ গো শুন্। তোর বাবী পাঁচবার গেলার। শুন্—শুন্!

০৫০

দুর্গা আঙনের সন্ধানেই পাড়ায় বাহির হইয়াছিল, সে দূর হইতেই বলিল—বেচব না আমি।

—আরে না বেচিল, শুন্—শুন্। তুকে বেচতে আমি বলি নাই।

—কি বলছ বল?—দুর্গা আগাইয়া আসিয়া দাঁড়াইল।

—আরে বাপ রে! দিদি যে একেবারে ঘোড়ায় সওয়ার হয়ে আসি গো।

—তাই বটে। কিরে গিয়ে আমাকে রাঁধতে হবে। কি বলছ, বল?

—ভাল কথাই বলছি ভাই; বলছি ঘরে টিন দিবি? সন্ধানে আমার সস্তায় টিন আছে।

—টিন?

—হ্যাঁ গো! একেবারে লতুন! কলওয়ালারা বেচবে, কিনবি? একেবারে নিশ্চিন্তি। দেখ্।

গোটা চল্লিশ-পঞ্চাশ টাকা।

দুর্গা কয়েক মুহূর্ত ভাবিল। মনশ্চক্ষে দেখিল তাহার ঘরের উপর টিনের আচ্ছাদন—রোদের ছটায় রূপার পাতের মত বকমক করিতেছে। কিন্তু পরমুহূর্তেই সে আত্মসংবরণ করিয়া বলিল—উহ! না।

—তুর টাকা না থাকে আমাকে ইয়ার পরে দিল। ছ'মাস, এক বছর পরে দিল।

দুর্গা হাসিয়া ঘাড় নাড়িয়া বলিল—উহ! ও বলদের নামে তুমি হাত ধোও, হামু ভাই।

ও আমি এখন ছ'বছর বেচব না।—বলিয়া দেহের একটা দোলা দিয়া চলিয়া গেল।

আঙন লইয়া বাড়ী ফিরিয়া দুর্গা দেখিল—দড়িগাছটা সেইখানেই পড়িয়া আছে, যা সেটা পর্শ করে নাই। উনানে আঙন দিয়া এখন সে পাতুর সঙ্গে বচলায় নিবৃত্ত। বড় বড় দুই বোঝা ভালপাতা উঠানে ফেলিয়া পাতু হাঁপাইতেছে এবং মায়ের দিকে ক্রুদ্ধ বাঘের মত চাহিয়া আছে। পাতুর বউ কাঠকুঠা কুড়াইয়া জড় করিতেছে, রান্না চড়াইবে।

দুর্গা বিনা ভূমিকায় বলিল,—বউ, রান্না আর করতে হবে না। আমিই রাঁধছি, একসঙ্গেই খাব সব।

পাতু দুর্গার দিকে চাহিয়া বলিল—দেখ দুগ্গা দেখ! মায়ের মুখ দেখ! যা মন চায় তাই বলছে! ভাল হবে না কিন্তুক!

—তা আমিই বা কি করব বল? এতক্ষণ তো আমার সঙ্গেই লেগেছিল। মা যে! গন্তো ধরেছে মাখা কিনেছে! তাড়িয়ে দিতেও নাই, খুন করতেও নাই—মারধোর করলেও পাপ।

—একশো বার। তোর কথার কাটান্ নাই কিন্তুক, ই গাঁয়ে থাকব কি স্থখে—তুই বল দেখি?

—সত্যিই তু'উঠে যাবি নাকি? হ্যাঁ দাদা? ভিটে ছেড়ে উঠে যাবি?

পাতু কিছুকণ চুপ করিয়া রহিল। তারপর বলিল—তাতেই তো আমার এই অবলাতে ভালপাতা কেটে আনলাম দুগ্গা। নইলে—অংশনে কলে কান্ন-কাছ, থাকবার ঘর সব ঠিক করে এসেছিলাম ছপুয় বেলাতে।—

হুঁহাত হাঁদাছাঁদি করিয়া তাহারই মধ্যে মাথা ওঁজিয়া পাতু মাটির দিকে চাহিয়া ঝুঞ্জিয়া রহিল।

দুর্গা বলিল, ওঠ। ওই দেখ্ ক'থানা লম্বা বাঁশ রয়েছে আমার, ওই ক'থানা চাপিয়ে তালপাতা দিয়ে ঘরখানা ঢাক। পিতি-পুরুষের ভিটে ছেড়ে কেউ কখনও যায় নাকি? তুই চালে উঠ, আমি আর বউ হুঁজনাতে তুলে দিচ্ছি সব।

একটা দীর্ঘনিঃশ্বাস ফেলিয়া পাতু উঠিল। দুর্গা কাপড়ের আঁচল কোমরে আঁট-সাঁট করিয়া বাঁধিয়া বলিল, ওই গাঁদা সতীশ। সতীশ বাউড়ী রে! মিনসে জগন ভাক্যরকে বলছে—পাতু য়ায়েন বড় নোক, ব্যালেন্টার, উকীল! তা আমি বললাম—আহা, তোমার মুখে ফুলচয়ন পড়ুক! বলে—বড়-নোক; গাঁ ছেড়ে উঠে চলে যাবে। ওরা যায় তো, তোদগিগে ভিটে দানপত্ৰ নিখে দিগে যাবে! তোরা ভোগ করবি!

বিড়ালীর মত ছটপুট পাতুর বউটা খুব খাটিতে পারে, খাটো পায়ে দ্রুতগতিতে লাটিমের মত পাক দিয়ে ফেরে। সে ইহারই মধ্যে বাঁশগুলোকে টানিয়া আনিয়া উঠানে ফেলিয়াছে।

নন্দ

গোটা পাড়াটা পোড়াইয়া দিবার অভিপ্রায় শ্রীহরির ছিল না। কিন্তু যখন পুড়িয়া গেলই, তখন তাহাতেও বিশেষ আকসোস তাহার হইল না। পুড়িয়াছে বেশ হইয়াছে, মধ্যে মধ্যে এমন ধারায় বিপর্যয় ঘটিলে তবে ছোটলোকের দল সায়েস্তা থাকে; ক্রমশঃ বেটাদের আশ্রয় বাড়িয়া চলিতেছিল। তাহার উপর দেবু ঘোষ ও জগন ভাক্যরের উদ্ভাবিত তাহারাই লাই পাইতেছিল। হাতের মারে কিছু হয় না, ভাতের মার—অর্থাৎ ভাতে বন্ধিত করিতে পারিলেই মানুষ জল হয়। বাঘ যে বাঘ, তাহাকে খাঁচায় পুরিয়া অনাহারে রাখিয়া মানুষ তাহাকে পোষ মানায়।

এ সব বিষয়ে তাহার গুরু ছিল দুর্গাপুরের স্বনামধন্য ত্রিপুরা সিং। দুর্গাপুর এখান হইতে ক্রোশ দশেক দূর। শ্রীহরির মাতামহের বাড়ী ওই দুর্গাপুরে। তাহার মাতামহ ত্রিপুরা সিংয়ের চাষবাসের তত্ত্বিকারক ছিল। বাল্যকালে শ্রীহরি মাতামহের ওখানে যখন বাইত, তখন সে ত্রিপুরা সিংকে দেখিয়াছে। লম্বাচওড়া দশাশয়ী চেহারা। জাতিতে রাজপুত। প্রথম বয়সে ত্রিপুরা সিং সামান্ত ব্যক্তি ছিল। সম্পত্তি ছিল, মাত্র কয়েক বিঘা জমি। সেই জমিতে সে পরিশ্রম করিত অহরের মত। আর স্থানীয় জমিদারের বাড়ীতে লক্ষীর কাজ করিত। আরও করিত তামাকের ব্যবসা। হাতে লাঠি ও মাথায় তামাকের বোঝা লইয়া গ্রাম-গ্রামান্তরে কেরি করিয়া বেড়াইত; ক্রমে গুরু করে মহাজনী। সেই মহাজনী হইতে প্রথমতঃ বিশিষ্ট জ্ঞোতদার, অবশেষে তাহার মনিব জমিদারের জমিদারির খানিকটা কিনিয়া ছোটখাটো জমিদার পঞ্চ হইয়াছিল। ত্রিপুরা সিংয়ের দাড়ি ছিল, বড় শখের দাড়ি, সেই দাড়িতে গালপাক্টা বাঁধিয়া গোঁফে পাক দিতে দিতে সে বলিত, শ্রীহরি নিজের কানে

কিন্তু—সে ছেলেকে—‘এই গাঁও আমি তিন-তিনবার পুড়াইয়েছি তব না ই. যেটালোক হনাকে আমল দিল!’

হা-হা করিয়া হাসিয়া সিং বলিত—‘এক এক দফে ঘর পুড়ল আর বেটা লোক টাকা ধার দিল। যে বেটা প্রথম দফে কারদা হইল নাই—সে দু’ দফে হইল, দু’ দফেও মারা আইল না তারা আইল তিন দফের দফে। পাণ্ডের পর গড়িয়ে পড়ল।’ এই সব কথা বলিতে তাহার এতটুকু বিধা হইত না। বলিত—বড় বড় জমিদারের কুটী-ঠিকুজী নিয়ে এস, দেখবে সবাই ওই করেছে। আমার ঠাকুরদা ছিল রত্নগড়ের জমিদার বাড়ীর পোষা ভাকাত। বাবুদের ভাকাতি ছিল ব্যবসা। সীতানগরের চাটুজ্ঞে বাবু সেনিন পৰ্বন্ত ভাকাতির বামাল সামাল দিয়েছে।

সিং নিজে যে কথাগুলি বলে নাই অথবা সিংয়ের মুখ হইতে ইতিহাসের যে অংশ শুনিবার শ্রীহরির স্বযোগ-সৌভাগ্য ঘটে নাই, সে অংশ শ্রীহরিকে শুনাইয়াছে তাহার মাতামহ। রাজিতে খাওয়া-দাওয়ার পর তামাক খাইতে খাইতে বৃদ্ধ নিজের নাতিকে সে সব অতীতের কথা বলিত। ত্রিপুরা সিংয়ের শক্তির কাহিনী, সে একেবারে রূপকথার মত; —ত্রিপুরা সিংয়ের জমির পাশেই ছিল সে গ্রামের বহুবল্লভ পালের একখানা আউরল জমি—মাত্র কাঠাদশেক তাহার পরিমাণ। সিং ওই জমিটুকুর জন্ত, একশো টাকা পৰ্বন্ত দাম দিতে চাহিয়াছিল। কিন্তু বহুবল্লভের তুমতি ও অতিরিক্ত মাত্রা। সে কিছুতেই নেয় নাই। শেষ বর্ষার সময় একদিন রাত্রে সিং নিজে একা কোদাল চালাইয়া দুইখানা জমিকে কাটিয়া আকারে-প্রকারে এমন এক অখণ্ড বস্ত্র করিয়া তুলিল যে, পরদিন বহুবল্লভ নিজেই ধরিতে পারিল না, দৈর্ঘ্যে-প্রস্থে কোথায় কোন্‌খানে ছিল তাহার জমির সীমানার চারিটি কোণ। বহুবল্লভ মামলা করিয়াছিল। কিন্তু মামলাতে বহুবল্লভ তো পরাজিত হইলই উপরন্তু কয়েকদিন পর বহুবল্লভের তরুণী-পত্নী ঘাটে জল আনিতে গিয়া আর কিবিল না। ঘাটের পথে লক্ষ্যের অন্ধকারে কে বা কাহারো তাহাকে মুখে কাপড় বাধিয়া কাঁধে তুলিয়া লইয়া গেল।

বৃদ্ধ চুপি চুপি বলিত—মেয়েটা এখন বড়ো হয়েছে, সিংজীর বাড়ীতে বিয়ের কাজ করে। একটা নয়, এমন মেয়ে সিংজীর বাড়ীতে পাঁচ-সাতটা।

ত্রিপুরা সিংয়ের বিষয়বুদ্ধি, দূরদৃষ্টির বিষয়েও শ্রীহরির মাতামহের প্রকার অন্ত ছিল না। বলিত—সিংজী লক্ষ্মীমন্ত পুরুষ, কি বিষয়বুদ্ধি। জমিদারের বাড়ীতে লক্ষ্মীগিরি করতে করতেই লুপ্তছিল—এ বাড়ীর আর প্রতুল নাই। লাটের খাজনা মহল থেকে আসে; কিন্তু খাজনা পাখিলের সময় আর টাকা থাকে না। সিংজী তখন নিজে টাকা ধার দিতে লাগল। যখন যা দরকার হয়েছে, ‘না’ বলে নাই, দিয়েছে। তারপর হুদে-আসলে ধার ছাওনোট পালটে পালটে বেশ-বেশ বন্ধন নিজের কাছে না থাকলে আট আনা হুদে কর্ত্ত করে এনে এক টাকা হুদে বাবুগিরে প্রসে ধরলে টাকার বেগে, তখন বাবুদের জমিদারিই করে চুকল। ক্যানকরা লক্ষ্মীমন্ত পুরুষ! বলিয়া সে তাহার স্মৃতির উদ্দেশ্যে প্রণাম করিত।

শ্রীহরির বাপ ছিল কুটী চম্বী। দৈনিক পরিভ্রমে মাথার ধার পায়ে ফেলিয়া পড়িত

জন্মি-জাতিরা উৎকৃষ্ট জমি তৈয়ারী করিয়াছিল। আরও সঞ্চয় করিয়া বাড়ির উঠানটি ধানের মরাইয়ে মরাইয়ে একটি মনোরম শ্রীভবনে পরিণত করিয়া তুলিয়াছিল। বাপের মৃত্যুর পর শ্রীহরি বন্ধন এই লক্ষ্য হাঙ্গে পাইল তখন তাহার মনে পড়িল মাতামহের অনামত মনিব ত্রিপুরা সিংকে। মনে মনে তাহাকেই আদর্শ করিয়া সে জীবন-পথে যাত্রা শুরু করিল।

পল্লিগ্রামে তাহার এতটুকু কার্পণ্য নাই; তাহার বিনিময়ে ফসলও হয় প্রচুর। সেই ফসল সে বাপের মত কেবল বাধিয়াই রাখে না, সুদে ধার দেয়। শতকরা পচিশ হইতে পঞ্চাশ পর্যন্ত সুদে ধানের কারবার। একমণ ধান ধার দিলে বৎসরাতে একমণ দশ সের বা দেড়মণ হইয়া সে ধান ফিরিয়া আসে। অবশ্য এটা শ্রীহরির জুলুম নয়। সুদের এই হারই দেশে-প্রচলিত। প্রচলনের অভ্যাসে খাতকও এ সুদকে অতিরিক্ত মনে করে না বরং অসময়ে অন্ন দেয় বলিয়া মহাজন তাহার কাছে ঐচ্ছার পাত্র।

শ্রীহরিকেও লোকে খাতির করে না এমন নয়; কিন্তু শ্রীহরি তাহা পর্যাণ্ড বলিয়া মনে করে না। সে অহুতব করে, লোকে ওই মৌখিক ঐচ্ছার অন্তরালে তাহাকে ঈর্ষা করে, তাহার ধ্বংস কামনা করে। তাই এক এক সময়ে তাহার মনে হয়, লম্বা গ্রামখানাত্তেই সে আগুন লাগাইয়া লোকগুলোকে সর্বহারী করিয়া দেয়।

পথ চলিতে চলিতে জগন ডাকারের মত এবং অনিষ্টকের মত শত্রুর ঘর নজরে আসিলেই বিদ্যাক্ষমকের মত তাহার ওই দুরন্ত অবাধ্য ইচ্ছাটা অন্তরে জাগিয়া উঠে। কিন্তু ত্রিপুরা সিংহের মত দুর্দান্ত সাহস তাহার নাই। সে আমলও যে আর নাই! ত্রিপুরা সিং যে ইচ্ছা পরিপূর্ণ করিতে পারিত, আমলের চাপে শ্রীহরিকে সে ইচ্ছা দমন করিতে হয়। তাছাড়া শ্রীহরির অন্তায়-বোধ—কালের পার্থক্যে ত্রিপুরা সিংয়ের চেয়ে কিছু বেশী।

এই অন্তায় বোধ ত্রিপুরা সিংহের চেয়ে তাহার বেশী বলিয়াই সে বারবার আপনার মনেই গত রাত্রে কাণ্ডার জন্ত নানা সাক্ষী গাহিতেছিল। বহুক্ষণ বলিয়া থাকিয়া সে অকস্মাৎ উঠিল। এই ভবীভূত পাড়াটার দিকেই সে চলিল। যাইতে যাইতেও বার করেক সে ফিরিল। কেমন যেন সন্ধ্যা বোধ হইতেছিল। অবশেষে সে নিজের রাখালটার বাড়ীটাকেই একমাত্র গন্তব্যস্থল স্থির করিয়া অগ্রসর হইল। তাহার বাড়ীর রাখাল, সে তাহার চাকর, এ বিপদে তাহার তল্লাস করা যে অবশ্য কর্তব্য। কার সাধ্য তাহাকে কিছু বলে, আপনার মনেই সে প্রকাস্তভাবে চীৎকার করিয়া উঠিল—এ্যাও!

বোধ করি যে তাহাকে কিছু বলিবে—তাহাকে সে পূর্ব হইতেই ধমকটা দিয়া রাখিল। আসলে সে তাহার মনেই ওই অবাধ্য স্বভাব উদ্ভূত সন্ধ্যাকে একটা ধমক দিল।

রাখালটা মনিবকে জমের মত ভয় করে। ছিক আসিয়া দাঁড়াইতেই সে তাবিল আজিকার গরহাজিরের জন্তই পাল তাহার ঘাড় ধরিয়া লইয়া বাইতে আসিয়াছে। ছেলেটা ডুকরিয়া কাঁদিয়া উঠিল—ঘর পূরে গেইছে মশাই—তাতেই—

পুড়িয়া যাওয়ার পর এই গরীব পাড়াটার অবস্থা বচকে দেখিয়া শ্রীহরি মনে মনে খানিকটা লজ্জাবোধ না করিয়া পারিল না। সে লগ্নেই ছেলেটাকে বলিল—তা কাঁদিল

কেনে ? নৈবের ওপর তো হাত মাই । কি করবি বল ? কেউ তো আর লাগিয়ে দেয় নাই ।

রাখালটার বাপ বলিল,—তা কে আর দেবে মশাই ?—কেনেই বা দেবে ? আমরা কার কি করেছি বলেন যে ঘরে আগুন দেবে !

শ্রীহরি চূপ করিয়াই পোড়া ঘরগুলার দিকেই চাহিয়া রহিল । তাহার পারের তলার মাটি যেন সরিয়া যাইতেছে ।

রাখালটার বাপ আবার বলিল,—ছোটনোকদের কাণ্ড, শুকনো পাতাতে আগুন ধরে গেইছে আর কি ! আর তা ছাড়া মশাই, বিধেতাই আমাদের কপালে আগুন লাগিয়ে রেখেছে ।

শুধু কণ্ঠে শ্রীহরি বলিল, এক কাজ কর । যা খড় লাগে আমার বাড়ী থেকে নিয়ে আর । বাপ কাঠ যা লাগে নিবি আমার কাছে ; ঘর তুলে ফেল ।—তারপর রাখালটার দিকে চাহিয়া বলিল—বাড়ীতে গিয়ে চাল নিয়ে আর দশ সের । কাল বরং ধান নিবি, বুঝলি !

রাখালটার বাপ এবার শ্রীহরির পায়ে একরকম গড়াইয়া পড়িল ।

ইহারই মধ্যে আরও জন দুয়েক আসিয়া দাঁড়াইয়াছিল ; একজন হাত জোড় করিয়া বলিল—আমাদিগে যদি কিছু করে ধান দিতেন ঘোষ মশায় ।

—ধান ?

—আজ্ঞে, তা না হলে তো উপোস করে মরতে হবে মশায় ।

—আচ্ছা, পাঁচ সের ক'রে চাল আজ ঘর-পিছু আমি দেব । সে আর শোধ দিতে হবে না । আর ধানও অল্প অল্প দোব কাল ! কাল বার আছে ধানের ! আর—

—আজ্ঞে—

—দশগুণ করে খড়ও আমি দোব প্রত্যেককে । বলে দিল পাড়াতে ।

—জয় হবে মশায়, আপনার জয়-জয়কার হবে । ধনে পুতে লক্ষ্মীলাভ হবে আপনার ।

শ্রীহরির দক্ষিণে অভিভূত হইয়া লোকটা ছুটিয়া চলিয়া গেল পাড়ার ভিতর । সংবাদটা সে প্রত্যেকের ঘরে প্রচার করিবার জন্য অস্থির হইয়া উঠিয়াছে ।

দরিদ্র অশিক্ষিত মানুষগুলি যেমন শ্রীহরির দক্ষিণে অভিভূত হইয়া গেল শ্রীহরিও তেমনি অভিভূত হইয়া গেল ইহাদের কৃতজ্ঞতার সরল অকপট গদগদ প্রকাশে । এক মুহূর্তে ও সাম্রাজ্য দানের ভারে মানুষগুলি পারের তলার লুটাইয়া পড়িয়াছে । বিশেষ করিয়া শ্রীহরির মনে হইল—মে-অপরাধ সে গত রাত্রে করিয়াছে, সে অপরাধ যেন উহাদেরই ওই কৃতজ্ঞতার সজল চোখের অশ্রু-প্রবাহে উহারা ধুইয়া মুছিয়া দিতে চাহিতেছে । তাবাবেগে শ্রীহরিরও কর্ণধর রক হইয়া আসিয়াছিল ; সে বলিল,—ঘাস, সরিষা । চাল-খড়-ধান নিয়ে আসবি ।

অনেকখানি দ্রুত পুষ্কি চিত্ত লইয়া সে বাড়ী ফিরিয়া আসিল ।

বাড়ী ফিরিবার পথে সে অনেক কল্পনা করিল ।

গ্রীষ্মকালে জলের অভাবে লোকের কষ্টের আর অববি থাকে না। পানীর জলের জন্ত মেরেসেব ওই নদীর ঘাট পর্যন্ত ঘাইতে হয়। বাহারা ইজ্ঞতের জন্ত যায় না তাহারা খায় পচা পুত্রেসের দুর্গন্ধময় কাদা-ধোলা জল। এবার একটা কুয়া সে কাটাইয়া দিবে।

গ্রামের পাঠশালার আসবাবের জন্ত সেবার লোকের দুয়ারে দুয়ারে ভিক্ষাতে পাঁচটা টাকাও সংগৃহীত হয় নাই; সে পঞ্চাশ টাকা পাঠশালার আসবাবের জন্ত দান করিবে।

আরও অনেক কিছু। গ্রামের পথটা কাঁকর ঢালিয়া পাকা করিয়া দিবে। চণ্ডীমণ্ডপটার মাটির মেঝেটা বাঁধাইয়া দিবে; সিমেন্ট-করা মেঝের উপর খুদিয়া লিখিয়া দিবে—শ্রীচরণাশ্রিত শ্রীহরি ধোষ। যেমন কঙ্কণার চণ্ডীতলায় মার্বেল-বাঁধানো বাবান্দার মেঝের উপর সাদা মার্বেলের মধ্যে কালো হরকে লেখা আছে কঙ্কণার বাবুদের নাম।

সে কল্পনা করে, অতঃপর গ্রামের লোক সমস্তম্বে সক্রতজ্ঞ চিন্তে মহাশয় ব্যক্তি বলিয়া নমস্কার করিয়া তাহাকে পথ ছাড়িয়া দিতেছে।

আজ নূতন একটা অভিজ্ঞতা লাভের ফলে শ্রীহরির অন্তরে এক নূতন মন কোন্ অজ্ঞাত-নিকিষ্ট বীজের অঙ্কুর-শীর্ষের মত মাখা ঠেলিয়া জাগিয়া উঠিল। কল্পনা করিতে করিতে সে গ্রামের মাঠে কিছুক্ষণ ঘুরিয়া বেড়াইল। যখন বাড়ী ফিরিল তখন বেলা প্রায় শেষ হইয়া আসিয়াছে। আসিয়াই দেখিল, বাড়ীর দুয়ারে দাঁড়াইয়া আছে ওই দরিত্রের দলটি নিতান্ত অপরাধীর মত। আর তাহার মা নির্মম কটু ভাষায় গালিগালাজ করিতেছে। শুধু ওই হতভাগ্যদিগকেই নয়—শ্রীহরির উপরেও গালিগালাজ বর্ষণ করিতে মায়ের কার্পণ্য ছিল না। ক্রুদ্ধচিত্তেই সে বাড়ীর ভিতর প্রবেশ করিল। মা তাহাকে দেখিয়া দ্বিগুণবেগে জলিয়া উঠিয়া গালিগালাজ আরম্ভ করিল—‘ওরে, ও হতচ্ছাড়া বাঁশবুকে, বলি দাতাকর্ণ-সেন হালি কবে থেকে? ওই যে পঞ্চপাল এসে দাঁড়িয়েছে, বলছে তুই ডেকে এনেছিল—’

শ্রীহরির নগ্ন-প্রকৃতির একটা অতি নিষ্ঠুর ভঙ্গি আছে; তখন সে চাৎকার করে না, নীষরে ভয়াবহ মুখভঙ্গি লইয়া অতি স্থিরভাবে মাহুকে বা পশুকে নির্ধাতন করে—যেমন শীতের স্বচ্ছ জল মাহুকের হাত-পা হিম করিয়া জমাইয়া দিয়া খালস্রক করিয়া হত্যা করে! সেই ভঙ্গিতে সে অগ্রসর হইয়া আসিতেই তাহার মা দ্রুতপদে খিড়কির দরজা দিয়া পলাইয়া গেল।

শ্রীহরি নিজেই নীরবে প্রত্যেককে চাল দিয়া বলিল—খড় আর ধান কাল নিবি সব। সর্বশেষে বলিল—মায়ের কথায় তোরা কিছু মনে করিস না যেন, বুঝলি?

তাহার পায়ের ধূলা লইয়া একজন বলিল,—আজ্ঞে দেখেন দেখি, তাই কি পারি?—তারপর রহস্ত করিয়া ব্যাপারটা লম্বু করিয়া দিবার অভিপ্রায়েই সাধ্যমত বুদ্ধি খরচ করিয়া সে বলিল,—মা আমাদের ক্যাপা মা গো! রাগলে আর রকে নাই।

শ্রীহরি উত্তর দিল না। সে আপন মনেই চিন্তা করিতেছিল ওই মা হারামজাদীই কিছু করিতে দিবে না। তাহার আজিকার পরিকল্পনা কার্ণে পরিণত করিতে এত টাকা খরচ করিলে এই হারামজাদী নিশ্চয়ই একটা বীভৎস কাণ্ড করিয়া তুলিবে। আজ পর্যন্ত বড় কার্টের লিন্ডুকাটা চাবী ওই বেটা বুকে আঁকড়াইয়া ধরিয়া আছে। টাকা বাহির করিতে

সেলেই বিপর্যাস বাধিবে। টাকার অভাব অবশ্য কোন ভাবনা নাই; কয়েকটা বড় খাতকের কাছে হুদ আদায় করিলেই ওই কাজ করাটা হইয়া যাইবে।

হ্যাঁ, তাই সে করিবে।

আজিকার এই ক্ষুদ্র ঘটনাটি যেন বটরুকের অতিক্রম একটি বীজকণার সঙ্গে তুলনীয়। কিন্তু সেই এক কণার মধ্যেই লুকাইয়া আছে এক বিরাট মহীকুহের সম্ভাবনা। সেই সম্ভারনার প্রায়শ্ছেই গ্রীহরি যেন তাহার এতকালের বন্ধ-অন্ধকার দুর্গন্ধময় জীবন-সৌখের প্রতিটি কক্ষে—দেহের প্রতিটি গ্রন্থিতে—প্রতিটি সন্ধিতে এক বিচিত্র স্পন্দন অতীব করিতেছে। সৌখখানি বোধ হয় ফাটিয়া চৌচির হইয়া যাইবে।

দশ

ভূপাল চৌকীদার ইউনিয়ন বোর্ডের মোহর-দেওয়ান নোটিশ হাতে করিয়া চলিয়াছিল, আগে আগে ভুগ-ভুগ শব্দে ঢোল বাজাইয়া চলিতেছিল পাছু।

‘একসপ্তাহের মধ্যে আশাট আশিন—তুই কিস্তির বাকী ট্যাক্স আদায় না দিলে জরিমানা সমেত দেড়গুণ ট্যাক্স অস্থাবর ক্রোক করিয়া আদায় করা হইবেক।’

জগন ভান্ডার একেবারে আশুনের মত জলিয়া উঠিল।

—কি ? কি ? ‘কি করা হইবেক’ ?

ভূপাল সভয়ে হাতের নোটিশখানি আগাইয়া দিয়া বলিল—আজ্ঞে, এই দেখেন কেনে।

জগন কঠিন দৃষ্টিতে ভূপালের দিকে চাহিয়া বলিল,—সরকারী উর্দি গায়ে দিয়ে মাথা নোয়াতেও ভুলে গেলি যে।

অপ্রস্তুত হইয়া ভূপাল তাড়াতাড়ি ভান্ডারের পায়ের ধূলা কপালে মুখে লইয়া বলিল, আজ্ঞে দেখেন দেখি, তাই ভোলে! আপনকারাই আমাদের মা বাপ!

পাছু বলিল—লিচয়!

জগন নোটিশখানা দেখিয়া একেবারে গর্জন করিয়া উঠিল—এম্মাকি নাকি ? এ সব কি পৈতৃক জমিদারী পেয়েছে সব! লোকের মাঠের ধন মাঠে রইল, বাবুয়া একেবারে অস্থাবরের নোটিশ বার করে দিলেন! মাঝবকে উৎখাত করে ট্যাক্স আদায় করতে বলেছে গবর্নমেন্ট ? আজই দরখাস্ত করব আমি।

ভূপাল হাত জোড় করিয়া বলিল—আজ্ঞে, আমরা চাকর, আমাদেরি যেমন বলেছে তেমনি—

—তোদের দোখ কি ? তোরা কি করবি ? তোরা ঢোল দিয়ে যা।

পাছু চৌলটায় পোটাকয়েক কাঠির আঘাত করিয়া বলিল—আজ্ঞে ভান্ডারবাবু, ‘লবার’ হবে বাইশে তারিখ।

—লবার ? বাইশে ?

—আজ্ঞে হ্যাঁ।

—আর সব লোককে বল গিয়ে। গাঁয়ের লোকের সঙ্গে আমার কোন সম্বন্ধ নাই। আমি নবায় করব—আমার যে দিন খুশি।

পাতু আর কোন উত্তর না দিয়া পথে অগ্রসর হইল। ভাক্তার ক্রুদ্ধ গাভীর্থে ধমকমে মুখে তাহার দিকে চাহিয়া বলিল—এই পেতো শোন!

—আজ্ঞে! পাতু ঘুরিয়া দাড়াইল।

অগন বলিল—চলে যাচ্ছিস যে?

পাতু আবার বলিল—আজ্ঞে?

ভাক্তার এবার কথা খুঁজিয়া না পাইয়া বলিল—সেদিন দরখাস্তে টিপসই দিতে এলি না যে বড়? খুব বড়লোক হয়েছিল, না? শহরে গিয়ে বাড়ী করবি, এ গাঁয়েই আর থাকবি না স্তনছি!

বিরক্তিতে পাতুর ক্র কুঁচকাইয়া উঠিল। কিন্তু কোন উত্তর দিল না। ভাক্তার ঘরে ঢুকিয়া দরখাস্তখানা বাহির করিয়া আনিয়া সম্মুখে শাসনের স্বরে বলিল—দে, টিপছাপ দে! তোর জন্তেই আমি ছাড়ি নাই দরখাস্ত।

পাতু এবার বিনা আপত্তিতেই টিপছাপ দিল! সেদিন যে সে আসে নাই, সমস্ত দিনটাই গ্রামভাগের লোক লইয়া জংশন শহর পবন্ত ঘুরিয়া আসিয়াছে—সে সমস্তই সাময়িক এতটা উত্তেজনার বশে। আজও যে সে মুহূর্ত পূর্বে ভাক্তারের কথার ক্র কুণ্ঠিত করিয়াছে—সেও ভাক্তারের কথার কটুত্বের জন্ত। নতুবা সাহায্য বা ভিক্ষা লইতে তাহার আপত্তি নাই। গভীর কৃতজ্ঞতার সহিতই সে টিপছাপ দিল। টিপছাপ দিয়া বৃড়া আঙুলের কানি মাথায় মুছিতে মুছিতে কৃতজ্ঞভাবে আবার হাসিয়া বলিল,—ভাক্তারবাবুর মত গরীবগুণ্ডার উপকার কেউ করে না।

ভাক্তারের জুতার ধূলা আঙুলের ডগায় লইয়া তাহা ঠোঁটে ও মাথায় বুলাইয়া লইল। ভূপাল চৌকিদারও তাহার অনুসরণ করিল।

ভাক্তার ইহার মধ্যে কিছু চিন্তা করিতেছিল, চিন্তা-শেষে বার দুই ঘাড় নাড়িয়া বলিল—দাঁড়া! আরও একটা টিপছাপ দিয়ে যা।

—আজ্ঞে? পাতু সজরে প্রায় করিল। অর্থাৎ, আবার কেন? টিপছাপকে ইহাদের বড় ভয়।

—এই ট্যান্স আদারের বিক্রেত একটা দরখাস্ত দোব! তাদের ঘর পুড়ে গিয়েছে, চাষীদের ধান এখনও মাঠে, এই অলম্ব অহাবয়ের নোটশ, এ কি মগের মূলক নাকি?

এবার তরে পাতুর মুখ শুকাইয়া গেল। ইউনিয়ন বোর্ডের হাকিমের বিক্রেত দরখাস্ত! সে ভূপাল চৌকিদারের দিকে চাহিল—ভূপালও বিব্রত হইয়া উঠিয়াছে। ভাক্তার তাগিদ দিয়া বলিল—দে, টিপছাপ দে!

—আজ্ঞে না মশায়। উ আমি দিতে পারব! পাতু এবার হন্ হন্ করিয়া পথ চলিতে

আরম্ভ করিল। পিছনে পিছনে ভূপাল পলাইয়া হাঁক ছাড়িয়া বাঁচিল। ভূপাল ভাবিতেছিল—
খবরটা আবার ‘শেসিডেন’ বাবুকে দিয়া দিতে হইবে। নহিলে হয়ত সন্দেহ আসিবে—তাহারও
ইহার সহিত ষোগসাক্ষ্য আছে।

ভাক্তার ভাষণ ক্রম হইয়া পলায়নপর পাতু ও ভূপালের দিকে চাহিয়া দাঁড়াইয়া রহিল।
কয়েক মুহূর্ত পরেই সে ফাটিয়া পড়িল—হারামজাদার জাত, তোদের উপকার যে করে সে গাথা!
বলিয়াই সে দরখাস্তখানা ছিঁড়িয়া ফেলিবার উপক্রম করিল।

—ছিঁড়ো না, ভাক্তার ছিঁড়ো না।—বাধা দিল পাঠশালার পণ্ডিত দেবু ঘোষ। সে কিছু
দূরে দাঁড়াইয়া সবই দেখিয়াছিল। এ-সব ব্যাপারে তাহারও আন্তরিক সহানুভূতি আছে।

দেবু ঘোষ একটু বিচित्र ধরনের যাহুয। এ গ্রামের পাঁচজনের একজন হইয়াও সে যেন সকল
হইতে একটু পৃথক। তাহার মতামতগুলিও সাধারণ মাহুয হইতে পৃথক। আপনাদের দুর্দশার
প্রতিকারের জন্য কাহারও সাহায্যভিক্ষা করিতে চায় না। অনিরুদ্ধকে, ছিরুকে শাসন করিতে
জমিদারের দাবী হইতে সে নারাজ। কিন্তু পঞ্চায়েতী মজলিসের আয়োজনে সে-ই প্রধান
উদ্ভোক্তা! তবু আজ সে জগন ভাক্তারকে দরখাস্ত ছিঁড়িতে বাধা দিল।

ভাক্তার দেবনাথের মুখের দিকে চাহিয়া বলিল—ছিঁড়তে বারণ করছ? ওই বেটাদের
উপকার করতে বলছ। দেখলে তো সব।

দেবু হাসিয়া বলিল—তা দেখলাম। ওদের ওপর রাগ করে কি করবে বল! দাঁও, তোমার
চ্যাক্সের দরখাস্ত, আমি সহি করছি, আর দশজনার সহিও যোগাড় করে দিচ্ছি।

ভাক্তার একটা বিড়ি ও দেশলাই পণ্ডিতকে দিয়া বলিল—ব’স।—তারপর বাড়ীর দিকে মুখ
ফিরাইয়া চীৎকার করিয়া বলিল—মিহু, দু’কাপ চা।

মিহু ভাক্তারের মেয়ে।

ভাক্তার আবার আরম্ভ করিল—লোকে ভাবে কি জান, পণ্ডিত? ভাবে—এ সবের মধ্যে
আমার বুকি কোন স্বার্থ আছে। অন্তায় অত্যাচারের প্রতিকার হলে বাঁচবে সবাই, কিন্তু রাজা
হলে যাব আমি!

দেবু বিড়ি ধরাইয়া দেশলাইটা ভাক্তারের হাতে দিয়া একটু হাসিয়া বলিল,—তা স্বার্থ আছে
বৈ কি ভাক্তার।

—স্বার্থ? ভাক্তার রুদ্ধ অথচ বিন্মিত দৃষ্টিতে পণ্ডিতের দিকে চাহিল।

পণ্ডিত হাতের বিড়িটার আগুনের দিকে চাহিয়া হাসিতে হাসিতেই সহজভাবেই বলিল—
স্বার্থ আছে বৈ কি! দশজনের কাছে গণ্যমান্ত হবে তুমি, দু’দিন বামে ইউনিয়ন বোর্ডের
দেবারও হতে পার। স্বার্থ নেই? আমার মনে হয় সংসারে স্বার্থ-চিন্তা ছাড়া মাহুয টিকতেই
পারে না।

ভাক্তারের কপাল কুণ্ডিত হইয়া উঠিল, বলিল—ওটাও যদি স্বার্থ হয়, তবে তো শাখু-
লম্বাসীসাদের ভগবানের তপস্বী করার মধ্যেও স্বার্থ আছে হে! তাহলে বশিষ্ঠ-ব্রহ্মদেবও
স্বার্থপর!

—অর্থ-কথাকে ছোট করে না দেখলে ও কথা নিশ্চয় সত্য। পরমার্থও তো অর্থ ছাড়া নয়।—দেবু তেরনি হাসিয়াই বলিল।

ভাক্তার বলিল,—ইউনিয়ন বোর্ডের মেম্বর আমি হতে চাই, আলবৎ হতে চাই। সে হতে চাই দশজনের সেবা করবার জন্তে। পরলোক-ফরলোক জপতপ ও-সবে আমার বিশ্বাস নাই। ওই ছিক পাল—চুরি করবে—ব্যভিচার করবে, আর ঘরে বসে জপতপ করবে—ঘটা করে কালীপূজা, অন্নপূর্ণা পূজা করবে, ও-রকম ধর্মের মাধ্যম মারি আমি পাঁচকাড়ু।

অতঃপর ভাক্তার আরম্ভ করিল এক সুদীর্ঘ বক্তৃতা। মহন্ত-জীবন ধন্য করিতে কে না চায় এ সংসারে? কে মাহুষের সেবা করিয়া ধন্ত হইতে চায়, ইত্যাদি—ইত্যাদি।

বক্তৃতার উত্তরে দেবু ঘোষও বক্তৃতা দিকে পারিত, কিন্তু সে তাহা দিল না, কেবল বলিল—দশজনের ভাল করতে চাও, খুব ভাল কথা, ভাক্তার। কিন্তু গাঁয়ের লোককে কেন ছোট ভাব তুমি? আজ বললে—গাঁয়ের লোকের সঙ্গে নবান্ন করবে না তুমি! কদিন আগে হু-হুটো মজলিস হল গাঁয়ে তুমি তো গেলেই না, উলটে কামারকে তুমি উল্টে দিলে।

—কখনও না। গাঁয়ের লোকের বিরুদ্ধে আমি কাউকে উল্টে দিই নাই। অনিরুদ্ধের জমির ধান কেটে নিলে—আমি তাকে ছিরের নামে ডাইরি করতে বলেছি এই পর্যন্ত!

—বেশ কথা! মজলিসে গেলে না কেন?

—মজলিস? যে মজলিসে ছিক পাল টাকার জোরে মাতব্বর—সেখানে আমি যাই না।

—তার মাতব্বর ভেঙে দাও তুমি। মজলিসে গিয়ে আপনার জোরে ভাও। ঘরে বসে থাকলে তার মাতব্বরির আরও বেড়ে যাবে!

জগন এবার চূপ করিয়া রহিল।

—ভাল। গাঁয়ের লোকের সঙ্গে নবান্ন করবে না কেন তুমি?

এবার ভাক্তার কাবু হইয়া পড়িল। কিছুক্ষণ পরে বলিল—করব না, এমন প্রতিকা আমি করি নাই।

দেবু ঘোষ এবার খুশী হইয়া বলিল—হাঁ! ‘দশে মিলে করি কাজ হারিজিতি নাহি লাজ।’ যা করবে, দশজনে এক হয়ে কর। দেখ না, তিনদিনে সব চিট হয়ে যাবে। অনিরুদ্ধ কামার, গিরীশ ছুতোয়, তারা নাপিত, পেতো মুচি—এমন কি তোমার ছিরেকেও নাকে কানে খৎ দিয়েই ছাড়ব। তা না ক’রে হাজারখানা দরখাস্ত ক’রেও কিছু হবে না ভাক্তার। সংসারে একলা থাকে বাঘ সিংহ। মাহুষে নয়।

ভাক্তার বলিল—বেশ। কোনও আপত্তি নাই আমার। তবে এক হতে হলে সব কাজেই এক হতে হবে। গাঁয়ের গরজের সময় জগন ভাক্তার আর দেবু পণ্ডিত; আর ইউনিয়ন বোর্ডের তৌন্টের সময় কঙ্কণার বাবুয়া, ছিরে পাল—

বাধা দিয়া দেবু ঘোষ বলিল—এবার তিন নম্বর ওয়ার্ড থেকে তুমি আর আমি দাঁড়াব। তা হলে হবে তো?

দেবনাথ 'বোম'—দেবু পণ্ডিত একটু স্বভাব মাহুষ। আপনাব বুদ্ধি-বিকাশ উপর তাহার প্রগাঢ় বিশ্বাস। তাহার এই বুদ্ধি সযত্নে চেতনার সহিত খানিকটা কল্পনা—খানিকটা স্বাধীনপন্থা আছে। বিস্তা অবস্থা বেশী নয়, কিন্তু দেবু সেইটুকুকেই লইয়া অহরহ চর্চা করে। খুঁজিয়া পাতিয়া বই যোগাড় করিয়া পড়ে; খবরের কাগজের খবরগুলো রাখে; এ ছাড়াও মহাগ্রন্থের জ্ঞানময় মহাশয়ের পৌরী বিশ্বনাথ এক-এ কালের ছাত্র, সে তাহার বসিষ্ট বন্ধু। তাহাকে সে অনেক বই আনিয়া দেয়। এক মুখে-মুখেও অনেক কিছু সে তাহার কাছে শিখিয়াছে। এই সব কারণে সে বেশ একটু অহঙ্কৃতও বটে। এ গ্রামে তাহার সমকক্ষ বিদ্বান ব্যক্তি কাহাকেও দেখিতে পার না। জগন ভাকার পর্বন্ত তাহার তুলনায় কম শিক্ষিত। কল্পনার হাইকুলে জগন কোথাকাল পর্বন্ত পড়িয়া পড়া ছাড়িয়াছে; বাপের কাছে তাঁকারি শিখিয়াছে। দেবু পড়িয়াছে ফার্স্ট ক্লাস, পর্বন্ত। পড়াশুনাতো সে ভালই ছিল, পড়িলে সে যে ম্যাট্রিক পাস করিত, ভাল-ভাবেই পাস করিত এ-কথা আজও কল্পনার মাস্টারেরা স্বীকার করে। দেবু নিজে জানে—পড়িতে পাইলেই সে বৃত্তি লইয়া পাস করিত। তাহার পর আই-এ, বি-এ—দেবনাথের সে কল্পনা ছিল স্বপ্নপ্রসারী। ম্যাট্রিকস্টেট হইতে পারিত সে। অস্তত তাই মনে করে। সঙ্গে সঙ্গে দীর্ঘনিঃশ্বাস কলে আপনাব দুর্ভাগ্যের জন্ম।

হঠাৎ তাহার বাপ মারা গেল! চাষবাস, সংসার দেখিবার দ্বিতীয় পুঙ্কল বাড়ীতে ছিল না। তাহার মা অন্ত গ্রাম্য মেয়েদের মত মাঠে মাঠে ঘুরিয়া পাঁচজনের সঙ্গে পুঙ্কলের মত ঝগড়া করিয়া ফিরিবে—এও দেবুর কল্পনায় অসম্ভব মনে হইয়াছিল। এক বাবা যখন মারা গেল তখন সংসার একবারে ভরাডুবির মুখে। এক পরসার সক্ষম নাই, ধান নাই। ধারও কিছু হইয়াছে। অগত্যা সে পড়াশুনা ছাড়িয়া চাষ ও সংসারের কাজে আত্মনিয়োগ করিয়াছিল। কিন্তু সন্তোষচিন্তে নয়। একটা অসন্তোষ অহরহই তাহার জাগিয়া থাকিত, তাহা আজও আছে। কয়েক বৎসর পূর্বে, স্বায়ত্বশাসন আইনে গ্রাম্য পাঠশালার ভার ডিষ্ট্রিক্ট বোর্ড ও ইউনিয়ন বোর্ড গ্রহণ করিবার পর হইতে চাষবাস ছাড়িয়া ঐ কুলে পণ্ডিত হইয়া বলিয়াছে। বেতন মাসে বারো টাকা, চাষবাস ভাগেটিকার বন্দোবস্ত করিয়া দিয়াছে। লোকে এইবার তাহাকে বলিল—পণ্ডিত; খানিকটা লম্বানও করিল। কিন্তু আত্মতেও তাহার পরিতৃপ্তি হইল না।

তাহার ধারণা, গ্রামের শ্রেষ্ঠ ব্যক্তি হইল সে। শ্রেষ্ঠ ব্যক্তিরের সমানই তাহার প্রাণ্য! অরণ্যাবীর শিশু-শাল যেমন বস্ত্র লতায় দুর্ভেদ্য জাল ভেদ করিয়া সকলের উপরে রাখা জালিতে চায়, তেমনি উচ্চত বিজ্ঞানে সে এতদিন গ্রামের সকলের সঙ্গে যুদ্ধ করিয়া আসিয়াছে। তবে সে একা অথবা আলোক ভোগের জন্তেই উৎকলোকে উঠিতে চায় না; নিচের লড়াইগুলি তাহাকেই অবলম্বন করিয়া তাহারই সঙ্গে আলোক-বাজ্যের অভিযানে, আলোকলোকে চলা—এই আকাঙ্ক্ষা! ছিক পালের অবসানপর এক বর্ষের পড়াশুনা সে অধ্যয়নের সঙ্গে যুগ করে। জগনের নকল, দেশপ্রীতি ও আভিমানের আকালন তাহার নিকট যেমন হাতকড় তেমনি, অক্ষয়! কল্যাণকরিত্ব দাবিতে হৃদয়িত গ্রামের সকলক-সাবিকের সে স্বীকার করিতে

চায় না। ভবেশ ও মুকুল বয়সের প্রাচীনত্ব লইয়া বিজ্ঞতার ভানে কথা কয়,—তাহাও সে সহ্য করিতে পারে না।

দেবুর উপেক্ষা অবশ্য অহেতুক নয় অথবা একমাত্র আত্মপ্রাধাত্যের আকাঙ্ক্ষা হইতে উদ্ভূত নয়। আপনার গ্রামখানিকে সে প্রাণের সহিত ভালবাসে। সে যে চোখের উপর গ্রামখানিকে দিন দিন অবনতির পথে গড়াইয়া যাইতে দেখিতেছে! অর্থবলে এবং দৈহিক শক্তিতে ছিন্ন যথেষ্টাচার করিতেছে। শুধু ছিন্ন কেন—গ্রামের কেহই কাহাকেও মানে না, সামাজিক আচার-ব্যবহার সব লোপ পাইতে বসিয়াছে। মাহুষ মরিলে সহজে মড়া বাহির হয় না, সামাজিক ভোজনে—একই পঙক্তিতে ধনী-দরিদ্রের ভেদ দেখা দিয়াছে। সম্প্রতি কামার ছুতার বায়েন কাজ ছাড়িল; দাই, নাপিত চিরকালে বিধান লজ্জনে উত্তম হইল। যাহার মাসে পাঁচ টাকা আয় সে দশ টাকা খরচ করিয়া বাবু সাজিয়া বসিয়াছে। ঋণের দায়ে জমি বিকাইয়া যাইতেছে, ঘটি-বাটি বেচিতেছে,—তবু জামা চাই, শোখিন-পাড় কাপড় চাই, ঘরে ঘরে হারিকেন লঠন চাই। ছোকরাদের পকেটে বিড়ি-দেশলাই চুকিয়াছে, জংশন-শহরে গেলেই সবাই দু-এক পয়সার সিগারেট না কিনিয়া ছাড়ে না,—তামাক-চকমকি একেবারে বাতিল হইয়া গেল। এ-সবের প্রতিকার করিবার সাধ্য যাহাদের নাই, তাহারা প্রধান হইতে চায় কেন? কিসের জোরে? এ প্রশ্ন যাহাদের অকারণে মাথা ঘরাইয়া তোলে দেবু পণ্ডিত সেই তাহাদেরই একজন।

দেবু পণ্ডিত পাঠশালার ছেলেদের পড়াইতে পড়াইতে এই সব ভাবনার অনেক কিছু ভাবে। গ্রামের সকল জন হইতে নিজেকে কতকটা পৃথক রাখিয়া—আপনার চিন্তাকে বিকীর্ণ করে এবং সঙ্গে সঙ্গে আপন ব্যক্তিত্বকেও প্রতিষ্ঠিত করিবার চেষ্টা করিয়া যায়—অক্লান্তভাবে সামান্য সুযোগও সে কখনও ছাড়িয়া দেয় না।

তাই জগন ভাস্কার যখন ইউনিয়ন বোর্ডের কর্তৃপক্ষের অত্যাচার বিরুদ্ধে মাথা তুলিয়া দাঁড়াইল—তখন ভাস্কারের আভিজাত্যের আশ্রয়লাভের প্রতি ঘৃণা সঙ্গেও তাহার সহিত মিলিত হইতে সে বিধাবোধ করিল না।

দেবনাথ ও জগন ভাস্কার দুইজনে মিলিত উৎসাহে কাজ আরম্ভ করিয়া দিল। দরখাস্ত পাঠানো হইয়া গিয়াছে। নবামের দিনে দুইজনে পরামর্শ করিয়া একটা উৎসবেরও ব্যবস্থা করিল। সন্ধ্যায় চণ্ডীমণ্ডপে মনসার ভাসান গান হইবে। ভাসান গানের দলকে এখানে ‘বেহুলার দল’ বলিয়া থাকে। বাউড়ীদের একটি বেহুলার দল আছে; সেই দলের গান হইবে। চান্দা করিয়া চাল তুলিয়া উহাদের মদের ব্যবস্থা করা হইয়াছে—তাহাতেই দলের লোকের মহা আনন্দ। এই ভাসান গানের ব্যবস্থার মধ্যে আরও একটি উদ্দেশ্য আছে। নবামের দিন ছিন্ন পালের বাড়ীতে অন্নপূর্ণা পূজা হইয়া থাকে; সেই উপলক্ষে সন্ধ্যায় গ্রামের সমস্ত লোকই গিয়া জমায়েত হয় ছিন্নর বাড়ীতে। তামাক খায়, গালগল্প করে, খোল বাজাইয়া অন্ন অন্ন কীর্তন গানও হয়। এবার আবার ছিন্ন নাকি বিশেষ সমারোহের আয়োজন করিয়াছে। রাজে লোকজন খাওয়াইবে এবং একদল কুকুমাত্রাও নাকি বায়না

করিয়াছে। শ্রীহরির মায়ের নিত্যকার গালিগালাজ ও আক্ষাননের মধ্যে হইতে অন্তত ওই দুইটি সংবাদ পাওয়া গিয়াছে। গ্রামের লোক যাহাতে ছিৰুর বাড়ী না যায়—জগন ডাক্তার এবং দেবনাথ তাহার জন্ত ব্যবস্থাগুলি করিয়াছে। গ্রামকে সজবন্ধ করিবার প্রচেষ্টায় জগন ও দেবনাথের এইটি প্রথম আয়োজন বা ভূমিকা।

চাবীর গ্রামে নবান্নের সমারোহ কিছু বেশী, এইটাই সত্যকারের সার্বজনীন উৎসব। চাষের প্রধান শস্য হৈমন্তী ধান মাঠে পাকিয়া উঠিয়াছে; এইবার সেই ধান কাটিয়া ঘরে তোলা হইবে। কার্তিক সংক্রান্তির দিনে কল্যাণ করিয়া আড়াই মূঠা ধান কাটিয়া আনিয়া লক্ষ্মী পূজা হইয়া গিয়াছে। এইবার আজ লঘু ধানের চাল হইতে নানা উপকরণ তৈয়ারী করিয়া পিতৃলোক এবং দেবলোকের ভোগ দেওয়া হইবে। তাহার সঙ্গে ঘরে ঘরে হইবে ধান্ধলক্ষ্মীর পূজা। ছেলেমেয়েরা সকালবেলাতেই সব স্নান সারিয়া ফেলিয়াছে। অগ্রহায়ণের তৃতীয় সপ্তাহে শীতও পড়িয়াছে, তবুও নবান্নের উৎসাহে ছেলেরা পুকুরে জল খোলা করিয়া তবে উঠিয়াছে। তাহার সব এখনও চণ্ডীমণ্ডপের আঙিনায় রোদে দাঁড়াইয়া খোঁড়া পুরোহিতের কঙ্কালসার ঘোড়াটাকে লইয়া কলরব করিতেছে। বুড়ো শিব এবং ভাড়া কালীর মন্দিরে ভোগ না হইলে নবায় আরম্ভ হইবে না। কুমারী কিশোরী মেয়েরা ভিজা চুল পিঠে এলাইয়া দিয়া নতুন বাটিতে নতুন ধানের আতপ চাল, চিনি, মণ্ডা, দুধ, কলা, আখের টিকলি, আদাকুচি, ম্লাকুচি সাম্রাইয়া দক্ষিণা সহ মন্দিরের বারান্দায় নামাইয়া দিতেছে। অধিকাংশই চার পয়সা, কেহ দু পয়সা, কেহ এক পয়সা, দু-চার জনে দিয়াছে দু আনা। যাহাদের বাড়ীতে কুমারী মেয়ে নাই, তাহাদের ভোগসামগ্রী প্রবীণারা লইয়া আনিতেছে। গ্রামের পুরোহিত—খোঁড়া চক্রবর্তী বসিয়া সামগ্রীগুলি লইয়া দেবতার সম্মুখে রাখিয়া দক্ষিণাগুলি ট্যাঁকে পুরিতেছে এবং মধ্যে মধ্যে ধমক দিতেছে ওই ছেলেগুলিকে—এ্যাই এ্যাই! এ্যাই ছেলেগুলো, এ ত ভারী বদ! যাস না কাছে, টাট ছোড়ে তো পিলে ফাটিয়ে দেবে।

• অর্থাৎ ওই ঘোড়াটা। ঘোড়াটা পিছনের পা ছুঁড়িলে গ্ৰীহা ফাটিয়া যাইবে। খোঁড়া চক্রবর্তী গ্রাম-গ্রামান্তরে ওই ঘোড়ার সওয়ার হইয়া যজ্ঞমান সাধিয়া ফেরে। ফিরিবার সময় ঘোড়ার উপর থাকে সে—তাহার মাথায় থাকে চাল-কলা ইত্যাদির বোঝা। ঘোড়া খুব শিক্ষিত, চক্রবর্তী প্রায়ই লাগাম না ধরিয়া দুই হাতে বোঝা ধরিয়া অনায়াসে চলে, অবশ্য ইচ্ছা করিলে চক্রবর্তী মাটিতে পা নামাইয়া দিতে পারে। মাটি হইতে বড় জোর ফুটখানেক উপরে তাহার পা দুইটা ঝুলিতে ঝুলিতে যায়।

ছেলেদের কতগুলো দূর হইতে ঢেসা ছুঁড়িয়া ঘোড়াটাকে ক্রমাগত মাঝিতেছিল। কতকগুলো অতিসাহসী গাছের ডাল লইয়া পিছন দিক হইতে পিটিতেছিল। পুরোহিত ভয়ানক চটিয়া উঠিয়াছিল। কিন্তু কোন উপায় সে খুঁজিয়া পাইতেছিল না। ছেলেগুলো যেন তাহার কথা কানেই তুলিবে না বলিয়াই একজোট হইয়াছে। একটি প্রোঁচা বিধবা ভোগের সামগ্রী লইয়া আসিয়াছিল—দে-ই পুরোহিতের উপায় করিয়া দিল; সে বলিল—এঁয়া তোর ওই ঘোড়াটাকে ছুঁলি? বলি—ওরে ও মেলেছার দল! যা, আবার সব চান করগৈ যা।

পুরোহিত বলিল—দেখ বাছা! দেখ, বজ্জাত ছেলেদের কাণ্ড দেখ। চাঁট ছোড়ে তো পিলে কাটিয়ে দেবে। তখন নাম-দোষ হবে আমার।

বিধবা কিন্তু এ কথাটা মানিল না, সে বলিল—ও-কথা আর বল না ঠাকুর। ওই ছাগলের মত ঘোড়া—ও নাকি পিলে কাটিয়ে দেবে? তুমিও যেমন। ছেলেদের বলছি কেন, তোমারও তো বাপু আচার-বিচার কিছু নাই। সামনের দুটো পায়ে বেঁধে ছেড়ে দাও, রাজ্যের আন্তাকুড়, পাতা, ময়লা মাড়িয়ে চলে বেড়ায়। সেদিন আমাদের গাঁয়ে এসে নতুন পুকুরের পাড়ে—মা-গোং, মনে করলেও বমি আসে—চান করতে হয়—সেইখানে দেখি ঘাস খাচ্ছে। আর তুমি ওই ঘোড়াতে চেপে এসে দেবতার পূজা কর?

পুরোহিত বলিল—গঙ্গাজল দি মোড়ল পিসি, রোজ সন্ধ্যাবেলা বাড়ী ফিরলে গঙ্গাজল দিয়ে তবে ওরে ঘরে বাঁধি। আমি তো গঙ্গাজল-স্পর্শ করিই।

—ও সব মিছে কথা।

—ঈশ্বরের দিবি। পৈতে ছুঁয়ে বলছি আমি। গঙ্গাজল না দিলে ও বাড়ী ঢোকে না। বাইরে দাঁড়িয়ে মাটিতে পা ঠুকবে আর চিঁ হি চিঁ হি করে চেষ্টাবে।

মোড়ল পিসি কি বলিতে গিয়া শশব্যস্ত হইয়া সম্মুখের দিকে খানিকটা সরিয়া গিয়া ফিরিয়া দাঁড়াইল—কে লা? হন হন করে আসছে দেখ।—পিছন দিক হইতে কোন আগন্তকের দীর্ঘচ্ছায়া মাথাটা তাহার পায়ের উপর পড়িতেই মোড়ল পিসি সংস্পর্শের ভয়ে সরিয়া গিয়া প্রস্থ করিল—কে?

একটা বধু দীর্ঘাকী—অবগুণ্ঠনাবৃত মুখ; সে উত্তর করিল না, নীরবে ভোগশামগ্রীর পাত্রখানি পুরোহিতের হাতের সম্মুখে নামাইয়া দিল।

—অ! কামার বউ! আমি বলি কে-না-কে!

এই মুহূর্তেই ভক্তার ও পণ্ডিত আসিয়া চণ্ডীমণ্ডপে প্রবেশ করিল। দেবনাথ বিনা ভূমিকায় বলিল—ঠাকুর, কামারের পূজা গাঁয়ের সামিলে আপনি করবেন না, সে হতে আমার দেব না।

জগন ও দেবু এই স্থযোগটিরই প্রতীক্ষা করিয়া নিকটেই কোথাও দাঁড়াইয়া ছিল, পক্ষকে চণ্ডীমণ্ডপে প্রবেশ করিতে দেখিয়া সঙ্গে সঙ্গে তাহারাও আসিয়া হাজির হইয়াছে।

ঠাকুর কিছুক্ষণ পণ্ডিতের মুখের দিকে চাহিয়া থাকিয়া প্রস্থ করিল—সে আবার কি রকম? গাঁ-সামিলে পূজা না হলে কি করে পূজা হবে?

—সে আমরা জানি না, কর্মকার বুঝে করবে। সে যখন গাঁয়ের নিয়ম লঙ্ঘন করেছে, তখন আমরাই বা গাঁয়ের সামিলে ক্রিয়াকর্মে নোব কেন?

পদ্ম তেমনি অবগুণ্ঠনে মুখ ঢাকিয়া স্থির হইয়া দাঁড়াইয়া রহিল, এতটুকু চাক্ষু্য দেখা গেল না। ঠাকুর তাহার দিকে চাহিয়া নিভাস্ত নিরুপায়ভাবে বলিল—তাহলে আর আমি কি করব মা!

দেবনাথ পক্ষকে লক্ষ্য করিয়া বলিল—পূজা তুমি ফিরিয়ে নিয়ে যাও, বল গে কর্মকারকে,

পূজো দিতে দিলে না গায়ের লোক ।

পদ্ম এবার ধীরে ধীরে চলিয়া গেল, কিন্তু পূজোর পাত্র তুলিয়া লইয়া গেল না, সেটা এক দক্ষিণার পয়সা সেখানেই পড়িয়া রহিল ।

পুরোহিত বিব্রত হইয়া বলিল—ওগো ও বাছা, পূজোর ঠাইটা নিয়ে যাও ! ও বাছা, ও কামার বউ !

দেবু আবার বলিল—থাক না । কামার এখনি তো আসবেই । যা হোক একটা মীমাংসা আজ হবেই ।—দেবু ঘোষের গোপনতম অন্তরে কর্মকারের উপর একটু সহানুভূতি এখনও আছে ; অনিরুদ্ধ তাহার সহপাঠী, তা ছাড়া, অগ্নায় অনিরুদ্ধেরই একার নয় এবং অনিরুদ্ধই প্রথমে অগ্নায় করে নাই । গ্রামের লোকই অগ্নায় করিয়াছে প্রথম । সে কথাটাও তাহার মনে কাঁটার মত বিধিতেছিল ।

পুরোহিত ব্যাপারটা ভাল বুঝিতে পারে নাই, বুঝিবার ব্যগ্রতাও তাহার ছিল না । উপস্থিত একবাড়ীর আতপতুল দুধ-মণ্ডা প্রভৃতি পূজোর সামগ্রী বাদ পড়িয়া যাইতেছে—সেই চিন্তাটাই তাহার বড় । ভ্রু কুঞ্চিত হইয়া উঠিল । বলিল—বলি ওহে ভাক্তার, ও পণ্ডিত—

জগন বাধা দিয়া দৃঢ় আদেশের ভঙ্গীতে তাহাকে বলিল—গিরিশ ছুতোর তারা নাপিত এদের পূজোও হবে না ঠাকুর, বলে রাখছি আপনাকে । আমরা অবিশ্রি একজন-না-একজন শেষ পর্যন্ত থাকব, তবে যদি না থাকি—সেজ্ঞা আগে থেকে বলে রাখছি আপনাকে ।

ঠিক এই সময়ে ছিন্ন পাল আসিয়া ডাকিল—ঠাকুর ! ছিন্নর পরনে আজ গরদের কাপড়, গায়ে একখানি রেশমী চাদর ; ভাবে-ভঙ্গিতে ছিন্ন পাল আজ একটি স্বতন্ত্র মানুষ ।

পুরোহিত চক্রবর্তী ব্যস্ত হইয়া বলিল—এই যাই বাবা । আর বড় জোর আধ ঘণ্টা । ও পণ্ডিত, ও ভাক্তার, কই হে সব আসছে না কেন ?

গম্ভীরভাবে জগন ডাক্তার বলিল—এত তাড়াতাড়ি করলে তো হবে না ঠাকুর । আসছে সব, একে একে আসছে । একঘর যজ্ঞমানের জগ দশজনকে ব্যতিব্যস্ত করতে গেলেন্তো চলবে না ।

ছিন্ন বলিল,—বেশ—বেশ ! দশের কাজ সেরেই আস্থন । ঠাকুর ! আমি একবার তাগাদা দিয়ে গেলাম । তারপর ছিন্ন তাহার প্রকাণ্ড বিশ্রী মুখখানাকে যথাসাধ্য কোমল এবং বিনোদ করিয়া বলিল—ডাক্তার, একবার যাবেন গো দয়া করে । দেবু খুড়ো দেখেত্তেনে দিয়ে এস বাবা—

কথাটা তাহার শেষ হইল না, অনিরুদ্ধের প্রচণ্ড ক্রুদ্ধ চীৎকারে চণ্ডীমণ্ডপটা যেন অতর্কিতে চমকিয়া উঠিল ।

—কে ? কে ? কার ঘাড়ে দশটা মাথা ? কোন্ নবাব-বাদশা আমার পূজো বন্ধ করেছে তনি ?

অনিরুদ্ধের সে মূর্তি যেন রক্ত-মূর্তি !

চক্রবর্তী হতভম্ব হইয়া গেল, দেবনাথ সোজা হইয়া দাঁড়াইল, জগন ভাস্কর বিজ্ঞ নাশ্বনাশাতার মত একটু আগাইয়া আসিল ; ছিন্ন পাল যথাস্থানে অচঞ্চল স্থিরভাবেই দাঁড়াইয়া রহিল ।

ভাস্কর বলিল—থাম, থাম, চীৎকার করিস না অনিরুদ্ধ !

ব্যঙ্গভরা ঘৃণিত দৃষ্টিতে চকিতে একবার ছিন্ন পাল হইতে ভাস্কর পর্যন্ত সকলের দিকে চাহিয়া অনিরুদ্ধ মন্দিরের দাওয়া হইতে পদ্মের পরিত্যক্ত পূজার পাত্রটা তুলিয়া লইল । পাত্রটা দুই হাতে খানিকটা উপরে তুলিয়া যেন দেবতাকে দেখাইয়া বলিল—হে বাবা শিব, হে মা কালী—থাও বাবা, থাও মা থাও । আর বিচার কর, তোমরা বিচার কর, তোমরা বিচার কর ।—বলিয়াই সে ফিরিল ।

ভাস্করের চোখ দিয়া যেন আগুন বাহির হইতেছিল, কিন্তু অনিরুদ্ধকে ধরিয়া নির্ধাতন করিবার কোন উপায় ছিল না ।

অনিরুদ্ধ খানিকটা গিয়াই কিন্তু ফিরিল, এবং দক্ষিণার পয়সা কয়টা টাকে গুঁজিয়া দেখিল দেবু ঘোষ ও জগন ভাস্করের অল্প দূরে তখনও দাঁড়াইয়া আছে ছিন্ন পাল । তাহার জ্ঞোধ মুহূর্তে যেন উন্নততায় পরিণত হইয়া গেল । সে চীৎকার করিয়া উঠিল,—বড়লোকের মাথায় আমি ঝাড়ু মারি, আমি কোন শালাকে মানি না, গ্রাহ্য করি না । দেখি—কোন শালা আমার কি করতে পারে ।

মুহূর্তের জন্তে সে ছিন্নর দিকে ফিরিয়া যেন তাহাকে দৃষ্টবুদ্ধে আহ্বান করিয়া বুক ফুলাইয়া দাঁড়াইল ।

খোঁড়া পুরোহিত ও মোড়ল পিলী একটা বিপর্যয় আশঙ্কা করিয়া শিহরিয়া উঠিল । ইহার পরই অনিরুদ্ধের উপর ছিন্ন পালের বাঘের মত লাফাইয়া পড়ার কথা ; কিন্তু আশ্চর্য, ছিন্ন পাল আজ হাসিয়া অনিরুদ্ধকে বলিল—আমাকে মিছিমিছি জড়াচ্ছ, কর্মকার, আমি এসবের মধ্যে নাই । আমি এসেছিলাম পুরুত ভাকতে ।

অনিরুদ্ধ আর দাঁড়াইল না, যেমন হন হন করিয়া আসিয়াছিল, তেমনি হন হন করিয়া চলিয়া গেল । যাইতে যাইতেও সে বলিতেছিল—সব শালাকে আমি জানি । ধার্মিক—রাতারাতি সব ধার্মিক হয়ে উঠেছে ।

ছিন্ন অবিচলিত ধৈর্যে স্থির প্রশান্তভাবেই চণ্ডীমণ্ডপ হইতে নামিয়া বাড়ীর পথ ধরিল । ছিন্নর চরিত্রের এই একটি বৈশিষ্ট্য । যখন সে ইষ্ট স্মরণ করে, কোন ধর্ম-কর্ম বা পূজা-পার্বণে রত থাকে—সে তখন স্বতন্ত্র মানুষ হইয়া যায় । সেদিন সে কাহারও সহিত বিবোধ করে না, কাহারও অনিষ্ট করে না, পৃথিবী ও বস্তু-বিষয়ক সমস্ত কিছুর সহিত সংশ্লবহীন হইয়া এক ভিন্ন জগতের মানুষ হইয়া উঠে । অবশ্য সমগ্র হিন্দুসমাজের জীবনই আজ এমনই দুই ভাবে বিভক্ত হইয়া গিয়াছে ; কর্মজীবন এবং ধর্মজীবন একেবারে স্বতন্ত্র—দুইটার মধ্যে যেন কোন দ্বন্দ্ব নাই । ইষ্ট স্মরণ করিতে করিতে যাহার চোখে অকপট অশ্রু উদ্গত হয়, সেই মানুষই ইষ্ট

স্মরণ-শেষে চোখের জল মুছিতে মুছিতে বিষয়ের আসনে বসিয়া জাল-জালিয়াতি শুরু করে। শুধু হিন্দু সমাজই বা কেন? পৃথিবীর সকল দেশে—সকল সমাজেই জীবনধারা অল্পবিস্তর এমনই দুই ভাগে বিভক্ত হইয়া গিয়াছে। পৃথিবীর কথা থাকুক, ছিন্নর জীবনে এই বিভাগটা বড় প্রকট—অতি মাত্রায় পরিষ্কৃত। আজিকার ছিন্ন স্বতন্ত্র, এই ছিন্ন যে কেমন করিয়া ব্যভিচারী পাষণ্ড ছিন্নর প্রচণ্ড তার ঠেলিয়া দেবপূজাকে উপলক্ষ করিয়া বাহির হইয়া আসে—সে অতি বিচিত্র সংঘটন। পাষণ্ড ছিন্নর অন্তায় বা পাপে কোন ভয় নাই, দেবসেবক ছিন্নরও সে পাপ খণ্ডনের জন্ত কোন ব্যগ্রতা নাই। আছে কেবল পরমলোক-প্রাপ্তির জন্ত একটি নিষ্ঠাভরা তপস্যা এবং অকপট বিশ্বাস। দিন ও রাত্রির মত পরস্পরের সঙ্গে এই দুই বিরোধী ছিন্নর কখনও মুখোমুখি দেখা হয় না, কিন্তু কোন বিরোধও নাই। তবে ছিন্নর দিবাভাগগুলি অর্থাৎ জীবনের আলোকিত অংশটুকু নীতমগুলের নীতের দিনের মত—অতি সংক্ষিপ্ত তাহার আয়ু।

আজ কিন্তু আরও একটু নূতনত্ব ছিল ছিন্নর ব্যবহারে। আজিকার কথাগুলি শুধু মিষ্টই নয়—খানিকটা অভিজাতজনোচিত, ভদ্র এবং সাধু। বিগত কালের দেবসেবক ছিন্ন হইতেও আজিকার দেশসেবক ছিন্ন আরো স্বতন্ত্র, আরো নূতন। উত্তেজনার মুখে সেটা কেহ লক্ষ্য করিল না।

কিছুক্ষণ পরই চণ্ডীমণ্ডপের সামনের রাস্তা দিয়া বাউড়ী, ভোম, মূর্তীদের একপাল ছেলেমেয়েরা সারি বাঁধিয়া কোথাও যাইতেছিল। কাহারও হাতে থালা, কাহারও হাতে গেলাস, কাহারও হাতে কোন রকমের একটা পাত্র। জগন ডাক্তার প্রদ্ব কবিল—কোথায় যাবি রে সব দল বেঁধে?

—আজ্ঞে, ঘোষ মহাশয়ের বাড়ী গৌ, অন্নপূর্ণার পেসাদ নিতে ডেকেছেন।

—কে? ঘোষটা আবার কে? ছিন্ন? ছিরে পাল সে আবার ঘোষ হল কবে থেকে?

অশালীন ভাবান্ব—ছিন্নকে কয়টা গাল দিয়া ডাক্তার বলিল—ওঃ, বেজায় সাধু মাতব্বর হয়ে উঠল দেখছি!

দেবু শুরু হইয়া ভাবিতেছিল।

এগারো

দেবু শুরু হইয়া ভাবিতেছিল অনেক কথা। ওই নবাবের ঘটনার বেশ কয়েকদিন পর।

চণ্ডীমণ্ডপই গ্রাম্য পাঠশালা বসে; পাঠশালার প্রতিষ্ঠার প্রথম দিন হইতেই চণ্ডীমণ্ডপই পাঠশালার নির্দিষ্ট স্থান। সে বছরকাল আগের কথা। তখন ডিষ্ট্রিক্ট বোর্ড ছিল না, ইউনিয়ন বোর্ড ছিল না। পাঠশালা ছিল গ্রামের লোকের। লোকেরা পণ্ডিতকে মাসে একটা করিয়া সিধা দিত এবং ছেলে পড়াইত। চণ্ডীমণ্ডপে সেকালে কালী ও শিবের নিত্য-পূজার ব্যবস্থা ছিল এবং ওই পূজক ব্রাহ্মণই তখন ছিল পাঠশালার পণ্ডিত। পরবর্তীকালে পূজকের

দেবোত্তর জমি কেমন করিয়া কোথায় উবিয়া গেল কে জানে। লোকে বলে—জমিদারের পূর্ববর্তী এক গোমস্তা দেবোত্তর জমিকে নামমাত্র খাজনায় বন্দোবস্ত করিয়া নিজের জোতের অন্তর্গত করিয়া লইয়াছে। এমন কোঁশলে লইয়াছে যে, সে আর উদ্ধারের কোন উপায় নাই। এমন কি চিহ্নিত জমিগুলোকে কাটিয়া এমনি রূপান্তরিত করিয়াছে যে, সে জমি পর্বন্ত খুঁজিয়া বাহির করা দুঃসাধ্য। তাহার পরও গ্রাম্য-পৌরোহিত্য, দেব-সেবা এবং পাঠশালাকে অবলম্বন করিয়া এক ব্রাহ্মণ অনেকদিন এখানে ছিল; আজ বৎসর কয়েক আগে যে-ও চলিয়া যাইতে বাধ্য হইয়াছে। শিক্ষা-বিভাগের নূতন নিয়মানুযায়ী অযোগ্যত হেতু তাহাকে বরখাস্ত করিয়া নূতন বন্দোবস্ত হইয়াছে। সম্প্রতি বছর তিনেক পাঠশালার তারা পড়িয়াছে দেবুর হাতে।

এককালে দেবুও এই পাঠশালায় সেই পুরোহিত-পণ্ডিতমশায়ের কাছে পড়িয়াছে। পণ্ডিত একদিকে পূজা করিত ‘জয়ন্তী মঙ্গলা কালী’—মকস্মাৎ মন্ত্র বন্ধ করিয়া চীৎকার করিয়া উঠিত—এ্যাঁ—এ্যাঁ চণ্ডে, পাঁচ তেরম পঁচাত্তর নয়, পাঁচ তেরম পয়ষটি। ছয় তেরম আটাত্তর। ই্যা—

ওই অনিরুদ্ধও তখন তাহার সঙ্গে পড়িত। পণ্ডিত তাহাকে বলিত—এ দেশের লোহাতে চেকন কাজ হয় না বাবা, কর্মকার, তুমি ‘বিলাত’ যাও। বিলাতে কল-কারখানার কারবার, আলপিন স্বেচ্ছা তৈরী হয় লোহা থেকে। বিলাতী পণ্ডিত না হলে তোমাকে পড়ানো আমার কর্ম নয়;—

ছিরু দেবুর জ্ঞাতি, সম্বন্ধে ভাইপো, কিন্তু বয়সে অনেক বড়। সে প্রথমে তাহার কয়েক ক্লাস উপরে পড়িত; শেষে এক এক ক্লাসে দুই-তিন বৎসর করিয়া বিশ্রাম লইতে লইতে যেদিন দেবুকে সহপাঠীরূপে দেখিতে পাইল, সেইদিনই সে পাঠশালার মোহ জন্মের মত বিসর্জন দিল। তারপরই সে বিবাহ করিয়া সংসারী হইয়াছে—ক্রমে বিষয়-বুদ্ধিতে পাঁচখানা গ্রামের লোককে বিস্মিত করিয়া দিয়াছে। সে আজ গণ্যমান্য ব্যক্তি, গ্রামের মাতব্বর।

অনিরুদ্ধ এবং এই ছিরু পাল—এই দুইজনই গ্রামখানার সমস্ত শৃঙ্খলা ভাঙিয়া দিল। ওই সঙ্গে গিরিশ ছুতার, তারা নাপিতও আছে। দেবু আশ্চর্য হইয়া ভাবিতেছিল—অনিরুদ্ধ ওই যে দম্ভভরে সামাজিক নিয়ম উপেক্ষা করিয়া চণ্ডীমণ্ডপ হইতে ভোগ উঠাইয়া লইয়া গেল, অথচ সমাজের কেহ তাহাকে প্রতিরোধ করিতে পারিল না, ইহার কি কোন প্রতিকার নাই? এ কয়েকদিন সে নিজেই লোকের দ্বারা দ্বারা ফিরিয়াছে, গ্রামের লোক তাহাকে ভালবাসে, অনেকে শ্রদ্ধা করে; কিন্তু এক্ষেত্রে সকলেই বলিয়াছে এক কথা—এর আর করবে কি দেবু? উপায় কি বল? যদি থাকে তাহলে তুমি কর! তবে বুঝ কি না—উ হবে না! কি সমাজ সমাজ করছ? সমাজ কই?

নাই! দেবু নিজেই বুঝিয়াছে, নাই! সেকালে যে-সব মানুষ এই সমাজ গড়িয়াছিল, এই সমাজ শাসন করিত, এ সমাজকে ভাল করিয়া জানিত, বুঝিত—সে-সব মানুষই আর নাই। সে শিক্ষাও নাই, সে দীক্ষাও নাই, সে দৃষ্টি নাই। এ-সব মানুষ আর এক জাতের

মাহুৰ। আর এক ধাতের মাহুৰ। মাহুৰের নামে অমাহুৰ।

জগন ভাতার সেদিন বলিয়াছিল—ধ'রে এনে বেটাচ্ছেলে কামারকে খুঁটির সঙ্গে বেঁধে লাগাও ঘা-কতক।

জগনের ও-প্রস্তাবে দেবু সায় দিতে পারে নাই। ছি! মাহুৰকে শিক্ষা দিবার অধিকার আছে, ক্ষেত্রবিশেষে মনুষ্যোচিত শাসন করিবার অধিকারও সে স্বীকার করে; কিন্তু অত্যাচারই একমাত্র শাসন নয়। জীবনে তাহার আকাঙ্ক্ষা আছে, কিন্তু সে আকাঙ্ক্ষা পরিপূরণের জন্ত হীন কৌশল, অত্যাচার ও অত্যাগকে অবলম্বন করিতে সে চায় না। জীবনে তাহার একটি আদর্শবোধও আছে। পাঠ্যাবস্থায় আপনার ভাবী জীবনে আত্মপ্রতিষ্ঠার কামনায় সেই বোধটিকে দেবু গড়িয়া তুলিয়াছিল। মহাপুরুষদের দৃষ্টান্তের সঙ্গে খাপ খাওয়াইয়া নিজের ক্ষুদ্র ক্ষুদ্র চিন্তা ও অভিজ্ঞতার সমন্বয়ে গঠিত সেই আদর্শবোধ। বাল্য-জীবনের কতকগুলি ঘটনা হইতে কয়েকটি ধারণা তাহার বন্ধমূল হইয়া আছে। বারংবার নিরপেক্ষ বিচার-বুদ্ধি-শাণিত যুক্তির আঘাত দিয়াও সে-ধারণাগুলি আজও তাহার খণ্ডিত হয় নাই।

জমিদারকে, ধনী মহাজনকে সে ঘৃণা করে। তাহাদের প্রতিটি কর্মের মধ্যে অত্যাচার সন্ধান করা যেন তাহার স্বভাবের মধ্যে দাঁড়াইয়া গিয়াছে। তাহাদের অতি-উদার দান-ধ্যান-ধর্ম-কর্মকেও সে মনে করে কোন গুপ্ত গো-বধের খেচ্ছাবৃত চান্দ্রায়ণ প্রায়শ্চিত্ত বলিয়া। তাহার অবশ্য কারণ আছে।

তাহার বাল্যকালে একবার জমিদারবাবুরা বাকী খাজনা আদায়েব জন্ত তাহার বাবাকে সমস্ত দিন কাছারিতে আটক রাখিয়াছিল। আতঙ্কিত দেবু তিনবার বাবুদের কাছারিতে গিয়া দাঁড়াইয়া দাঁড়াইয়া শুধু কাঁদিয়াছিল; দুইবার চাপরাসীর ধমক খাইয়া পলাইয়া আসিয়াছিল। শেষবার বাবু তাহাকে দেখিয়া বলিয়াছিল—এবার যদি আসবি হোঁড়া, তবে কয়েদখানায় বন্ধ করে রেখে দেব। চাপরাসীটা তাহাকে টানিয়া আনিয়া একটা অঙ্ককার ঘরও দেখাইয়া দিয়াছিল। বাবুদের অবশ্য কয়েদখানার জন্ত স্বর্গধাম কি বৈকুণ্ঠজাতীয় কোন মহল বা ঘর কোনদিনই ছিল না। নিতান্তই ছোট জমিদার তাহারা, দেবুকে নিছক ভয় দেখাইবার জন্ত ও-কথাটা বলা হইয়াছিল—সেটা দেবু আজ বোঝে। কিন্তু জমিদার অত্যাচারী—এ ধারণা তাহাতে একবিন্দু ক্ষুণ্ণ হয় নাই।

জমিদারের ওই বাকী খাজনা শোধের জন্ত তাহার বাপ কঙ্কণায় মুখুন্ডে বাবুদের কাছে ঋণ করিয়াছিল। তাহারা তিন বৎসর অন্তে হাওনোটের নালিশ করিয়া অস্থাবর ক্রোকী পরোয়ানা আনিয়া, গাই-বাছুর-থানা-গেলাস ও অন্যান্য জিনিসপত্র টানিয়া রাস্তায় যেদিন বাহির করিয়াছিল সেদিনের সেই লাজনা-বিত্তিধিকা দেবু কিছুতেই তুলিতে পারে না। তাহার পর অবশ্য ডিক্রীর টাকা আসল করিয়া তমসুক লিখিয়া দিবার প্রতিশ্রুতি দিলে বাবুরা অস্থাবর ছাড়িয়া দিয়াছিল। সে-টাকা তাহার বাবার মৃত্যুর পর সে শোধ করিয়াছে। এই বাবুরা অবশ্য বে-আইনী কখনও কিছু করে না, হিসাবের বাহিরে একটি পয়সা অতিরিক্ত

লয় না। লোকে বলে—মুখুজ্জে বাবুদের মত মহাজন বিরল। টাকা আদায়ের জন্ত জোর-জুলুম নাই, অপমান নাই, সুদ শোধ করিয়া গেলে নালিশ কখনও করিবে না; লোকের সম্পত্তির উপর তাহাদের প্রলোভন নাই। নীলাম করিয়া লওয়ার পরও টাকা দিলেই বাবুরা সম্পত্তি ফেরত দেয়। ইহার একবিন্দু অতিরঞ্জন নয়। তবু দেবু মহাজনকে ক্ষমা করিতে পারে না।

এ-সবের উপর আরও একটা তিক্ত অভিজ্ঞতা তাহার মনে অঙ্কন হইয়া আছে। স্কুলে সে ছিল সর্বাপেক্ষা দুইটি ভাল ছেলের একটি। তাহার নিচের ক্লাসে পড়িত মহাগ্রামের মহামহোপাধ্যায় গায়রত্বের পৌত্র বিশ্বনাথ,—সে ছিল দ্বিতীয় জন। শিক্ষকেরা প্রত্যাশা করিতেন—এই ছেলে দুইটি স্কুলের মুখোজ্জ্বল করিবে। কিন্তু দেবু আজও ভুলিতে পারে না যে, সে ছিল শিক্ষকদের স্নেহ করুণার পাত্র; গায়রত্বের পৌত্র বিশ্বনাথ পাইত স্নেহের সহিত শ্রদ্ধা আর করুণার বাবুদের মধ্যম মেধার কয়েকটি ছাত্র পাইত স্নেহের সহিত সম্মান। এমন কি, এই ছিঁককেও স্কুলের হেডপণ্ডিত তোষামোদ করিতেন,—কারণ প্রয়োজনমত ছিঁকর বাপের কাছে তিনি কখনও তালগাছ, কখনও জামগাছ, ক্রিয়াকর্মে দশ-পনেরো সের মাছ চাহিয়া লইতেন। ইহা ছাড়া ঘি, চাল, ডাল, গুড় প্রভৃতি তো নিয়মিত উপহার পাইতেন।

ওই পণ্ডিতটির নির্লজ্জ লোভের কথা মনে করিলে দেবুর সর্বাঙ্গ রি-রি করিয়া উঠে। বিশ বৎসর বয়সে ছিঁক স্কুলের ফিফ্‌থ ক্লাস হইতে বিদায় লইলে, পণ্ডিত ছিঁকর বাপকে বলিয়াছিল—ছেলেকে সংস্কৃত পড়াও মোড়ল।

ছিঁকর বাপ ব্রজবল্লভ ছিল শক্তিশালী চাষী—নিজের পরিশ্রমের সাধনায় সে ঘরে লক্ষ্মীর কৃপা আয়ত্ত করিয়াছিল, কিন্তু নিজে ছিল মূর্থ। তাই বড় সাধ ছিল ছেলেটি তাহার পণ্ডিত হয়। ছিঁক বিশ বৎসর বয়সে পণ্ডিত-স্বত্বাব-সম্পন্ন হইয়া উঠায় বোটারার মনস্তাপের সীমা ছিল না। পণ্ডিতের কথায় সে ছেলেকে পণ্ডিতের ছাত্র করিয়া দিল। ছিঁক প্রথমটা আপত্তি করে নাই। পণ্ডিত পড়াইতে আসিয়া গল্প করিতেন। বিশেষ করিয়া বয়স্ক বিবাহিত ছাত্রের কাছে তিনি আদিরসাত্মক সংস্কৃত শ্লোকের ব্যাখ্যা করিয়া এবং ঐ ধরনের গল্প বলিয়া বৎসর চারেক নিয়মিতভাবেই বেশ প্রসন্ন গৌরবেব সঙ্গে মানিহীন চিত্তে বেতন লইয়াছিলেন। অবশ্য বেতন বেশী নয় মাসিক দুই টাকা। চারি বৎসর পর ছিঁক আবার বিদ্রোহ করিল। ছিঁকর বাপ কিন্তু নাছোড়বান্দা। ছিঁক তখন পণ্ডিতের হাত হইতে নিকৃতি পাইবার জন্ত বুলি ধরিল—সংস্কৃত পড়িয়া কি হইবে? পড়িতে হইলে সে ইংরাজীই পড়িবে।

ইংরাজী পড়াইবার গৃহশিক্ষক কিন্তু পণ্ডিতের ডবল বেতন দাবী করিল। ছিঁক তখন ধরিল—সে স্কুলেই পড়িবে। চব্বিশ বৎসর বয়সে সে আবার আসিয়া ফিফ্‌থ ক্লাসে বসিল। দেবুও তখন ফিফ্‌থ ক্লাসে উঠিয়াছে। হঠাৎ ছিঁকর নজর পড়িল দেবুর উপর। দেবুর পাশে অনি-কামার। স্কুলে পড়িবার কথা যখন বলিয়াছিল—তখন এই কথাটা ছিঁকর মনে হয় নাই। তাহার কল্পনা ছিল অগ্ররকম। স্কুলে পড়িবার নাম করিয়া সে করুণার অথবা শ্রুতামের নীচ জাতীয়দের পল্লীতে দিনটা কাটাওয়া আসিবে। কিন্তু দেবুকে এবং অনি-কামাকে

ক্লাসে দেখিয়া সে আর মাথা ঠিক রাখিতে পারিল না। সঙ্গে সঙ্গেই সে বই-খাতা লইয়া উঠিয়া চলিয়া আসিল। বাড়ী চলিয়া আসিল না। সেই পথে-পথেই সে গিয়া উঠিল তাহার মাতামহের বাড়ী। সেখানে গিয়াই সে তাহার জীবনের আদর্শ গুরু ত্রিপুরা সিংকে পাইয়াছিল। তাহার জীবনে পথ দেখায় যে—সে-ই মানুষ্যের গুরু, মাতামহের মনিব ত্রিপুরা সিংকে দেখিয়া ছিঁক তাহাকেই মনে মনে গুরুপদে বরণ করিয়া নিজের কর্ম-জীবন-যাত্রা শুরু করিল। কিন্তু চব্বিশ বৎসর বয়সে ছিঁক যেদিন ক্লাসে আসিয়া বসিয়াছিল—সেদিনও পণ্ডিত আসিয়া বলিয়া-ছিলেন—খবরদার, ছিঁককে দেখে কেউ হেসে না। তাহার মধ্যে ব্যঙ্গ ছিল না—ছিল খাতির।—সে কথা দেবুর আজও মনে আছে।

স্কুলের মধ্যে সকলের চেয়ে সম্মানের পাত্র ছিল কঙ্কণার মুখুজ্জেরদেব মূর্খ ছেলেটা। তিন-তিনজন গৃহশিক্ষক সত্ত্বেও কোন বিষয়ে তাহার পরীক্ষার নম্বর চল্লিশের কোঠাও পৌঁছিত না। একবার সে সঙ্গীদের মধ্যে রহস্য করিয়া বলিয়াছিল—গাধা পিটে কখনও ঘোড়া হয় না। কথাটা ছেলেটার কানে উঠিতেই সে শোরগোল তুলিয়া ফেলিল। সেই শোরগোলে একেবারে শিক্ষকমণ্ডলী পূর্ণন্ত কাঁপিয়া উঠিলেন। আপিসে ডাকাইয়া আনিয়া হেডমাস্টার তাহাকে ক্ষমা চাহিতে বাধ্য করিয়াছিলেন। একজন শিক্ষক বলিয়াছিলেন—গাধা রে, গাধা নয়, হাতী—হাতীর বাচ্চা। গজেন্দ্রগমন একটু একটু ধীরই বটে। আজ বুঝবি না বড় হ'লে বুঝবি।...

সে-কথাটা এখন সে মর্মে মর্মে বুঝিতেছে। বাবুদের সেই ছেলেটি বার-দু'য়েক ফেল করার পর শেষে তৃতীয় বিভাগে ম্যাট্রিক পাস করিয়া আজ লোকাল বোর্ড, ডিস্ট্রিক্ট বোর্ডের মেম্বর, ইউনিয়ন বোর্ডের প্রেসিডেন্ট, অনারারী ম্যাজিস্ট্রেট। প্রতি মাসে দেবুকে ইউনিয়ন বোর্ডে গিয়া পাঠশালার সাহায্যের জন্য তাহার সম্মুখে হাত পাতিয়া দাঁড়াইয়া থাকিত হয়। ছিঁক পালও সম্মতি ইউনিয়ন বোর্ডের মেম্বর হইয়াছে। মধ্যে মধ্যে সে-ও আসিয়া জিজ্ঞাসা করে—কি গো, পাঠশালা চলছে কেমন?

দেবুর মাথার মধ্যে আগুন জ্বলিয়া উঠে।—

সেদিন একখানা ছেলেদের বইয়ে একটা ছড়া দেখিল—‘লেখাপড়া করে যেই গাড়ী ঘোড়া চড়ে সেই।’ দেবু সে লাইনটি বার বার কলম চালাইয়া কাটিয়া দিল। তারপর বোর্ডের উপর খড়ি দিয়া লিখিয়া দিল—লেখাপড়া করে যেই—মহামানী হয় সেই।

তারপর আরম্ভ করিল—ঈশ্বরচন্দ্র বিজ্ঞানাগরের গল্প।

*

*

*

মধ্যে মধ্যে তাহার মনে হয়, সে যদি ইউনিয়ন বোর্ডের ওই প্রেসিডেন্টের আসনে বসিতে পারিত, তবে সে দেখাইয়া দিত ওই আসনের মর্যাদা কত! কত—কত—কত কাজ সে করিত! সে কল্পনা করিত—অসংখ্য পাকা রাস্তা! প্রতি গ্রাম হইতে লাল কাঁকড়ের শোজা রাস্তা বাহির হইয়া মিলিত হইয়াছে এই ইউনিয়নের প্রধান গ্রামের—একটি কেন্দ্রে; সেখান হইতে একটি প্রশস্ত রাজপথ চলিয়া গিয়াছে জংশন শহরে। ওই রাস্তা দিয়া

চলিয়াছে সারি সারি ধান-চালে বোকাই গাড়ী, লোকে ফিরিতেছে পণ্য-বিক্রয়ের টাকা লইয়া, ছেলেরা ফুলে চলিয়াছে ওই পথ ধরিয়া। সমস্ত গ্রামের জঙ্গল সাফ হইয়া—ডোবা বন্ধ হইয়া একটি পরিচ্ছন্নতার চারিদিক ভরিয়া উঠিয়াছে। সমস্ত স্থানগুলিতে ছড়াইয়া দিয়াছে দোপাটি ফুলের বীজ; দোপাটি শেষ হইলে গাঁদার বীজ। ফুলে ফুলে গ্রামগুলি আলোকিত হইয়া উঠিয়াছে। প্রতি গ্রামের প্রতি পল্লীতে একটি করিয়া পাকা ইদারা খোঁড়া হইয়াছে। কোনো পুকুরে এক কণা আবর্জনা নাই, কালো জল টলটল করিতেছে—পাশে পাশে ফুটিয়া আছে শালুক ও পানাদীর ফুল। কোর্ট বেঞ্চের সুবিচারে সমস্ত অগ্নায়, অত্যাচারের প্রতিবিধান হইয়াছে—কঠিন হস্তে সে মুছিয়া দিতেছে উৎপীড়ন ও অবিচার।—এই সমস্তই সে সম্ভব করিয়া তুলিতে পারে; সংযোগ পাইলে সে প্রমাণ করিয়া দিতে পারে যে, স্থলকায় মন্থরগতি চতুষ্পদ হইলেই সে হাতী নয়, সোনার খুর-বাঁধানো দ্বিষ্টপুষ্ঠ হইলেও গর্দভ চিরদিনই গর্দভই।

ঈর্ষার উদ্ভেজনায়, কর্মের প্রেরণায় সে অধীর হইয়া উঠিয়া দাঁড়ায়, ক্রতপদে ঘুরিয়া বেড়ায়, মধ্যে মধ্যে হাতখানা ভাঁজিয়া অতি দৃঢ় মূঠা বাঁধিয়া পেণী ফুলাইয়া কঠিন কঠোর করিয়া তোলে। সকল দেহমন ভরিয়া সে যেন শক্তির আলোড়ন অনুভব করে।

তাহার জীটি বড় ভাল মেয়ে। ধবধবে রঙ, খ্যাঁদা নাক, মুখখানি কোমল—অতি মিষ্টি তাহার চোখের দৃষ্টি। আকারে ছোটখাটো, মাথায় একপিঠ চুল—সরল সুন্দর তাহার মন। তাহার উপরে দেবুর মত ব্যক্তিত্বসম্পন্ন স্বামীর সংস্পর্শে আসিয়া আপনাকে সে একেবারে হারাইয়া ফেলিয়াছে। মধ্যে মধ্যে দেবুর এই মূর্তি দেখিয়া সে সবিস্ময়ে প্রশ্ন করে—ও কি হচ্ছে গো? আপনার মনে—

দেবু হাসিয়া বলে—ভাবছি আমি যদি রাজা হতাম।

—রাজা হতে! সে কি গো?

—হ্যাঁ। তা হ'লে তুমি হতে রানী।

—হ্যাঁ—তাহার বিস্ময়ের আর অবধি রহিল না। কিন্তু কথাগুলি ভারী মজার কথা।

তাই তো—পণ্ডিত রাজা হইলে সে রানী হইত ইহা তো খাঁটি সত্য কথা।

দেবু আরও খানিকটা গোল পাকাইয়া বলিল—কিন্তু রানী হলেও তোমার গয়না থাকত না।

অভিভূতা হইয়া গেল দেবুর বউ—সে স্তব্ধ হইয়া গেল।

দেবু হাসিয়া বলে—এ রাজার রাজ্য আছে, কিন্তু রাজা তো প্রজার কাছে খাজনা পায় না। ইউনিয়ন বোর্ডের প্রেসিডেন্ট বুকেছ? লোকের কাছে ট্যাক্স নিয়ে গ্রামের কাজ করতে হয়। স্বরের খেয়ে বনের মোষ তাড়াতে হয়।

অন্তরে শুভ আকাঙ্ক্ষা এবং উচ্চ কল্পনা থাকিলেই সংসারে তাহা পূর্ণ হয় না। পারি-পার্বিক অবস্থাটাই পৃথিবীতে বড় শক্তি। বার বার চেষ্টা করিয়া দেবু সেটা উপলব্ধি করিয়াছে। শীতকালে বর্ষা নামিলেও ধানের চাষ অসম্ভব। বর্ষার সময় খুব উঁচু জমি

দেখিয়া দেবু একবার আলুর চাষ করিয়াছিল ; কিন্তু আলুর বীজ অল্পবিত্ত হইয়াই জলের স্যাঁতস্যাঁতানিতে মরিয়া গিয়াছিল। যে দুই চারটি গাছ বাঁচিয়াছিল—তাহাতে যে আলু ধরিয়াছিল, তাহার আকার মটর কলাইয়ের মত বলিলে বাড়িয়াই বলা হইবে না। সমস্ত আশা-আকাঙ্ক্ষা হৃদয়ে রুদ্ধ রাখিয়া সে নীরবে পাঠশালার কাজ করিয়া যায়। এবং নিজের গ্রামখানির একটি ভবিষ্যৎ রূপকে মাতৃগর্ভের ক্রণের মত বিধাতার কল্পনায় লালন করিয়াও যায় মনে মনে। গ্রামের ছোটখাটো সকল আন্দোলন হইতে সে নিজে যথাসাধ্য পৃথকই থাকিতে চায়। সে জানে ইহাতে তাহার মত অবস্থার লোকের ক্ষতিই হয়। পাঠশালার বাঞ্ছিত দলাদলিতে তাহার না থাকাই উচিত—তবু সকল চেষ্টা ব্যর্থ করিয়া তাহার আকাঙ্ক্ষা কল্পনা এমনি ধারায় আন্দোলন উত্তেজনার স্পর্শ পাইবামাত্র নাচিয়া বাহির হইয়া আসে।

গ্রামখানির যাবতীয় অভাব-অভিযোগ, ক্রটি-বিশৃঙ্খলা তাহার নখদর্পণে। গ্রামের সামাজিক ইতিহাস সে আবিষ্কারকের মত খুঁজিয়া খুঁজিয়া সংগ্রহ করিয়াছে। গ্রামের কামার, ছুতার, নাপিত, পুরোহিত, দাই, চৌকিদার, ধোপা প্রভৃতির কাহার কি কাজ, কি বৃত্তি, কোথায় ছিল তাহাদের চাকর্য্য জন্মি, সমস্তই সে যেমন জানিয়াছে এমনটি আর কেহ জানে না। বিগত পাঁচপুরুষের কালের মধ্যে গ্রামের পঞ্চায়ৎমণ্ডলীর কীর্তি-অপকীর্তির ইতিহাসও আমূল তাহার কণ্ঠস্থ।

*

*

*

চণ্ডীমণ্ডপের আটচালায় বসিয়া পাঠশালায় পড়াইতে পড়াইতে দেবু ঘোষ চণ্ডীমণ্ডপটির কথা ভাবে। এই চণ্ডীমণ্ডপটি একদিন ছিল গ্রামের হৃৎপিণ্ড, সমস্ত জীবনীশক্তির কেন্দ্রস্থল। পূজাপার্বণ, আনন্দ, উৎসব, অন্নপ্রাশন, বিবাহ, শ্রাদ্ধ—সব অল্পবিত্ত হইত এইখানে। অত্যা-অবিচার-উৎপীড়ন, বিশৃঙ্খলা-ব্যভিচার-পাপ গ্রামের মধ্যে দেখা দিলে, এই চণ্ডীমণ্ডপেই বসিত পঞ্চায়ৎ। এই আসরে বসিয়া বিচার চলিত, শাসন করিয়া সে সমস্ত দূর করা হইত। গ্রামের ঠিক মধ্যস্থলে স্থাপিত এই চণ্ডীমণ্ডপ হইতে হাঁক দিলে গ্রামের সমস্ত ঘর হইতে সে ডাক শোনা যায়,—সে ডাক উপেক্ষা করিবার কাহারো সামর্থ্য ছিল না। আরও তাহার মনে আছে, চণ্ডীমণ্ডপের পাশ দিয়া সেকালে যে যতবার যাইত প্রণাম করিয়া যাইত। আজকাল আর মানুষ প্রণামও করে না। মধ্যে মধ্যে তাহার মনে হয়, দেবতাকে—ঈশ্বরকে উপেক্ষা করিয়াই তাহার এই পরিণতির পথে চলিয়াছে! দেবু নিত্য নিয়মিত তিন সন্ধ্যা এখানে প্রণাম করে। ‘আপনি আচরি ধর্ম’ নীরবে সে পরকে শিখাইতে চায়।

নাস্তিকতার পরিণাম সম্পর্কে এক ঘটনার কাহিনী তাহার অন্তরে অদ্ভুত প্রভাব বিস্তার করিয়া রহিয়াছে। তাহার অবশ্য শোনা কথা, তাহার জীবনকালে ঘটিলেও সে তখন ছিল নিতান্তই শিশু। তাহার বাল্যবন্ধু বিশ্বনাথ মহাগ্রামের মহামহোপাধ্যায় জায়রত্নের পৌত্র। বিশ্বনাথের পিতা পণ্ডিত শশিশেখরের কাহিনী সেটি। পণ্ডিত শশিশেখর তাহার পিতা ওই ঋষিতুল্য জায়রত্নের অমতে ইংরেজী শিখিয়া নাস্তিক হইয়া উঠিয়াছিলেন। এ দেশে ব্রাহ্মণ-

সভা ভাঙ্কিয়া পুরাতন কালের কুসংস্কার বর্জনের একটা চেষ্টা করিয়াছিলেন। অধিবেশনটার তিনিই ছিলেন উদ্যোক্তা। সেই অধিবেশনে তিনি সর্বাপেক্ষে নারায়ণশিলা স্থাপন করিয়া অর্চনা না করার জন্য গ্রায়রত্ন শিহরিয়া উঠিয়া প্রতিবাদ করেন। নাস্তিক শশিশেখর নাস্তিকতাবাদের যুক্তিতে পিতার সহিত তর্ক করেন। ফলে সভা পণ্ড হয়। শুধু তাই নয়, উদ্ভাস্ত শশিশেখরের মৃত্যু হয় অপঘাতে, রেল এঞ্জিনের তলায় তিনি স্বেচ্ছায় কাটা পড়েন। ঘটনার সংঘটন তাই বটে, কিন্তু দেবু ঘোষ তাহার মধ্যে দেখিতে পায় কর্মফলের অলঙ্ঘ্য বিধান। দেবুর সব চেয়ে বড় দুঃখ—এই পরিণতি জানিয়াও গ্রায়রত্নের পৌত্র বিশ্বনাথও নাস্তিক হইয়া উঠিয়াছে। সে এখন কলিকাতায় এম-এ পড়ে। যখন আসে তখন দেবুর সঙ্গে দেখা করে। এম-এ ক্লাসের ছাত্র হইয়াও কিন্তু বিশ্বনাথ এখনও তাহার বন্ধুই আছে। বয়সে সে দেবুর পাঁচ-ছয় বৎসরের ছোট হইলেও দেবুর বন্ধু সে; জ্বলে ভাল ছেলে বলিয়া তাহাদের পরস্পরের ঘনিষ্ঠতা ছিল। তখন বিশ্বনাথ তাহাকে দেবু-দা বলিত। বয়সের সঙ্গে দেবু আপনার ও বিশ্বনাথের সামাজিক পার্থক্য বুঝিয়া বলিয়াছিল—তুমি আমাকে দাদা বলা না কিন্তু তাই; আমার ওতে অপরাধ হয়। কিন্তু তখন হইতে দেবুকে বলে দেবু ভাই। এখন তাহার বন্ধু—সত্যকারের বন্ধু। কখনও শ্রেষ্ঠত্বের এতটুকু তীক্ষ্ণাণ কণ্টক-স্পর্শ সে তাহার সান্নিধ্যে অনুভব করে না। এই বিশ্বনাথও সন্ধ্যাহিক করে না, এই চণ্ডীমণ্ডপে আসিয়াও কখনও দেবতাকে প্রণাম করে না।

দেবু কিছুদিন আগে এই চণ্ডীমণ্ডপ সম্বন্ধে তাহার চিন্তার কথা বিশ্বনাথকে বলিয়াছিল; কি করিয়া এই চণ্ডীমণ্ডপটির হৃতগৌরব পুনরুদ্ধার করা যায়, সে সম্বন্ধে প্রশ্ন করিয়াছিল। বিশ্বনাথ হাসিয়াছিল—সে আর হবে না, দেবু ভাই। চণ্ডীমণ্ডপটা বুড়ো হয়েছে, ও মরবে এইবার।

—বুড়ো হয়েছে? মরবে মানে?

—মানে, বয়স হলেই মানুষ যেমন বুড়ো হয়, তেমনি চণ্ডীমণ্ডপটা কতকালের বল তো? বুড়ো হয় নি?

চাল-কাঠামোর দিকে চাহিয়া দেবু বলিয়াছিল—তেও নতুন করে করতে বলছ?

বিশ্বনাথ হাসিয়াছিল; বলিয়াছিল—রঙিন পেনীফ্রক পরলেই বুড়ো থোকা হয় না, দেবু-ভাই! এ যুগে ও চণ্ডীমণ্ডপ আর চলবে না। কো-অপারেটিভ ব্যাঙ্ক করতে পার? কর না ওই ঘরটাতে কো-অপারেটিভ ব্যাঙ্ক, দেখবে দিনরাত লোক আসবে এইখানে। ধর্গা দিয়ে পড়ে থাকবে।

তারপর সে অনেক যুক্তিতর্ক দিয়া দেবুকে বুঝাইতে চাহিয়াছিল টাকাই সব। সেকালের ধর্মমত সামাজিক ব্যবহার ভিতরেও অতি সূক্ষ্ম কোঁশলে নাকি ওই টাকাটাই ছিল ধর্ম, কর্ম, স্বর্গ, মর্ত্য, নরক সমস্ত কিছুর ভিত্তি। ভিত্তির সেই টাকার মশলাটা আজ শূন্য হইয়া যাওয়াতেই এই অবস্থা।

দেবু বার বার প্রতিবাদ করিয়া বলিয়াছিল—না—না—না।

বিশ্বনাথ হাসিয়াছিল।

দেবু প্রতিবাদ করিয়া তীক্ষ্ণ-কণ্ঠে বলিয়া উঠিয়াছিল—ছি—ছি—ছি, বিত্ত-ভাই। তুমি ঠাকুর মশায়ের নাতি, তোমার মুখে এ কথা শোভা পায় না। তোমার প্রায়শ্চিত্ত করা উচিত।

বিশ্বনাথ আরও কিছুক্ষণ হাসিয়া অবশেষে বলিয়াছিল—আমি কতকগুলো বই পাঠিয়ে দেব, দেবু-ভাই, তুমি পড়ে দেখ।

—না। ওই সব বই ছুঁলে পাপ হয়। ও-সব বই তুমি পাঠিয়ো না।

সে প্রাণপণে আপন সংস্কারকে ঝাঁকড়াইয়া ধরিয়া আছে। তাহাকে সে পুনঃপ্রতিষ্ঠিত করিতে চায়। তাই নবায়ের দিনে অনিরুদ্ধকে এই চণ্ডীমণ্ডপে পূজার অধিকার হইতে বঞ্চিত করিয়া তাহাকে সামাজিক শাস্তি দিবার জন্ত জগনের সহিত মিলিত হইয়া দাঁড়াইয়াছিল। কিন্তু আশ্চর্যের কথা, সারা গ্রামটার আর একজনও কেহ তাহাদের পাশে আসিয়া দাঁড়াইল না। অনিরুদ্ধও বিনা বিধায় অবলীলাক্রমে ভোগপূজার থালা তুলিয়া লইয়া চলিয়া গেল। অনিরুদ্ধের পিতৃপিতামহের কিন্তু এ সাধ্য ছিল না।

দেবু দিশাহারা হইয়া কয়েকদিন ধরিয়াই এইসব ভাবিতেছে। মধ্যে মধ্যে মনে হয়, হয়তো দেবতা একদিন আপন মহিমায় জাগ্রত হইবেন—অজ্ঞায়ের ধ্বংস করিবেন, জ্ঞায়ের পুনঃপ্রতিষ্ঠা করিবেন। শাস্ত্রের বাণীগুলি সে স্মরণ করে। কিন্তু আশ্চর্যের কথা, কিছুক্ষণ পরেই সে হতাশায় অবসন্ন হইয়া পড়ে।

পাতু মুচী সেই একটি দিনের দিকে চাহিয়াই বাঁচিয়া আছে। সেই ভরসায় সে সমস্ত দুঃখ-কষ্টের বোঝা মাথায় লইয়া চলিয়াছে। কিন্তু দেবু যে তাহাদের মত কোনমতেই ওই ভরসায় এমনি করিয়া বাঁচিয়া থাকিতে পারে না।

*

*

*

পাঠশালায় ছুটি দিয়াও দেবু একা চণ্ডীমণ্ডপে বসিয়া ওই সব কথাই ভাবিতেছিল। পথ হইতে কে ডাকিল—পণ্ডিতমশায় গো!

—কে?

—ওরে বাস্ রে! বসে বসে কি এত ভাবছ গো?—মুচীদেব দুর্গা দুধ বেচিতে যাইতেছিল, পথ হইতে দেবুকে ডাকিয়া সে-ই কথা বলিল।

জ্ব কুঞ্চিত করিয়া দেবু বলিল—সে থবরে তোরা দরকার কি রে?

মেয়েটাকে সে দু'চক্ষে দেখিতে পারে না; সে ঘৈরিণী—সে ভ্রষ্টা—সে পাপিনী; বিশেষ করিয়া সে ওই ছিকর সহিত ঘনিষ্ঠভাবে সংশ্লিষ্ট। তাহাকে সে ঘৃণা করে।

দুর্গা হাসিয়া বলিল—থবরে আমার দরকার নাই, দরকার তোমার বউয়ের। পথের পানে চোখ চেয়ে বিলু দিদি বাড়ীর ছন্নোরে দাঁড়িয়ে আছে।

তাই তো!—দেবুর এতক্ষণে চমক ভাঙিল, সে ভাড়াভাড়ি উঠিয়া দাঁড়াইল। ওঃ, এ যে অনেক বেলা হইয়া গিয়াছে! চণ্ডীমণ্ডপ হইতে নামিয়া সে হন্ হন্ করিয়া আসিয়া বাড়ী

চুকিল। ভালমাহুষ বউট সত্যই পথ চাহিয়া বসিয়াছিল। সে বলিল—রান্না হয়ে গিয়েছে, চান কর!

দেবুর জীবনে এই এক পরম সম্পদ। ঘরে তাহার কোন দ্বন্দ্ব নাই, অশান্তি নাই। তাই বোধ হয় বাহিরে বাহিরে সমগ্র গ্রামখানি জুড়িয়া দ্বন্দ্ব অশান্তি সন্ধান করিয়া ফিরিয়াও তাহার ক্লান্তি আসে না।

দেবু চলিয়া গেলেও দুর্গা অনেকক্ষণ দাঁড়াইয়া রহিল, দেবু যে পথে গেল, সেই পথ-পানে চাহিয়াই দাঁড়াইয়া রহিল। পণ্ডিতকে তাহার ভাল লাগে—খুব ভাল লাগে। ছিরুকে সে এখন ঘৃণা করে; সেই আগুন লাগানোর সংবাদ সে কাহাকেও বলে নাই; ঘৃণায় তাহার সহিত সংস্রব ত্যাগ করিয়াছে। কিন্তু ছিরুর সহিত যখন তাহার ঘনিষ্ঠতা ছিল—তখনও তাহার পণ্ডিতকে ভাল লাগিত; ছিরু অপেক্ষা অনেক বেশী ভাল লাগিত। কিন্তু আশ্চর্যের কথা এই যে, এই দুই ভাল লাগার মধ্যে কোন দ্বন্দ্ব ছিল না। আজ পণ্ডিতকে পূর্বাপেক্ষা যেন আরও বেশী ভাল লাগিল।

পণ্ডিতের সহিত তাহার একটা সম্বন্ধও আছে। রক্তের সম্বন্ধ নয়, পাতানো সম্বন্ধ। দেবুর বউ বিলুকে তাহার মা এককালে কোলেপিঠে করিত। সেই কারণে সে বিলুকে দিদি বলে। দেবু পণ্ডিত তাহার বিলু দিদির বর।

বারো

অগ্রহায়ণ সংক্রান্তিতে 'ইতুলক্ষ্মী'-পর্ব আসিয়া গেল।

অগ্ন্যস্ত্র প্রদেশে—বাংলাদেশে বিশেষ অঞ্চলে কার্তিক-সংক্রান্তি হইতেই ইতু বা মিত্র-ব্রত আরম্ভ হয়, শেষ হয় অগ্রহায়ণ সংক্রান্তিতে। রবিশস্ত্রের কল্যাণকামনা করিয়া সূর্য-দেবতার উপাসনা হইতেই নাকি ইহার উদ্ভব। দেবদের দেশে কিন্তু সমগ্র মাস ধরিয়া সূর্য-দেবতার আরাধনার প্রচলন নাই। এদেশে রবিশস্ত্রের চাষেরও বিশেষ প্রসার নাই; ধান-চাষ এখানকার প্রধান কৃষিকর্ম। ইতু-পর্বকে এখানে ইতুলক্ষ্মী বা ইতু-সংক্রান্তি পর্ব বলা হয়। হৈমন্তী-ধান মাড়াই ও ঝাড়াই করিবার শুভ প্রারম্ভের পর্ব এটি এবং রবিশস্ত্রের আবাহনও বটে। চাষীদের আপন খামারে ইহার অহুষ্ঠান হয়। খামারের ঠিক মধ্যস্থলে শক্ত একটি বাঁশের খুঁটি পুঁতিয়া সেই খুঁটির তলায় আল্পনা দিয়া সেইখানে লক্ষ্মীর পূজা ভোগ হয়। ধান মাড়াইয়ের সময় ওই খুঁটিটির চারদিকেই ধানসুদ পোয়াল বিছাইয়া দেওয়া হইবে এবং গুরু-মহিষগুলি ওই খুঁটাতে আবদ্ধ থাকিয়া বৃত্তাকারে পোয়ালের উপর পাক দিয়া ফিরিবে। তাহাদের পায়ের খুবের মাড়াইয়ে খড় হইতে ধান ঝাড়াই হইয়া যাইবে।

এ পর্বের সঙ্গে চণ্ডীমণ্ডপের সম্বন্ধ বিশেষ নাই। তবে মেয়েরা প্রাতঃকালে স্নান করিয়া চণ্ডীমণ্ডপে প্রণাম না করিয়া লক্ষ্মী পাতিবে না। পূর্বকালে আরও খানিকটা ঘনিষ্ঠ সম্বন্ধ ছিল। দেবুর মনে আছে, পনেরো রংসর পূর্বের লক্ষ্মীপূজার শেষে সমস্ত গ্রামের মেয়েরা

আসিয়া এইখানে সমবেত হইয়া সুপারী হাতে ব্রত-কথা শুনিতে বসিত। গ্রামের প্রবীণা কেহ ব্রত-কথা বলিতেন। অপর সকলে শুনিত। আজকাল সে রেওয়াজ উঠিয়া গিয়াছে। এখন দুই-তিন বাড়ীর মেয়েরা কোন এক বাড়ীতে একত্রিত হইয়া ব্রত-কথা শুনিয়া লয়। দেবুর বাড়ীতেও এই ব্রত-কথার আসর বসে। আজ দেবু পাঠশালায় পড়াইতে পড়াইতে ওই সব কথাই ভাবিতেছিল। তাহার মনে সেদিন হইতে সমস্ত প্রেরণা ও শক্তি ক্ষুদ্র ও আহত হইয়া অহরহ তাহাকে পীড়িত করিতেছে। যে কোন সুযোগ পাইলেই তাহা অবলম্বন করিয়া আবার সে খাড়া হইয়া দাঁড়াইতে চায়। জগন ডাক্তারের সহিত যোগাযোগ আবার স্বাভাবিক নিয়মের বশে শিথিল হইয়া আসিয়াছে। জগন ডাক্তারের ওই দরখাস্ত করার পন্থাটাকে সে অন্তরের সহিত গ্রহণ করিতে পারে না। দরখাস্তের কথায় তাহার হাসি আসে। অন্তর জলিয়া উঠে।

যে সাহিত্য পড়াইতেছিল—

“অট্টালিকা নাহি মোর নাহি দাস-দাসী
 ক্ষতি নাই, নহি আমি সে সুখ-প্রয়াসী।
 আমি চাই ছোট ঘরে বড় মন লয়ে,
 নিজের দুঃখের অন্ন খাই স্থখী হয়ে !
 পরের সঞ্চিত ধনে হয়ে ধনবান,
 আমি কি থাকিতে পারি পশুর সমান ?”

সহসা তাহার নজরে পড়িল—একটি দীর্ঘাক্ষী অবগুষ্ঠনবতী মেয়ে পথের ধার হইতেই চণ্ডীমণ্ডপের দেবতার উদ্দেশে প্রণাম করিল। চণ্ডীমণ্ডপে সে বোধ হয় ইচ্ছা করিয়াই উঠিল না; কারণ তাহার পদক্ষেপে কোন ব্যস্ততার লক্ষণ দেখা গেল না। দেবু তাহাকে চিনিল—অনিরুদ্ধের স্ত্রী। বুঝিল নবাবের দিনের সেই ঘটনার জন্তই অনিরুদ্ধের স্ত্রী চণ্ডীমণ্ডপের উপরে উঠিল না। মুহূর্তে দেবুর মন খারাপ হইয়া গেল। অনিরুদ্ধের স্ত্রী ওই যে নীরবে পথের উপর হইতে প্রণাম করিয়া চলিয়া গেল, তাহার প্রতিটি ভঙ্গি যেন রুদ্ধ-বেদনায় ব্যথিত বিষন্ন বলিয়া তাহার মনে হইল। একা আসিয়া একা চলিয়া গেল, যেন বলিয়া গেল—একা আমিই কি দোষী? দেবু অনিরুদ্ধের স্ত্রীর গমন-পথের দিকেই চাহিয়া রহিল, মেয়েটির ধীর পদক্ষেপ যেন ক্লান্ত বলিয়া তাহার মনে হইল। সে একটা দীর্ঘনিঃশ্বাস না ফেলিয়া পারিল না। কাজটা সত্যই অজ্ঞায় হইয়া গিয়াছে। এই মুহূর্তটিতে তাহার বিচারবুদ্ধির ক্রটি স্বীকার না করিয়া পারিল না। অনিরুদ্ধের অজ্ঞায়ের চেয়ে গ্রামের লোক যে অনিরুদ্ধের প্রতি অজ্ঞায় করিয়াছে বেশী! ধান না দেওয়ার জন্তই অনিরুদ্ধ কাজ বন্ধ করিয়াছে। মজলিসে ছিন্ন আগে অপমান করিয়াছে, তবে অনিরুদ্ধ উঠিয়াছিল। অনিরুদ্ধের দুই বিধা বাহুড়ির ধান কাটিয়া লওয়ার প্রতিকার যখন কেহ করিতে পারে নাই, তখন অনিরুদ্ধকে শান্তি দিবার অধিকারই বা কাহার আছে? অকস্মাৎ সে বিস্ময়ে চকিত হইয়া উঠিল, মনের চিন্তাধারায় একটা ছেদ পড়িয়া গেল—একি! অনিরুদ্ধের স্ত্রী তাহার বাড়ীর

দিকেই যাইতেছে কেন ?—

পাঠশালার ছেলেগুলো পঞ্জিতের স্তব্ধতার অবকাশ পাইয়া উন্মুখ করিতে শুরু করিয়াছিল। একটি ছেলে বলিল—আজ ইতুলক্ষ্মী, মাস্টার মশায় আজ আমাদের হাপ-ইঙ্কল হয়। ন'টা বেজে গিয়েছে ঘড়িতে।

দেবুর সম্মুখেই থাকে একটা টাইমপিস্। দেবু ঘড়িটার দিকে চাহিয়া আবার পড়াইতে শুরু করিল—

“শৈশব না যেতে ক্ষেতে শিখিয়াছি কাজ,

সেই তো গৌরব মোর তা'তে কিবা লাজ ?”

ধীরে ধীরে সমস্ত কবিতাটি শেষ করিয়া দেবু বলিল—কালকে এই পঙতির মানে লিখে আনবে সবাই। মানে বলতে কথার মানে নয়, কে কি বুঝে লিখে আনবে।

পাঠশালার ছুটি দিয়া সে আজ সঙ্গে-সঙ্গেই আসিয়া বাড়ী ঢুকিল। বাড়ীর উঠানে তখন তাহার স্ত্রীর সম্মুখে বসিয়া আছে পদ্ম, অদূরে বসিয়া আছে দুর্গা; তাহার স্ত্রী ইতুলক্ষ্মীর ব্রতকথা বলিতেছে। দেবুর স্ত্রী বড় ভাল উপকথা বলিতে পারে, এ পাড়ায় ব্রতকথার আসর তাহার ঘরেই বসে। সে আসর শেষ হইয়া গিয়াছে। এ বোধ হয় দ্বিতীয় দফা। দেবুর শিশু-পুত্রটিকে কোলে লইয়া পদ্ম বসিয়াছিল, দেবুকে দেখিয়া সে অবগুণ্ঠন টানিয়া দিল। দেবুর স্ত্রীও ঘোমটা অল্প একটু টানিয়া হাসিল। দুর্গা কাপড়চোপড় সামলাইয়া গুছাইয়া বেশ একটু বিজ্ঞাস করিয়া বসিল। তাহারও মুখে ফুটিয়া উঠিল মৃদু হাসি। কিন্তু সেদিকে লক্ষ্য করিবার মত মনের অবস্থা দেবুর ছিল না। ব্রতকথা তাহার স্ত্রী ভাল বলে—চমৎকার বলে, তাহাদের পাড়ায় সকলেই প্রায় ব্রতকথা শুনিতে তাহার বাড়ীতে আসে। কিন্তু আজ কামার-বউয়ের তাহার বাড়ীতে আসাটা যেমন অস্বাভাবিক তেমনি বিস্ময়কর।

নবাবের দিন দেবু ওই বয়টিকে কঠোরভাবে ভোগ ফিরাইয়া লইয়া যাইতে বসিয়াছিল। আজও কিছুকণ আগেই পদ্ম পথ হইতে চণ্ডীমণ্ডপের দেবতার উদ্দেশে প্রণাম করিয়াছে, চণ্ডীমণ্ডপে উঠে নাই, অথচ তাহারই বাড়ীতে ব্রতকথা শুনিতে আসিয়াছে,—এ ব্যাপারটা সত্যই তাহার কাছে বিস্ময়কর মনে হইল। দেবু থমকিয়া দাঁড়াইল, পদ্মকে কোন কথা বলিতে না পারিয়া প্রশ্ন করিল দুর্গাকে—কি রে দুর্গা ?

দুর্গার মুখে মৃদু হাসি বিকশিত হইয়া উঠিল, হাসিয়া সে বলিল—কথা শুনিতে এসেছি দিদির কাছে। এমন কথা কেউ বলতে পারে না, বাপু। হাজার হোক পণ্ডিত-গিন্নী তো!

জ্ঞ কুক্ষিত করিয়া দেবু বলিল—দিদি ? কথাটা তাহাকে পীড়া দিয়াছিল।

—হ্যাঁ গো। দিদি! তোমার গিন্নী যে আমার বিলু দিদি, ভূমি যে আমার জামাইবাবু!

দেবুর সর্বাঙ্গ জলিয়া গেল; কঠোর স্বরেই বলিল—মানে ? ও দিদি কি করে হ'ল তোমার ?

চোখ দুইটা বড় বড় করিয়া বলিল—হেই মা! আমার মামার বাড়ী যে তোমার খত্তরদের গাঁয়ে গো! আমার মামারা যে দিদিদের বাপের বাড়ীর খেয়ে মাহু—পুরানো ভা, র. ৩—১২

চাকর ! দিদি যে আমার মামাকে কাকা বলে ; তা হলে আমার দিদি নয় ?

ভাল না লাগিলেও প্রসঙ্গটা সম্পর্কে তাকে নীরব হইতে হইল । শুধু বলিল—হঁ ।
তারপর স্ত্রীকে বলিল—উটি আমাদের কর্মকারের, মানে অনিরুদ্ধের স্ত্রী নয় ?

দীর্ঘ অবগুণ্ঠন পন্ন আরও একটু বাড়াইয়া দিল । দেবুর স্ত্রী চাপাগলায় বলিল—হ্যাঁ ।

দুর্গা সঙ্গে সঙ্গে আরম্ভ করিল—কামার-বউয়ের কথা শোনা হয় নাই । ওদের বাড়ী
গেলাম তো দেখলাম—ভাষ্য হয়ে বসে ভাবছে । উ পাড়ায় কথা হয় ওই পালের বাড়ীতে—
ছিক পালের বাড়ীতে ! ওদের বাড়ী যায় না কামার-বউ ; তাতেই বললাম—এসে, আমার
দিদির বাড়ীতে এস ।

দেবু চুপ করিয়া রহিল ।

দুর্গা বলিল—কামার-বউ ভয় করছিল, পণ্ডিতমশায় যদি কিছু বলে ! সেদিন চণ্ডীমণ্ডপে
তুমি নাকি বলেছিলে—

মধ্যপথেই বাধা দিয়া দেবু বলিল—অনিরুদ্ধ যে মহা অন্ডায় করেছে !

অকুণ্ঠিত স্বরে অভিযোগ করিয়া দুর্গা বলিল—তোমার মতো লোকের যুগিয়া কথা হ'ল না,
পণ্ডিতমশায় । অন্ডায় কি একা কর্মকারের ? বল তুমি ?

দেবু কিছুক্ষণ চুপ করিয়া থাকিয়া বলিল—হ্যাঁ, তা বটে । বুঝতে আমার ভুল খানিকটা
হয়েছিল ।

স্বযোগ পাইয়া বিনা বিধায় সে ওই দুর্গার মারফতে কামার-বউয়ের কাছে কথাটা স্বীকার
করিয়া ভারমুক্ত হইতে চাহিল ।

দেবুর স্ত্রী চাপা গলাতেই ব্যস্ত হইয়া বলিল—কৈদো না কামার-বউ, কৈদো না !

পন্ন ঘোমটার আঁচল দিয়া বার বার চোখ মুছিতেছিল ; সেটা লক্ষ্য করিয়াছিল ।

• দেবু ব্যস্ত হইয়া বলিল—না, তুমি কৈদো না । অনিরুদ্ধ আমার ছেলেবেলার বন্ধু ; এক-
সঙ্গে পাঠশালায় পড়েছি । তাকে বলো, আমি যাব—আমি নিজেই যাব তার কাছে ।

দুর্গা পন্নকে লক্ষ্য করিয়া বলিয়া উঠিল—আমি তোমাকে বলেছিলাম তো কামার-বউ, ওই
জগন ভাক্তারের মোড়লির পাঞ্জায় পড়ে জামাই আমাদের এ কাজ করেছে ।

—না, না, মিছে পরকে দোষ দিসনে দুর্গা । আমারই বুঝবার ভুল ।

এমন আন্তরিকতা-মাখা কণ্ঠে অকপট স্বীকারোক্তি সে করিল যে দুর্গা পর্যন্ত স্তব্ধ হইয়া
গেল । দেবুই আবার বলিল—ওগো, অনিরুদ্ধের বউকে জল খাইয়ে তবে ছেড়ে দিও ।

—আর আমি ? দুর্গা ঝঙ্কার দিয়া উঠিল ।—ওঃ আমি-বুঝি বাদ যাব ? বেশ জামাই-
দাদা যা হোক ।

বৈরিণী মেয়েটার কথা বলার ভঙ্গি, আত্মীয়তার স্বর এমন মিষ্ট এবং মনকাড়া যে,
কিছুতেই রাগ করা যায় না তাহার উপর । তাহার কথায় দেবুর বউ হাসিল, পন্ন হাসিল ;
দেবুও না হাসিয়া পারিল না । হাসিয়া দেবু বলিল—তোমার জ্ঞান ভাবনা তো আমার নয়, সে
ভাবনা ভাববে তোমার দিদি । আপনার জ্ঞান থাকতে কি পূর্বের আদর ভাল লাগে রে ?

—লাগে গো লাগে । টাকার চেয়ে হৃদ মিষ্টি ; দিদির চেয়ে দিদির বর ইষ্ট, আদর আরও মিষ্টি । আমার কপালে মেলে না !

দেবু হাসিয়াই বলিল—নে আর ফাজলামি করতে হবে না, এখন কথা শোন । বলিয়া সে ফেন ভারমুক্ত হইয়া লঘুহৃদয়ে ঘরে ঢুকিল ।

* * *

“দরিদ্র ব্রাহ্মণের পিঠে খাবার সাধ হয়েছে ।”

দেবুর স্ত্রী ব্রতকথা বলিতেছিল । ব্রাহ্মণ মনে মনে ভাবেন—চালের পিঠে, সরুচাকলি, মুগের পিঠে, নারকেল পুরের পিঠে, রাঙা আলুর পিঠে, ভাবেন আর তার জিভে জল আসে ।

ঘরের ভিতর বসিয়া দেবু আপন মনেই হাসিল । জল তাহার জিভে আসিতেছে ; বোধ করি ব্রতকথার কথক ঠাকরুন—মায় প্রোতাদের জিহ্বা পৰ্ব্বস্তও সজল হইয়া উঠিয়াছে ।

“কিন্তু সাধ হলেই তো হয় না, সাধ্য থাকা চাই । দরিদ্র ব্রাহ্মণ, জমি নাই, জেরাত নাই, চাকরি-বাকরি নাই, ব্যবসা নাই, বাণিজ্য নাই, যজ্ঞি নাই, যজ্ঞমান নাই—আজ খেতে কাল নাই আর কোথায় চাল কোথায় কলাই কোথায় গুড়, রাঙা আলুই বা আসে কোথা থেকে ? আর ব্রাহ্মণ হয়েও চুরি করতে তো পারেন না ! কি করেন ?”

দেবু ব্রাহ্মণের সততার তারিফ না করিয়া পারিল না ।

“কিন্তু ব্রাহ্মণের বুদ্ধি তো ! তিনি এক ফন্দি বার করলেন । তখন অগ্রহায়ণ মাসের শেষ । মাঠ থেকে গেরস্তের গাড়ী গাড়ী ধান আসছে, কলাই আসছে, আলু আসছে, গাড়ীর চাকায় পথের মাটি গুঁড়ো হয়ে একইটু করে ধুলো হয়েছে । ব্রাহ্মণ বুদ্ধি করে সন্ধ্যার পর বাড়ীর সামনেই পথের ধুলোর ওপর আরও খানিকটা কেটে বেশ একটি গর্ত করলেন—তারপর চাললেন ঘড়া ঘড়া জল । পরের দিন যত গাড়ী আসে, সব পড়ে ওই গর্তের কাদায় । চাকা আটকে যায় । ব্রাহ্মণ সেই গাড়ী তুলিতে সাহায্য করেন আর চাবীদের কাছে আদায় করেন—ধানের গাড়ী থেকে ধান, কলাইয়ের গাড়ী থেকে কলাই, গুড়ের নাগরি থেকে গুড় । এমনি করে ধান, কলাই, গুড়, আলু যোগাড় করে ঘরে তুললেন, তারপর ব্রাহ্মণীকে বললেন, নে, বামনি এবার পিঠে তৈরী কর ।”

দেবু এবার হো হো করিয়া হাসিয়া উঠিল । ব্রাহ্মণের বুদ্ধিতে সে একেবারে মুগ্ধ হইয়া গিয়াছে । তাহার হাসিতে ব্রতকথা বন্ধ হইয়া গেল । বাহির হইতে দুর্গা প্রাঙ্গণ করিল—পণ্ডিত-মশায়, হাসিছ ক্যানে গো তুমি ?

দেবু বাহির হইয়া আসিয়া বলিল—বামনের বুদ্ধির কথা শুনে । আচ্ছা বামুন !

দেবুর স্ত্রী মুহু হাসিয়া ঘোমটা আরও একটু বাড়াইয়া দিল । বলিল—কথাটা শেষ করতে দাও, বাপু !

—আচ্ছা—আচ্ছা ! বলিতে বলিতে দেবু বাহির হইয়া গেল ।

*

*

*

পরিতুষ্ট লঘু মন লইয়া দেবু বাহিরে আসিয়া পথের ধারে বাহিরের ঘরের দাওয়ায় দাঁড়াইল। পল্লীগ্রামে জলখাবার বেলা হইয়াছে। মাঠ হইতে চাষীরা বাড়ী ফিরিতেছে। চাষী-শ্রমিকেরা মাঠেই জল খায়, তাহাদের জলখাবার লইয়া মেয়েরা চলিয়াছে মাঠে; মাথায় তাহাদের গামছায় বাঁধা জলখাবারের পাত্র—কাঁকালে ঝুড়ি, হাতে জলের ঘটি। পুরুষদের জলখাবার খাওয়াইয়া, এই ধান কাটার সময় তাহার ধানের শীষ সংগ্রহ করিবে, বনজঙ্গল হইতে শুকনা কাঠ ভাঙিয়া জ্বালানি সংগ্রহ করিবে।

ছুই-চারিখানা ধান বোঝাই গাড়ীও মাঠ হইতে ফিরিতেছে। অগ্রহায়ণের সংক্রান্তি—ইহারই মধ্যে গ্রাম্য কাঁচা রাস্তা ময়দার মত ধুলায় ভরিয়া উঠিয়াছে; হেমন্তের শেষ দিন—রৌদ্রের রঙের মধ্যে যেন বুদ্ধের পাংখু দেহবর্ণের মত শীতের পীতাব আমেজ ফুটিয়া উঠিয়াছে। গাড়ীর চাকায় উৎক্ষিপ্ত ধূলিকণায় সে রৌদ্রও ধূলি-ধূসর। চণ্ডীমণ্ডপের একপ্রান্তে ষষ্ঠীতলার বুড়া বকুল গাছটার গাঢ় সবুজ পাতাগুলোর উপর ইহারই মধ্যে একটা ধুলার প্রলেপ পড়িয়া গিয়াছে। দেবু অন্তমনস্কভাবে আবার চণ্ডীমণ্ডপের উপর উঠিল। চণ্ডীমণ্ডপটারও সর্বাস্থে ধুলার আন্তরণ। ঘুরিয়া ফিরিয়া সে এইখানেই আসিয়া দাঁড়ায়। এই স্থানটির সঙ্গে তাহার এক নিবিড় যোগাযোগ আছে যেন।

—হ্যাঁ হে নাতি, বলি, পাঠশালা ভাল তোমার? সাড়া-শব্দ কিছু নাই যেন লাগছে? এত সকালে? জরা-জীর্ণ কোন নারীকণ্ঠের সাড়া আসিল পথ হইতে।

—এস এস, রাঙাদিদি, এস। আজ ইতু-লক্ষ্মী, হাফ-স্কুল। দেবু সাগ্রহে তাহাকে একটু অস্বাভাবিক উচ্চকণ্ঠে আহ্বান করিল।

এক বৃদ্ধা—এ গ্রামের রাঙাদিদি, প্রবীণদের রাঙাশিলি। তেল মাথিয়া একগাছি বাঁটা হাতে আসিয়া চণ্ডীমণ্ডপে উঠিল। বৃদ্ধা এই গ্রামেরই মেয়ে, সন্তানহীনা; শুধু সন্তানহীনাই নয়, সর্ব-স্বজনহীনা—আপনার জন তাহার আর কেহ নাই। চোখে এখন ভাল দেখিতে পায় না, কানেও খাটো হইয়াছে; কিন্তু দেহে এখনও বেশ সমর্থ আছে। এই সন্তরের উপর বয়সেও সে সোজা খাড়া মাছুষ এবং রাঙাদিদি নামটিও নিরর্থক নয়; এখনও তাহার দেহবর্ণ গৌর এবং তাহাতে বেশ একটা চিকণতা আছে। লোকে বলে—বুড়ী তেলহলুদে তাহার দেহটাকে পাকাইয়া তুলিয়াছে; ছুই বেলায় পোয়াটাক তেল সে সর্বাস্থে মাখে, মধ্যে মধ্যে আবার হলুদও মাখে। সে বলে—তোরা সাবাং মাখিস—আমি হলুদ মাখব না? রোজ স্নানের পূর্বে বুড়ী চণ্ডীমণ্ডপে বাঁটা ব্লাইয়া পরিষ্কার করিয়া যায়। এটি তাহার নিত্যকর্ম।

—ইতুলক্ষ্মীতে হাপ-স্কুল বুকি? তা বেশ করেছিস। বুড়ী অবিসম্মে ঝাড়ু দিতে আরম্ভ করিয়া দিল।—কত গান শুনেছি এখানে ভাই নাতি—নীলকণ্ঠ, নটবর, যোগীন্দ্র; মতিরাও একবার এসেছিল। বড় ঘাত্তার দল। কেতন, পাচালী, কত হ'ত ভাই! তোরা আর কি দেখলি বল? সে রামও নাই—সে অযুধ্যও নাই। চণ্ডীমণ্ডপ নিতুবর জন্তে তখন মাইনে করা লোক ছিল, দিনরাত তক-তক্ ঝক্-ঝক্ করত। সিঁদুর পড়লে ভোলা যেত।

বুড়ী আপন মনেই বকিয়া যায়। জীবনের যত সমারোহের সুখস্বপ্ন—সে সমস্তই সে আহরণ করিয়াছে এই স্থানটি হইতে। এখানে আসিয়া তাহার সব কথা মনে পড়িয়া যায়। যোজ্ঞ সে এই কথাগুলি বলে।—কত বড় বড় মঞ্জলিস ভাই, গাঁয়ের মাতব্বরেরা এসে বসত, বিচার হ'ত; ভাল-মন্দতে পরামর্শ হ'ত। তখন কিন্তু মেয়েদের পা বাড়াবার ঘো থাকত না। ওরে বাস রে, মোড়লদের সে হাঁকাড়ি কি?

দেবু একটা দীর্ঘনিঃশ্বাস ফেলিয়া বলিল—তুমি মলেই দিদি চণ্ডীমণ্ডপে আর ঝাঁট পড়বে না!

বুড়ীর ঝাঁটা মুহূর্তে থামিয়া গেল, উদাসকণ্ঠে বলিল—মা কালী—বুড়ো বাবা আপনার কাজের ব্যবস্থা করে নেবে রে ভাই।

আবার কিছুক্ষণ স্তব্ধ থাকিয়া বুড়ী বলিল—মরবার সময় যেন তোরা ধরাধরি করে এইখানে এনে বুড়ীকে শুইয়ে দিস, ভাই!

দেবু বলিল—তা দোব! তুমি কিন্তু তোমার কিছু পোতা টাকা আমাদের দিয়ে যেও—চণ্ডীমণ্ডপটা মেরামত করাব।

অশ্রু কেহ এ কথা বলিলে বুড়ী আর বাকী রাখিত না, তাহাকে গালিগালাজ দিতে আরম্ভ করিয়া পরিশেষে কাদিতে বসিত। কিন্তু দেবু যেন এ গ্রামের অশ্রু সকল হইতে গৃথক মাছুষ। বুড়ী তাহাকে গালিগালাজ না দিয়া বলিল—হ্যাঁ নাতি, তুইও শেষে এই কথা বললি ভাই? গোবর কুড়িয়ে ঘুটে বেচে, দুধ বেচে, এক পেট খেয়ে টাকা জমানো যায়? তুইই বল ক্যানে!

বুড়ী এবার খস খস করিয়া যথাসাধ্য ক্ষতগতিতে ঝাঁটা চালাইতে আরম্ভ করিল। টাকার কথাটা সে আর বাড়াইতে চায় না। টাকার কথা হইলেই বুড়ীর ভয় হয়—হয়তো কেহ কোনদিন রাগে তাহাকে মারিয়া ফেলিয়া সর্বস্ব লইয়া পালাইবে। বুড়ীর কিছু টাকা আছে সত্য,—দুই-তিন জায়গায় মাটির নিচে পুঁতিয়া রাখিয়াছে। বেশী নয়, সর্বসম্মত দশ কুড়ি পাঁচ টাকা।

*

*

*

মম্বরগতি—উত্তেজনাহীন পল্লীজীবন। ইহারই মধ্যে রাস্তায় মাছুষ চলাচল বিরল হইয়া আসিতেছে। মধ্যে মধ্যে কেবল দুই-একখানা গরুর গাড়ীতে মাঠ হইতে ধান আসিতেছে। কাঁচ-কাঁচ-কোঁ—একঘেয়ে করণ শব্দ উঠিতেছে। কর্মহীন দেবুও অলসভাবে চণ্ডীমণ্ডপে বসিয়াছিল। পৌষমাস গেলে—মাঠের ধান ঘরে আসিলে, এ গাড়ী কয়খানাও আর যাওয়া-আসা করিবে না। সেবার বিস্তৃত ভাই একটা কথা বলিয়াছিল—‘আমাদের গ্রামের সেই গরুর গাড়ী চ’ড়ে জীবন-যাত্রা আর বদলাল না। গ্রামগুলো গরুর গাড়ী চড়ে বলেই এমন পিছিয়ে আছে, জীবনটাই হয়ে গেছে ‘চিমে তেতলা’। অশ্রুদেশে চাষের কাজে এখন চলেছে কলের লাঙল, মোটর-ট্র্যাক্টর। তাদের গ্রাম চলে লরীতে ট্রাকে।

দেবু অবশ্য বিখনাথের কথা স্বীকার করে না। কিন্তু গরুর গাড়ী চড়িয়া এখানে যে

জীবন চলিয়াছে সে কথা মিথ্যা নয়। চিমা-চিমা চালে কোনমতে গড়াইয়া গড়াইয়া চলিয়াছে...ওই চাকার কাঁ-কাঁ শব্দের মত কাতরাইতে কাতরাইতে।

ভূপাল বান্দী চৌকিদার আসিয়া প্রণাম করিয়া দাঁড়াইল—পেনাম পণ্ডিতমশায়! ভূপালের পিছনে একটি অবগুণ্ঠনবতী মেয়ে, হাতে একটি হাঁড়ি।

দেবু অস্তমনস্বভাবেই হাসিয়া বলিল—ভূপাল?

—আজ্ঞে হ্যাঁ। একবার নিকিয়ে-চুকিয়ে দিয়ে যাই চণ্ডীমণ্ডপটি। লে গো লে, সেই উ-পাশ থেকে আরম্ভ কর।

মেয়েটার হাতের হাঁড়িতে ছিল গোবর-মাটির গোলা, সে নিকাইতে আরম্ভ করিয়া দিল। ভূপাল—সরকারী চৌকিদার আবাব জমিদারের লগ্নীও বটে; আশ্বিন, পৌষ ও চৈত্র—এই তিন কিস্তির প্রারম্ভে তিনবার চণ্ডীমণ্ডপ তাহাকে গোলা দিয়া নিকাইতে হয়। লগ্নীর পাঁচটার কর্তব্যের মধ্যে এটাও একটা।

দেবু এবার সচেতন হইয়া হাসিয়া বলিল—এ যে হরিঠাকুরের পূজা করা হ'চ্ছে ভূপাল। চক্রবর্তী ঠাকুরের পূজা করার মত কাণ্ড হচ্ছে ভূপাল। পাঁচখানা গায়ে চক্রবর্তী ঠাকুর পূজা করে। একদিন এক গায়ে গিয়ে একেবারে পাঁচদিনের পূজা ক'রে আসে। আবাব পাঁচদিন পরে যায়। পৌষ-কিস্তির যে এখনও অনেক দেয়ি হে!

পণ্ডিতের কথায় ভূপাল না হাসিয়া পারিল না, বলিল—আজ্ঞে আমাদের যুধিষ্ঠির খানাদারও (চৌকিদার) তাই করে; সন্ঝে-বেলায় বার হয়, রাত্রে তিনবার হাঁক দেবার কথা—ও একেবারেই তিনবার হাঁক দিয়ে ঘরে এসে শোয়।

দেবু সশব্দে হাসিয়া উঠিল।

ভূপাল বলিল—আমি সেটা করি না,—পণ্ডিতমশায়। গোমস্তামশায় এসে গিয়েছেন আজ।

—এসে গিয়েছেন? এত সকালে?

—আজ্ঞে হ্যাঁ, এবার সকাল-সকালই বটে। সেটেলমেন্টার এসেছে কিনা।

—সেটেলমেন্ট ক্যাম্প?

—আজ্ঞে হ্যাঁ। ধুমধাম কত, তাঁবুটাবু নিয়ে সে বিশ-পচিশখানা গাড়ী। শুনেছি 'খানাপুরী' আরম্ভ হবে গই পৌষ হ'তে। আজই সন্ঝেতে বোধ হয় ঢোল সহরত হবে। খেয়েই আমাকে কক্ষণা যেতে হবে।

সেটেলমেন্টের খানাপুরী? সমস্ত মাঠ জুড়িয়া পাকাখান—সেই ধানের উপর শেকল টানিয়া—বুটজুতার খান মাড়াইয়া—খানাপুরী?

ভূপাল বলিল—ধান এবার মাঠেই ঝাড়াই হবে পণ্ডিতমশায়।

দেবু জ্ব কুণ্ডিত করিয়া দাঁড়াইল। এ যে অজ্ঞায়! এ যে অবিচার!

ভেরো

“যিনি করেন ‘ইতুলক্ষ্মী’ তাঁর ভাগ্য হয় ব্রতকথার ‘ঈশনে’—মানে ‘ঈশানী’র মণ্ড ধান, কলাই, ছোলা, মুগ, যব, সরষে, তিসি নানান ফসলে থৈ থৈ করে ক্ষেত, গাড়ীতে গাড়ীতে তুলে ফুরোয় না। খামার জুড়ে মরাই বেঁধে কুলোয় না। একমুঠো তুলতে দু-মুঠো হয়। তার ক্ষেত-খামার ভাঁড়ার ভরে মা লক্ষ্মী অচল হয়ে বাস করেন। ঘর ভরে যায় সম্ভান-সম্ভতিতে, গোয়াল ভরে ওঠে গরুতে-বাছুরে; গাছ-ভরা ফল, পুকুর-ভরা মাছ, লক্ষ্মীর হাঁড়িতে কড়ি, আট অঙ্ক সোনাকুপোয় ঝল-ঝল করে। বউ বেটা আসে, নাতি-নাতনী পাশে শুয়ে স্বামীর কোলে মরণ হয় তার একগলা গঙ্গাজলে।”

ব্রতকথা শেষ করিয়া ‘উলু’ ‘উলু’ হলুধ্বনি দিয়া দেবুর স্ত্রী ব্রতকথা শেষ করিয়া প্রণাম করিল। সঙ্গে সঙ্গে দুর্গা এবং পদ্মও হলুধ্বনি দিয়া প্রণাম করিল। দুর্গার কণ্ঠস্বর যেমন তীক্ষ্ণ, তাহার জিভখানিও তেমনি লঘু চাপল্যে চঞ্চল,—তাহার হলুধ্বনিতে সমস্ত বাড়ীটা মুখরিত। প্রণাম করিয়া সুপারীটি দেবুর স্ত্রীর সম্মুখে রাখিয়া সে সরবে হাসিয়া উঠিয়া বলিল—বিলু দিদি, ভাই কামার-বউ, মরণকালে তোমরা কেউ আমাকে স্বামী ধার দিয়ে ভাই কিন্তুক!

দেবুর স্ত্রীর নাম বিশ্ববাসিনী—ডাকনাম বিলু। বিলু হাসিল। তাহার স্বামীকে সে জানে, সে রাগ করিল না। অত্ৰ কেহ হইলে এই কথা লইয়া একটা ঝগড়া বাধাইয়া দিত। এই স্বরূপা শৈরিলী মেয়েটা যখন মুহূঁ বাঁকা হাসি হাসিতে হাসিতে পথে বাহির হয়, তখন এই অঞ্চলের প্রতিটি বধূই সমস্ত হইয়া উঠে। লজ্জা নাই—ভয় নাই—পুরুষ দেখিলেই তাহার সহিত দুই-চারিটা রসিকতা করিয়া সর্বাঙ্গ দোলাইয়া চলিয়া যায়।

পদ্মও রাগ করিল না। কয়েকদিন হইতেই দুর্গা তাহার বাড়ী আসা-যাওয়া শুরু করিয়াছে। অনিরুদ্ধকে সে একখানা দা গড়িতে দিয়াছে, সেই তাগাদায় সে এখন দুইবেলা যায় আসে—অনিরুদ্ধের সঙ্গে রঙ্গ-রহস্য করে—হাসিয়া চলিয়া পড়ে। মধ্যে মধ্যে পদ্মের সর্বাঙ্গ জুলিয়া উঠে, কিন্তু থরদারকে কিছু বলা চলে না। তাহা ছাড়াও, ইদানীং পদ্ম যেন অকস্মাৎ পাটাইয়া অত্ৰ মাহুঘ হইয়া গিয়াছে। হঠাৎ যেন তাহার জীবনে একটা সঙ্কল্প উদাসীনতা আসিয়া তাহাকে আচ্ছন্ন করিয়া সারা জীবনটাকে জুড়িয়া বসিয়াছে এই শীতকালের ভোরবেলায় কুয়াশার মত। ঘর ভাল লাগে না, অনিরুদ্ধ সম্পর্কেও তাহার সেই সর্বগ্রাসী আসক্তিও যেন হতচেতন মাহুঘের বাহুবন্ধনের মত ক্রমশ এলাইয়া পড়িয়াছে। অনিরুদ্ধ-দুর্গার রহস্য-লীলা সে চোখে দেখিয়াও কিছু বলে না, দেবুর শিশুপুত্রকে আপনার কোল হইতে বিলুর কোলে তুলিয়া দিয়া বলিল—আমার তো ভাই ওইটুকুই পুঁজি! বাদবাকী গরু-বাছুর-বউ-বেটা—বলে ‘শির নেই তার শির-পীড়া!’—নাতি-নাতনী!—বলিয়া সে একটু হাসিল, হাসিয়া বলিল—চলি ভাই, পণ্ডিতগিন্নী।

বিলু তাহার হাত ধরিয়া বলিল—জল খাবার নেমতন্ন দিয়ে গিয়েছে—তোমার বরের বন্ধু ।
দাঁড়াও একটু মিষ্টি মুখে দিয়ে যাও ।

বিলুর কোলের শিশুটির উপর খুঁকিয়া পড়িয়া বার বার চুমা খাইয়া পদ্ম বলিল—খোকামণির
'হামি' খেয়ে পেট ভরে গিয়েছে । এর চেয়ে মিষ্টি আর কিছু হয় নাকি ?

—না, তা হবে না ।

—তবে দাঁও ভাই খুঁটে বেঁধে নিয়ে যাই । ইতুর পেসাদ মুখে দিয়ে খাই কি করে বল ?
পণ্ডিত না হয় এসব জানে না, পণ্ডিতগিন্নীকে তো আর বলে দিতে হবে না !

পথে বাহির হইয়া দুর্গা বলিল—বিলুদিদি আমার ভারী ভাল মানুষ । যেমন পণ্ডিত তেমনি
বিলুদিদি ! তবে পণ্ডিত একটুকুন কাঠ-কাঠ, রস কম ।

পদ্ম কিন্তু দুর্গার কথা যেন শুনিলই না—আমাকে ভাই ছিহ্ন পালের বাড়ীর সামনেটা পার
করে দাঁও ।

—মরণ ! এত ভয় কিসের ? দিনের বেলায় ধরে খেয়ে নেবে নাকি ? দুর্গা মুখ বাঁকাইয়া
হাসিল । কথাটা বলিয়াও দুর্গা কিন্তু পদ্মের সঙ্গে সঙ্গে চলিল ।

পদ্ম বলিল, ওকেই বলি ভাগিয়মানী । বড়লোক না হোক 'ছচল-বচল' সংসার, তেমনি
স্বামী আর ছেলেটি ! আহা, যেন পদ্মফুল ! যেমন নরম তেমনি কি গা ঠাণ্ডা । কোলে নিলাম—
তা শরীর আমার যেন জুড়িয়ে গেল ।

—মা সোন্দার, তার ওপর বাপ কেমন সোন্দার, ছেলে সোন্দার হবে না !

পদ্ম একটা দীর্ঘনিঃশ্বাস ফেলিল—কোন কথা সে বলিল না । পথে একটা বছর ছয়-সাতের
ছোট ছেলে আদিম কালের বর্বর আনন্দে পথের ধুলোর উপর বসিয়া মুঠা-মুঠা ময়দার মত ধূলা
আপন মাথায় চাপাইয়া পরমানন্দে হাসিতেছিল । দুর্গা বলিল—এই দেখ, যেমন কপাল—
তেমনি গোপাল । যেমন লক্ষীছাড়া বাপ-মা—তেমনি ছেলের রীতিকরণ ।

ছেলেটি সদগোপবংশীয় তারিণীচরণের । তারিণীচরণ একজন সর্বস্বাস্থ্য চাষী, যথাসর্বস্ব
তাহার বাকী খাজনার দায়ে নীলাম হইয়া গিয়াছে । সে এখন বাউড়ী, ভোম প্রভৃতি
শ্রমিকদের মত দিনমজুর খাটিয়া খায় । তারিণীর স্ত্রীও উপযুক্ত সহধর্মিণী, প্রায় সমস্ত
দিনটাই ওর বাউড়ী-ভোমের মেয়েদের মত ঝুড়ি লইয়া বনে-বাদাড়ে কাঠ সংগ্রহ করে, শাক
খুঁটিয়া আনে, ভোবার পাঁক ঘাঁটিয়া মাছ ধরে । ওগুলো কিন্তু তারিণীর স্ত্রীর বাহ্যাদম্বর, ওই
অজুহাতে সে চুরি করিবার বেশ একটি স্বযোগ করিয়া লয় । আম-কাঁঠাল শসা-কলা-লাউ-
কুমড়া কোথায় কাহার ঘরে আছে—সে সব নথদর্পণে । শাক-কাঠ সংগ্রহের অছিলায়
সে আশেপাশেই ঘুরিয়া বেড়ায় । আর স্বযোগ পাইলেই পটাপট ছিঁড়িয়া ঝুড়ির তলায়
ভরিয়া লইয়া পালাইয়া আসে । আর ওই শিশুটা এমনি করিয়া পথে বসিয়া ধূলা মাখে—
কাঁধে । কাঁদিতে কাঁদিতে ক্লান্ত হইয়া আপনিই ঘুমাইয়া পড়ে হয়তো আপনাদের ঘরের
অনাচ্ছাদিত দাঁওঘার অথবা কোন গাছের তলায়, ঠাই বাছাবাছি নাই । কোন কোন
দিন দূর-দূরান্তেও গিয়া পড়ে ; বাপ-মায়ে খোঁজে না, চিন্তিত হয় না । ছেলেটা আপনি

আবার ফিরিয়া আসে।

—সর রে, ছেলেটা সর। ধুলো দিস না বাপু, কাল ধোয়া কাপড় পরেছি। দুর্গা রুঢ় তিরস্কারে সাবধান করিয়া দিল।

—ইঃ! বলিয়া দুইট হাসি হাসিয়া ছেলেটা একমুঠো ধূলা লইয়া উঠিয়া দাঁড়াইল।

—দোব ছেলের কথা নিঙ্ড়ে। দুর্গা কঠোর স্বরে শাসাইয়া দিল। ধোয়া কাপড়ে ধুলোর ছিটা তাহার কোনমতেই সছ হইবে না।

—মিষ্টি দোব, বাবা? মিষ্টি খাবে? পদ্ম ছেলেটিকে তাহার বঞ্চিত জীবনের সকল আকৃতি জড়াইয়া সাদরে সম্ভাষণ করিল।

ধুলোর মুঠাটা নামাইয়াও ছেলেটা বলিল—মিছে কথা। উঃ, ভারী চালাক তুই!

আপনার খুঁট খুলিয়া পদ্ম বিলুর দেওয়া মিষ্টিটি বাহির করিয়া বলিল—এইবার ধুলো ফেলে দাও। লম্বীটি!

—উ-হ। তু আগে ওইখানে ফেলে দে!

—ছি, ধুলো লাগবে। হাতে নাতে নাও।

—হিঃ! তাহ'লে তু ধরে মারবি।

—না, তু ফেলে দে ক্যান্নে।

—দাও হে, তাই ফেলে দাও। ধুলো! বলে—আস্তাকুড়ের পাতা কুড়িয়ে খায়। ধুলো! দুর্গা ঝঙ্কার দিয়া উঠিল। তাহার রাগ হইতেছিল। সেও বন্ধা কিন্তু তাহার ছেলে-ছেলে করিয়া আকৃতি নাই।

পদ্ম কিন্তু মিষ্টিটি ফেলিয়া দিতে পারিল না, একটি পরিচ্ছন্ন স্থানে সম্ভরণে নামাইয়া দিয়া ছেলের মুখের দিকে চাহিয়া একটু হাসিল। তারপরেই নীরবেই পথে অগ্রসর হইল।

—কামার-বউ! সর্কোভুকে দুর্গা তাহাকে ডাকিল।

দীর্ঘ অবগুণ্ঠনে মুখ ঢাকিয়া মাটির উপর চোখ রাখিয়া পদ্মর পথে চলা অভ্যাস; সে তেমনি ভাবেই চলিতেছিল। মুখ না তুলিয়াই সে উত্তর দিল—কি?

—ওই দেখ!

—কি? কোথা? কে?

—ওই যে ছায়ুতে হে!

দুর্গা খুক খুক করিয়া হাসিয়া উঠিল।

মাথার ঘোমটা খানিকটা সরাইয়া মাথা তুলিয়া চারিদিক চাহিয়াই সে আবার তাড়াতাড়ি ঘোমটা টানিয়া দিল। লম্বুখেই ছিফ পাল খামারবাড়ীর দরজার মুখে মোড়া পাতিয়া বসিয়া আছে। একা নয়, পাশেই বসিয়া আছে আরও একটা লোক; লোকটার চোখ দুইটা উঁচু মত গোল-গোল এবং লালচে। নাকটা খ্যাবড়া এবং নাকের পাশে প্রকাণ্ড একজোড়া বাহারের গোঁফ লোকটাকে বেশ একটা চেহারা দিয়াছে। যে চেহারা দেখিয়া মেয়েরা অস্বস্তি বোধ করে। তাহার দু'জনেই তাহাদের দিকে চাহিয়া আছে। ও-লোকটাকেও পদ্ম চেনে—

লোকটা জমিদারের গোমস্তা। ঋতপদে পদ্ম স্থান অতিক্রম করিয়া চলিয়া গেল। দুর্গার কিন্তু সেই মন্থর গতি-ভঙ্কিয়া।

গোমস্তা একবার দুর্গার দিকে চাহিল—তারপর ফিরিয়া তাকাইল শ্রীহরির দিকে। তারপর প্রশ্ন করিল—দুর্গার সঙ্গে কে হে পাল ?

—অনিরুদ্ধের পরিবার !

—হঁ ! দুর্গার সঙ্গে সঙ্গে জোট বেঁধে বেড়াচ্ছে ক্যানে হে ?

—পরচিত্ত অঙ্ককার, কি করে জানব বলুন !

—দুর্গা কি বলে ? খায় ?

শ্রীহরি গম্ভীরভাবে বলিল—আমি ওসব ছেড়ে দিয়েছি, দাশ মশায় ; দুর্গার সঙ্গে কথা পর্যন্ত বলি না।

সবিশ্রমে চক্ষু বিক্ষারিত করিয়া দাশ বলিল—বল কি হে ? সঙ্গে সঙ্গে তাহার শিকারী গোঁফজোড়াটা নাচিয়া উঠিল। ওইটা দাশের মুদ্রাদোষ।

—আজ্ঞে হ্যাঁ।

—হঠাৎ ? ব্যাপার কি ?

—নাঃ। ও নীচ-সংসর্গ ভাল নয় দাশজী। সমাজে ঘেমা করে, ছোটলোকে হাসে। নিজের মান-মর্যাদাও থাকে না।

ঘরে আগুন দিবার ব্যাপারটা লইয়া দুর্গার সঙ্গে শুধু তাহার কলহই হয় নাই, মনে মনে সে একটা প্রবল অসন্তি বোধ করিতেছে। মনে হইতেছে শুইবার ঘরে সে সাপ লইয়া বাস করিতেছে। সাপ নয়, সাপিনী। সে দুর্গা।

হাসিয়া দাশ বলিল—বেশ তো, কামারনী তো আর নীচ-সংসর্গ নয় ? বেটাকে যখন জব্দই করবে—তখন ঘরের হাঁড়িহুঙ্ক এঁটো করে দাঁও না !

শ্রীহরি চূপ করিয়া রহিল। এ কামনাটা তাহার বুকে আগ্নেয়গিরির অগ্নিপ্রবাহের মতোই রুদ্ধমুখ চাপা হইয়া আছে। নাড়া খাইয়া সেই প্রচ্ছন্ন অগ্নিশিখা ভিতরে ভিতরে প্রবল হইয়া উঠে।

ওদিকে দাশ ক্যা-ফ্যা করিয়া হাসিতে আরম্ভ করিল।

শ্রীহরির উগ্র চোখ দুইটি সঙ্গে সঙ্গে যেন জলিয়া উঠিল। ওই উজ্জল শ্রামবর্ণা দীর্ঘাকী বধূটির প্রতি তাহার অন্তরের নগ্ন-কামনার একটি প্রগাঢ় আসক্তি আছে। তাহার মনে পড়ে, ভোবার ঘাটে দণ্ডায়মানা পদ্মের অবগুষ্ঠিত মুখ ;—বড় বড় চোখ, ছোট কপাল ঘিরিয়া ঘন কালো একরাশি চুল, ঈষৎ বাঁকা নাক, গালে পাশে বড় একটি তিল,—তাহার হাতে শানিত দাঁ, নিষ্ঠুর কৌতুকের মূহ হাসিতে বিকশিত ছোট ছোট স্নন্দর দাঁতের সারিটি পর্যন্ত তাহার মনোমধ্যে ঝলঝল করিয়া উঠে।

দাশ হাসি থামাইয়া বলিল—তোমার টাকা আছে, ভাগ্যিমান লোক তুমি, তুমি যদি ভোগ না কর তো করবে কি রামা-শ্রামা ?

বহুক্ষণ পরে অজগরের মত একটা নিঃশ্বাস ফেলিয়া শ্রীহরি বলিল—ছাড়ান দেন, দাশজী, ওসব কথা। এখন আমি যা বললাম তার কি করছেন বলুন।

—তার আর কি, ‘পাল’ কেটে ‘ঘোষ’ করতে আর কতক্ষণ? তবে—জমিদারী সেরেস্তার নিয়ম জান তো—‘ফেল কড়ি মাথ তেল’, জমিদারকে কিছু নগদ ছাড়, দস্তরী দাও! আর তা ছাড়া একটা খাওয়াও। শ্রীহরির মুখের দিকে চাহিয়া দাশ বলিল—হ্যাঁ হে, মদও ছেড়েছ নাকি? যে রকম গতিক তোমার। দাশ একটু বাকা হাসি হাসিল।

শ্রীহরি হাসিয়া বলিল—না, না, সে হবে বৈকি। তবে কথা হচ্ছে ওসব আর ঢাক পিটিয়ে হৈ-হৈ করে কিছু করব না। গোপনে আপনার ঘরে বসে বসে যা হয় একটু—মাঝে মাঝে—।

—নিশ্চয়! ভুল্লোকের মত! দাশজী বার বার ঘাড় নাড়িয়া শ্রীহরির যুক্তি স্বীকার করিয়া বলিল—একশোবার, আমি আগে কতবার তোমাকে বারণ করিচি, মনে আছে? বলেছি ‘পাল, ঐ রকম ধারা-ধরন তোমাকে শোভা পায় না’; যাক, শেষ পর্যন্ত তুমি যে বুঝে সামলেছ—এ ত ভাল।

দাশজীর কথা শ্রীহরিও স্বীকার করিয়া বলিল—হ্যাঁ, সে আমি বুঝে দেখলাম দাশজী, মান-সন্মান আপনার ও-রকম করে হয় না, সে-কাল এখন আর নাই।

জমিদারী সেরেস্তার বহুদর্শী বিচক্ষণ কর্মচারী দাশজী, সে হাসিয়া বলিল—কোনকালেই হয় না বাবা, কোনকালেই হয় না। ত্রিপুরা সিংয়ের কথা বল তুমি—তাকে লোকে আজও বলে ডাকাত। সেইটা কি মান-সন্মান নাকি? এই দেখ, এই কঙ্কণার মুখ্জেবাবুদের কথা দেখ। বড়লোক হ’ল—তাতেও লোকে বাবু বলত না। তারপর ইস্কুল দিলে, হাসপাতাল দিলে, ঠাকুর পিতিষ্ঠে করলে—আমনি লোকে খত্তি-খত্তি করলে, বাবু তো বাবু একেবারে বড়বাবু—বড়-বাড়ীর বড়বাবু খেতাব হয়ে গেল।

—এবার চণ্ডীমণ্ডপটা আমিও বাঁধিয়ে পাকা করে দেব, দাশজী। আর চণ্ডীমণ্ডপের পাশে একটা কুয়ো।

—বাস্, বাস্, পাকা করে খুঁদে লিখে দাও কুয়োর গায়ে, চণ্ডীমণ্ডপের মেঝেতে—সেবক শ্রী শ্রীহরি ঘোষণে প্রতিষ্ঠিত, তারপর তোমার ঘোষ খেতাব মারেং কে? একেবারে পাকা হয়ে যাবে।

—আপনি কিন্তু ওটা করে দেন, সেটলমেণ্টের পরচাতেও ঘোষ লেখাব আমি।

—কাল—কালই করে নাও না তুমি।

শ্রীহরিদের কংশ-প্রচলিত উপাধি পাল। শ্রীহরি পাল উপাধিটা পাণ্টাইতে চায়। অনেকদিন হইতেই সে নিজে লেখে ঘোষ; কিন্তু আদালতে ঘোষ চলে না। তাই জমিদারী সেরেস্তায় তাহার নামের জমাগুলিতে পাল কাটাইয়া ঘোষ করিতে চায়। ওদিকে গভর্নমেন্ট হইতে নতুন সার্ভে হইতেছে; রেকর্ড অব রাইটসের দপ্তরেও ঘোষ

উপাধি তাহার পাকা হইয়া যাইবে। পাল উপাধিটা অসম্মানজনক ; যাহার নিজের হাতে চাষ করে, তাহাদের—অর্থাৎ চাষীদের ঐ উপাধি।

দাশজী আবার বলিল—আর সে-কথাটার কি করছ ?

—কোন কথা, কামার-বউয়ের কথা ?

হো হো করিয়া দাশজী হাসিয়া উঠিল। বলিল—সে তো হবেই হে। সে কথা আবার শুধোয় নাকি ? আমি বলছিলাম গোমস্তাগিরির কথাটা।

শ্রীহরি লজ্জিত হইয়া পড়িল। অতর্কিতে সে ধরা পড়িয়া গিয়াছে। অপ্রস্তুতের মতই বলিল—আচ্ছা ভেবে দেখি।

ঠিক এই মুহূর্তেই ক্ষুর-ভাঁর বগলে করিয়া আসিয়া হাজির হইল তারাজরণ পরামাণিক। গভীর ভক্তির সহিত একটি নমস্কার করিয়া মোলায়েম হাসি হাসিয়া সম্ভাষণ জানাইল—পেনাম আজ্ঞে।

কপালের উপরে দৃষ্টি টানিয়া তুলিয়া তারাজরণের মুখের দিকে দৃষ্টিপাত করিয়া দাশজী বলিল—এস বাপধন এস। কি সংবাদ ?

মাথা চুলকাইয়া তারাজরণ বলিল—গিয়েছিলাম কঙ্কণায়। বাড়ী এসেই শুনলাম, মা বললে—গোমস্তামশাই এসেছেন,—শুনেই জোর-পায়ে আজ্ঞে আসছি—সে অকারণে হাসিতে লাগিল।

তারাজরণের এই হাসিটি তাহার ব্যবসায়ের অভিজ্ঞতা এবং বুদ্ধি হইতে উদ্ভূত। যাহার ভাকে সে সর্বাগ্রে না যায়—সেই-ই চটিয়া উঠে। তাই তারাজরণ মনস্তত্ত্বের জগৎ এই মিষ্টি হাসিটি হাসে, শ্লেষ-তিরস্কারেও সে এমনি করিয়া হাসে। আরও একটি সত্য সে আবিষ্কার করিয়াছে—সেটিকেও সে কাজে লাগায়। প্রতিবেশীর গোপন তথ্য জানিবার জন্ত মাস্তুষের অতি ব্যগ্র কোঁতুহল। সকাল হইতে দ্বিপ্রহর পর্যন্ত সে গ্রামে-গ্রামান্তরে নানা জনের বাড়ীতে যায়। রামের বাড়ীর খবর সে শ্রামকে বলে, শ্রামের সংবাদ যত্নে দেয় ; আবার যত্ন কথা মধুকে নিবেদন করিতে করিতে তাহার বিরক্তি অপনোদন করিয়া তাহাকে খুশী করিয়া তোলে। সেই অবসরে আবার তাহাদের বাড়ীরও দুই-চারিটি গোপন সংবাদ জানিয়া লয়।

গাডু হইতে বাটিতে জল ঢালিয়া লইয়া সে আরম্ভ করিল—কঙ্কণাতে হৈ-হৈ কাণ্ড। আজ্ঞে বুঝলেন কিনা ! তাঁবু পড়েছে আট-দশটা,—গাড়ী গাড়ী কাগজ জড়ো হয়েছে।

—হু—সেলটমেন্ট ক্যাম্প বসেছে।

কোশলী তারাজরণ বুঝিল—এ সংবাদে গোমস্তার চিন্তা সরস হইবে না। চকিতদৃষ্টিতে শ্রীহরির মুখের দিকে চাহিয়া দেখিল—শ্রীহরির মুখও গভীর। মুহূর্তে সে প্রসঙ্গান্তরে আসিয়া বলিল—এবার পোয়া বারো হ'ল দুর্গা-টুর্গার। হু'হাতে টাকা লুটবে। টেরিকাটা আমিনের দল যা দেখলাম। বুঝলে ভাই পাল ?

গোমস্তা ধমক দিল—পাল কি রে, ভাই কি রে ? ভাই পাল বলিল কেন ? ওকে তুই

‘ভাই পাল’ বলবার যুগিয়া ? ‘বুঝলেন’ বলতে পারিস না, না ?

—আজ্ঞে ?

—ঘোষমশায় বলবি। পাল হ’ল যারা নিজের হাতে চাষ করে। এ গাঁয়ের মাথার ব্যক্তি হলেন শ্রীহরি।

তারচরণ নীরবে সব শুনিতে আরম্ভ করিল। অনেক কথাই শুনিল—মায় এ গ্রামের গোমস্তাগিরিও যে শ্রীহরি ঘোষ মহাশয় লইতেছেন, সে কথাটা আভাসে সে অনুমান করিয়া লইল। তৎক্ষণাৎ বলিল—একশোবার হাজারবার, ঘোষ মহাশয়ের তুল্য ব্যক্তি এ ক’খানা গাঁয়ে কে আছে বলুন ? গোমস্তার গালের উপর ক্ষুরের একটা টান দিয়া সে চাপা গলায় বলিল—উনি ইচ্ছে করলে দুর্গার মত বিশটা বাদী রাখতে পারেন।

হাত তুলিয়া ইঙ্গিতে ক্ষুর চালাইতে নিষেধ করিয়া দাশজী মৃদুস্বরে প্রশ্ন করিল—অনিরুদ্ধ কামারের বটটা দুর্গার সঙ্গে জোটে বেঁধে বেঁধে বেড়ায় কেন রে ? ব্যাপার কি বল তো ?

—তাই নাকি ? আজই খোঁজ নিচ্ছি দাঁড়ান ! তবে কর্মকারের সঙ্গে দুর্গার আজকাল একটুকু—তারচরণ হাসিল।

—নাকি ?

—হ্যাঁ !

শ্রীহরি চুপ করিয়া বসিয়াছিল। পদ্মকে লইয়া এমনভাবে আলোচনা তাহার ভাল লাগিতেছিল না। ওই দীর্ঘাকী মেয়েটির প্রতি তাহার আসক্তি প্রচণ্ড—কামনা প্রগাঢ়, যে আসক্তি ও যে কামনাতে মানুষ মানুষকে, পুরুষ নারীকে একান্তভাবে একক ও নিত্যস্বভাবে নিজস্ব করিয়া পাইতে চায়, এক জনশূন্য লোকে—সে তাহাকে চায় চোরের সম্পদের মতো ; অন্ধকার গুহার নিস্তরঙ্গতম আবেষ্টনীর মধ্যে সর্গের সর্পিণীর মতো—শতপাকের নাগপাশের বন্ধনের মধ্যে !

*

*

*

*

পদ্মের বাড়ী আসিয়া দুর্গা দেখিল—পদ্ম আবার স্নানে যাইবার উত্তোগ করিতেছে। পদ্ম দ্রুতপদে চলিয়া আসিবার কিছুক্ষণ পর দুর্গা কিছুক্ষণ একটা গলির আড়ালে লুকাইয়া দাঁড়াইয়াছিল। গোমস্তাটিকে সে ভাল করিয়াই জানে। শ্রীহরির তো নখ হইতে মাথার চুল পর্যন্ত তাহার নখদর্পণে। তাহাদের কথাবার্তা শুনিবার জন্তই সে লুকাইয়া দাঁড়াইয়াছিল। গোমস্তার কথা শুনিয়া সে হাসিল ; শ্রীহরির কথাবার্তার ধরনে সে অনুভব করিল বিষয়। তারচরণ আসিতেই সে চলিয়া আসিয়াছে। গামছা কাঁধে ফেলিয়া পদ্ম তখন বাড়ী হইতে বাহির হইতেছিল। দুর্গা প্রশ্ন করিল—এ কি ? আবার চান ?

—হ্যাঁ।

—ছোয়াচ পড়লো বুঝি ? যে পাঁচহাত ‘সান’ তোমার ! কিছু ছোয়াটা আর আশ্চর্য্য কি !

অপ্রস্তুতের মত হাসিয়া পদ্ম বলিল—না—মাড়াই নাই কিছু।

—তবে ?

—ছেলেতে ময়লা করে দিলে কাপড় ।

—তোমার ওই এক বাতিক, ছেলে দেখলেই কোলে নেবে । নিজের নাই পরের নিয়ে এত ঝগড়া বাড়াও ক্যানে বল তো ? এর মধ্যে আবার কার ছেলে নিতে গেলে !

পদ্ম এবার অত্যন্ত অপ্রস্তুত হইয়া একটু হাসিল,—ছিন্ন পালের ছেলে ।

দুর্গা অবাক হইয়া গেল ।

পদ্ম বলিল—গলির মুখে বউটি দাঁড়িয়ে কাঁদছিল, কোলে ছোটটা ঘ্যান-ঘ্যান করছে, পায়ের কাছে বড়টা কোলে চাপবার জন্তে মায়ের কাপড় ধরে টেনে ছিড়ে একাকার করছে আর চৈচাচ্ছে ; বাড়ীর ভেতরে শাওড়ী গাল পাড়ছে—বিয়েনখাগী, সব খেয়েছিল, আর ও ছুঁটো ক্যানে ? ও ছুঁটোকেও খা, খেয়ে তুইও যা, আমি ঝাঁচি । তাই ছোটটাকে একবার নিলাম—মা তখন বড়টাকে নিয়ে চূপ করলো । কিছুক্ষণ চূপ করিয়া থাকিয়া সে আবার বলিল—পালের বউটি কিন্তুক বড় ভাল মেয়ে, বড় ভাল ! তাহার মনে পড়িয়া গেল সেই সেদিনের কথা ।

শ্রীহরির স্ত্রীর বিরুদ্ধে দুর্গার কোন অভিযোগ নাই, বরং তাহার কাছে তাহার নিজেরই একটি গোপন অপরাধ-বোধ আছে । এ গ্রামের বধূদের সকলেই তাহাকে অভিসম্পাত দেয়, কটু কথা বলে—সে-কথা সে জানে । কেবল দুটি বউয়ের বিরুদ্ধে সে এ অভিযোগ করিতে পারে না ; একজন বিনু দিদি—পণ্ডিতের স্ত্রী, অপর জন শ্রীহরির স্ত্রী । পণ্ডিতের স্ত্রী না করিবারই কথা—পণ্ডিত সম্বন্ধে তো তাহার আশঙ্কা কিছু নাই, সে সাধু লোক ; কিন্তু ছিকর সহিত তার প্রকাশ্য ঘনিষ্ঠতা সম্বন্ধে শ্রীহরির স্ত্রী কোনদিন তাহাকে কটু কথা বলে নাই—অভিসম্পাত দেয় নাই । পালের স্ত্রীর সঙ্গে চোখে চোখ রাখিতে তাহার সতাই লজ্জাবোধ হয় । কিছুক্ষণ নীরবে পথ চলিয়া, অকস্মাৎ বোধ হয় শ্রীহরির স্ত্রীর প্রসঙ্গ হইতে নিষ্কৃতি পাইবার জন্তই সে প্রসঙ্গান্তরের অবতারণা করিল ; বলিল—কে জানে ভাই, কচি-কাঁচা দেখলে আমার তো গা ঘিন্-ঘিন্ করে ! মা গো ?

পদ্ম অত্যন্ত রূঢ়দৃষ্টিতে তাহার-দিকে চাহিল ।

দুর্গা তাহা লক্ষ্যই করিল না, অবশ্য লক্ষ্য করিলেও সে গ্রাহ্য করিত না । তাজিল্যের একটা ঝাঁক হাসির শানিত ছুরিতে উহাকে টুকরা টুকরা করিয়া ধূলায় লুটাইয়া দিত । তেমনি উপেক্ষার ভঙ্গিতে সে বলিয়া গেল—আমাদের বউটার আবার এই বুড়ো বয়সে ছেলেপিলে হবে । আমি ভাই এখন থেকে ভাবছি—সেই ট্যা-ট্যা করে কাঁদবে, পাখীর বাচ্চার মতো ক্ষণে ক্ষণে কাঁথা কাপড় ময়লা করবে,—মা গোঃ ।

মুহূর্ত্তে পদ্মের বিচিত্র রূপান্তর হইয়া গেল । সে প্রশ্ন করিল—কান্ দেবতার দোর ধরেছিল তোমাদের বউ ?

—দেবতা ? দেবতা তো অনেককেই দয়া করেছে । তারপর ফিক করিয়া হাসিয়া বলিল—শেষ ওই ঘোবালের—

—ঘোষালেরা কবচ দেয় নাকি ?

—মরণ তোমার ! ওই হরেন ঘোষালের সঙ্গে বউ-এর এতকালে আশনাই হয়েছে । বউ তো আর বাঁজা নয়, তাই সম্ভান হবে ।

পদ্ম স্থিরদৃষ্টিতে দুর্গার দিকে চাহিয়া রহিল ।

দুর্গা বলিল—শুধু তো মেয়েই বাঁজা হয় না, পুরুষেরও দোষ থাকে । তা জান না বুঝি ?

সে দৃষ্টান্ত দিতে আরম্ভ করিল ; আশ-পাশ গ্রামের বহু দৃষ্টান্তই সে জানে । এই জীবনের—এই পথের পথিকদের প্রতিটি সংবাদ সে জানে, প্রতিটি জনকে চেনে । তাহারা হয়তো আড়াল দিয়া অন্ধকারে আত্মপোষন করিয়া চলিতে চায়—কিন্তু সে যে অহরহ পথের উপর অনবগুণ্ঠিত মুখে অকুণ্ঠিত দৃষ্টিতে চাহিয়া বসিয়া আছে পথের যাবাবরীর মত ; ওই পথেই যে সে বাসা বাঁধিয়াছে ।

শীতের দিন—জলের হিম মাঝবের দেহে যেন স্ফুট ফুটাইয়া দেয় । সকাল বেলাতেই হুইবার স্নান করিয়া পদ্মের শরীর যেন অম্লহ হইয়া পড়িল । সমস্ত দিনেও বেচারী সে অম্লহতা কাটাইয়া উঠিতে পারিল না । রান্নাশালায় আগুনের আঁচেও সে আরাম পাইল না । রান্নাবান্না শেষ করিয়াও সে কিছু খাইল না, সমস্ত অনিরুদ্ধের জন্ত ঢাকা দিয়া রাখিয়া দিল । কর্মকার সকালেই খাবার বাঁধিয়া লইয়া ময়ুরাক্ষীর ওপারে জংশনে তাহার নুতন কামারশালায় গিয়াছে ।

অপরাত্নে সে কিরিল । পদ্ম চূপ করিয়া দেওয়ালে ঠেস দিয়া বসিয়াছিল, অম্লহ উদাসীনতা তাহার সর্বাত্মক পরিশ্রুতি । অনিরুদ্ধ একে ক্লান্ত, তাহার উপর পথে দুর্গার বাড়ীতে খানিকটা মদ খাইয়া আসিয়াছে । পদ্মের ভাবভঙ্গি দেখিয়া তাহার সর্বাক জলিয়া গেল । অত্যন্ত ক্রুদ্ধ দৃষ্টিতে কিছুক্ষণ নির্বাক পদ্মের দিকে চাহিয়া থাকিয়া অকস্মাৎ প্রচণ্ড চীৎকার করিয়া উঠিল—বলি, তোর হ'ল কি ?

পদ্ম এতক্ষণে অনিরুদ্ধের দিকে চাহিল ।

অনিরুদ্ধ আবার চীৎকার করিয়া উঠিল—হ'ল কি তোর ?

শাস্তস্বরে পদ্ম জবাব দিল—কি হবে ? কিছুই হয় নাই ।...শরীরের অম্লহতার কথা অনিরুদ্ধকে বলিতেও তাহার ইচ্ছা হইল না, ভালও লাগিল না । পাথরকে দুঃখের কথা বলিয়া কি হইবে ? অরণ্য-রোদনে ফল কি ? কথার শেষে একটি বিষন্ন মুহূর্ত্ত হাসি তাহার মুখে ফুটিয়া উঠিল ।

দাঁতে দাঁত ঘষিয়া অনিরুদ্ধ বলিল—তবে ? তবে উদাসিনী রাই-এর মত বলে রয়েছিল—চালকাঠের দিকে চেয়ে ?

মুহূর্ত্তে পদ্ম যেন দপ্ করিয়া জলিয়া উঠিল—তাহার অঙ্গ শিথিল দেহের সর্বাত্মক চকিতের জন্ত একটি অধীর চাকলা যেন খেলিয়া গেল, ভাগর চোখ দু'টি ক্রোধে রক্তাক্ত,

উগ্রভঙ্গিতে বিস্ফারিত হইয়া উঠিল। অনিরুদ্ধের মনে হইল—হুই টুকরা লোহা যেন কামারশালার জলন্ত অঙ্গারের মধ্যে আগুনের চেয়েও দীপ্তিময় এবং উত্তপ্ত হইয়া গলিবার উপক্রম করিতেছে। পদ্মের দেহখানা পর্বন্ত জলন্ত অঙ্গারের মত দুঃসহ উদ্ভাপ ছড়াইতেছে। এ মূর্তি পদ্মের নূতন। অনিরুদ্ধ ভয় পাইয়া গেল। এইবার পদ্ম কি বলিবে, কি করিবে—সেই আশঙ্কায় সে অধীর অস্থির হইয়া উঠিল। পদ্ম কিন্তু মুখে কিছু বলিল না। তাহার ক্রোধ পাঞ্জে-আবক জলন্ত ধাতুর মতোই তাহার দৃষ্টি ও দেহভঙ্গির মধ্যেই গণ্ডীবদ্ধ হইয়া রহিল;—কেবল একটা গভীর দীর্ঘশ্বাস ফেলিয়া সে উঠিয়া দাঁড়াইল। অনিরুদ্ধ দেখিল—পদ্ম যেন কাঁপিতেছে; সে শঙ্কিত হইয়া ছুটিয়া গিয়া তাহার হাত ধরিল—কি হ'ল পদ্ম? পদ্ম!

সর্বদেহ সমুচিত্ত করিয়া পদ্ম বোধ হয় অনিরুদ্ধের নিকট হইতে সরিয়া যাইতে চাহিল, কিন্তু পারিল না—কাঁপিতে কাঁপিতেই সে দেওয়ালে ঠেস্ দিয়া ধীরে ধীরে বসিয়া পড়িয়া মাটিতে লুটাইয়া পড়িল।

*

*

*

অনিরুদ্ধ ছুটিয়া জগন ভক্তারের কাছে চলিয়াছিল।

পথে চণ্ডীমণ্ডপের উপরে ভক্তারের আশ্রয়ালয় শুনিয়া সে চণ্ডীমণ্ডপেই উঠিয়া আসিল। চণ্ডীমণ্ডপে তখন গ্রামের গ্রাম সমস্ত লোকই আসিয়া সমবেত হইয়াছে। ভক্তার কেবল আশ্রয়ালয় করিতেছে—দরখাস্ত করব। কমিশনারের কাছে টেলিগ্রাম করব।

উদ্দি-পর্য্য একজন সরকারী পিওন চণ্ডীমণ্ডপের দেওয়ালের গায়ে একটা নোটিশ লটকাইয়া দিতেছে। “আগামী ৭ই পৌষ হইতে এই গ্রামে মার্ভে-সেটেলমেন্টের থানাপুৰী আরম্ভ হইবেক। অতএব প্রত্যেক ব্যক্তিকে আপন আপন জমির নিকট উপস্থিত থাকিয়া সীমানা সরহদ্দ দেখাইয়া দিতে আদেশ দেওয়া যাইতেছে। অগ্রাধার আইন অনুযায়ী কার্য করা যাইবেক।”

গ্রামের লোকগুলি চিস্তিতমুখে গুঞ্জন করিতেছে।

শ্রীহরি ও গোমস্তা কথা বলিতেছে সেটেলমেন্ট হাকিমের পেশকারের সঙ্গে।—মাছ—একটা বড় মাছ!

দেবু নীরবে একপাশে দাঁড়াইয়া ছিল। অনিরুদ্ধ তাহারই কাছে ছুটিয়া গেল। জংশন হইতে ফিরিবার পথে দুর্গার বাড়ীতে সকালবেলার কথা সব শুনিয়াছে। দেবুকে সে বরাবরই ভালবাসে, শ্রদ্ধা করে; সেদিন সে তাহার উপর রাগ ঠিক করে নাই—অভিমানই করিয়াছিল। আজও দুর্গার কাছে সব শুনিয়া, দেবুর উপর তাহার অভিমান দূর হইয়া প্রগাঢ় অহুয়োগে ক্ষম ভরিয়া উঠিয়াছে।

আবেগ-কম্পিত-কণ্ঠে সে বলিল—দেবু তাই!

—কি, অনি তাই কি হ'ল?

অনিরুদ্ধ কাঁদিয়া ফেলিল।

সেই দ্বিবিধে চতুর্মুখের বর্ণনাবর্ণনও তাহারাই করে। তাঁরা কবিরাজ্যে ভুলিয়া তাহারাই ছাওয়ার, প্রয়োজন হইলে ভাড়া-কুটো তাহারাই সেরায়ত করার, এমন কি চতুর্মুখের তাহারাই একত্র ক্রিয়াকর তাঁরা ভুলিয়া গিয়া কবিরাজ্যে। সে অনেক পূর্বের কথা,—তখনকার জমিদার মালিক হিসাবে তাহাতে সম্মতি দিয়াছিলেন মাত্র। তাহার অধিক দিয়াছিলেন গোটা দুই ভাল গাছ—চাল কাঠের জন্য।

চতুর্মুখের প্রণাম করিয়া দেবু মার্চের দিকে বাহির হইয়া গেল; গ্রামের প্রবীণারা তখন বাবা-শিব ও মা-কালীর দ্বারা জল ছিটাইয়া প্রণাম করিতেছে। জলে-জলে দেবতার ঘরের চৌকাঠের নিচের কাঠ একেবারে পচিয়া থলিয়া গিয়াছে, কপাটের নিচের খানিকটাও কবিকু হইয়াছে। এবার সেরায়ত না করাইলে পূজার সময় ভোগের সামগ্রীর গন্ধে বিড়াল তো ঢুকিবেই—কুরুর প্রবেশ করিলেও আশ্চর্য হইবার কিছু থাকিবে না।

ঘোড়া পুরোহিত বলে—এত করে জল দিও না, মা-সকল, জল একটুকুন কম করেই দিও; তোমাদেরই পরস্রোকের পথে কাঁদা হবে, পেছল হবে—তাতেই বলছি। শেষে রথের চাকা গেড়ে গিয়ে আর উঠবে না।

মোড়লপিসি মুখের মত জবাব দেয়, বলে—রথের ঘোড়া তো আর তোমার ওই তে-ঠেঙে রেজতা ঘোড়া নয়, ঠাকুর; তার লেগে আর তোমাকে ভাবতে হবে না।

পুরোহিত হাসিয়া বলে—আমার ঘোড়া সেই রথের ঘোড়ারই বাচ্চা মোড়লপিসি। আমার ঘোড়ার তো তিনটে ঠ্যাঙ, ওর মা-বাবার মাস্তুর দুটো, শোন নাই, ‘ডান ঠ্যাঙটা লটর-পটর, বাঁ ঠ্যাঙটা খোঁড়া, বাবা বড়িনাথের ঘোড়া।’

জগন ভক্তার বলে আরো কর্কশ কঠোর কথা, বলে—কেউ চোর, কেউ ছাচড়, কেউ ছেনাল; হিংস্রটে-বলমাল-কুঁহলী তো সবাই; সকালে আসেন সব পুণ্য করতে! নিয়ম করে দাও, দেবতার দোরে জল দিতে হলে সবাইকে রোজ একটি করে পরস্রা দিতে হবে; দেখবে একজনও আর আসবে না। দেখ না, পুত্রের জল সব ঘড়াঘড়া আনছে আর ঢালছে।

দেবু কোন কথাই বলে না। জগনের কথা অবশ্য মিথ্যা নয়, যে অপবাদ সে দেয়, তাহা অনেকাংশেই সত্য। কিন্তু নিত্য-নিরমিত প্রথম প্রভাতে দেবু যখন ইহাদের দেখে, তখন ওই পবিত্রভূমির কোন চিহ্নই তাহাদের চোখেমুখে ভাবেতকিতে সে দেখিতে পায় না। সম্পূর্ণ স্বচ্ছ এককল মাহুকে সে দেখে। তখন ইহারা প্রত্যেকেই যেন এক এক কল্ললোকের বাতী। ইহারা যদি লব্ধ-সর্বদা এমনই মাহু থাকিত! কিন্তু এই চতুর্মুখ হইতে বাহির হইয়া বাতীতে পা দিতে-না-দিত্তই প্রতিটি জনই আবার নিজমূর্তি ধারণ করে। কেহ আপনায় দুঃখকষ্টের জন্য ভগবানকে শতমুখে গালি পাড়ে; কেহ হয়তো ঘাট হইতে অস্ত্রের কলস ভুলিয়া লয়, কেহ হয়তো রাত্তার প্রতীক্ষা করে ‘পাইকারের’ অর্থাৎ গন্ধ-বাহুরের দাপত্যের,—কুফা বাইতাক বেজিয়া দিবে, হালাসেরা কুফা দ্বারা লইয়া কি করে এল সত্যকই জানে না। কিন্তু কলসবতী ইহার লোকের শতকরা করা তখন ইহাদের দায়ের অতীত।

মাহুবেরা আশ্চর্য, মাহুবেরা বিচির—একটা দীর্ঘনিশ্বাস—কেলিরা দেবু চতুর্দশ হইতে মানিয়া আসিল।

কুবাণেরা মাঠে চলিয়াছে; বাউড়ী, ডোর, মুচী প্রভৃতি শ্রমিক চাষীর দল। পরনে খাটো কাপড়, মাথায় গামছাখানা পাগড়ী করিয়া বাধা। তাহার সঙ্গে একখানা পরনের কাপড়ই—গায়ে ঘাপাঘের মত জড়াইয়া হাঁকো টানিতে টানিতে চলিয়াছে, অস্ত্র হাতে কাস্তে। ধান-কাটার পালা এখন। গ্রামের চাষী গৃহস্থেরাও অধিকাংশই নিজ-হাতে কুবাণদের সঙ্গেই চাষ করে, তাহারাও কাস্তে হাতে চলিয়াছে। ‘খাটে-খাটার দুনো পায়’—অর্থাৎ চাষে বাহারা নিজেরাও সঙ্গে খাটিয়া চাষী মজুরদের খাটায়, তাহাদের চাষে বিগুণ ফসল উৎপন্ন হয়—এই প্রবাদ-বাক্যটা ইহারা আজও মানিয়া চলে। এ গ্রামে কেবল দুই-চারিজন নিজেরা চাষে খাটে না। হরেন্দ্র ঘোষাল ব্রাহ্মণ, জগন ঘোষ একে কান্দু তার আবার ডাক্তার, দেবু ঘোষ পাঠশালার পণ্ডিত, ত্রীহরি সম্প্রতি কুলীন সদুগোপ এবং বহু ধন-সম্পত্তির মালিক, এই কয়জনই চাষে খাটে না।

সতীশ বাউড়ী তাহাদের সম্প্রদায়ের মধ্যে মাতব্বর গোছের লোক। লোকটির নিজের হাল-গর আছে। জমি অবশ্য তাহার নিজের নয়—পরের জমি ভাগে চাষ করে। বেশ বিজ্ঞ-ধরনের কথা কয়। দেবুকে দেখিয়া হেঁট হইয়া সে প্রণাম করিল, বলিল—শেনাম হই, পণ্ডিত মশায়!...সঙ্গে সঙ্গে দলের সকলেই প্রণাম করিল।

দেবু প্রতিশ্রুতি করিয়া বলিল—মাঠে যাচ্ছ?

—আজ্ঞে হ্যাঁ। সতীশ নিজের সুকীড়ের বলিল—পণ্ডিতমশায়ের মতো মাহুবি আর জাখলাম না। শেনাম করলে অনেক মণ্ডল মশাইরা তো রা পর্বত কাড়ে না। পণ্ডিতমশায় কিন্তু কপালে হাতটি ঠেকাবেই। কখনও তুই-তুকারি শুনলাম না উহার মুখে।

দেবু কথা বলিল না, দ্রুতপদে আগাইয়া যাইবার চেষ্টা করিল। কিন্তু সতীশ বলিল—হাঁ গো, পণ্ডিতমশায়—এ কি হবে বলেন দেখি।

—কিসের? কি হ’ল তোদের?

—আজ্ঞে, একা আমাদের লয়, গোটা গাঁয়ের নোকেই বটে। এই সেটেলমেটোরের কথা বলছি। সাতদিন পরেই বলছে আরম্ভ হবে। দিনরাত হাজির থাকতে হবে, নোরার শেকল টেনে রাখ হবে; তা হলে ধানকাটাই বা কি করে হয়, আর পাকা ধানের ওপর শেকল টানলে ধানই বা থাকে কি করে?

—সোমতা কি বললেন? পালই বা কি বললো?

—আজ্ঞে ঘোষ মশাই কল।

—ঘোষ কশায়?

—আজ্ঞে, উনি এখন ছিহরি ঘোষ কশাই গো। ঘোষ বলতে হকুম হয়েছে। জমিদারের আদেশ-শব্দ, আর আদালত পর্বত দেখা করে দিয়েছেন পাল কাটিয়ে।

—তাই নাকি ? ঠাা কি বললেন ? কাল তো তোমরা গিয়েছিলে না ।

—আজ্ঞে তাক হয়েছিল, গিয়েছিলাম । তা ঠাা বললেন—দিনরাত খেটে খান কেটে কেল সব মাতব্বিনের মধ্যে ! তাই কি হয় গো ? আপনিই বলেন ক্যানে পণ্ডিতমশায় ?

যেবু চুপ করিয়া রহিল, কোন উত্তর দিল না । কাল সমস্ত রাজি সে এই কথাটাই ভাবিয়াছে । কিন্তু কোন উপায়ই স্থির করিতে পারে নাই ।

সভীশ বলিল—হোখা থেকে এলাম তো দেখি, ডাক্তার বাবু পাড়ায় এসেছেন, বলছেন—টিপছাপ দিতে হবে, দরখাস্ত পাঠাবেন । তা হ্যা মশায়, দরখাস্তে কি হবে গো ? এই তো ঘর-পোড়ার লেগে দরখাস্ত করলাম—কি হ'ল ? তা ছাড়া দরখাস্ত করলে সেটেলমেণ্টের হাকিম যদি রেগে যায় ।

*

*

*

বাংলাদেশে ইংরাজী ১৭২০ সালে চিরস্থায়ী বন্দোবস্তের সময় কোন জরিপবন্দী হয় নাই । তখনকার দিনে সীমানা-সরহদ লইয়া দাঙ্গা, হাঙ্গামা, মামলা-মকদ্দমার আর অন্ত ছিল না । ১৮৪০ খৃষ্টাব্দে গবর্ণমেন্ট হইতে পঁয়ত্রিশ বৎসর ধরিয়া জরিপ করিয়া মাত্র গ্রামগুলির সীমানা নির্ধারিত হইয়াছিল । ১৮৭৫ খৃষ্টাব্দে জরীপ আইন পাস হইবার পর বাংলা দেশে নতুন জরীপের এক পরিকল্পনা হয় । প্রতিটি টুকরা জমি, তাহার বিবরণ এবং তাহার স্বত-স্বামিত্ব নির্ধারণ করিবার জন্যই এ জরিপের আয়োজন । ১৯২৬ খৃষ্টাব্দে তাহার জের এই গ্রামাকলে আসিয়া পড়িয়াছে । গ্রাম্য লোকগুলি বিভীষিকায় একেবারে ভ্রস্ত হইয়া উঠিয়াছে ।

জরিপের সময়ে এতটুকু জনটিতে হাকিম নাকি বেত লাগায়, হাতকড়ি দিয়া জেলে পাঠাইয়া দেয় । এই ধরনের নানা গুণ্ডাবে অকলটা উল্লুপ হইয়া উঠিয়াছে ।

আরও আছে, জরিপের পর প্রজাদের জরিপের খরচের অংশ দিতে হইবে । না দিলে অস্থাবর কোক হইবে, সম্পত্তি বাজেয়াপ্ত হইবে ।

তাহার পর জমিদার দাবী করিবে খাজনা-বৃদ্ধি ; প্রতি টাকা চার আনা, আট আনা, এমন কি—টাকার টাকা পর্যন্ত বৃদ্ধিও হইতে পারে, হাইকোর্টের নাকি নজির আছে । নাথরাজ বাজেয়াপ্ত হইয়া যাইবে । বজায় থাকিলে সেস লাগিবে, সে সেসের পরিমাণ নাকি খাজনারই সমান—কম নয় ; এমনি আরও অনেক কিছু হইবে ।

ফিরিবার পথে য়েবু দেখিল—জনকরেক মাতব্বর ইতিমধ্যেই চণ্ডীমণ্ডপে সমাবত হইয়াছে, সকলে তাহারই প্রতীক্ষা করিতেছিল । য়েবু চণ্ডীমণ্ডপেই উঠিয়া আসিল । হরিশ প্রশ্ন করিল—হয়েছে ?

রায়ে তাহার একখানা দরখাস্ত লিখিয়া রাখিবার কথা ছিল । কিন্তু য়েবুর দরখাস্ত লেখা হইয়া উঠে নাই । দরখাস্তে তাহার আস্থা নাই । দরখাস্তের এককো দলে পড়িয়া সিঁদাছিল কয়েকটি ভিত্ত দল্লার স্বতি । নিজে সে এককালে কয়েকবার দরখাস্ত করিয়াছিল ; সেই কয়েকবার কলের কথা মনে পড়িয়া গিয়াছিল ।

তখন বাপের কল্লার পার্শ্ব দিক সে য়েবু ছাড়া নিতর দ্বন্দ্বেরই দাব করিত । জেরিন্দার

সে হাল চালাইতেছিল। খাকী পোশাক-পর্য টুপী বাথার পুলিশের অ্যাসিস্ট্যান্ট লাব-ইন্সপেক্টর মার্শের পথে যাইতে যাইতে তাহাকে ডাকিয়া বলিয়াছিল—এই—শোন।

দেবু এই অভদ্রজনোচিত সম্ভাষণে অসন্তুষ্ট হইয়াই উত্তর দেয় নাই।

—এই উল্লুক!

দেবু এবারও উত্তর দেয় নাই। দেবুর সেই প্রথম দরখাস্ত। দরখাস্ত করিয়াছিল পুলিশ সাহেবের কাছে। তদন্ত হইল মাস কয়েক পর। তদন্তে আসিলেন ইন্সপেক্টর।

দেবুর অভিযোগ শুনিয়া তিনি মিষ্ট কথায় ব্যাপারটা মিটাইয়া দিলেন, বলিলেন—বেশ বাপু, জমিদার বাবু তোমার বাপের বয়সী। ‘তুই’ বললেও তোমার রাগ করা উচিত নয়। ‘উল্লুক’ বলাটা অজ্ঞান হয়েছে, যদি উনি বলে থাকেন।

দেবু বলিল—উনি বলেছেন।

—বুঝলাম কিন্তু সাক্ষী কে বল?

—সাক্ষী ছিল না। ইন্সপেক্টর বলিলেন—যাক, তুমি বাড়ী যাও। কিছু মনে করো না।

দেবুর ক্ষোভ কিন্তু মেটে না।

দ্বিতীয় দরখাস্তের অভিজ্ঞতা বিচিত্র। জমিদার বৈশাখ মাসে খাসপুকুর হইতে মাছ ধরিবার ব্যবস্থা করিয়াছিল। সেইটিই একমাত্র পানীয় জলের পুকুর। জল অল্পই ছিল, সেই জল আরও খানিকটা বাহির করিয়া দিয়া মাছ ধরিবার কথা হইল। গ্রামের লোকে শিহরিয়া উঠিল। বলিল—ওটুকু জল, কেটে বের করে দিলে থাকবে কতটুকু? তার উপর মাছ ধরলে যে কাঁদা ছাড়া কিছু থাকবে না। আমরা খাব কি?

গোমস্তা বলিল—জমিদারের বাড়ীতে স্কাভ, তিনিই বা মাছ কোথায় পাবেন বল?

প্রজারা খোদ জমিদারের কাছে গেল; জমিদার বলিলেন—তোমরা মাছ দাও, নয় মাছের দাম দাও।

তদন্ত দেবু এক দরখাস্ত করিল ম্যাজিস্ট্রেট সাহেবের কাছে। কিন্তু কিছুই হইল না। জমিদারের চাপরাসীরা শোভাযাত্রা করিয়া আসিয়া মাছ ধরাইয়া পুকুরটাকে পঙ্ক-পঙ্কলে পরিণত করিয়া দিয়া গেল। দেবুর ক্ষোভের আর সীমা রহিল না। হঠাৎ সাতদিন পর, অকস্মাৎ দারোগা-কনস্টেবল-চৌকিদারের আগমনে গ্রামখানা জন্ত হইয়া উঠিল। তাহাদের সঙ্গে একজন সাহেবী পোশাকপরা অল্পবয়সী তত্ত্বলোক। দারোগা আসিয়া দেবুকে ডাকিল। বলিল—ম্যাজিস্ট্রেট সাহেব বাহাদুর ডাকছেন তোমাকে।

দেবু অবাক হইয়া গেল। সাহেব নিজে আসিয়াছেন। কিন্তু এখন আসিয়া ফল কি? সাহেবকে সে নমস্কার করিয়া দাঁড়াইল। সাহেব প্রতিনিয়ম্কার করিলেন। সে আরও আশ্চর্য হইয়া গেল সাহেবের কথায়।

—আপনি বৈশাখ ঘোষ?

—আজ্ঞে হ্যাঁ।

হারোণা বলিল—‘আজ্ঞে হ্যাঁ হুজুর’ বলতে হয়।

সাহেব বলিলেন—থাক। তারপর সমস্ত শুনিলেন—পুতুর নিজে দেখিলেন। পুতুরের পাড়ে ধাঁড়াইয়া জলের অবস্থা দেখিয়া তিনি স্তম্ভিত হইয়া গেলেন। দেবুর আজও মনে আছে তমলোকের চোখ হইতে ফোঁটাকয়েক জল ঝরিয়া পড়িয়াছিল। কবাসে চোখ মুছিয়া সাহেব বলিলেন—তাই তো দেবুবাবু, এসে তো কিছু করতে পারলাম না আমি।

দেবু বলিল—আমি দরখাস্ত করেছিলাম পাঁচ দিন আগে হুজুর।

—তাকে যেতে একদিন লেগেছে। দরখাস্ত যথানিয়মে পেশ হতেও কোন কারণে দেরি হয়েছে। সে কারণে আমি অনুকোয়ামী করব। তারপর—সাহেব কিছুক্ষণ চুপ করিয়া থাকিয়া বলিলেন—দেবনাথবাবু, এসব ক্ষেত্রে দরখাস্ত করবেন না। নিজে যাবেন, একেবারে আমাদের কাছে গিয়ে সরাসরি গিয়ে জানাবেন। দরখাস্ত ?—শব্দটা উচ্চারণ করিতে করিতে তিনি হাসিয়াছিলেন।

সাহেব গ্রামের অন্ত একটা ইদারা মঞ্জুর করিয়া দিয়াছিলেন। কিন্তু তাহাও শেষ পর্যন্ত হয় নাই। কারণ সাহেব এ জেলা হইতে চলিয়া যাওয়ার সুযোগে ইউনিয়ন বোর্ডের প্রেসিডেন্ট কক্ষার বাবু সেটা অন্ত গ্রামে মঞ্জুর করিয়া দিয়াছে। এ গ্রামের মেথার হিসাবে ক্রিহরিও তাহাতে সম্মতি-ভোট দিয়াছে। দেবনাথ জমিদারের মাছ ধরার অন্ত দরখাস্ত করিয়াছিল। সামান্য তাহারই অন্ত গোটা গ্রামের লোক ভোগ করিল।

দরখাস্ত ! একটা গল্প তাহার মনে পড়ে। কোন রাজার বাড়ীতে আঙুন লাগিয়াছিল ; রাজা ছিলেন দার্জিলিঙে। আঙুন নিভাইবার হাঁড়ি বালতি কিনিবার অন্ত বরাদ্দ না থাকায় রাজার নিকট টেলিগ্রাম করা হইল। হুজুম টেলিগ্রামে আসিলেও চক্ষিণ ঘণ্টার পর। ততক্ষণে সব কিছুকে তদন্ত করিয়া আঙুন আপনা-আপনি নিভিয়া গিয়াছে। দরখাস্তের কথাই ওই গল্প তাহার মনে পড়ে, মুখে তিক্ত হাসি ফুটিয়া উঠে, সঙ্গে সঙ্গে মনে পড়ে সেই সাহেবকে। মিঃ এস. কে. হাজরা, আই-সি-এস। দেবু তাঁহাকে শ্রদ্ধা করে।

দেবু উত্তর দিল—না হরিশ-কাকা, লেখা হয় নাই।

লেখা হয় নাই শুনিয়া, হরিশ, অবশ্য প্রভৃতি প্রবীণগণ সকলেই অসন্তুষ্ট হইল। হরিশ বলিল—তুমি বললে লিখে রাখবে, তার নিলে। জলখাওয়ার পর গাঁয়ের লোক সব আসবে, লক্ষ্য করবে। এখন বলছ হয় নাই ? এ কি রকম কথা হে ? পারবে না বললে ভাতারই লিখে রাখত।

অবশ্য বলিল—এ্যাই কথা। স্টাট কথাই কই নাই। বললেই তো অন্ত ব্যবস্থা হ’ত।

দেবু হাসিল। বলিল—দরখাস্ত না হয় আমি এখন লিখে দিচ্ছি অবশ্যবাসী ; কিন্তু দরখাস্ত করে হবে কি করতে পার ?

সকলেই চুপ করিয়া গেল। কিছুক্ষণ চুপ করিয়া থাকিয়া হরিশ বলিল—তা হলে কি কখন বদ ? কিছু করতে তো হবে ; এমন করে—ধর—আপনাকেই বা ‘পেবো’ দিই কি কখন ?

—এক কাজ করেন ?

—কি বল ?

—পাঁচখানা গায়ের লোক ডাকুন, তারপর চলুন সকলে মিলে গব্বরে ম্যাজিস্ট্রেটের কাছে।

—তাতে ফল হবে বলছ ?

—দরখাস্তের চেয়ে বেশী হবে নিশ্চয়।

সকলে আপনাদের মধ্যেই আবার গুঞ্জন শুরু করিল।

পাঠশালার ছেলেরা ইতিমধ্যে চতুর্থমণ্ডলে আসিয়া উপস্থিত হইয়াছিল; যেরূপ তাহাদের বলিল—এইখানেই এসেছ সব ? আজ্ঞা আজ এইখানেই ওই পাশে বসে সব পড়তে আরম্ভ কর। কালকে যে পত্রের মানে লিখতে দিয়েছিলাম সবাই লিখেছো তো ? খাতা আন সব—রাখ এইখানে।

হরিশ ডাকিল—দেবু!

—বলুন ?

—তবে না হয় তাই চল। না, কি গো ? তোমাদের মত কি ? হরিশ জিজ্ঞাসু নেড়ে সকলের দিকে চাহিল।

ভবেশ উৎসাহিত হইয়া উঠিয়া বলিল—হরিশ নাম নিয়ে তাই চল সব। ধরে তো আর খেয়ে কেলেবে না গায়ের ! আমি রাজি। বল হে সব বল, আপন আপন কথা বল সব।

মনে মনে সকলেই একটা উত্তেজনার উজ্জ্বল অস্তিত্ব করিল। হরেন ঘোষাল সর্বাপেক্ষা বেশী উত্তেজিত হইয়াছিল, সে সঙ্গে সঙ্গে উঠিয়া দাঁড়াইয়া বৃকে হাত রাখিয়া বলিল—আই গ্যাম রেডি ! এন্টার কি ওন্টার, যা হয় হয়ে থাক।

—বাস, তাই চল, কাল সকালেই।

—হ্যাঁ ! হ্যাঁ ! হ্যাঁ !—

এবার একটা সমবেত সম্মতি প্রায় ঐক্যতানের মত ধ্বনিত হইল।

—কিন্তু— ভবেশের একটা কথা মনে পড়িয়া গেল।

—কিন্তু কি ? হরিশ বলিল—আবার কিন্তু করছ কেনে ?

—পাঁজিটা একবার দেখবে না ? দিন-খ্যান কেন—?

—তা বটে। ঠিক কথা।

সকলে দ্রুতেরে লায় দিয়া উঠিল।

দেবু ভিত্তি করে বলিল—আপনারা মনেন—কিন্তু রাজার কাছে তো পাঁজি মানে না। কখন দ্বিধা যদি ভাল দিন-কণ না থাকে ?

ঘোষাল উত্তেজিত করে বলিল—ভ্যাম ইত্তর পাঁজি ! ঘোষাল ওলব।

দেবু বলিল—রাজার দিন থাকলে যে সবাত্তেও যেতে হয়।

হরিশ একটু ভাবিয়া বলিল—তা ঠিক। রাজদ্বারে পাঁজি-পুখি নাই।

দেবু বলিল—জোর জোর বেজিরে পড়লে কখনো কখনো ঠিক কোর্টের পড়িয়ে দিয়ে

পৌছানো ঘাবে। আপন আপন খাবার সকলে সঙ্গে নেবেন, চিঁড়ে গুড় খে যা পারেন। একটা দিন বৈ তো নয়।

ঠিক এই সময় চণ্ডীমণ্ডপে আসিয়া উপস্থিত হইল—গোমস্তা দাশজী, শ্রীহরি বোব, ভূপাল নন্দী এবং আরও কয়েকজন, তাহার মধ্যে একজন থোকন বৈরাগী—লোকটি এ অঞ্চলে রাজ-মিস্ত্রির কাজ করিয়া থাকে।

দাশজী হাসিয়া বলিল—কি গো, দেবু মাস্টারের পাঠশালায় সব আবার নূতন করে নাম লেখালেন নাকি? ব্যাপার কি সব?

কে কি উত্তর দিত কে জানে, কিন্তু সে দায় হইতে সকলকে নিষ্কৃতি দিয়া হরেন ঘোষাল সঙ্গে সঙ্গে বলিয়া উঠিল—উই আর গোয়িং টু দি ডিস্ট্রিক্ট ম্যাজিস্ট্রেট—কাল ম্যাজিস্ট্রেট সাহেবের কাছে যাচ্ছি সব ধানকাটা না হওয়া পর্যন্ত খানাপুরী স্টপ্‌ড—বন্ধ রাখতে হবে।

ক্র নাচাইয়া দাশজী প্রশ্ন করিল—ঘোষাল মহাশয়ের হাত ক'টা? দুটো না চারটে?

এমন ভঙ্গিতে সে কথাগুলি বলিল যে, ঘোষাল কিছুক্ষণের জন্ত হতভম্ব হইয়া চূপ করিয়া গেল। তারপর সে-ই চীৎকার করিয়া উঠিল—ব্রাহ্মণকে তুমি এত বড় কথা বল?

দাশজী সে কথার উত্তর দিল না, শ্রীহরির হাতে একখানা কাগজ ছিল, সেখানা টানিয়া লইয়া বলিল—এই দেখো। বেশী লাফিয়ে না। ‘জিতেন্দ্রলাল বন্দ্যোপাধ্যায় গ্রেপ্তার। সেটেল-মেন্টের কার্কে বাধা দেওয়ার অপরাধে জিতেন্দ্রলাল বন্দ্যোপাধ্যায় গ্রেপ্তার হইয়াছেন।’ এই নাও, পড়ে দেখ। সে কাগজখানা মজলিসের মধ্যে ছুঁড়িয়া ফেলিয়া দিল।

ঘোষালই কাগজখানা কুড়াইয়া লইয়া হেড লাইনে চোখ নুলাইয়া বলিয়া উঠিল—মাই গড্। পাণ্ডু বিবর্ণ মুখে কাগজখানা দেবু দিকে বাড়াইয়া দিল। দেবু কাগজখানা পড়িতে আরম্ভ করিল।

শ্রীহরি বলিল—আমাকে তো আপনারা বাদ দিয়েই সব কয়ছেন, তা করুন। আমি কিন্তু আপনাদের কথা না ভেবে পারি না। ওলব করতে যাবেন না। পাথরের চেয়ে মাথা শক্ত নয়। তার চেয়ে চলুন বিকাল-বেলা সেটেলমেন্ট হাকিমের সঙ্গে দেখা করে আসি। দাশজী যাবেন, আমি যাব, মাতঙ্গর জন-কয়েক আপনারাও চলুন। ভাল রকমের জালিও একটা নিয়ে যাই। মাছ একটা ভালই পড়েছে, বুঝলেন হরিশখুড়ো, পাকি বারো সের!

বলিতে বলিতেই বোধ করি তাহার একটা কথা মনে পড়িয়া গেল। দাশজীকে বলিল—‘হ্যাঁ গো, সেই ইয়ে, মানে মুরগীর জন্ত লোক পাঠানো হয়েছে তো? সবাই মিলে ধরে পেড়ে যা হোক একটা ব্যবস্থা করতেই হবে। আর, ওই না-রাজী দরখাস্ত করা, কি একবারে ম্যাজিস্ট্রেট সাহেবের কাছে দরবার করতে যাওয়া—ও একরকম সরকারের হুকুমের বিরোধিতা করা। তাতে আমাদের বিপদ বাড়বে বই কমবে না। না কি গো?—শ্রীহরি কথাটা জিজ্ঞাসা করিল গোমস্তা দাশজীকে।

দেবু কাগজখানা দাশজীর হাতেই ফেরত দিল, তারপর মজলিসের দিকে পিছন ফিরিয়া

অথও মনোমোহনের সহিত সে ছেলেদের পড়াইতে আরম্ভ করিল। সে ইহাদের জানে। ইহারই মধ্যে সব সন্ধ্যা তাদের ঘরের মত ভাঙিয়া পড়িয়াছে। সে উঠিয়া গিয়া ব্ল্যাক বোর্ডের উপর খড়ি দিয়া লিখিল, মুখে বলিতে লাগিল, এক মণ ছুখের দাম যদি পাঁচ টাকা দ্রব্ আনা হয়—

ওদিকে মজলিসে আবার পরামর্শের গুঞ্জনধ্বনি উঠিল। হরেন ঘোষালেরই চাপা-গলা বেশ স্পষ্ট শোনা যাইতেছিল—ভেরি নাইস হবে! ভেরি গুড পরামর্শ!

দাশজী এবার খোকন মিস্ত্রীকে বলিল—ধরু দড়ি ধরু। ভূপাল তুই ধরু একদিকে।

খোকন বৈরাগী খানিকটা বাবুই ঘাসের দড়ি হাতে অগ্রসর হইয়া আসিল, সর্বাগ্রে ভূমিষ্ঠ হইয়া দেবদেবীকে প্রণাম করিল—তারপর জোড়হাতে বলিল—আরম্ভ করি তাহলে?

দাশজী বলিল—চুগুংগা বলে, তার আর কথা কি? শুনছেন গো—হরিশ মণ্ডল মশায়, ভবেশ পাল! চণ্ডীমণ্ডপ পাকা করে বাঁধানো হচ্ছে। আপনারাও একটা অনুমতি দেন।

—বাঁধানো হচ্ছে? পাকা করে? সমস্ত মজলিস-স্বল্প লোক অবাক হইয়া গেল।

—হ্যাঁ। একটা কুয়োও হচ্ছে—ওই বগীতলায়! ঘোষ মশায়, মানে, আমাদের শ্রীহরি ঘোষ গ্রামের উপকারের জন্ত এই সব করে দিচ্ছেন।

শ্রীহরি নিজে হাতজোড় করিয়া সবিনয়ে বলিল—অনুমতি দেন আপনারা সবাই।

হরিশ বলিল—দীর্ঘজীবী হও বাবা। এই তো চাই। তা মা-সঙ্গীকে আর ধুলোয় মাটিতে রাখছ ক্যানে? বগীতলাটিও বাঁদিয়ে দাও।

শ্রীহরি বলিল—বেশ তো, তাও হোক। বগীতলা বলে খেলাই হয় নাই আমার।

হরিশ মজলিসের দিকে চাহিয়া বলিল—তা হ'লে সেটেলমেন্টারের সম্বন্ধে দাশজী যা বলেছেন তাই ঠিক হ'ল, বুঝলেন গো সব? দরখাস্ত-টরখাস্ত নয়।

শ্রীহরির খুড়া ভবেশ অকস্মাৎ লাতুপ্পুত্রের গৌরবে ভাবাবেগে প্রায় কাঁদিয়া ফেলিল, উঠিয়া আসিয়া শ্রীহরির মাথায় হাত দিয়া আশীর্বাদ করিয়া বলিল—মঙ্গল হবে, তোমার মঙ্গল হবে বাবা।

শ্রীহরি খুড়াকে প্রণাম করিল।

ঘোষাল চুপি চুপি বলিল, হি উইল ডাই—ছিরু এইবার নিশ্চয় মরবে। হঠাৎ এত বড় সাধু? এ তো ভাল লক্ষণ নয়! মতিভ্রম—দিস ইজ্ মতিভ্রম!

মজলিস ভাঙিয়া গিয়াছে। সকলে বাড়ী চলিয়া গিয়াছে। ওদিকে জলখাবারের বেলা হইয়াছে। রোদ মন্দিরের চূড়া হইতে গা বাহিয়া আটচালার ফাঁকে ফাঁকে ঢুকিয়াছে। দেবু ছেলেদের ছুটি দিয়া বলিল—কাল থেকে আমার বাড়ীতে পাঠশালা বসবে, বুঝেছ? সেইখানে যাবে সবাই।

—বাঁধানো হয়ে গেলে আবার এইখানেই বসবে তো পণ্ডিত মশায়?

—পাকা হোলে বসবে বৈকি! যাও আজ ছুটি।

সে উঠিল, উঠিতে গিয়া তাহার নজরে পড়িল—বৃদ্ধ ষারকা চৌধুরী এতদ্রূপে ঠুক ঠুক করিয়া চণ্ডীমণ্ডপের উপরে উঠিতেছে—দেবু সজ্ঞাবণ করিয়া বলিল—চৌধুরী মশায় এত বেলায় ?

—হ্যাঁ একটু বেলা হয়ে গেল। সকালে আসতে পারলাম না। দরখাস্তে সই করার ভাক ছিল।

দেবু হাসিয়া বলিল—কষ্টই সার হল আপনার, দরখাস্ত করা হল না।

চৌধুরী হাসিয়া বলিল—পথে আসতে তা সব শুনলাম। সদরে যাবার পরামর্শ হয়েছিল তাও শুনলাম। আবার নতুন হুকুম শুনলাম, বিকেলে আসতে হবে। তাই চলুন, বিকেলে দেখা যাক কি হয়।

—আমি যাব না চৌধুরী মশাই।

বৃদ্ধ দেবুর মুখের দিকে চাহিয়া বলিল—যা পাঁচজনে ভাল বোঝে করুক, পণ্ডিত, আপনি মন খারাপ করবেন না।

দেবু জোর করিয়া একটু হাসিল।

—চলুন পণ্ডিত, আপনার ওখানে একটু জল খাব।

—আহুন, আহুন। দেবু ব্যস্ত হইয়া অগ্রসর হইল।

চলিতে চলিতে বৃদ্ধ বলিল—ও কিছু হবে না, পণ্ডিত! একদিন আমারও ভাল দিন ছিল—আর তখন ডালি দেওয়া তো হরিরলুটের সামিল ছিল গো। আজকাল বরং একটু কম হয়েছে। তা দেখেছি—বিশেষ কিছু হয় না। তার চেয়ে বরং সবাই মিলে গিয়ে পড়লে—‘কিছু হইত’ এ কথাও ভরসা করিয়া বলিতে পারিল না।

দেবু একটা দীর্ঘনিঃশ্বাস ফেলিয়া বলিল—এতটুকু সাহস নাই, মতিস্থির নাই; এয়া মাহুষ নয়, চৌধুরী মশায়! সে আর আত্মসম্বরণ করিতে পারিল না, চোখ ফাটিয়া জল আসিল। চোখ মুছিয়া হাসিয়া সে আবার বলিল—জানেন, পাঁচখানা গাঁয়ের লোক যদি সদরে যেতো, আমি বলতে পারি, চৌধুরী মশায় কাজ নিশ্চয় হ’ত। সাদেব নিশ্চয় কথা শুনত। প্রজার দুঃখ শুনবে না কেন? হাজরা সাহেব ম্যাজিস্ট্রেট আমাকে সেবার বলেছিলেন। আমার মনে আছে।

বৃদ্ধ হাসিল—আপনি মিছে দুঃখু করছেন পণ্ডিত!

—দুঃখ একটু হয় বৈ কি।

—একটা গল্প বলব চলুন।

জল খাইয়া কলার পেটোর তামাক খাইতে খাইতে চৌধুরী বলিল—অনেক দিন আগে মহাশ্রোমের ঠাকুরমশায়ের সঙ্গে গিয়েছিলাম প্রয়াগে কৃত্তমান করতে। হরেক বকমের সন্ন্যাসী দেখে অবাক হয়ে গেলাম। নাগা সন্ন্যাসী দেখলাম—উলক বসে রয়েছে সব। কেউ বুক পর্বত বালিতে পুঁতে রয়েছে, কেউ উর্দ্ধবাহু, কেউ বসে আছে লোহার কাঁটার আসনে,

কেউ চারিদিকে অগ্নিকুণ্ড জ্বলে বলে রয়েছে। দেখে অবাক হয়ে গেলাম। বললাম—বর্গ এদের হাতের মুঠোর। আঃ! শুনে ঠাকুরমশায় বললেন—চৌধুরী, একটা গল্প বলি শোন।

তখন সত্যযুগের আরম্ভ। সবে মাহুকের সৃষ্টি হয়েছে। সবাই তখন সাধু; সত্যযুগ তো! বনে কুটীর বেঁধে সব থাকেন—ফলমূলে জীবন ধারণ চলে, ভগবানের নাম করেন, আর পরমানন্দে দিন কাটে। মা-লক্ষ্মী তখন বৈকুণ্ঠে, অন্নপূর্ণা কৈলাসে, মানে সোনা-রূপো, এমন কি—অন্নরও পর্যন্ত প্রচলন হয় নাই সংসারে। যাক, এইভাবে একপুরুষ কেটে গেল। তখন অকাল মৃত্যু ছিল না, কাজেই হাজার বছর পরে একসঙ্গে একপুরুষের মৃত্যুর সময় হয়ে এল। মাহুকেরা ঠিক করলেন—চল, আমরা শশরীরে স্বর্গে যাব। যেমন সঙ্কল্প তেমনি কাজ। বেরিয়ে পড়ল সব।

বদরিকাশ্রম পার হয়ে হিমালয়ের পথে পিঁপড়ের সারির মত মাহুস চলতে লাগল। ওদিকে বর্গ-দ্বারে দ্বারী ছিল, সে দেখতে পেলে, কোটা কোটা মাহুস কলরব করতে করতে সেই দিকেই চলে আসছে। সে ভয়ে হস্তদস্ত হয়ে ছুটে গেল দেবরাজ ইস্তের কাছে—দেবরাজ, মহা বিপদ উপস্থিত!

—কিসের বিপদ হে?

—কোটা কোটা কারা স্বর্গের দিকে চলে আসছে পিঁপড়ের সারির মত। বোধহয় দৈত্য-সৈন্য?

—দৈত্য-সৈন্য? বল কি?

সঙ্গে সঙ্গে সাজ সাজ রব পড়ে গেল। এমন সময় এলেন দেবর্ষি নারদ। বললেন—দৈত্য নর দেবরাজ, মাহুস!

—মাহুস?

—হ্যাঁ, মাহুস। তোমাদের অস্ত্রে তাদের কিছুই হবে না; কারণ পাপ তো তাদের দেহে নাই, স্বভাব দেব-অস্ত্র অচল। দিব্যাস্ত্র ফুলের মালা হয়ে যাবে তাদের গায়ে ঠেকে।

—তবে উপায়? এত মাহুস যদি শশরীরে এখানে আসে তবে—? ইস্ত আর কথা বলতে পারলেন না। সবাই হয়তো দাবি করবে এই সিংহাসন!

শেষে বললেন—চল নারায়ণের কাছে চল সব।

নারায়ণ শুনে হাসলেন। বললেন—আচ্ছা, চল দেখি। বলে প্রথমেই তিনি পাঠালেন মা অন্নপূর্ণাকে।

অন্নপূর্ণা এসে পথে পুরী নির্মাণ করে ফেললেন—ভাণ্ডার পরিপূর্ণ করে রাখলেন এক-অন্ন পঞ্চাশ-ব্যঞ্জন। তারপর মাহুকের সেই দল সেখানে আগবামাত্র তাদের বললেন—পঞ্চদশে বড়ই ক্রান্ত তোমরা, আজকের মতো তোমরা আমার আতিথ্য গ্রহণ কর।

মাহুকেরা পরস্পরের মুখের দিকে চাইল, রান্নার স্বগন্ধে সকলেই মোহিত হয়ে গেল। দলের কতক লোক কিন্তু মোহ কাটিয়ে বললে—স্বর্গের পথে বিশ্রাম করতে নাই। তারা চলে গেল। দ্বারা থাকল তারা অন্ন-ব্যঞ্জন খেয়ে পেট ফুলিয়ে সেইখানেই শুয়ে পড়ল।

বললেন—মা, আমরা এইখানেই যদি থাকি, রোজ এমনি খেতে দেবে তো ?

মা বললেন—নিশ্চয় ।

থেকে গেল তারা সেইখানেই ।

যারা ধামে নি, তারা চলল এগিয়ে । নারায়ণ তখন পাঠিয়ে দিলেন লক্ষ্মীকে । লক্ষ্মীর পুরী—সোনার পুরী ! সোনার পথ, সোনার ঘাট ; সোনার ধূলো পুরীতে । দেখে মাহুষের চোখ ধেঁধে গেল ।

মা বললেন—এসব তোমাদের জন্তে বাবা । এস—এস ; পুরীতে প্রবেশ কর ।

একদল প্রবেশ করলে ।

পথে আরও এক পুরী তখন নির্মাণ হয়ে আছে । ফুলের বাগান চারিদিকে, কোকিল ডাকছে, ভুবন-ভুলানো গান শোনা যাচ্ছে—আর এক অপূর্ব সুগন্ধ ভেসে আসছে । দরজায় দাঁড়িয়ে আছে অপ্সরার দল, একহাতে তাদের অপরূপ ফুলের মালা আর এক হাতে সোনার পানপাত্র । তারা ডাকছে—আহুন, বিজ্ঞান করুন ; আমরা আপনাদের দাসী, সেবা করবার জন্তে দাঁড়িয়ে আছি । আপনারা তৃষ্ণার্ত—এই পানীয় পান করুন ।

সে পানীয় হচ্ছে স্বর্গীয় জ্বর । দলে দলে লোকে সেখানে ঢুকে পড়ল ।

নারায়ণ বললেন—দেখ তো ইন্দ্র, আর কেউ আসছে কিনা ?

ইন্দ্র স্বস্তির নিশ্বাস ফেলে বললেন—না ।

—ভাল করে দেখ ।

—একটা কি নড়ছে, বোধহয় একজন মাহুষ ।

নারায়ণ বললেন—স্বর্গদ্বার খুলে রাখ, তুমি নিজে পারিজাতের মালা হাতে দাঁড়িয়ে থাক । আমার মত সম্মান করে স্বর্গে নিয়ে এস । ওর পায়ের ধূলোয় স্বর্গ পবিত্র হোক ।

হাসিনা চৌধুরী বলিল—জানলেন পণ্ডিত, গল্পটি শেষ করে ঠাকুরমশায় বলেছিলেন—চৌধুরী, এরপর কেউ গুরু হয়ে ভক্তের রসাল খাদ্যদ্রব্যে ভুলবে, কেউ মোহন্ত হয়ে সোনারূপো সম্পত্তি নিয়ে ভুলবে, কেউ সেবাদাসীর দল নিয়ে স্ত্রীলোকে আসক্ত হবে । স্বর্গে যাবে কোটা কোটির মধ্যে একজন । হুংখ করবেন না পণ্ডিত ! মাহুষের ভুল-ভ্রান্তি-মতিভ্রম পদে পদে । এরা মাহুষ নয় বলে হুংখ করছেন ? মাহুষ হওয়া কি সোজা কথা ? আচ্ছা আমি উঠি তা হলে । ওই ভক্তার আসছেন—উনি এসে পড়লে আবার খানিকক্ষণ দেরি হয়ে যাবে । আমি চলি ।

বুঝ ভাড়াতাড়ি নামিয়া পড়িল ।

গল্পটি দেবুর বড় ভাল লাগিল । বিলুকে আজ গল্পটি বলিতে হইবে । আশ্চর্য বিলুর কুমতী, একবার শুনিলেই সে গল্পটি শিখিয়া লয় ।

ভক্তার আসিয়া বিনা ছুমিকায় বলিল—শুনলাম সব ।

দেবু হাসিল, বলিল—তুমি সকাল থেকে কোথায় ছিলে হে ?

—অনিকঙ্কর বাড়ী। কামার-বউয়ের আজ আবার কিটু হয়েছিল।

—আবার ?

—হ্যাঁ। সে সাংঘাতিক কিটু, ঘরে মেয়ে নাই, ছেলে নাই, সে এক বিপদ। তবু দুর্গা মুচিনী ছিল, তাই খানিক সাহায্য হ'ল। বউটার বোধ হয় ভুগীরোগে দাঁড়িয়ে গেল। অনিকঙ্কর ক্রোঃ বলছে অস্ত্র রকম। মাহুবে নাকি তুচ্ছ করেছে।

—মাহুবে তুচ্ছ করেছে ?

—হ্যাঁ, ছিরে পালের নাম করছে। যাক গে! এদিকের এ যা হয়েছে ভাল হয়েছে দেবু। পরে সব ঝুঁকি পড়তো তোমার আর আমার ঘাড়ে। জে. এল. ব্যানার্জীর এ্যারেস্টের খবর জান তো? হয়তো আমাদেরও এ্যারেস্ট করতো। আর সব শালা হুড়-হুড় করে ঘরে ঢুকতো। আচ্ছা, আমি চলি। সকাল থেকে রোগী বসে আছে, ওষুধ দিতে হবে।

ডাক্তার ব্যস্ত হইয়াই চলিয়া গেল। দেবু একটু হাসিল। ডাক্তারের এই ব্যস্ততার অর্ধেকটা সত্য, বাকীটা কৃত্রিম। রোগীদের জন্ত জগনের দরদ অকৃত্রিম; চিকিৎসকের কর্তব্য সম্বন্ধে সে সত্যই সজাগ। শত্রু হোক মিত্র হোক—সময় অসময় যখনই হোক—ডাকিলে সে বাহির হইয়া আসিবে, যত্ন করিয়া নিজে ঔষধ তৈয়ারী করিয়া দিবে। কিন্তু আজিকার ব্যস্ততাটা কিছু বেশী, একটু অস্বাভাবিক। জে. এল. ব্যানার্জীর গ্রেপ্তারের সংবাদে ডাক্তার বেশ একটু ভয় পাইয়া গিয়াছে, আসলে সে আলোচনাটা এড়াইতে চাহিল।

—পণ্ডিত মশাই গো! বাড়ীর ভিতর থেকে কে ডাকিল।

পণ্ডিত পিছন ফিরিয়া দেখিল—বিলু দাঁড়াইয়া হাসিতেছে, সে-ই ডাকিয়াছে।

রাগের তান করিয়া দেবু বলিল—তুষ্ট বালিকে, হাসিতেছ কেন? পড়া করিয়াছ?

বিলু খিল খিল করিয়া হাসিয়া উঠিল, দেবু উঠিয়া আসিয়া বলিল—আজ স্ত্রী হৃদয় একটা গল্প শুনেছি, তোমাকে বলব, একবার শুনেই শিখতে হবে।

বিলু বলিল—খোকার কাছে একবার বস তুমি। কামার-বউকে একবার আমি দেখে আসি।

পনেরো

পনের মূর্ছা রীতিমত মূর্ছা-রোগে দাঁড়াইয়া গেল। এবং মাসখানেক ধরিয়া নিত্যই সে মুছিত হইয়া পড়িতে লাগিল।

কলে মাসখানেকের মধ্যে বন্ধা মেয়েটির সবল পরিপুষ্ট দেহখানি হইয়া গেল দুর্বল এবং শীর্ণ। একটি দীর্ঘাঙ্গী মেয়ে সে; এই শীর্ণতায় এখন তাহাকে অধিকতর দীর্ঘাঙ্গী বলিয়া মনে হয়; দুর্বলতাও বড় বেশী চোখে পড়ে। চলিতে ফিরিতে দুর্বলতাবশত সে যখন কোন কিছুকে আশ্রয় করিয়া দাঁড়াইয়া আশ্রয়স্বরণ করে, তখন মনে হয় দীর্ঘাঙ্গী পক্ষ যেন ধব ধব করিয়া কাঁপিতেছে। সেই বলিষ্ঠ ক্রিপ্রচাঞ্চলী পনের প্রতি পদক্ষেপে এখন ক্লান্তি মুটিয়া উঠে,

ধীরে মন্দগতিতে চলিতেও তাহার পা যেন টলে। কেবল তাহার চোখের দৃষ্টি হইয়া উঠিয়াছে অস্বাভাবিক প্রথম। দুর্বল পাণ্ডুর মুখের মধ্যে পদ্মের ডাগর চোখ দুইটা অনিচ্ছের শব্দের শানিত বগি-দা'খানায় আঁকা পিতলের চোখ দুইটার মতই ঝকঝক করে। জীর চোখের দিকে চাহিয়া অনিচ্ছক শিহরিয়া উঠে।

অনটনের দুঃখের উপর এই দারুণ দুশ্চিন্তায় অনিচ্ছক বোধ করি পাগল হইয়া যাইবে। জগন ভাক্তারের পরামর্শে সেদিন সে কঙ্কণার হাসপাতালের ভাক্তারকে ডাকিয়া আনিল।

জগন বলিয়াছিল—মৃগী রোগ।

হাসপাতালের ভাক্তার বলিল—এ একরকম মূর্ছা-রোগ। বন্ধ্যা মেয়েদেরই, মানে—বাসের ছেলেপুলে হয় না তাদেরই এ রোগ বেশী হয়। হিন্টিরিয়া।

পাড়া-পড়শীরা কিন্তু প্রায় সকলেই বলিল—দেবরোগ! কারণও খুঁজিয়া পাইতে দেরি হইল না। বাবা বুড়োশিব ভাঙাকালীকে উপেক্ষা করিয়া কেহ কোন কালে পার পায় নাই! নবায়ের ভোগ দেবস্থলে আনিয়া সে বস্তু তুলিয়া লওয়ার অপরাধ তো সামান্য নয়! অনিচ্ছকের পাশে তাহার জীর এই রোগ হইয়াছে। কিন্তু অনিচ্ছক ও-কথা গ্রাহ্য করিল না। তাহার মত কাহারও সহিত মেলে না। তাহার ধারণা, দুই লোকে তুক করিয়া এমন করিয়াছে। ভাইনী-ভাকিনী বিচার অভাব দেশে এখনও হয় নাই। ছিন্নর বন্ধু চন্দ্র গড়াঞী এ বিচার গুস্তাদ। সে বাণ মারিয়া মাছুষকে পাখরের মত পলু করিয়া দিতে পারে। পদ্মের একটা কথা যে তাহার মনে অহরহ আগিতেছে!

প্রথম দিন পদ্মের মূর্ছা জগন ভাক্তার ভাড়াইয়া দেওয়ার পর সেই রাত্রেই ভোরের দিকে সে খুমের ঘোরে একটা বিকট চীৎকার করিয়া আবার মূর্ছিত হইয়া পড়িয়াছিল। সেই নিম্নুতি রাত্রে অনিচ্ছক আর জগনকে ডাকিতে পারে নাই এবং সেই রাত্রে মূর্ছিতা পদ্মকে ফেলিয়া যাওয়ার উপায় তাহার ছিল না। বহু কষ্টে পদ্মের চেতনা সঞ্চার হইলে নিতান্ত অসহায়ের মত পদ্ম তাহাকে জড়াইয়া ধরিয়া বলিয়াছিল—আমার বড় ভয় লাগছে গো!

—ভয়? ভয় কি? কিসের ভয়?

—আমি স্বপ্ন দেখলাম—

—কি? কি স্বপ্ন দেখলি? অমন করে চেঁচিয়ে উঠলি ক্যানো?

—স্বপ্ন দেখলাম—মস্ত বড় একটা কালো কেউটে আমাকে জড়িয়ে ধরেছে।

—সাপ?

—হ্যাঁ, সাপ। আর—

—আর?

—সাপটা ছেড়ে দিচ্ছে ওই মুখপোড়া—

—কে? কোন্ মুখপোড়া?

—ওই লক্ষ্মণ—ছিরে মোড়ল। সাপ ছেড়ে দিলে আমাদের নদর ছয়োরের চালাড়ে দাঁড়িয়ে থাকছে।

পদ্ম আবার ধর ধর করিয়া কাগিরা উঠিয়া তাহাকে জড়াইয়া ধরিয়াছিল।

কথাটা অনিরুদ্ধের মনে আছে। পদ্মের অস্থখের কথা মনে হইলেই ওই কথাটাই তাহার মনে পড়িয়া যায়। ভাস্ক্যারেরা যখন চিকিৎসা করিতেছিল, তখন মনে হইলেও কথাটাকে সে আমল দেয় নাই কিন্তু দিন দিন ধারাণাটা আহার মনে বদ্ধমূল হইয়া উঠিতেছে। এখন সে রোজার কথা ভাবিতেছে, অথবা কোন দেবদুল বা ভূতদুল!

তাহার এই ধারণার কথা কেহ জানে না, পদ্মকেও সে বলে নাই। বলিয়াছে—কেবল মিটা গিরীশ ছুতারকে। জ্ঞানের দোকানে যখন হুঁজন যায়, তখন পথে অনেক সুখদুঃখের কথা হয়। হুঁজনে ভালমন্দ অনেক মন্ত্রণা করিয়া থাকে। সমস্ত গ্রামই প্রায় একদিকে, তাহাদিগকে জল করিবার একটা সম্ভবতঃ ধারাবাহিক প্রচেষ্টা চলিতেছে। অনিরুদ্ধ ও গিরীশের সঙ্গে আর একজন আছে, পাতু মুচি। ছিক পালকে এখন শ্রীহরি ঘোষ নামে গ্রামের প্রধানরূপে খাড়া করিয়া গোমস্তা দাশজী বসিয়া বসিয়া কল টিপিতেছে; গ্রামের দলের মধ্যে নাই কেবল দেবু পণ্ডিত, জগন ঘোষ এবং তারা নাপিত। দেবু নিরপেক্ষ, তাহার শ্রীতি-স্নেহের উপর অনিরুদ্ধের অনেক ভরসা; কিন্তু এ সকল কথা লইয়া অহরহ তাহাকে বিরক্ত করিতেও অনিরুদ্ধের স্কোচ হয়। জগন ভাস্ক্যার দিবারাত্র ছিককে গালাগালি করে, কিন্তু ওই পর্বস্ত—তাহার কাছে তাহার অতিরিক্ত কিছু প্রত্যাশা করা তুল। তারাচরণকে বিশ্বাস করা যায় না। তারাচরণ নাপিতের সঙ্গে গ্রামের লোকের হাঙ্গামাটা মিটিয়া গিয়াছে। গ্রামের লোকই মিটাইতে বাধ্য হইয়াছে, কারণ সামাজিক ক্রিয়াকলাপে নাপিতের প্রয়োজন বড় বেশী। জাতকর্ম হইতে শ্রাদ্ধ পর্বস্ত প্রত্যেকটি ক্রিয়াতেই নাপিতকে চাই। তারাচরণ এখন নগদ পরসা লইয়াই কাজ করিতেছে, রেট অবস্থা বাজারের রেটের অর্ধেক;—হাড়ি-গৌঁক কামাইতে এক পরসা। চুল কাটিতে দু-পরসা, চুলকাটা এবং কামানো একসঙ্গে তিন পরসা।

অন্যদিকে সামাজিক ক্রিয়া-কলাপে নাপিতের প্রাপ্যও কমিয়া গিয়াছে। নগদ বিদায় ছাড়া—চাল, কাপড় ইত্যাদি যে-সব পাওনা নাপিতের ছিল তাহার দাবি নাপিত পরিত্যাগ করিয়াছে। তারাচরণ নাপিত ঠিক কোনো পক্ষভুক্ত নয়, অনেকটা নিরপেক্ষ ব্যক্তি। অনিরুদ্ধ বা গিরীশ জিজ্ঞাসা করিলে চুপি চুপি সে গ্রামের লোকের অনেক পরামর্শের কথাই বলিয়া যায়। আবার অনিরুদ্ধ ও গিরীশের সংবাদ গ্রামের লোক জিজ্ঞাসা করিলে তা-ও ইয়া না করিয়া ছুই চারিটা বলে। তবে তারাচরণের আকর্ষণ অনিরুদ্ধ গিরীশের দিকেই বেশী! পাতুর সহিত তাহার কোন সম্বন্ধ নাই। ইহাদেরই সে ছুই-চারিটি বেশী খবর দেয়, কিন্তু অযাচিতভাবে সকল খবর দিয়া যায় দেবুকে। দেবুকে সে ভালবাসে। আর কিছু কিছু খবর বলে জগন ভাস্ক্যারকে। বাছিয়া বাছিয়া উত্তেজিত করিবার মতো সংবাদ সে ভাস্ক্যারকে বলে। ভাস্ক্যার চীৎকার করিয়া গালাগালাজ দেয়; তারাচরণ তাহাতে খুশী হয়, দাঁত বাহির করিয়া হাসে। কোশলী তারাচরণ কিন্তু কোনদিন প্রকৃত্তে অনিরুদ্ধ-গিরীশের সঙ্গে হস্ততা দেখায় না। কথাবার্তা বাহা-কিছু হয় সে-সব ওপারের জ্ঞানন শহরে বটভাগার। সেও

আজকাল গিন্না স্কুর ভাঁড়ে লইয়া হাটের পাশেই একটা গাছডালার বলিতে আশ্রয় করিয়াছে। শিবকালী, দেবুড়িয়া, কুমুপুত্র, মহগ্রাম, ককণা—এই পাঁচখানা গ্রামে তাহার যজমান আছে, তাহার দুইখানার কাজ সে একেবারে ছাড়িয়া দিয়াছে। বাকি তিনখানার একখানি নিম্নের গ্রাম—অপর দুইখানি মহগ্রাম ও ককণা। মহগ্রামের ঠাকুরমশায় বলেন মহাগ্রাম। এই ঠাকুরমশায় শিবশেখর ন্যায়রত্ন জীবিত থাকিতে ও-গ্রামের কাজ ছাড়া অসম্ভব। ন্যায়রত্ন সাক্ষাৎ দেবতা। এই দুইখানা গ্রামে দুদিন বাদে—সপ্তাহের পাঁচদিন সে অনিরুদ্ধ-গিরীশের মত সকালে উঠিয়া জংশনে যায়! হাটতলায় অনিরুদ্ধের কামারশালার পাশেই বটগাছের ছায়ার কয়েকখানা ইট পাতিয়া সে বসে। সেই তাহার হেয়ার কাটি সেলুন। দস্তরমত সেলুনের কলনাও তাহার আছে। অনিরুদ্ধের সঙ্গে কথাবার্তা হয় সেইখানে। ককণা তাহাকে বড়ো একটা যাইতে হয় না। বাবুয়া সবাই স্কুর কিনিয়াছে। যাইতে হয় ক্রিয়াকর্মে পূজাপার্বণে। সেগুলো লাভের ব্যাপার।

পদ্মের অল্প সখকে নিজের ধারণার কথা অনিরুদ্ধ গিরীশকে বলিলেও তারাকে বলে নাই—ভারতচরণকে তাহার ঠিক বিশ্বাস করে না।

কিন্তু ভারতচরণ অনেক সন্ধান রাখে, ভাল রোজা, জাগ্রত দেবতার অথবা প্রেতদানার স্থান; যেখানে ভর হয়—এ সবের সন্ধান তারা নাপিত দিতে পারে। অনিরুদ্ধ ভাবিয়াছিল—তারা নাপিতকে কথাটা বলিবে কি না।

সেদিন মনের আবেগে অনিরুদ্ধ কথাটা ভারতচরণের পরিবর্তে বলিয়া ফেলিল জগন ডাক্তারকে। দ্বিপ্রহরে জংশনের কামারশালা হইতে ফিরিয়া অনিরুদ্ধ দেখিল, পদ্ম মূর্ছিত হইয়া পড়িয়া আছে। ইদানীং পদ্মের মুর্ছা-রোগের পর সে দুপুরে বাড়ী ফিরিয়া আসে। সেদিন ফিরিয়া পদ্মকে মূর্ছিত দেখিয়া বারকয়েক নাড়া দিয়া ভাকিল, কিন্তু সাড়া পাইল না। কখন-যে মুর্ছা হইয়াছে—কে জানে! মুখে-চোখে জল দিয়াও চেতনা হইল না। কামারশালার তাতিয়া পুড়িয়া এতটা আসিয়া অনিরুদ্ধের মেজাজ ভাল ছিল না। বিরক্তিতে ক্রোধে সে কাণ্ডজ্ঞান হারাইয়া ফেলিল। জলের বটিটা ফেলিয়া দিয়া, পদ্মের চুলের মূঠি ধরিয়া সে নিষ্ঠুরভাবে আকর্ষণ করিল। কিন্তু পদ্ম অসাড়! চুল ছাড়িয়া দিয়া তাহার মুখের দিকে চাহিয়া থাকিতে থাকিতে অনিরুদ্ধের বৃকের তিতরটা কান্নার আবেগে ধরধর করিয়া কাঁপিয়া উঠিল। সে পাগলের মতো ছুটিয়া আসিল। জগনের তেজী ওষুধের বাঁকে পদ্ম অচেতন অবস্থাতেই বারকয়েক মুখ সরাইয়া শেষে গভীর একটা দীর্ঘনিঃশ্বাস ফেলিয়া চোখ মেলিয়া চাহিল।

ডাক্তার বলিল—এই তো চেতন হয়েছে! কাঁদছিল কেন তুই?

অনিরুদ্ধের চোখ দিয়া দর দর ধারে জল পড়িতেছিল। সে ক্রন্দন-জড়িত কণ্ঠেই বলিল—আমার অদেউ দেখুন দেখি, ডাক্তার! আঙুন-তাতে পুড়ে এই এক ক্রোশ দেড় ক্রোশ দাক্তা এসে আমার ভোগান্তি দেখুন দেখি একবার।

ডাক্তার বলিল—কি করবি বল? রোগের উপর তো হাত নাই! এ তো আমার মাহুবে করে দেয় নাই!

অনিরুদ্ধ আজ আর আশ্বসন করিতে পারিল না, সে বলিয়া উঠিল—মাহু, মাহুই কবে দিয়েছে ভাস্কর, তাতে আমার এতটুকু নন্দেহ নাই। রোগ হলে এত ওষুধ-পত্র পড়লে তাতেও একটুকু বারন শুনে না রোগ! এ রোগ নয়—এ মাহুয়ের কীৰ্ত্তি।

জগন, ভাস্কর হইলেও, প্রাচীন সংস্কার একেবারে ভুলিতে পারে না। রোগীকে মকরধ্বজ এক ইনজেকশন দিয়াও সে দেবতার পাদোদকের উপর ভরসা রাখে। অনিরুদ্ধের মুখের দিকে চাহিয়া সে বলিল—তা-যে না হতে পারে তা নয়। ভাইনী-ভাকিনী দেশ থেকে একেবারে দূর নাই। আমাদের ভাস্কর শাস্ত্রে তো বিশ্বাস করে না! ওয়া বলছে—

বাখা দিয়া অনিরুদ্ধ বলিল—বলুক, এ কীৰ্ত্তি ওই হারামজাদা ছিরের।

ক্রোধে ফুলিয়া সে এতখানি হইয়া উঠিল।

সবিস্ময়ে জগন প্রশ্ন করিল—ছিরের?

—হ্যাঁ, ছিরের। ক্রুদ্ধ আবেগে অনিরুদ্ধ পদ্মের সেই স্বপ্নের কথাটা আত্মপূর্বিক ভাস্করকে বলিয়া সে বলিল—ওই যে চন্দর গড়াই, ছিরে শালার প্রাণের বন্ধু—ও শালা ভাকিনী-বিশ্বে জানে। যোগী গড়ায়ের বিধবা মেয়েটাকে কেমন বশীকরণ করে বের করে নিলে—দেখলেন তো! ওকে দিয়েই এই কীৰ্ত্তি করেছে। এ একেবারে নিশ্চয় করে বলতে পারি আমি।

জগন গভীর চিন্তায় নিমগ্ন হইয়া গেল, কিছুক্ষণ পর বার-দুই ঘাড় নাড়িয়া বলিল—হঁ।

ক্রোধে অনিরুদ্ধের ঠোঁট ধর-ধর করিয়া কাঁপিতেছিল। পদ্ম এই কথাবার্তার মধ্যে উঠিয়া বলিয়াছিল; দেওয়ালে ঠেস দিয়া বসিয়া সে হাঁপাইতেছিল। অনিরুদ্ধের ধারণার কথাটা শুনিয়া সে অবাক হইয়া গেল।

জগন বলিল—তাই তুই দেখ, অনিরুদ্ধ, একটা মাহুলি কি তাবিজ হলেই ভাল হয়! তারপর বলিল—দেখ, একটা কথা কিন্তু আমার মনে হচ্ছে; দেখিস তুই—এ ঠিক ফলে যাবে; নিজের বাণে বেটা নিজেই মরবে।

অনিরুদ্ধ সবিস্ময়ে জগনের মুখের দিকে চাহিয়া রহিল। জগন বলিল—সাপের স্বপ্ন দেখলে কি হয় জানিস তো?

—কি হয়?

—বংশবৃদ্ধি হয়, ছেলে হয়, তোদের কপালে ছেলে নাই, কিন্তু ছিরে নিজে যখন সাপ ছেড়েছে, তখন ওই বেটার ছেলে ম'রে—তোর ঘরে এসে জন্মাবে! তোর হয়তো নাই, কিন্তু ও নিজে থেকে দিয়েছে!

জগনের এই বিচিত্র ব্যাখ্যা শুনিয়া অনিরুদ্ধ বিস্ময়ে স্তম্ভিত হইয়া গেল; তাহার চোখ দুইটা বিস্ফারিত হইয়া উঠিয়াছিল, সে জগনের মুখের দিকে স্থিরদৃষ্টিতে চাহিয়া রহিল।

পদ্মের মাথার বোমটা অল্প সরিয়া গিয়াছে, সে-ও স্থির বিচিত্র দৃষ্টিতে চাহিয়া ছিল সন্মুখের দিকে। তাহার মনে পড়িয়া গেল—ছিকর শীর্ণ গৌরবর্ণা স্ত্রীর কথা। তাহার চোখ-মুখের মিস্তি, তাহার সেই কথা—‘আমার ছেলে হু’টিকে যেন গাল দিয়ে না ভাই! তোমার পানে ধরতে এসেছি আমি!’

জগন ও অনিরুদ্ধ কথা বলিতে বলিতে বাহিরে চলিয়া গেল। জগন বলিল—চিকিৎসা এর তেমন কিছু নাই। তবে মাথাটা যাতে একটু ঠাণ্ডা থাকে, এমন কিছু চমুক। আর তুই বরং, একবার সাওগ্রামের শিবনাথ-তলাটাই না হয় ঘুরে আর! শিবনাথ-তলার নাম-ভাল জে ঘুর আছে।

শিবনাথের ব্যাপারটা তৌতিক ব্যাপার। কোন পুত্রহারা শোকার্ত মায়ের অবিরাম কারান্ন বিচলিত হইয়া নাকি তাহার মৃত পুত্রের প্রেতাত্মা নিত্য সন্ধ্যার মায়ের কাছে আসিয়া থাকে। অন্ধকার ঘরের মধ্যে তাহার মা খাবার রাখিয়া দেয়, আসন পাতিয়া রাখে; প্রেতাত্মা আসিয়া সেই ঘরে বসিয়া মায়ের সঙ্গে কথাবার্তা বলে। সেই অবসরে নানা স্থান হইতে লোকজন আসিয়া আপন আপন রোগ-দুঃখ অভাব-অভিযোগ প্রেতাত্মার কাছে নিবেদন করে; প্রেতাত্মা শ্বে-সবের প্রতিকারের উপায় করিয়া দেয়। কাহাকেও দেয় মাহুলি, কাহাকেও তাবিজ, কাহাকেও জড়ি, কাহাকেও বুটি, কাহাকেও আর কিছু!

অনিরুদ্ধ বলিল—তাই দেখি।

—দেখি নয়, শিবনাথ-তলাতেই যা তুই। দেখ না, কি বলে!

একটা গভীর দীর্ঘনিশ্বাস ফেলিয়া অনিরুদ্ধ একটু হাসিল—অত্যন্ত য়ান হাসি। বলিল—এদিকে যে দেওয়ালে পিঠ ঠেকেছে, এগিয়ে যাই কি করে?

ভাক্তার অনিরুদ্ধের দিকে চাহিল, অনিরুদ্ধ বলিল—পুঁজি ফাঁক হয়ে গেল ভাক্তারবাবু, বর্ষাতে হয়তো ভাতই জুটবে না। বাকুড়ির ধান মূলে-চুলে গিয়েছে, গাঁয়ের লোকে ধান দেয় নাই, আমিও চাইতে যাই নাই। তার ওপর মাগীর এই রোগে কি খরচটা হচ্ছে, তা তো আপনি সবই জানেন গো! শিবনাথের শুনেছি বেজায় খাই।

প্রেত-দেবতা শিবনাথ রোগ-দুঃখের প্রতিকার করিয়া দেয়, কিন্তু বিনিময়ে তাহার মাকে মূল্য দিতে হয়। সেটা লাগে প্রথমেই।

জগন বলিল—পাঁচ-সাত টাকা হলে আমি না-হয় কোন রকমে দেখতাম অনিরুদ্ধ কিন্তু বেশী হলে তো—

অনিরুদ্ধ উজ্জ্বলিত হইয়া উঠিল—ভাক্তারের অসমাপ্ত কথার উত্তরে সে বলিয়া উঠিল, 'তাতেই হবে ভাক্তারবাবু, তাতেই হবে, আরও কিছু আমি ধার-ধোর করে চালিয়ে নোব। দেবুর কাছে কিছু আপনার আর দুগ্গার কাছে যদি—'

ভাক্তার ঞ্জ কুণ্ডিত করিয়া প্রশ্ন করিল—দুগ্গা?

অনিরুদ্ধ কিছু করিয়া হাসিয়া ফেলিল, তারপর মাথা চুলকাইয়া একটু লজ্জিত ভাবেই বলিল—পেতো মূটির বোন দুগ্গা গো!

চোখ দুইটা বড় করিয়া ভাক্তারও একটু হাসিল—ও! তারপর আবার প্রশ্ন করিল—হুঁড়ির হাতে টাকাকড়ি আছে, নয়?

—জা আছে বৈকি। শালা ছিয়ের অনেক টাকা ও বাগিয়ে নিয়েছে। তা ছাড়া কখনো বাকুদের কাছেও বেশ পায়। পাঁচ টাকার কমে হাটেই না।

—ছিরের সঙ্গে নাকি এখন একবারেই ছাড়াছাড়ি তুললাম ?

চোখ দুইটা বড় বড় করিয়া অনিরুদ্ধ বলিল—আমার কাছে একখানা বগি-বা করিয়ে নিয়েছে, বলে—খাপা কুকুরকে বিশ্বাস নাই। রাগে সেখানা হাতের কাছে নিয়ে য়ুমোর।

—বগি কি ?

—আজ্ঞে ই্যা !

—কিন্তু তোর সঙ্গে এত মাথামাথি কিসের ? আশনাই নাকি ?

মাথা চুলকাইয়া অনিরুদ্ধ বলিল—না—তা নয়, হুগ্গা লোক ভাল, হাই-আসি গল্প-সল্প করি।

—মদ-টদ চলে তো ?

—তা—এক-আধ দিন মধ্যে-মাঝে—

অনিরুদ্ধ লজ্জিত হইয়া হাসিল।

*

*

*

পথের উপর দাঁড়াইয়া ডাক্তারকে অকপটে সে সব কথাই খুলিয়া বলিল।

দুর্গার সঙ্গে সত্যিই অনিরুদ্ধের ঘনিষ্ঠতা হৃদয় হইয়া গড়িয়া উঠিতেছে। আজকাল দুর্গা শ্রীহরির সহিত সকল সংস্রব ছাড়িয়া নূতনভাবে জীবনের ছক কাটিবার চেষ্টা করিতেছে।

আজকাল দুর্গা জংশনে যায় নিত্যই, দুধের যোগান দিতে। বিরিবার পথে অনিরুদ্ধের কামারশালায় একটি বিড়ি বা সিগারেট খাইয়া, সরস হস্ত-পরিহাসে থানিকটা সময় কাটাইয়া তবে বাড়ী ফেরে। অনিরুদ্ধও সন্ধ্যাবে দুপুরে বিকালে জংশনে যাওয়া-আসার পথে দুর্গার বাড়ীর সম্মুখ দিয়াই যায় ; দুর্গাও একটি করিয়া বিড়ি দেয়, বিড়ি টানিতে টানিতে দাঁড়াইয়াই দুই-চারিটা কথাবার্তা হয়। দাঁখানাকে উপলক্ষ করিয়া হৃদয়টুকু স্বপ্নদিনের মধ্যেই বেঁধে ঘন হইয়া উঠিয়াছে ; মধ্যে একদিন লোহা কিনিবার একটা গুরুতর প্রয়োজনে—টাকার অভাবে বিব্রত হইয়া অনিরুদ্ধ চিন্তিতমুখেই কামারশালায় বসিয়াছিল, সেদিন দুর্গা আসিয়া প্রশ্ন করিয়াছিল—এমন করে গুম মেরে বসে কেন হে ?

দুর্গাকে বিড়ি দিয়া নিজেও বিড়ি ধরাইয়া অনিরুদ্ধ কথায় কথায় অভাবের কথাটা খুলিয়া বলিয়াছিল। দুর্গা তৎক্ষণাৎ আঁচলের খুঁট খুলিয়া দুইটা টাকা বাহির করিয়া তাহাকে দিয়া বলিয়াছিল—চারদিন পরেই কিন্তুক শোধ দিতে হবে ভাই।—

অনিরুদ্ধ সে টাকাটা ঠিক চারদিন পরেই দিয়াছিল। দুর্গা সেদিন হাসিয়া বলিয়াছিল—সোনার চাঁদ খাতক আমার!—

অনিরুদ্ধকে দুর্গার বড় ভাল লাগে। ভারী তেলী লোক, কাহারও সে ভোরাক্তা রাখে না। অথচ কি মিষ্ট স্বভাব! সব চেয়ে ভাল লাগে কামারের চেহারাখানি। লম্বা মাছখাটি দেহখানিও যেন পাখর কাটিয়া গড়া! প্রকাণ্ড লোহার হাতুড়িটা লইয়া সে যখন অকলীলা-

ক্রমে লোহার উপর আঘাতের পর আঘাত করিতে থাকে তখন শুয়ে তাহার সর্বাঙ্গ শিহরিয়া উঠে ; কিন্তু তবুও ভাল লাগে, একটি আঘাতও বেঠিক পড়ে না !

*

*

*

ডাক্তারকে বিদায় করিয়া অনিরুদ্ধ বাড়ীর মধ্যে ফিরিয়া দেখিল পদ্ম চুপ করিয়া বসিয়া আছে, রান্নাবান্নার নাম-গন্ধ নাই। পদ্মকে সে আর কিছু বলিল না, কতকগুলো কাঠ-কুটা উনানের মুখে আনিয়া উনান ধরাইতে বসিল। রান্না করিতে হইবে ; তাহার পর আবার ছুটিতে হইবে জংশনে। রান্নার কাজ বাকী পড়িয়া গিয়াছে।

পদ্ম কাহাকে ধমক দিল—যা !

অনিরুদ্ধ ফিরিয়া চাহিল, কিন্তু কেহ কোথাও নাই। কাক কি কুকুর, কি বিড়াল, তাও কোথাও নাই। সে ভ্রূ কুঞ্চিত করিয়া প্রশ্ন করিল—কি ?

পদ্ম উত্তরে প্রশ্ন করিল—কি ?

অনিরুদ্ধ একেবারে ক্ষেপিয়া গেল, বলিল—খেপেছিস নাকি তুই ? কিছু কোথাও নাই, ধমক দিচ্ছিস কাকে ?

পদ্ম এইবার লজ্জিত হইয়া পড়িল, শুধু লজ্জিতই নয়, একটু অধিক মাত্রায় সচেতন হইয়া সে ধীরে ধীরে উঠিয়া উনানশালে আসিয়া বসিল—সর। আমি পারব। তুমি যাও।

অনিরুদ্ধ কিছুক্ষণ তাহার মুখের দিকে চাহিয়া থাকিয়া উঠিয়া গেল। আর সে পারিতেছে না।

কিন্তু তাহার অল্পপন্থিতিতে যদি পদ্মের রোগ উঠিয়া পড়ে ! সে দ্বিধাগ্রস্ত হইয়া দাঁড়াইল। পড়ে পড়ুক, সে আর পারে না। সে বাহির হইয়া গেল।

পদ্ম রান্না চাশাইল। ভাতের সঙ্গে কতকগুলো আলু, ওকটা ন্যাকড়ায় বাঁধিয়া কতকগুলি মসুরির ডাল ফেলিয়া দিয়া চুপ করিয়া বসিয়া রহিল।

অনিরুদ্ধ বাহিরে গিয়াছে। বাড়ীতে কেহ কোথাও নাই। নির্জন নিঃসহ অবস্থায় আত্ম অহরহ মনে হইতেছে তাহার সেই স্বপ্নের কথাগুলি, জগন ডাক্তারের কথাগুলি। ছিন্ন পালের বড় ছেলেটা তাহার মাকে কি ভালই না বাসে !

ওই—ওই কি আসিবে ?

ধব্ ধব্ করিয়া তাহার হৃৎপিণ্ড স্পন্দিত হইয়া উঠিল।

লগ্নে লগ্নে মনে হইল ছেলেটির দীর্ঘ গৌরাকী মা ওই খিড়কীর দরজার মুখেই আধকালো আধ-অন্ধকারের মধ্যে পদ্মের দিকে মিনতিভরা চোখে চাহিয়া দাঁড়াইয়া আছে। সে একটা লকাতর দীর্ঘনিঃশ্বাস ফেলিল। বার বার আপন মনেই বলিল—না-না-না, তোমার বুকের ধন কেড়ে নিতে আমি চাই না। আমি চাই না। আমি চাই না।

উনানের মধ্যে কাঠগুলো জলিয়া উঠিয়াছে, হাঁড়ি-কড়া সম্মুখেই—এইবার রান্না চড়াইয়া দেওয়া উচিত ; কিন্তু সে তাহার কিছুই করিল না। চুপ করিয়া বসিয়া রহিল। অস্তরের মধ্যে থাকিয়া থাকিয়া অকস্মাৎ চকিতের মত অধীর অতৃপ্ত কেহ অতি নিষ্ঠুর ভঙ্গিতে বলিয়া

উঠিতেছে—মরুক, মরুক! মনশ্চক্ষে ভাসিয়া উঠিতেছে পাল-বধূর সন্তান। সতরে চাকুলে শিহরিয়া উঠিয়া নীরবেই পদ্ম বলিতেছিল—না-না-না।

পাল-বধূর আটটি সন্তান হইয়াছিল, তাহার মধ্যে মাত্র দুইটি অবশিষ্ট আছে; আবারও নাকি সে সন্তানসন্তবা। তাহার গেলে সে আবার পায়। যাক, তাহার আর একটা যাক। কতি কি!

উনানের আগুন বেশ প্রখরভাবেই জলিয়া উঠিয়াছিল, তবুও সে কাঠগুলোকে অকারণে তিতরে ঠেলিয়া দিল, অকারণেই ক্ষুটস্থরে বলিয়া উঠিল—আ: ছি-ছি-ছি। ছি-ছি-ছি-ছি করিল সে আপন মনের ভাবনাকে।

তারপরই সে ভাকিল পোষা বিভালটাকে—মেনী মেনী, আয় আয়, পুঁষি আয়।

ছেলে না হইলে কিসের জন্ত মেয়েমাহুষের জীবন! শিশু না থাকিলে ঘরসংসার! শিশু হাজ্যের জ্ঞান আনিয়া ছড়াইবে,—পাতা, কাগজ, কাঠি, ধূলা, মাটি, ঢেলা, পাথর, কত কি! কি তিরস্কার করিবে, আবার পদিস্কার করিবে, রুঢ় তিরস্কারে শিশু কাদিবে, পদ্ম তখন তাহাকে বুকে লইয়া আদর করিবে! তাহার আবদারে নিজের ধূলার মূঠা মুখের কাছে লইয়া খাওয়ার অভিনয় করিবে—হাম-হাম-হাম! শিশু কাদিবে হাসিবে, বক্ বক্ করিয়া বকিবে, কত বায়না ধরিবে, সঙ্গে সঙ্গে পদ্মও আবোল-তাবোল বকিয়া ক্লান্ত হইয়া শেষে তাহাকে একটা চড় কষাইয়া দিবে। কাদিতে কাদিতে সে কোলে আনিয়া ঘুমাইয়া পড়িবে। তাহার গান্নে-মাখান্ন হাত বুলাইয়া, দুটি গালে দুটি চুমা খাইয়া তাহাকে লইয়া উঠানময় ঘুরিয়া বেড়াইবে আর চাঁদকে ডাকিবে—আয় চাঁদ, আয় আয়, চাঁদের কপালে চাঁদ দিয়ে যা।

এই সব কল্পনা করিতে করিতে বসু বসু করিয়া তাহার চোখ দিয়া জল ঝরিয়া পড়িতে আরম্ভ করিল।

তাহার নিজের নাই, কেহ যদি তাহাকে একটি শিশু পালন করিতেও দেয়! একটি মাতৃহীন শিশু! শিশুসন্তানের জননী কেহ মরে না! ওই পালবধূ মরে না! পণ্ডিতের স্ত্রী মরে না! না হয় তো তাহার নিজের মরণ হয় না কেন! সে মরিলে তো সকল জালা জুড়ায়!

বাহিরে অনিচ্ছকের কণ্ঠস্থর শোনা গেল,—চণ্ডীমণ্ডপের সঙ্গে আমার সন্ধ নাই। ওখানে আর যাচ্ছি না। আমার পৌষ-আগলানো আমার নিজের বাড়ীর দরজার হবে।

পদ্মের মনের মধ্যে অকস্মাৎ জাগিয়া উঠিল একটা দুঃস্থ ক্রোধ। ইচ্ছা হইল—উনানের জলন্ত আগুন লইয়া এই ঘরের চারিদিকে লাগাইয়া দেয়। যাক, সব পুড়িয়া ছাই হইয়া যাক। অনিচ্ছ পর্বন্ত পুড়িয়া মরুক। পরমুহূর্তেই সে জলন্ত উনানের উপর হাঁড়িটা চাপাইয়া দিল, তাহাতে জল ঢালিয়া, চাল ধুইতে আরম্ভ করিল।

কাল আবার লক্ষ্মীপূজা, পৌষ-সংক্রান্তিতে পৌষ-লক্ষ্মী।

লক্ষ্মী। তাহার আবার লক্ষ্মী! কার জন্ত লক্ষ্মী? কিসের লক্ষ্মী?

ষোল

পৌষ-সংক্রান্তির দিন পৌষ-লক্ষী অর্থাৎ পৌষ-পার্বণ। নবান্নের দিন হইতে মাস দেড়েক পর পল্লীবাসীর জীবনে আর একটি সর্বজনীন উৎসব আসিল। যে জীবনে উদয়কাল হইতে অস্তকাল পর্যন্ত বারো ঘণ্টা সময়ের অধিকটা চলে হল-আকর্ষণকারী কুজপৃষ্ঠ বলদের অতি-বহুর পক্ষপেপের পিছনে পিছনে অথবা ঘরের সমান উঁচু ধান ও খড়-বোঝাই গরুর গাড়ীর ঢাকা ঠেলিয়া অথবা খাসরোগীর মত দুঃসহ কষ্টে হাঁপাইতে হাঁপাইতে ধানের বোঝা মাথায় করিয়া আনিতে আনিতে কাটিয়া যায় টানিয়া টানিয়া খাস-প্রখাস ফেলিয়া, সেখানে দেড়মাস সময় পরিস্রামে নগর-জীবনের তুলনায় নিশ্চয়ই দীর্ঘ। একটান্না একষয়ে জীবন।

মধ্যে ইতুলক্ষী গিয়াছে; কিন্তু ইতুলক্ষীতে নিয়ম আছে, পালন আছে, পার্বণের সমারোহ নাই। পৌষ-পার্বণে ঘরে ঘরে সমারোহ, পিঠা-পরব। অগ্রহায়ণ-সংক্রান্তিতে খামারে লক্ষী পাতিয়া চিড়া, মুড়কি, মুড়ি, মুড়ির নাদু, কলাই-ভাজা ইত্যাদিতে পূজা হইয়াছিল। পৌষ-সংক্রান্তিতে ঘরের মধ্যে লক্ষীর আসন পাতিয়া ধান-কড়ি সাজাইয়া সিংহাসনের দুইপাশে দুইটি কার্ত্তের পেঁচা রাখিয়া লক্ষীপূজা হইবে। এক অন্ন পঞ্চাশ ব্যঞ্জে লক্ষীর সঙ্গে নানা দেবতার ভোগ দেওয়া হইবে। রানীকৃত চাল ঢেঁকিতে কুটিয়া গুঁড়া প্রস্তুত হইয়াছে—পিঠা তৈয়ারী হইবে হরেক রকমের। রস প্রস্তুত হইয়াছে, রসে সিদ্ধ পিঠা হইবে। তাহা ছাড়া গুড়েনারিকেল, গুড়-ভিলে মিষ্টান্ন প্রস্তুত হইয়াছে, পাতলা ক্ষীর হইয়াছে, চাঁচি বা খোয়া ক্ষীর হইয়াছে—লোকে আকর্ষণ পুরিয়া প্রসাদ পাইবে।

অনিরুদ্ধের এসবের আয়োজন কিছুই হয় নাই। একে পয়ের দেহ অস্থস্থ, তার ওপর একটি পল্লসও তাহার হাতে নাই। গোটা পৌষটাই অনিরুদ্ধের কামারশালা একরকম বন্ধ গিয়াছে বলিলেই হয়। লোহার কাজ এসময়ে বেশী না হইলেও কিছু হয়; ধান-কাটার কান্তে পাঁজানো এবং গরুর গাড়ীর চাকার খুলিয়া-পড়া লোহার বেড় লাগানো কাজ না করাইয়া চাষীদের উপায় নাই। কিন্তু অবসরের অভাবে অনিরুদ্ধ তাহাও করিতে পারে নাই। অবসর পাইবে কোথায়? পয়ের অস্থস্থ লইয়াই মাথা খারাপ করিয়া তাহার দিন কাটিয়াছে। আজ এখানে গিয়াছে, কাল ওখানে গিয়াছে। শিবনাথতলা, কোন্ এক মুসলমান ওস্তাদের বাড়ী ঘাইতে সে বাকী রাখে নাই। সব করিয়াছে ধার করিয়া। খরিদ্ধারের টাকা ভাঙিয়া। এদিকে পাঁচবিধা বাকুড়ির ধান তাহার গিয়াছে। বাকি জমির ধান ভাগ জোতদারের সঙ্গে মিজে লাগিয়া কাটিতেছে ও খাড়ে করিয়া আনিয়া ঘরে তুলিতেছে।

আবার সরকারের স্টেটেলমেন্ট আসিয়াছে, নোটিশ হইয়াছে—‘আপন আপন জমিতে স্ব-স্বামিস্বের প্রমাণাদি সহ উপস্থিত থাকিতে হইবে। অন্তর্ধান স্টেটেলমেন্ট কার্যবিধি অনুযায়ী দণ্ডীয় হইবেক।’

এক টুকরা জমির জন্ত কাছনগো ও আমিন বাবুদের সঙ্গে সেই ভোর হইতে বেলা তিন

গ্রহর কাটিয়া যায়, পাকা ধানের উপর দিয়া শিকল টানিতে টানিতে সেই জরিটুকুতে আসিতে চার পাঁচ দিন সময় লাগে। সে টুকরাটা হইয়া গেলে দুই-তিন দিন কি চার-পাঁচ দিন নিশ্চিত, তাহার পর হয়তো আবার এক টুকরা। শুধু অনিরুদ্ধ নয়, সমস্ত গ্রামের লোকেরই এইভাবে লাজনা-দুর্বিপাকের আর শেষ নাই! পৌষ-সংক্রান্তিতে ঘরের মধ্যে লক্ষ্মীর সিংহাসন স্থাপনের উত্তোগ হইতেছে; কিন্তু এবার লক্ষ্মী এখনও মাঠে! গোটা গাঁয়ের মধ্যে একটি গৃহস্থেরও ‘দাওন’ আসে নাই। ওই আবার একটা হাঙ্গামা রহিয়া গেল। ধান ভোলায় শেষ দিনে ‘দাওন’ আসিবে—অনিরুদ্ধের নিজেকেই শেষ ধানগুচ্ছটি কাটিতে হইবে—কাটা ধানের গোড়ায় জল দিয়া ধানগুচ্ছটি লইয়া আসিতে হইবে মাথায় করিয়া। অনিরুদ্ধের কুশাণ নাই, তাগ-জোতদারকে পারেন্স রাখিয়া থাওয়াইতে হইবে। অত্যাশ্চর্য বার এই লক্ষ্মীর সঙ্গেই ও পর্বটি সারা হইয়া যায়—এবার সেটেলমেন্টের দায়ে বাকী পড়িয়া রহিল।

*

*

*

ভাতের হাড়িটা নামাইয়া পদ্ম ফেন গালিয়া ফেলিল। খুঁজিয়া বাছিয়া ভাতের ভিতর হইতে একটা ছোট পুঁটলি টানিয়া বাহির করিল, পুঁটলিটার মধ্যে আছে খানিকটা মসুর কলাই, গোটাচারেক বড় আলু, এবং একটুকরা কুমড়ার ফালি। এগুলো মাখিয়া ফেলিয়া আবার মাছ দেখিতে হইবে; মাছ নহিলে অনিরুদ্ধের তাত উঠিবে না। এইজন্য খিড়কীর ভোবার জলের কিনারায় কতকগুলো ‘আপা’ অর্থাৎ গর্ত করা আছে—পাঁকাল মাছগুলো তাহার মধ্যে ঢুকিয়া থাকে; সতর্ক ও ক্ষিপ্তভাবে হাত চালাইয়া দিলেই ধরা যায়। পদ্ম অত্যন্ত বিরক্ত হইয়া বাহিরের দরজার দিকে চাহিল। একাজটুকুও তো সে করিলে পারিত! কোথায় গেলেন নবাব? সেই একবার বাহির-দরজার লাড়া শোনা গিয়াছিল—চণ্ডীমণ্ডপ না ছাটিবার সন্ধ্যার আফালন হইতেছিল, তারপর আর লাড়া নাই। ‘চণ্ডীমণ্ডপ ছাটিব না’। তবে তো মা কালী ও বাবা শিবের বেগুন ক্ষেত জল-প্লাবিত হইয়া গাছগুলো পচিয়া নিদাক্ষণ ক্ষতি হইয়া গেল! ওইরূপ মতি না হইলে এই দুর্গতি হইবে কেন?

—কস্মকার রইছ নাকি হে? কস্মকার। অ কস্মকার। কস্মকার হে!

কে লোকটা? উত্তর না পাইয়াও একনাগাড়ে ভাকিয়াই চলিয়াছে।

—অ কস্মকার! এই তোমার দুগ্গা বললে—বাড়ী গেল কস্মকার, আর লাড়া দিচ্ছ না। ওহে ও কস্মকার।

অনিরুদ্ধ তাহা হইলে দুর্গার বাড়ী গিয়াছিল। রূপ আছে বলিয়াই ওই মুচিনীর বাড়ী? ছি-ছি-ছি।...লক্ষ্মী? এই লোকের বাড়ীতে লক্ষ্মী থাকে? না এই লোকের বংশ থাকে? পদ্ম যেন পাগল হইয়া উঠিল—সে উনান হইতে অসন্ত কাঠ একখানা টানিয়া বাহির করিল। আগুন ধরাইয়া দিবে—ঘর-সংলারে সে আগুন ধরাইয়া দিবে। কিন্তু সেই মুহূর্তেই বাড়ীর ভিতর আসিয়া প্রবেশ করিল ভূপাল চৌকিদার।

—বলি, কস্মকার, তুমি কি রকম মাছব হে? ডেকে ডেকে গলা আমার কেটে গেল।

কই, কস্মকার কই ?

বাড়ীর মধ্যে অনিরুদ্ধক না পাইয়া ভূপাল খানিকটা অশ্রুভিত হইয়া গেল, অবশেষে পল্লকেই উদ্দেশ্য করিয়া বলিল—তুমি বাপু কস্মকারকে বল—আমি এসেছিলাম। আমার হয়েছে এক মরণ। ডাকলে নোকে যাবে না, আর গোমস্তা বলবে—শালা, বসে বসে ভাত খাবার জন্ত তোকে মাইনে দিই !

—কে রে। কে কি বলবে কস্মকারকে ? কস্মকার কার কি ধার ধারে ? বাহির দরজা হইতেই কথা বলিতে বলিতে অনিরুদ্ধ ঘরে ঢুকিল।

—এই যে কস্মকাব ! ভূপাল হাঁফ ছাড়িয়া বাঁচিল।—তুমি বাপু একবার চল, গোমস্তা তো আমাব মুণ্ডপাত করছে।

অনিরুদ্ধ খপ করিয়া তাহাব হাতখানা ধরিয়া ফেলিয়া বলিল—এই। বাড়ীর ভেতর ঢুকলি ক্যানে তুই ?

তাহাব মুখের দিকে চাহিয়া ভূপাল এবার কষ্টস্ববে বলিল—হাত ছাড় কস্মকার।

—বাড়ী ঢুকলি ক্যানে তুই ? খাজনাব তাগাদা আছে, বাড়ীর বাইরে থেকে করবি। জমিদারের নন্দী—বেটা ছুঁচোব গোলাম চামচিকে।

হাতটা মোচড় দিয়া ছাড়াইয়া লইয়া ভূপাল এবাব হুক্কার দিয়া উঠিল—এ্যাও ! মুখ সামলে, কস্মকার, মুখ সামলে বল। দুবছর খাজনা বাকী, খাজনা দাও নাই ক্যানে ? আলবৎ বাড়ী ঢুকব। ইউনান বোর্ডের ট্যাক্স—তাও আজ পর্যন্তও দাও নাই।...ভূপালও বান্দীব ছেলে ; সেও এবার বুক ফুলাইয়া দাঁড়াইল।

খাজনা, ইউনিয়ন বোর্ডের ট্যাক্স। অনিরুদ্ধ অস্থির হইয়া উঠিল। কিন্তু সে আর অধিক দূর অগ্রসর হইতে সাহস করিল না। ও-সব কথা আমলে না আনিয়া সে তাহার নিজের অভিযোগটাই আবার জাহিব করিল—আমি যদি বাড়ীতে থাকতাম, তা হলে নয় ঢুকতিস—ঢুকতিস। বাড়ীতে বেটাছেলে নাই—আমার বাড়ী ঢুকবি ক্যানে তুই ?

ভূপাল বলিল—চল তুমি, গোমস্তা ডাকছে।

—মা যা বল গে, কারুব ডাকে আমি যাই না।

—খাজনার কি বলছ বল ?

—মা, বল গে, খাজনা আমি দোব না।

বেশ। ভূপাল বাহির হইয়া চলিয়া গেল। অনিরুদ্ধও সাফ-জবাব দিয়া নিশ্চিন্ত হইয়া আফালন আরম্ভ করিয়া দিল—আদালত আছে, উকিল আছে, আইন আছে, নালিশ কর গিয়ে। বাড়ীর ভেতর ঢুকবে, বাড়ীর ভেতর ! ওঃ আশ্চর্য্য দেখ !

অকস্মাৎ সে কাঁদো-কাঁদো সুরে আবার বলিল—গরীব বলে আমাদের যেন মান-ইজ্ঞা নাই। আমরা মাছ নই !

পল্ল একটি কথাও রবে “নাই, নীরবেই নিদ্র সামগ্রীগুলি ছুন-তেল দিয়া মাখিতেছিল। একতরফে বলিল—হ্যাঁগা, মাছের কি হবে ?

—সাহ! সাহ চাই না। কিছু খাব না, না। শিঙিতে আমার অঙ্গুটি ধরেছে।

পদ্ম আর কোন কথা না বলিয়া ভাত বাড়িতে আরম্ভ করিল।

অনিরুদ্ধ অকস্মাৎ চীৎকার করিয়া উঠিল—তুই আমার লক্ষ্মী ছাড়ালি!

—আমি?

—হাঁ, তুই! রোগ হলে দিনরাত পড়ে আছিস, ঘরে লক্ষ্যে নাই, ধূপ নাই! এ ঘরে লক্ষ্মী থাকে? বলি, কাল যে লক্ষ্মীপূজা—তার কি কুটোগাছটা ভেঙে আরোহণ করেছিস? অনিরুদ্ধ রাগে কোন্ডে অধীর হইয়া উঠিয়া চলিয়া গেল।

পদ্ম চূপ করিয়া বসিয়া রহিল। তাহার অন্তরের কোন্ডের উন্নততা ইতিমধ্যে অভূতভাবে প্রশান্ত উদাসীনতায় পরিণত হইয়া আসিয়াছে। অনিরুদ্ধের এই অপমানে কোন্ডে তাহার তৃপ্তি হইয়াছিল কিনা কে জানে, কিন্তু তাহার নিজের কোন্ডের উন্নততা—যে উন্নততাবশে কিছুক্ষণ পূর্বে সে ঘরে আগুন ধরাইয়া দিতে চাহিয়াছিল—সে উন্নততা বিচিত্রভাবে শান্ত হইয়া গিয়াছে। আঁচলি বিছাইয়া সেইখানেই সে শুইয়া পড়িল। তাহার বৃকের ভিতর যেন একরাশ কান্না উথলাইয়া পড়িতেছে।

*

*

*

পদ্ম নীরবে কাঁদিতেছিল; দব্দ-দব্দ ধারে তাহার চোখ হইতে জল গড়াইয়া গাল ভিজাইয়া মাটির উপর ঝরিয়া পড়িতেছিল। কাঁদিলে তাহার বৃকের ভিতরে গভীর যন্ত্রণাদায়ক আবগটা কমিয়া যায়। কাঁদিতে কাঁদিতে সে কিছুক্ষণ পর তৃপ্তি অনুভব করে, তাহার পর একটা আনন্দ পায়।

—কই হে? কামার-বউ কই হে?

কে ডাকিতেছে? পদ্ম নিঃশব্দে চোখের জল আঁচলে মুছিয়া ফেলিল। মুছিয়া ফেলিয়াও কিন্তু লাড়া দিল না, সাড়া দিতে ইচ্ছা হইল না।

—কামার-বউ! ওমা, এই বিকেলবেলা উনোনের মুখে শুয়ে কানে হে?

তাহাকে দেখিয়া পদ্মের সর্বশরীর জলিয়া উঠিল। যে ডাকিতেছিল সে ঘরে আসিয়া ঢুকিয়াছে। সে দুর্গা।

কি আশ্চর্য্য! মুচিনীর। ডাকিবার ধরন দেখ না। অত্যন্ত অপ্রসন্ন কর্ণেই সে বলিল—কানে? কি দরকার?

হাসিয়া দুর্গা বলিল—একটা কথা আছে তাই তোমার সঙ্গে।

—আমার সঙ্গে? কি কথা? কিসের কথা, শুনি?

—বলব, তা উঠেই বস।

—আমার শরীরটা ভাল নাই।

দুর্গা শঙ্কিত কর্ণে বলিল—অস্থ করছে? দাওয়ার ওপর উঠব?

ডড়িৎ-শৃঙ্খলিত পদ্ম উঠিয়া বলিল, বলিল—না।

দুর্গা তাহার মুখের দিকে চাহিয়া হাসিয়া বলিল—ওমা, কাঁদছিলে বুঝি? কি হ'ল?

কর্মকারের সঙ্গে অগভীর হয়েছে বুঝি ? সে হি-হি করিয়া হাসিতে আরম্ভ করিল।

—সে থববে তোমার দরকার কি ? কি বলছ বল না ? খোঁজ দেখ না ! যেন আমার কত আপনার জন !

—আপনার জন তো বটে, ভাই। ‘লই’ কি না—তুমিই বল।

—তুই আমার আপনার জন ? পদ্ম ক্রোধে এবার ‘তুই’ বলিয়া সম্বোধন করিল।

হুর্গা কিন্তু তাহাতেও রাগ করিল না, হাসিল। হাসিয়া বলিল—হ্যাঁ হে হ্যাঁ ! যদি বলি আমি তোমার সতীন ! তোমার কর্তা তো আমাকে ভালবাসে হে !

পদ্ম এবার ক্ষিপ্ত হইয়া উঠিল। দুয়স্ত ক্রোধে রান্নাশালার ঝাঁটা গাছটা ফুড়াইয়া লইল।

হুর্গা হাসিয়া খানিকটা সরিয়া গিয়া বলিল—হোঁয়া পড়লে অবেলায় চান করতে হবে ! আমার কথাটাই আগে শোন ভাই, তারপর না-হয় ঝাঁটাটা ছুঁড়েই মেরো।

পদ্ম অবাক হইয়া গেল।

হুর্গা বলিল—দাঁড়াও ভাই, বার দরজাটা আগে বন্ধ করে দি। কে কখন এসে পড়বে।

পদ্ম তখনও শাস্ত হয় নাই, সে ঝাঁকালো স্বরে বলিল—দরজা দিয়ে কি হবে ? গণ্ডায় গণ্ডায় আমার তো নাগর নাই।

হুর্গা আবার হাসিয়া উঠিল, বলিল—আমার তো আছে ভাই। তারা যদি গন্ধে গন্ধে এসে পড়ে !

—আমার বাড়ী এলে ঝেঁটিয়ে বিব ঝেঁড়ে দেব না ?

হুর্গা ততক্ষণে দরজা বন্ধ করিয়া দিয়াছে। ফিরিয়া সে সংস্পর্শ বাঁচাইয়া খানিকটা দূর হইতে বলিল—পরকে না হয় পার। কিন্তু তোমার আপন কতটিকে ? সেও যে আমার তুমি যা’ বললে—ভাই ! যাক, শোন ভাই ঠাট্টা নয়, এইগুলো ঘরে তুলে রাখ দেখি।—সে ততক্ষণে কাঁথাল হইতে কাপড়-ঢাকা একটা চুপড়ি নামাইল। তাহার মধ্য হইতে নামাইয়া দিল—এক ঘটি দুধ, এক ভাঁড় গুড়, গোটাছুয়েক ছাড়ানো নারিকেল, সেরখানেক তিল, একটা পাত্রে আধসেরটাক তেল—আরও কতকগুলি মসলাপত্র। বলিল, যাও, লক্ষীপুজোর উযুগ করে ফেল। আতপ চাল তো আমার নাই, আর আমাদের চালগুঁড়োতে তো হবে না ! আমি গুনলাম তোমার কর্তার কাছে।

পদ্ম সর্বাঙ্গ জলিয়া উঠিল ; ইচ্ছা হইল লাথি মারিয়া জিনিসগুলোকে ছড়াইয়া ফেলিয়া দেয়। তাহাই সে দিত। কিন্তু ঠিক তখনই বাহির দরজায় ধাকা দিল। হয়তো অনিচ্ছ। ভাল, সে-ই আশুক—তারপর সামনেই সে লাক্ষী মারিয়া কেলিয়া দিবে।

ঋতপদে সে নিজেই গিয়া খুলিয়া দিল। কিন্তু সে অনিচ্ছ নয়—বুড়ী রাজাদিদি। পদ্ম শাস্ত ভাবে সম্বোধন করিল—কে, রাজাদিদি ?

—হ্যাঁ। তা হ্যাঁলো নাভবউ।—বলিতে বলিতে বৃদ্ধার দৃষ্ট পড়িল হুর্গার উপর।—

ওমা, ও কে বসে ? ওটা কে ?

—আমি। কণ্ঠস্বর উচ্চ করিয়া হুর্গা বলিল—রাজাদিদি, আমি হুগ্গা, বায়েনবের হুগ্গা।

—তুগ্গা। তোর কি আ-ছাটা ‘মিস্তিকে’ নাই লা? এই হেখা, এই হোখা, একেবারে হই মুলুকে। কক্কা, জংশন, কোথায় বা না যায়। তা হেখা কি করছিস লা? ওগুলো কি বটে?

—এই, কামার-বউ টাকা দিয়েছিল জংশন থেকে জিনিস কিনতে; তাই এনে দিলাম, রাঙাদিদি।

—তা আমাকে বলতে নাই? গায়ে বসে চার আনার বাজার করলাম আজ, চাল বেচলাম এক টাকার। জংশনে চার আনার বাজারেও একটা পয়সা বাঁচত, চালের দরেও ছুটো পয়সা বেশী পেতাম। আমার তো শক্তসোমথ সোয়ামী নাই, আবাগী আমি—আমার ‘উব্গার’ করবি ক্যানে বল?

হাসিয়া তুর্গা বলিল—এইবার একদিন দিও দিদি, এনে দোব।

—তা দিস। তুই মাছ তো ভাল, তবে বড় নচ্ছার। তা তুই যা করবি করগে, আমার কি?

তুর্গা সশব্দে হাসিয়া উঠিল—তা বই কি, দিদির তো আর বুড়ো নাই। ভয়-ভাবনা কিসের? তা বাজার তোমার করে দোব দিদি!

বৃদ্ধা বলিল—মরণ। তার আবার হাসি কিসের লা?

—বেশ, আর হাসব না। এখন কি বলছ বল?

—মর! তোকে কে বলছে? বলছি নাতবউকে। হ্যাঁ লা নাতবউ, এবার যে বড় আমার বাড়ীতে চাল কুটতে গেলি না?

রাঙাদিদির বাড়ীতে ঢেঁকি আছে, পদ্ম বরাবরই রাঙাদিদির ঢেঁকিতে পিঠার চাল কুটরা আনে। এবার যায় নাই; তাই বৃদ্ধা আসিয়াছে।

—বলি হ্যাঁ লা, তোকে আমি কখনও কিছু বলেছি নাকি? বল কিছু বলেছি কিনা? মনে তো পড়ছে না তাই!

কাহাকে কখন যে বুড়ী কি বলে সে আর পরে তাহার মনে থাকে না।

ম্নান হাসি হাসিয়া পদ্ম বলিল—তার জন্ত নর, এবার চাল কোটাই হয় নাই রাঙাদিদি।

—চাল কোটাই হয় নাই? বলিস কি?

—না।

—আ-মরণ! তা আর কবে চাল কুটবি? রাত পোহালেই তো লক্ষী—

পদ্ম চুপ করিয়া রহিল। তুর্গা মাঝখান হইতে বলিল—নাতবউয়ের অস্থখ, তো জান রাঙাদিদি। অস্থখ শরীরে কি করবে বল?

—তবে? লক্ষী হবে কি করে? তোর সেই ‘হাঁদামূল’ মিলে কোথা? সেই অনিরুদ্ধ? সে পায়ে না?

তুর্গাই বলিল—হবে কোন রকম করে। কর্ণকার আস্থক, দোকান থেকে কিনে আনবে।

—কিনে আনবে? না-না। কলে কোটা গুঁড়োর কি লক্ষী হয়? ও নাভবউ, এক কাজ কর, আমার ঘর থেকে নিয়ে আর চাটি গুঁড়ো। তা হ'লে আড়াই সের দিতে পারব। আচ্ছা, আমিই না হয় দিয়ে যাব। ওমা! তা বলতে হয়। আমি এত্নি দিয়ে যাচ্ছি।

যাইতে যাইতে দরজার গোড়ার দাঁড়াইয়া বৃদ্ধা বলিল—ইহু শেখ পাইকারের করণটা দেখ দেখি দুগ্গা, বুড়ো গাইটার দাম বলছে চার টাকা। শেষমেঘ বলে, পাঁচ টাকা। তোদের পাড়ায় আর কেউ পাইকার এলে পাঠিয়ে দিস্ তো বুন।

দুর্গাও ঝুড়িটা লইয়া উঠিল, বলিল—বাটি-ঘটি কাল এসে নিয়ে যাব ভাই। আজ চললাম।

—এইখানে কাল থাকে।

—বেশ। দুর্গা হাসিতে হাসিতে চলিয়া গেল।

অকস্মাৎ কোথা দিয়া কি হইয়া গেল। রাঙাদিদির সঙ্গে কথা বলিতে বলিতে কেমন করিয়া তাহার অন্তরের স্রোত যেন জুড়াইয়া গেল। আবার সব ভাল লাগিতেছে। দুর্গার জিনিসগুলো সে প্রত্যাখ্যান করিল না; লাধি মারিয়া ফেলিয়া দিল না। দুর্গার ওই মিথ্যা কথাটা তার বড় ভাল লাগিয়াছে; রাঙাদিদিকে সে বলিল—কামার-বউ তাহাকে জংশন শহর হইতে বাজার করিয়া আনিতে টাকা দিয়াছিল—এ সেই জিনিস!

সে রাঙাদিদির চালগুঁড়োর প্রতীক করিয়া রহিল। বাড়ীতে আতপ চাল নাই। চাল গুঁড়াইয়া একবার বাটিয়া লইয়া আল্পনার গোলা তৈয়ারি করিতে হইবে। আল্পনা আঁকিতে হইবে—বাহির-দরজা হইতে ঘরের ভিতর পর্যন্ত থামারে, মরাইয়ের নিচে গোয়াল ঘরে পর্যন্ত। চতুর্মুখে আবার পৌষ আগলানোর আল্পনা আছে। মনে পড়িল, 'আউরী-বাউরী' চাই। কার্তিক-সংক্রান্তি 'মূর্তলক্ষ্মীর' ধানের খড় পাকাইয়া সেই দড়িতে বাঁধিতে হইবে বাড়ীর প্রতিটি জিনিস। ঘরের বাক্স-পেটরা তৈজস-পত্র সবেতেই পড়িবে মা-লক্ষ্মীর বন্ধন। ঘরের চালে পর্যন্ত আউরী-বাউরীর বন্ধন পড়িবে। তাহা হইলেই বৈশাখের ঝড়ে আর চাল উড়িবে না।

*

*

*

সেই পুরাকালে ছিল এক রাখাল ছেলে। বনের ধারে বিস্তীর্ণ প্রান্তরে সে আপনার গরু-গুলিকে লইয়া চরাইয়া ফিরিত। গ্রীষ্মের রৌদ্র, বর্ষার বৃষ্টি, শীতের বাতাস তাহার মাথার উপর দিয়া বহিয়া যাইত। মধ্যে মধ্যে দুঃখ-কষ্ট হইলে সে চোখের জল ফেলিত, আর উদ্ভ্রমুখে দেবতাকে ডাকিত—ভগবান, আর পারি না, এ কষ্ট তুমি দূর কর, আমাকে বাঁচাও।

একদিন লক্ষ্মী-নারায়ণ চলিয়াছিলেন আকাশ-পথে। রাখালের কাতর কান্না আসিয়া পৌছিল তাঁহাদের কানে। মা-লক্ষ্মীর কোমল হৃদয় ব্যথিত হইয়া উঠিল। দূর কর ঠাকুর, রাখালের দুঃখ দূর কর!

নারায়ণ হাসিলেন। বলিলেন—এ দুঃখ দূর করিবার শক্তি তো আমার নাই লক্ষ্মী, সে শক্তি তোমার।

লক্ষী বলিলেন—তুমি অল্পমতি দাঁও ।

নারায়ণের অল্পমতি পাইয়া লক্ষী আসিলেন মর্ত্যে । চারিদিক হাসিয়া উঠিল—সোনার বর্ণচ্ছটার, বাতাস ভরিয়া উঠিল দেবীর দিব্যাক্ষের অপক্লপ সৌন্দর্যে । রাখাল অবাক হইয়া গেল । দেবী রাখালের কাছে আসিয়া বলিলেন—দুঃখ তোমার দূর হইবে, তুমি আমার কথামত কাজ কর । এই লগু ধানের বীজ ; বর্ষার সময় মাঠে এইগুলি ছড়াইয়া দাঁও, বীজ হইতে গাছ হইবে । সেই গাছের বর্ণ যখন হইবে আমার দেহবর্ণের মতো, আমার গাছ-গন্ধের মতো, গাছে যখন ভরিয়া উঠিবে তাহার সর্বাঙ্গ, তখন সেগুলি কাটিয়া ঘরে তুলিবে ।

রাখাল লক্ষীকে প্রণাম করিল । বর্ষার প্রান্তরের বুকে ছড়াইয়া দিল ধানের বীজ ; দেখিতে দেখিতে সমস্ত মাঠ ভরিয়া গেল সবুজ ধানের গাছে । ক্রমে ক্রমে বর্ষা গেল—সবুজ ধানের ডগায় দেখা দিল শীষ । রাখাল নাড়িয়া-চাড়িয়া দেখিল, কিন্তু এখনও সেই ঠাকরনের মতো বর্ণ হয় না, সে গন্ধও উঠিতেছে না । রাখাল অপেক্ষা করিয়া রহিল । হেমন্তের শেষ অগ্রহায়ণে একদিন রাত্রে ঘরে শুইয়াই রাখাল পাইল সে গন্ধ । সকালে উঠিয়াই সে ছুটিয়া গেল মাঠে । অবাক হইয়া গেল । সোনার বর্ণে গোটা মাঠটা আলো হইয়া উঠিয়াছে, দিব্য-গন্ধে আকাশ বাতাস আমোদিত । সোনার বর্ণে, দিব্য গন্ধে আকৃষ্ট হইয়া আকাশে নানাবিধ কীট-পতঙ্গ-পাখী উড়িতেছে—পশুরা আসিয়া জুটিয়াছে চারিপাশে, সেই ঠাকরন যেন তাহার দুঃখে বিগলিত হইয়া মাঠ জুড়িয়া অঙ্গ এলাইয়া বসিয়া আছেন । রাখাল ধান কাটিয়া তারে তারে ঘরে তুলিল ।

দেশের রাজা সংবাদ পাইয়া আসিয়া সোনা দিয়া কিনিতে চাহিলেন সমস্ত ধান । রাজার ভাণ্ডারের সোনা ফুরাইয়া গেল—কিন্তু রাখালের ধান অফুরন্ত । রাজার বিশ্বাসের আর অবধি রহিল না । তখন রাজা আপনার কন্যাকে আনিয়া দান করিলেন রাখালের হাতে । সমুখেই পৌষ-সংক্রান্তিতে রাখাল লক্ষীদেবীকে পূজা করিল । ওই ধানকেই স্থাপিত করিল সিংহাসনে, সিন্দূর-কঙ্কলে বসনে-ভূষণে তাহাকে বিচিত্র শোভায় সাজাইল, সমুখে স্থাপন করিল জলপূর্ণ ঘট, ঘটের মাথায় দিল ডাব—আমের পল্লব । রাজকন্যা ঐ ধান ভানিয়া চাল করিলেন, চাল হইতে প্রস্তুত হইল সেই নানাবিধ স্নাত্ত,—ঘূতে-অন্নে ঘৃতান্ন, দুধে-অন্নে মিষ্টান্ন-পায়সান্ন-পরমান্ন, হরেক রকমের পিঠা লক্ষচাকলি, তাঁহার সঙ্গে পঞ্চপুষ্পে গুণে-দীপে চন্দনে গন্ধে দেবীর পূজা করিয়া রাখাল ও রাজকন্যা দেবীর স্তোত্র দিয়া সর্বাগ্রে দিলেন কৃবাণকে, রাখালকে—নিজের স্বামীকে, ঘরের জনকে—তাহার পর বিলাইলেন পাড়া প্রতিবেশীকে, হেলে বলদ, গাই গরু ছাগল-ভেড়া—এমন কি বাড়ীর উল্লিষ্টভোজী কুকুরটা পর্বস্ত প্রসাদ পাইল ।

লক্ষীদেবী মূর্তিমতী হইয়া দেখা দিলেন, আপন পরিচয় দিলেন, বর দিলেন, তোমার মতো এই পৌষ-সংক্রান্তিতে যে আমার পূজার্চনা করিবে—তাহার ঘরে আমি অচলা হইয়া বাস করিব । পৃথিবীতে তাহার কোন অভাব বা কোন দুঃখ থাকিবে না । পরলোকে সে করিবে বৈকুণ্ঠে বাস ।

ব্রত-কথাটি মনে মনে শ্রবণ করিতে করিতে আশা-আকাঙ্ক্ষায় বুক বাঁধিয়া পরিতুষ্ট মনেই পদ্ম লক্ষীর আয়োজন আরম্ভ করিল। ঘর-দুয়ার, থামার হইতে গোয়াল পর্বন্ত আলপনা আঁকিয়া এবার সে যেন একটু বেশী বিচित्रিত করিয়া তুলিল, দুয়ার হইতে আঁটনিার মধ্যস্থল পর্বন্ত আলপনার আঁকিল চরণ-চিহ্ন। ওই চরণ-চিহ্ন। ওই চরণ-চিহ্নে পা ফেলিয়া লক্ষী ধরে আসিবেন। ঘরের মধ্যস্থলে সিংহাসনের সম্মুখে আঁকিল প্রকাণ্ড এক পদ্ম। অপক্লপ তাহার কারুকার্য। মা আসিয়া বিজ্ঞাম করিবেন। শাঁক ধূল, ধূপ বাহির করিল, প্রদীপ মার্জনা করিল, সিন্দূর রাখিল, কাজল পাড়িল। এদিকের আয়োজন শেষ করিয়া গুড়ে-নারিকেল, গুড়ে-ডিলে মিষ্টান্ন প্রস্তুত করিবে, দুধ জাল দিয়া স্কীর হইবে। কত কাজ, কত কষ্ট! কাজের কি অন্ত আছে? আজ যদি তাহার একটা ছোট মেয়ে থাকিত, তবে সে-ই জিনিসপত্রগুলি হাতে হাতে আগাইয়া দিতে পারিত। সহসা তাহার মনে পড়িয়া গেল—আলপনার কাজে তাহার একটা ভুল হইয়া গিয়াছে। চণ্ডীমণ্ডপে পৌষ-আগলানোর আলপনা চাই—সেটা দেওয়া হয় নাই।

একমুহুর্তে সে দাঁড়াইয়া ভাবিয়া লইল। মনে পড়িল, অনিরুদ্ধ তখন বলিতেছিল, চণ্ডীমণ্ডপে তাহার কেহ থাকিবে না, তাহার পৌষ-আগলানো পর্ব হইবে তাহার বাড়ীর দুয়ারে!

না, সে হইবে না। পদ্ম তাহা করিবে না, করিতে দিবে না। ‘মা কালী, বাবা বুড়োশিবের চরণতল ওই চণ্ডীমণ্ডপ ছাড়িয়া,—না, সে হইবে না।’ পদ্ম আলপনা গোলায় বাটী হাতে চণ্ডীমণ্ডপ অভিমুখেই বাহির হইয়া গেল।

চণ্ডীমণ্ডপের সামনে দাঁড়াইয়া পদ্মের বিন্দয়ের আর অবধি রহিল না। এ কি সেই চণ্ডীমণ্ডপ? কোন্ যাদুকরের মায়াদণ্ডের স্পর্শে তাহার আমূল পরিবর্তিত হইয়া গিয়া এমন অপক্লপ-শোভায় হাসিতেছে! এ যে সব পাকা হইয়া গিয়াছে। পথ হইতে চণ্ডীমণ্ডপে উঠিবার পাকা সিঁড়ির দুই পাশে দুইটি হাতীর শুঁড় সিঁড়িগুলিকে বেটন করিয়া যেন ধরিয়া রাখিয়াছে। বগীতলার বকুল গাছটির চারিপাশ পাকা গোল বেদী করিয়া বাঁধানো। চণ্ডীমণ্ডপের মেঝে পাকা হইয়াছে, মসৃণ সিমেন্টের পালিশ ঝকঝক করিতেছে। ধামগুলিতে পলস্তার করা হইয়াছে। তাহাতে দুধবরণ কলি-চুন দেওয়া হইয়াছে। ওপাশে নূতন একটা কুয়া। পদ্ম মনে পড়িয়া গেল—এসব শ্রীহরি ঘোষের কীর্তি! সে একটা দীর্ঘনিঃশ্বাস ফেলিয়া আলপনা আঁকিতে বলিল। ‘পৌষ পৌষ পৌষ, বড় ঘরের মেঝের এসে বস’—একটা ধর আঁকিতে হইবে। মরই আঁকিতে হইবে। ‘এস পৌষ বস তুমি, না যেও ছাড়িয়া।’ পৌষ মাস তো শ্রীহরির, তাহাদের আবার পৌষ মাস কিসের।

—কে গা, কে তুমি? একরাশ আলপনা যেন দিও না, বাছা। মুঠো মুঠো খরচ করে একজন বাঁধিয়ে দিলে—আর তোমরা তো আপনার কল্যাণ করে চাল-গোলা চালছ। এর পর যোবে মুছবে কে?

পদ্ম মুখ কিরাইয়া দেখিল, শ্রীহরির মা পথের উপর হইতে চীৎকার করিতেছে। পদ্ম

প্রতিবাদ করিতে পারিল না। শ্রীহরির মায়ের একথা বলিবার অধিকার আছে বইকি ! সে কোনমতে আলপনা শেব করিয়া চলিয়া আসিল।

বাড়ী ঢুকিতে গিয়াই দেখিল, দেবু তাহাদেরই বাড়ী হইতে বাহির হইয়া আসিতেছে। ঘোমটা টানিয়া সে একপাশে সরিয়া দাঁড়াইল। দেবুর পিছনে বাড়ীর দরজার দাঁড়াইয়া ছিল অনিরুদ্ধ। দেবু হাসিয়া পদ্মকেই বলিল—কাল তাহলে পণ্ডিতগিরীর কাছে লক্ষ্মীর কথা শুনেতে যেনো মিতেনী। সে বলে দিবেছে।

পদ্ম অবগুষ্ঠিত মস্তকে সায় দিয়া ইঙ্গিতে জানাইল, সে যাইবে।

দেবু চলিয়া গেল।

অনিরুদ্ধ বলিল—পণ্ডিত এসেছিল ; কার কাছে শুনেছে, লক্ষ্মীর উষ্ম হইয়াছে নাহি আমার, তাই ছুটো টাকা দিবে গেল। এমন মাহুষ আর হয় না ! কিছুক্ষণ চুপ করিয়া থাকিয়া একটা দীর্ঘনিশ্বাস ফেলিয়া সে আবার বলিল, কিন্তু সংসারে বাড়-বাড়ন্ত তো ওর হবে না, হবে ছিরের।

পদ্ম চুপ করিয়া রহিল। সে-ও একটা দীর্ঘনিশ্বাস ফেলিল।

অনিরুদ্ধ আবার প্রশ্ন করিল, আর কিছু আনতে হয় তো বল ?

—না।

—তবে নে, কাজগুলো সেয়ে নে। আগে একবার তামুক সেজে দে দেখি।

অনিরুদ্ধকে তামাক সাঙ্গিয়া দিয়া সে উনানে কড়া চড়াইয়া আরম্ভ করিল গুড়-নারিকেলের পাক। তাহার অন্তর আবার দুঃখের আক্ষেপের আবেগে ভরিয়া উঠিয়াছে। দেবু পণ্ডিতের কথা ছাড়িয়াই দিতে হইবে—পণ্ডিত সত্যই দেবতার মত মাহুষ ! কিন্তু ওই দুর্গা, তাহারও দয়াদর্শ আছে, ভালবাসা আছে, রাগাদিদির মত ক্রোধ, সেও পুণ্যকর্ম করে। শ্রীহরি ঘোষের কীর্তি—তাহার মহত্ত্ব দেখিয়া সে তো অবাক হইয়া গিয়াছে। কিন্তু তাহাদের জীবনে কি হইল !

দুঃখ তাহার নিজের অন্ত, কিন্তু আজ সে হিংসা কাহাকেও করিল না। বরং সকলকেই সে প্রজ্ঞা নিবেদন করিল। আর বার বার কামনা করিল, মাগো ! দুঃখ আমার দূর কর। সম্মানে-সম্পদে আমার ঘর ভরিয়া দাও, আমি বোড়শোপচারে তোমার পূজা দিব, আঙ্গুল কাটিয়া প্রদীপের সলিতা করিব, চুল কাটিয়া চামর রাখিয়া সে চামরে তোমার বাতাস করিব, বুক চিরিয়া রক্ত দিয়া সেই রক্তে তোমার পায়ে আলতা পরাইব। তোমার পূজার পঞ্চ-শব্দের বাজনা করিব, পটুবস্ত্রের চাঁকোরা টানাইব। রূপার সিংহাসনে সোনার ছাতার তলার তোমাকে বসাইব ; আত্মীয়-বন্ধন, পাড়া-পড়শী, ধীন-দুঃখী, পত্ন-পক্ষীকে বিতরণ করিব তোমার প্রসাদ—এক-অন্ন, পঞ্চাশ-ব্যঞ্জন !

অনিরুদ্ধ বাড়ীর বাহির হইতেই ব্যস্তমস্ত হইয়া ব্যগ্র কণ্ঠে ডাকিল—পদ্ম ! ও পদ্ম !

পদ্ম চমকিয়া উঠিল। কি হইল আবার ?

অনিকঙ্ক ধরের ভিতর ঢুকিয়া বলিল—কড়াইটা নামিয়ে রেখে আমার সঙ্গে আর বেধি।

—কেন ?

—পণ্ডিতকে ধরে নিয়ে গেল। পণ্ডিতের বাড়ী যাব।

—ধরে নিয়ে গেল ? কে ?

—সেটেলমেন্টের হাকিম পরোয়ানা বার করেছিল ; থানা থেকে লোক এসে ধরে নিয়ে গেল।

—সেটেলমেন্ট ! সেটেলমেন্ট ! উঃ—কোথা হইতে ইহারা আসিয়া গ্রামখানার খুঁটি ধরিয়া কাঁকি দিয়া সর্ব অঙ্গ-স্বাধীন-মন এমন করিয়া অস্থির অবশ করিয়া দিল। নিত্য নৃতন নোটিশ, নৃতন ভকুম ! তকমা-আটা পিওনগুলোর যাওয়া-আসার বিয়ায় নাই। পথে-বাটে সাইকেলের পর সাইকেল চলিয়াছে। কিন্তু হায় হায় একি কাণ্ড ! দেবু পণ্ডিতের মত লোককে তাহারা ধরিয়া লইয়া গেল।

সভেরো

দেবু ঘোবের বিরুদ্ধে অভিযোগ একটি নয়। সরকারী জরিপের কাজে বাধা দেওয়া ও সার্ভে ভিপার্টমেন্টের কর্মচারী আমীনকে প্রহার করার অপরাধে সে অভিযুক্ত হইয়াছে। হানীর সেটেলমেন্ট-অফিসারের নির্দেশমতো এখানকার থানার এ্যাসিস্ট্যান্ট সাব-ইন্সপেক্টর একজন কনস্টেবল লইয়া আসিয়াছে। গ্রাম্য চৌকিদার ভূপালও তাহাদের সঙ্গে আছে। তাহারা চণ্ডীমণ্ডপে অপেক্ষা করিতেছিল। দেবু অনিরুদ্ধের বাড়ী হইতে আসিবামাত্র তাহাকে গ্রেপ্তার করিয়াছে। এখন হাতে হাতকড়ি দিয়া লইয়া যাওয়া হইবে। আজ রাত্রিতে থাকিবে হাজতে, কাল সকালে সেটেলমেন্ট-অফিসারের নিকট হাজির করা হইবে। তিনি ইচ্ছা করিলে জামিন দিবেন কিংবা বিচারধীন আসামী হিসাবে তাহাকে সদর জেলে পাঠাইবেন। আবার ইচ্ছা করিলে সঙ্গে সঙ্গে বিচারের দিন ধার্য করিয়া নিজে বিচার করিবেন। দেবুকে লইয়া তাহারা চণ্ডীমণ্ডপেই বসিয়া আছে।

দেবুও চুপ করিয়া মাথা হেঁট করিয়া বসিয়াছিল। মাথার ভিতরটাই কেমন যেন শূন্য হইয়া গিয়াছে ; কিসে কি হইয়া গেল তাহা চিন্তা করিবার শক্তি পর্যন্ত নাই। শুই সে ভাবিতে পারিল যে, যাহা সে করিয়াছে—ভালই করিয়াছে ; এখন যাহা হইবার হইয়া যাক !

দেখিতে দেখিতে গ্রামের গ্রাম সকল লোকই জমিয়া গেল। শ্রীহরি ও দাশজী গোমস্তা, ছোট দারোগা সাহেবের পাশেই বসিয়া আছে। মধ্যে মধ্যে মুহূর্তে তিন জনে কথাও হইতেছে। হরিণ আসিয়াছে, ভবেশ আসিয়াছে, হরেন ঘোষাল, মুন্সে ঘোষ, কীর্তিবাস মণ্ডল, নটবর পাল ও গ্রামের দোকানী বন্দাবন, রাখনারায়ণ ঘোষ এমন কি এই শ্রীহর

সন্ধ্যার বন্ধ ঝাংকা চৌধুরীও আসিয়া উপস্থিত হইয়াছে। জগন ভক্তার দেবুর পাশে বসিয়া আছে। প্রগলভ জগনও আজ স্তব্ধ, বিধর—এমন আকস্মিক অভাবনীর পরিণতিতে সেও হতভম্ব হইয়া গিয়াছে। একপাশে গ্রামের হরিজনদের দাঁড়াইয়া আছে। লতীশ, পাতু সকলেই আসিয়াছে। দুর্গা বসিয়া আছে বটীতলার একপাশে—একা, নীহবে, মাটির পুতুলের মতো।

চীৎকার করিতেছে কেবল বুড়ী রাঙাদিদি। চতীমণ্ডলের ওপাশে গ্রামের প্রবীণারা পৰ্যন্ত আসিয়া দাঁড়াইয়াছে। তাহাদের সম্মুখে দাঁড়াইয়া রাঙাদিদি বলিতেছিল—এ একেবারে হাতে করে মাথা কাটা! দারোগা! দারোগা হয়েছে তো সাপের পাচ পা দেখেছে। বলি ই্যা গো দারোগা, চুরি না জোচ্চুরি না ডাকাতি, কি করেছে বাছা যে, এই দিন লক্ষ্যবেলা—রাতপোয়ালে লক্ষী—তুমি বাছার হাতে দড়ি দিতে এলে?

হরিশ বলিল—ওগো রাঙা পিসি, তুমি থাম।

—কানে? থামব কানে? দেখব একবার কত বড় ওই দারোগা মিনসে।

একবার ধমক দিয়া শ্রীহরি বলিল—রাঙাদিদি, তুমি থাম। যা হয় আমরা করছি, তুমি একটু চুপ কর। তোমরা মেয়ে-লোক—

—মেয়ে-লোক! আমার সাড়ে-তিনকুড়ি বয়স হ'ল—আমি আবার মেয়েলোক কি রে? একশোবার বলব, হাজারবার বলব; আমাকে কি করবে? বাঁধবি তো বাঁধ কানে, দেখি। পণ্ডিতের মতন লোককে দড়ি দিয়ে বাঁধছিল—আমাকেও বাঁধ'। সে বাঁধ! আহা, পণ্ডিতের মতন মানুষ, দেবুর মত ছেলে—! বুড়ী অকস্মাৎ কাঁদিয়া ফেলিল।

দেবু এবার নিজে উঠিয়া আসিয়া বলিল—একটু চুপ কর, রাঙাদিদি, আমি তোমার কাছে হাত জোড় করছি।

বুঝা সন্নেহে তাহার মাথায় হাত বুলাইয়া বলিল—আমি তোকে আশাবাদ করছি। তাই, সন্নেহ তোকে দেখবামাত্র ছেড়ে দেবে, চেয়ারে বসিয়ে বলবে—পণ্ডিত লোক, তোমাকে কি জেহেল দিতে পারি বাপ!

দেবু হাসিল।

শুদিকে ব্যাপারটাকে চাপা দিয়া কোশলে মুক্তিলাভ করাইবার কথাবার্তা হইতেছিল। শ্রীহরি যেন তাহার অগ্রণী, সঙ্গে জমিদারের গোমস্তা দাঁশী আছে। ছোট দারোগা শ্রীহরি যোষের কিছু লোক, শ্রীহরি তাহাকেই ধরিয়াছে। প্রত্যক্ষভাবে না হইলেও পরোক্ষভাবে দেবু শ্রীহরির বিরোধীপক্ষ; অন্তরে অন্তরে দেবু তাহাকে ঘৃণা করে—তাহা শ্রীহরি জানে। কিন্তু গ্রামের প্রধান ব্যক্তি হিসাবে শ্রীহরি আজ দেবুর পক্ষ অবলম্বন না করিয়া পারে না। সে থাকিতে তাহার গ্রামবাসী—বিশেষ করিয়া তাহার জাতি একজনকে হাতে দড়ি দিয়া লইয়া গেলে লোকে কি বলবে? সে ছোট দারোগাকে খুশী করিয়া একটা উপায় উদ্ভাবনের চেষ্টা করিতেছে।

ছোট দারোগা বলিল—পেশকারের কাছে যাও, ধরে-পেড়ে হয়ে যাবে একরকম করব।

যে আমিন-কানুনগোর সঙ্গে ঝগড়া হয়েছে—তাদেরই খুশী কর, বিনয় করে মাক চেয়ে নিক দেবু ঘোষ, দাস—মিটে দাবে। এ তো আকছার হচ্ছে।

শ্রীহরি বলিল—খুড়োর যে আমার বেজার মাথা গরম গো—আমি প্রথম দিন তনেই বলে পাঠিয়েছিলাম,—খুড়ো, একবার কানুনগো বাবুর সঙ্গে দেখা করে ব্যাপারটা মিটিয়ে এস। রাজকর্মচারী—তুই-তুকারি করলে তো হ'ল কি ?

ভবেশ অমনি বলিয়া উঠিল—এ্যাই, গায়ে তো আর ফোকা পড়ে নাই।

শ্রীহরি বলিল—যখন ঘটনা ঘটল, তখন তখনি জানতে পারলে তো সে ডেউ আমিই তখনি মেরে দিতাম—ব্যাপারটা মিটিয়ে দিতাম। আমি যে অনেক পরে শুনলাম।

ব্যাপারটা এই ভাবে ঘটয়া গিয়াছিল। এও সেই তুই-তুকারি লইয়া ঘটনা।

দেবু আপনার দাওয়ার বসিয়া ছিল—তখন বেলা প্রায় বারোটা। সাইকেলে চড়িয়া সন্মুখের পথ দিয়া যাইতেছিল একজন কানুনগো। বোধ হয় বহুদূর হইতে আসিতেছিল—শীতের দিনে এক গা ঘামিয়া ধুলায় ও ঘামে আচ্ছন্ন এবং ক্লান্ত হইয়া পড়িয়াছিল ভদ্রলোক; দেবুকে দেখিয়া সাইকেল হইতে নামিয়াই সম্ভাষণ করিল—এই! ওরে! এই শোন!

এই সম্ভাষণ শুনিলেই দেবু ক্ষিপ্তপ্রায় হইয়া উঠে; তাহার তিত্ত কটু অতীতের স্মৃতি জাগিয়া উঠে। তবু লোকটির মাথায় টুপি, সাদা সার্ট, খাকি হাকপ্যাণ্ট ও সাইকেল দেখিয়া সরকারী কর্মচারী অহুমান করিয়া সে চুপ করিয়াই রহিল।

—এই ইভিয়েট, শুনতে পাচ্ছিস ?

এবার দেবু জ্র কৃষ্ণিত করিয়া লোকটির দিকে চাহিল—ইচ্ছা ছিল কোন উত্তর না দিয়াই সে উঠিয়া গিয়া বাড়ীর ভিতরে ঢুকিবে, উত্তর দিবে না, ওই লোকটার কোন কথাই শুনিবে না। কিন্তু উঠিতে-উঠিতেও একবার সে লোকটির দিকে না চাহিয়া পারিল না।

চোখোচোখি হইতেই কানুনগো বলিল—যা, এক গ্লাস জল আন দেখি। বেশ ঠাণ্ডা জল। পরিষ্কার গ্লাসে, বুঝি ?

দেবু বিপদে পড়িয়া গেল। তৃষ্ণার জলের লগ্ন এই আবেদন অভঙ্গ হইলেও—সে 'না' বলিতে পারিল না। তবুও সে মুখে কোন কথা বলিল না, ঘরের ভিতর হইতে একটা মোড়া আনিয়া দাওয়ার রাখিল; পিচবোর্ডে তৈয়ারী একখানা পাখা আনিয়া দিল। ঐগুলির মারফতেই নীরব আমন্ত্রণ জানাইয়া সে বাড়ীর ভিতর চলিয়া গেল। কিছুক্ষণ পরই এক হাতে ককককে মাজা একখানি খালায় একটি বড় কদমা ও এক গ্লাস জল এবং অগ্ন হাতে একটি বড় ঘটির এক ঘটি জল ও পরিষ্কার একখানি গামছা আনিয়া হাজির করিল।

লোকটি হাত-মুখ ধুইল, গামছা আগাইয়া দিলে বাঁ হাত দিয়া কানুনগো গামছাখানা সরাইয়া দিল। হাত মুখ মুছিয়া ফেলিল সে আপনার কুমালে; তার পর কদমাটার খানিকটা ভাঙিয়া মুখে দিয়া বোধ হয় চাখিয়া দেখিল। কদমাটা টাটকা কদমা, বেশ ভালই লাগিবার কথা! লাগিলও বোধ হয় ভাল; কারণ গোটা কদমাটাই নিঃশেষ করিয়া জল খাইয়া কানুনগো পরিতৃপ্তির একটা নিঃশ্বাস ফেলিল—আঃ।

দেবু ইতিমধ্যে ভিতরে গিয়াছিল। পান বা মসলা আনিতে ভুল হইয়া গিয়াছিল।
বিলুকে বলিল—হুপারি লবঙ্গ আর দুটো পান দাও দেখি! শীগগির।

পান সাজাই ছিল। একটুকরা পরিষ্কার কলাপাতার উপর দুইটি পান ও হুপারি, লবঙ্গ সাজাইয়া সে স্বামীর হাতে তুলিয়া দিল।

ঠিক এই সময়েই বাহির হইতে ডাক আসিল—ওরে! এই ছোকরা!

দেবু আর সহ্য করিতে পারিল না। পানের পাতাটা সেইখানেই ফেলিয়া দিয়া বাহিরে আসিয়া সে বলিল—কিরে, কি বলছিস?

এমন অতর্কিত রূঢ় প্রত্যুত্তরের জন্য কাহ্ননগো প্রস্থত ছিল না। বিস্ময়ে ক্রোধে প্রথমে সে কয়েক মুহূর্ত হতবাক হইয়া রহিল, তারপর বলিল—হোয়াট! আমার তুই-তুকারি করিস?

নির্ভয়ে দেবু উত্তর দিল—সে তো তুই-ই আগে করলি।

—কি নাম তোর স্তনি? তারপর দেখছি তোকে!

—দেবু তাহার মুখের দিকে চাহিল, তারপর নির্ভয়ে বলিল—আমার নাম শ্রীদেবনাথ ঘোষ! তাহার দিকে আগাইয়া গিয়া বলিল—কি করবি কর!

কাহ্ননগো বিনা বাক্যব্যয়ে চলিয়া গিয়াছিল।

ওদিকে জরিপ স্থগিত রাখিবার জন্য শ্রীহরিদের দরবারে বিশেষ ফল হয় নাই; ধান কাটিবার জন্য মাত্র আর সাতদিন সময় মঞ্জুর হইয়াছিল। কিন্তু পৌষের চৌদ্দদিনের মধ্যে বিস্তীর্ণ মাঠের ধান কাটা ও তোলা অসম্ভব ব্যাপার। অসম্ভব কোনমতেই সম্ভবই হয় নাই। হইয়াছে কেবল শ্রীহরির এবং আর জন দুই-তিনের—হরিশ দোকানী বৃন্দাবন দত্ত এবং রূপণ হেলারাম চাটুয্যের। তাহাদের পরমা আছে, বহু নগদ মজুর নিযুক্ত করিয়া তাহার কাজ শেষ করিয়াছে। বাকী লোকের পাকাধানের উপর দিয়াই জরিপ চলিতে আরম্ভ করিল। সরকার হইতে অবশ্য যথাসম্ভব সাবধান অবলম্বন করিয়া ধান বাঁচাইয়া আইলের উপর দিয়া কাজ করিতে নির্দেশ রহিল।

দেবু প্রথম দিন মাঠে গিয়া দেখিল—সার্ভে-টেবিলের ধারে দাঁড়াইয়া আছে সেই কাহ্ননগো লোকটি। কাহ্ননগোও দেবুকে দেখিল। দুজনের চিত্তই তিক্ত হইয়া উঠিল। কাহ্ননগো লোকটি ডিসপেন্টিক, অত্যন্ত ক্লক মেজাজের লোক, লোকজনের সঙ্গে রূঢ় ব্যবহার করা তাহার স্বভাব। দেবু সাবধানে তাহাকে এড়াইয়া চলিতে আরম্ভ করিল। কিন্তু কয়েক দিনের মধ্যেই কয়েকটা ক্ষুদ্র ব্যাপার উপলক্ষ করিয়া কাহ্ননগো তাহাকে ক্যাম্প হাজির হইতে নোটিশ দিল।

তিক্তচিত্তে দেবু অত্যন্ত ক্রুদ্ধ হইয়া উঠিল। সে স্থির করিল—যাহা হয় হউক, সে কিছুতেই ওই কাহ্ননগোর সম্মুখে হাজির হইয়া হাত জোড় করিয়া দাঁড়াইবে না।

কাহ্ননগো স্বেয়োগ পাইয়া এই অসুপস্থিতির কথা সেটেলমেট-ডেপুটিকে রিপোর্ট করিল। ডেপুটি সাহেব নোটিশগুলি দেখিয়া একটু বিস্মিত হইলেন। এই ভুলে কারণে নোটিশ করা

হইয়াছে ? তাহার উপর তিনি এই কানুনগোটির স্বতাবও জানিতেন । তবুও আইনানুযায়ী দেবুকে নোটিশ করিলেন । দেবু এ নোটিশও অস্বীকার করিল । তারপরই ওয়ারেন্ট হওয়ার নিয়ম । একিকে ঠিক এই সময়েই এক চরম ব্যাপার ঘটিয়া গেল ।

দেবুরই একটা জমি পরিমাপের সময় কানুনগোর সঙ্গে তাহার বচসা আরম্ভ হইল । দেবু জমির রসিদ আনে নাই । বচসার উপলক্ষ তাই । কথার উত্তর দিতে দিতেই দেবু নজর পড়িল,—তাহার জমির ঠিক মাঝখানে পাকা ধানের উপর জরীপের শিকল টানা হইতেছে । সে ভাবিল—এটাও কানুনগোর ইচ্ছাকৃত ব্যাপার । কিন্তু সত্য বলিতে কি এটা কানুনগোর ইচ্ছাকৃত ছিল না, দেবুর জমিটার আকারই এমন অসমান যে, মাঝখানে প্রস্থের একটা মাপ না লইয়া উপায় ছিল না । রাগের মাথায় ভুল বুঝিয়া দেবু চরম কাণ্ড করিয়া বসিল । জরীপের চেন চানিয়া তুলিয়া ফেলিয়া দিল । কানুনগো সঙ্গে সঙ্গে টেবিল শিকল লইয়া মাঠ হইতে উঠিয়া একেবারে ডেপুটির ক্যাম্পে হাজির হইয়া রিপোর্ট করিল ।

ডেপুটিবাবু সত্যকারের ভদ্রলোক, তিনি বাংলার চাষীর নিরীহ প্রকৃতির কথা জানেন, তিনিও এই দেশেরই মাহুষ ; তিনি অবাক হইয়া গেলেন । কিন্তু কানুনগোর বন্ধু পেশকারটি ধুরন্ধর লোক, সে তাঁহাকে পরিকার বুঝাইয়া দিল—লোকটা ওই জে. এল. ব্যানার্জীর শিষ্য ।

ডেপুটি আর উপেক্ষা করিতে পারিলেন না ।

তারপরই এই পরিশোধি ! একেবারে ওয়ারেন্ট অব ম্যারেন্ট !

শ্রীহরি সত্যই বলিয়াছে—সে কয়েকবারই অহুরোধ করিয়াছে—খুড়ো, চল তুমি, আমি তোমার সঙ্গে যাচ্ছি, কানুনগোকে আমি নরম করে এনেছি ; তুমি একবারটি গেলেই সব মিটে যাবে ।

দেবু বলিয়াছে—না ।

জগন বলিয়াছে—পণ্ডিত, তুমিও একটা দরখাস্ত কর, সমস্ত ব্যাপার জানিয়ে দাও সি. ও. কে. ; ডি এল আর কে-ও একটা দরখাস্ত কর ।

দেবু বলিয়াছে—না, থাক ।

বিলু শক্তি, উদ্বিগ্নমুখে প্রশ্ন করিয়াছে—হ্যাঁ গো, কি হবে ?

দেবু হাসিয়াছে—যা হয় হবে ।

ঘাছা হইবার হইয়া গেল ।

* * * *

শ্রীহরি দেবুর কাছে আসিয়া বলিল—ছোট দাবোগাকে রাজী করিয়েছি, খুড়ো । প্রথমে কানুনগোর ক্যাম্পে যাবে, সেখানে ব্যাপারটা মিটিয়ে নিলে, কানুনগোর চিঠি নিয়ে যাবে সার্কেল ডেপুটির কাছে । কেস খান্দিজ হয়ে যাবে, আমরা বাড়ী চলে আসব ।

দেবু বলিল—না ।

—না কি গো ?

—সে আমি ঘাব না, ছিঁক ।

—কল কি হবে, ভাবছ তা ?

—যা হয় হবে । দেবু এবারও হাসিল ।

শ্রীহরি গভীর দুঃখের সঙ্গে একটা দীর্ঘনিঃশ্বাস ফেলিয়াও বিরক্তি সম্বরণ করিতে পারিল না, বলিল—কাজটা কিছ ভাল করছ না, খুড়ো ।

দাশজী বলিল—তা হলে আমরা আর কি করব বল ?

মজলিস-মুদ্র লোকই সম্বন্ধে বলিল—আমরা আর কি করব বল ?

কেবল মজলিসের সঙ্গে সায় দিল না তিনজন—জগন ভাক্তার, অনিরুদ্ধ আর হরেন ঘোষাল । হরেন ঘোষালের অভ্যাস সকলের আগে কথা বলা, কিন্তু সে আজ কিছু না বলিয়াই দ্রুতপদে উঠিয়া চলিয়া গেল ।

জগন বলিল—ভেবো না দেবু ভাই ! কাল যদি কেস না করে হাজতী আসামী করে জেল পাঠায়, তবে সদরে গিয়ে মোক্তার এনে মামলা লড়ব । আর যদি কালই বিচার করে জেল দেয়, তবে সদরে আগীল করব । জামিন সঙ্গে সঙ্গে হবে ।

দেবু বলিল—শতখানেক টাকা আমার পোষ্ট আপিসে আছে, বিলুর কাছে ফরম শই করে দিয়েছি । দরকারমতো টাকা বার করে নিয়ো । মামলা করে কিছু হবে না জানি, কিন্তু জেরা করে আমি সব একবার ফাঁস করে দিতে চাই ।

অনিরুদ্ধ অত্যন্ত কাতরস্বরে বলিল—দেবু ভাই, তার চেয়ে মামলা মিটিয়ে ফেল ।

হাসিয়া দেবু বলিল—তুমি একটু সাবধানে থেকো, অনি ভাই । ডাক্তার ওকে তুমি একটু দেখো ।

ছোট দারোগা বলিল—সন্ধ্যা হয়ে গেল । কি ঠিক হল আপনাদের ?

দেবু উঠিয়া দাঁড়াইল—চলুন, আমি তৈরী ।

ছোট দারোগা ভাকিল—ভূপাল ! রামকিষণ !

—একটুকুন দাঁড়ান, দারোগাবাবু ! কোথা হইতে আসিয়া হাত জোড় করিয়া দাঁড়াইল দুর্গা ।

দেবুকে বলিল—আর একবার বিলুদিদির সঙ্গে দেখা করে যাও পণ্ডিত ।

দারোগা বলিল—যান, দেখা করে আসুন ।

মুথরা দুর্গা আজ নীরব, হইয়া দেবুর আগে আগে পথ চলিতেছিল ।

দেবু বলিল—দুর্গা, তুই কিন্তু ওদের একটু দেখিস, একটু খোজখবর নিস ।

অগ্রগামিনী শুধু নীরবে ঘাড় নাড়িয়া শায় দিল ।

বিলু কান্ডিতেছিল । দেবু চোখ মুছাইয়া দিল । তারপর শুধু করটা কাপের কথাই বলিল—পোষ্ট আপিসের টাকাগুলো ভুলে এনে নিজের কাছে রেখো । ডাক্তার যা চাইবে দিও মামলার জন্তে । সাবধানে থেকো । খান-পান হিসেব করে নিয়ো । নিজেই তুমি হিসেব করে নিয়ো ।

তুমি তো হিসেব জানো। মন খারাপ করো না। খোকার তার তোমার ওপর রইল—ঘর-দোর সব। তুমি আমার ঘরের লক্ষী, তুমি চকল হলে তো চলবে না; তোমার থাকতে হবে অচলা হয়ে।

বিলু একটি কথাও বলিতে পারিল না।

দেবু হাসিয়া সব শেষে তাহাকে বুকে টানিয়া লইয়া প্রগাঢ় আবেগে একটি চুখন দিয়া ঘর থেকে বাহির হইয়া আসিল।

বাহিরে ছিল পদ্ম ও দুর্গা। দেবু বলিল—মিতেনী, তুমি রইলে, দুর্গা রইল; বিলুকে তোমরা একটু দেখো।

সে চণ্ডীমণ্ডপে আসিয়া বলিল—চলুন।

—ওয়েট! চণ্ডীমণ্ডপে নাটকীয় ভাবে প্রবেশ করিল হরেন ঘোষাল। তাহার হাতে একটি অতি সুন্দর গাঁদা ফুলের মালা। মালাখানি সে দেবুর গলায় পরাইয়া দিয়া উত্তেজিত আবেগে চীৎকার করিয়া উঠিল—জয়, দেবু ঘোষের জয়!

মুহুর্তে ব্যাপারটার চেহারা পান্টাইয়া গেল।

দারোগা ঘাইবার জন্ত ব্যস্ত হইয়া উঠিল। ফুলের মালা ও জয়ধ্বনিতে দেবুর পা হইতে মাথা পর্যন্ত একটা অদ্ভুত শিহরণ বহিয়া গেল। বুকের মধ্যে যে ক্ষীণতম দুর্বলতার আবেগটুকু স্পন্দিত হইতেছিল—সেটুকুও আর রহিল না, তাহার পরিবর্তে ভাঁটার নদীর বুকে জোয়ারের মত একটা বিপরীতমুখী উচ্ছ্বসিত আবেগ আসিয়া তাহাকে ফীত প্রশস্ত করিয়া তুলিল। সঙ্গে সঙ্গে সমবেত জনতা দারোগা কনস্টেবলের উপস্থিতি সম্পর্কে সচেতন থাকিয়াও প্রতিধ্বনি তুলিল—জয়, দেবু ঘোষের জয়। দৃঢ় দীর্ঘ পদক্ষেপে দেবু সম্মুখে অগ্রসর হইল।

*

*

*

লক্ষীপূজার আয়োজন করিতে বিলুর হাত উঠিতেছিল না। এক-অন্ন, পঞ্চাশ-ব্যাঞ্জে লক্ষীর পূজা। এই বেদনা বুকে লইয়া সে-আয়োজন কেমন করিয়া কি করিবে সে; কাহার জন্ত লক্ষী পাতিবে। পুরুষকে আশ্রয় করিয়াই নারীর বাস, নারায়ণের পাশে লক্ষীর আসন। দেহুই যখন আজ এই আয়োজনের মধ্যস্থলে উপস্থিত নাই, তখন—! বার বার তাহার চোখ কাটিয়া জল আসিতেছিল।

•

কিন্তু রাঙাদিদি আসিয়া বলিল—ভাবিস না ভাই, পণ্ডিত ভাই আজই কিরে আসবে। আর আমার পানে তাকিয়ে দেখ, তিনকুলে কেউ নাই, তবু তো পূজো করছি। তোর কোলে সোনার চাঁদ, দেবু আমার ফিরে আসছে—তোর পূজা না করলে চলে? দে, আমি বৎ তোর লক্ষী পেতে দিয়ে যাই। ওই চারিদিকে শাখ বাজছে—লক্ষী পাতা হয়ে গেল সব।

রাঙাদিদি কত বাহার করিয়া নিপুণ হাতে সাজাইয়া লক্ষী পাতিয়া দিয়াছে। লাল রেশমী কাপড়ে এমন করিয়া শান ও কড়িগুলি চাকিয়া দিয়াছে যে মনে হয় যেন ছোট্ট একটি বহু সিংহাসনের উপর বলিয়া আছে।

পদ্ম দুই-তিনবার আসিয়াছিল। দুর্গা তো সকাল হইতে বসিয়াই আছে, নড়ে নাই, শ্রীহরির মা-বউও আসিয়াছিল।

মা মৌখিক তত্ত্ব করিয়া গিয়াছে ; বউটি আনিয়াছিল একছড়া মর্তমান কলা, একটা খোড়, একটা মোচা—শ্রীহরির নূতন কাটানো পুতুরের পাড়ের ফসল। আর কতকগুলি মটরশুটি, একটা কপি,—বাড়ীতে লক্ষ্মী-পূজা উপলক্ষে শ্রীহরি শহর হইতে আনাইয়াছে। বউটি বলিয়া গিয়াছে—তুমি ভেবো না, শাশুড়ী ! তোমার ভাস্কর-পোঁ সকালেই গিয়েছে হাকিমের সঙ্গে দেখা করতে। খুড়শুভ্রকে সঙ্গে নিয়ে সে আজই ফিরে আসবে।

প্রায় প্রতি ঘরের মেয়েরা আসিয়া বিলুর তত্ত্ব লইয়া গিয়াছে। জগন ভাকারের স্ত্রী পাঁচবার আসিয়াছে। হরিজনেরা জনে-জনে আসিয়াছে। খেজুরগুড়ের মহলাদারটি খেজুর গুড় দিয়া গিয়াছে। সতীশ হইতে প্রত্যেকেই ছোট ছোট ঘটিতে কাঁচা-দুধ আনিয়া দিয়া গিয়াছে। আর প্রয়োজন নাই বলিলে শুনে নাই, বুঝে নাই ; উত্তরে বিবরণ মুখে বলিয়াছে—অপরাধ করলাম, মা ?

দুর্গা বলিল—বিলু দিদি কীর করে রাখ।

বিলু বলিল—কি হবে বল দেখি ? পচে যাবে তো।

—পচবে কেন ? দেখ না, জামাই ঠিক ঘুরে আসছে।

কয়েকটি বাড়ীর গুটিকয়েক কুমারী মেয়ে আসিয়া দাঁড়াইল। ঘড়া দাঁও, বউদিদি, জল এনে দি।

বিলুর ইহার সম্পর্কে নন্দ। বিলু মিষ্ট-হাসি হাসিয়া বলিল—জল আমি এনেছি তাই।

বিলু বলিল—বস, জল খাও।

—না। আমরা কাজ করতে এসেছি।

ইহাদের এই অকপট আত্মীয়তা বিলুর বড় ভাল লাগিল। এত আপনার জন তাহার আছে ! মাগুষ এত ভাল !

চণ্ডীমণ্ডপে তিনকূট ভোগের ঢাক বাজিলে তবে মেয়ে কয়টি গেল। চণ্ডীমণ্ডপে আজ তিনকূট সন্দেশে বাবা-শিব ও মা-কালীর ভোগ হইবে। ওখানে ভোগ হইলে, তবে বাড়ীতে লক্ষ্মীর ভোগ হইবে। বাউড়ী-ভোম-মুচীদের ছেলেরা চণ্ডীমণ্ডপে ভিড় জমাইয়া বসিয়া আছে এক টুকরা তিনকূটের জুজ। ইহার পর আবার বাড়ী বাড়ী পিঠা সাধিতে যাইবে।

বয়স্কেরা অনেকেই দেবুর জুজ সেটেলমেন্ট ক্যাম্পে গিয়াছিল। কিরিল প্রায় একটার সময়। সকলেই গম্ভীর, চিন্তাধিত। বিচার এখনও হয় নাই। তবে সবই বুঝা গিয়াছে। কিন্তু কি করিবে তাহারা ? সকলের চেয়ে গম্ভীর শ্রীহরি। আমিন শ্রীহরিকে ভাকিয়া স্পষ্টই বলিয়াছে—দেবুর পক্ষ লইয়া যে সাক্ষী দিবে, তাহার সহিত বুঝাপড়া হইবে পরে। কারণ সেবু কিছুতেই ক্ষমা চাহিতে রাজী হয় নাই।

মুকন্দীরা পরামর্শ করিয়া ঠিক করিয়াছে—তাহার চেয়ে কোন পক্ষেই সাক্ষ্য তাহারা দিবে না।

বাড়ী খালে নাই কেবল জনকয়েক,—জগন ভাস্কর, অনিরুদ্ধ, হরেন ঘোষাল, দ্বারকা চৌধুরী, তারা নাপিত। তাহারা বাড়ী কিরিল প্রায় সন্ধ্যার সময়—বিবর্ণ মুখে, মল্লর-পদে। দুর্গা পথে দাঁড়াইয়াছিল, সে প্রশ্ন করিল—কি হ'ল ভাস্করবাবু, চৌধুরী মশায়?

জগন বলিল—সমস্ত দিন বলিয়ে রেখে, সন্ধ্যাবেলায় দিন ফেলে সদরে চালান দিলে। বন্দমায়েসী আর কি!

—চালান দিলে?

—হ্যাঁ। কালই যাব আমি সদরে, জামিনে পণ্ডিতকে খালাস করে আনব।

কথাটা মিথ্যা। দেবুর এক বৎসর তিন মাস—পনেরো মাসের মেয়াদে জেল হইয়াছে। কাল জগন সদরে যাইবে আপীল করিবার জন্ত। দেবু কিন্তু আপীল করিতে বারণ করিয়াছে। সাক্ষীর অবস্থা দেখিয়া সে আপীলের ফলও আন্দাজ করিয়া লইয়াছে।

জগন গালিগালাজ করিয়াছিল গ্রামের লোককে। দ্বারকা চৌধুরী পর্যন্ত আত্মশয়রূপ করিতে পারে নাই। বৃদ্ধ দস্তহীন মুখে কম্পিত অধরে বলিয়াছিল—ভগবান এর বিচরা করবেন।

দেবু হাসিয়া বলিয়াছে—আপনি সেদিন যে গল্পটা বললেন—সেটা ভুলে গেলেন, চৌধুরী মশাই? মাহুঘের ভুল-চুক পদে পদে, আর একটা কথা চৌধুরী মশায়, এরা আমার পক্ষে সাক্ষী না দিক, বিপক্ষেও তো দেয় নাই!

অনিরুদ্ধ চীৎকার করিয়া উঠিয়াছিল—দিলে মাথায় বজ্রাঘাত হ'ত না?

জেলের কথাটা তাহারা চাপিয়া গেল; দেবুর স্ত্রীর কথা বিবেচনা করিয়াই প্রকাশ করিল না।

দুর্গা আসিয়া বিলুকে সংবাদ দিয়া বলিল—তোমার কাছে আমার মা শোবে, বিলু-দিদি।

বিলু বলিল—তুই থাক না দুগগা; বেশ দুজনে গল্প করব। আমি ঘরে শোব, তুই বারান্দার দোরটিকে শুবি।

দুর্গা বলিল—না বিলু-দিদি!

—কেন দুর্গা?

—আমায় ভাই, নিজের বিছানা নইলে ঘুম হয় না।

বিলু আর অহরোধ করিল না। ব্যাপারটা সে বুঝিল; একটু কেবল হাসিল, কিন্তু রাগ করিল না। মরিলেও নাকি মাহুঘের স্বভাব যায় না।

সমস্ত দিনটা কাটিল, কিন্তু সন্ধ্যা হইতে সময় আর কাটিতে চায় না। বিলু চুপ করিয়া বসিয়াছিল। 'সে' জেলে। সন্ধ্যায় গোটা গ্রামটায় শীখ বাজিয়া উঠিতে তাহার চমক ভাঙিল—ঘরে মা-সাক্ষী রহিয়াছেন, ধূপ-দীপ দিতে হইবে। মায়ের শীতল-ভোগের আয়োজন এখনো করা হয় নাই। দুর্গা ঘাইবার সময় বাড়ীর দ্বারালটাকে ডাকিয়া গিয়াছিল, হোঁড়াটা প্রচুর পরিমাণে পিঠা খাইয়া কাণড় মুড়ি দিয়া একপাশে অবসরে ঘুমাইতেছিল। বেচারীর

পেটটা ফুলিয়া বুকের চেয়েও উচু হইয়া উঠিয়াছে—হাঁস-কঁাস করিতেছে। ছোড়াটাও আশপাশের বাড়ীর শাঁখের শব্দে উঠিয়া বলিল, বলিল—সাঁজ লেগে গেইচে লাগছে। মনিব্যান, সাঁজ জাল গো, শাঁখ বাজাও, ধূপ-পিদীম দাও।

দীর্ঘনিঃশ্বাস কেলিয়া বিলু উঠিল। ছোড়াটা বলিয়া বলিয়া আপন মনেই কথা বলিতেছিল—সবই মনিবের অর্থাৎ দেবুর কথা।

—মনিব এতক্ষণ বসে বসে আমাদের কথাই ভাবছে, লয় মনিব্যান?

বিলু চোখ মুছিল।

—আচ্ছা, মনিব্যান! জেহলে কি লোহার শেকল দিয়ে বেঁধে রেখে দেয়? মনিব তা' হ'লে কি ক'রে শোবে?

আর্তস্বরে বিলু বলিল—ওরে তুই আর বকিস না, থাম।

ছোড়াটা অপ্রস্তুত হইয়া চূপ করিয়া গেল।

সন্ধ্যা-প্রদীপ, ধূপ, শীতল-ভোগ সাজাইয়া বিলু বলিল—আমার সঙ্গে আয় বাবা, থামারে গোয়ালে যাব—বলিতে বলিতেই মনে পড়িল—ঘুমন্ত শিশুর কথা; তাহার কাছে কে থাকিবে? অগ্গদিন এই সময়টিতে থাকিত 'সে'। বিলু একাই থামারে গোয়ালে, মরাইয়ের তলে জল দিয়া সন্ধ্যা দেখাইয়া আসিত। আজ সে নাই বলিয়া অকারণে তাহার ভয় করিতেছে, তাহার আকস্মিক সক্রিয় অসহায় অবস্থা ক্ষণে ক্ষণে তাহাকে অভিভূত করিয়া ফেলিতেছে।

ছোড়াটা উঠিয়া বলিল—চল।

—কিন্তু খোকার কাছে থাকবে কে?

—আমি থাকছি। বলিয়া সে শুইয়া পড়িয়া বলিল—এত ভয় কিসের গো, মনিব্যান? যাও ক্যানে, 'কিরূপেরা' রইছে সব থামারে।

—কিবাণরা রয়েছে?

—নাই? আমি যে হেথা রইছি, তারাই তো গরু ঢোকালে গোয়ালে। রেতে একজন থাকবে বাড়ীতে শুয়ে। পালা করে রোজ একজনা করে থাকবে। মনিব নাই, থাকবে না? আমিও থাকব মনিব্যান, একট করে কাহিনী কিন্তু বলতে হবে।

বিলু সন্ধ্যা দেখাইয়া ফিরিয়া আসিল—সঙ্গে সঙ্গে কৃষাণ দুইজন।

লক্ষ্মীর সিংহাসনের সম্মুখে ধূপ-দীপ, শীতল-ভোগ রাখিয়া প্রণাম করিয়া বিলু কামনা করিল—ওকে মানে-মানে খালাস করে দাও, মা। ওঁর মঙ্গল কর। ঘরে আমার অচলা হয়ে বাস কর।

ছোড়াটা বলিল—মনিব্যান, সেই কীরের পিঠে আর আছে নাকি?

বিলু বৃহৎ হাসিয়া বলিল—আছে।

—তবে তাই গণ্ডা ছুরেক দাও, আর কিছু খাব না রেতে।

—হ্যাঁ বাবা, তোমরা? বিলু প্রশ্ন করিল কৃষাণ দুইজনাকে।

—যেন অন্ন করে চারভি ।

দুপুরবেলার এক-একজন ভীমের আহাৰ করিয়াছে । ইহাদের খাওয়ারিতে বিলুওঁত ভাল লাগে । দেবু নিজে ইহাদের খাওয়ারিত । বিলু যোগাইয়া দিত, পরিবেশন করিত সে নিজে ।

আবার ‘আউরি-বাউরি’ দিয়া সব বাঁধিতে হইবে । মঠ-লক্ষ্মীর ধানের খড়ের দড়িতে সমস্ত সামগ্রীতে বন্ধন দিতে হইবে ।—আজিকার ধন থাক, কালিকার ধন আনুক, পুরানে-নতনে সঞ্চয় বাড়ুক । লক্ষ্মীর প্রসাদে পুরাতন অরে নতন বস্ত্রে জীবন কাটিয়া যাক নিশ্চিন্তে নির্ভাবনায় । অচলা হইয়া থাক মা, অচলা হইয়া থাক ।

শেষরাত্রি আর এক পৰ্ব । পৌষ-আগলানো পৰ্ব—এই পৌষ-সংক্রান্তির রাত্রির শেষ প্রহর । পৌষ মাস যখন বিদায় লইয়া অন্ধকারের আবরণে পশ্চিম দিগন্তের মুখে পা বাড়ায়, পূৰ্ব দিগন্তে আলোক আভাসের পশ্চাতে মকর রাশিস্থ সূর্যের রথের সঙ্গে উদয় হয় মায়ের প্রথম দিন—তখন কৃষক-বণিতারা পৌষকে বন্দনা করিয়া সর্নিবন্ধ অন্নরোধ করে—পৌষ, তুমি যাইও না । চিরদিন তুমি থাক ।

চণ্ডীমণ্ডপের আটচালার পৌষ-আগলানো হইয়া থাকে ।

ভোররাত্রি ঘরে ঘরে লোক জাগিয়া উঠিয়াছে, গ্রামময় মাছের সাড়া । শাখও বাজিতেছে ।

বিলুওঁ উঠিল । ছেলেটিও জাগিয়াছিল—তাহাকে কাপড় জড়াইয়া রাখাল-ছেলেটার কোলে দিয়া বিলু পূজার আয়োজন করিতে বসিল ।

—ও তাই, পণ্ডিত-বউ । সব হ’ল তোমার ? এস ! •

ভাকিতেছিল পদ্ম ।

বিলু ছুরা খুলিয়া দিল ।—এই হয়েছে । ধূপের আগুন হলেই হয়, চল যাই ।

উনানের কাঠ জলিতেছিল ; পদ্ম দাঁড়াইয়া রহিল, ধূপদানীতে আগুন তুলিয়া লইয়া বিলু বলিল—চল ।

রাখাল-ছেলেটা লইল হারিকেন । বাড়িতে কৃষাণেরা রহিল । দুর্গার মা শুইয়াই রহিল—সে উঠে নাই । বাড়ী হইতে বাহির হইয়াই রাখালটা চমকিয়া উঠিল, জিজ্ঞাসা করিল—কে ?

—কে রে ? পদ্ম জিজ্ঞাসা করিল ।

ছোঁড়াটা আলোটা তুলিয়া ধরিয়া বলিল—দুগ্গা দিদি বটে !

লষ্ঠনের আলোটা দুর্গার উপর পড়িল পরিপূর্ণ ভাবে, পরনে পাটভাঙা ধূসর-রঙের তাঁতের শাড়ী, চুলের পারিপাট্যও চমৎকার ; কপালে টিপ ; কিন্তু সমস্তই বিশৃঙ্খল—বিপর্যস্ত । সে যেন হাঁপাইতেছিল—চোখের দৃষ্টি যেন উদ্ভ্রান্ত ।

আলোর দিকে পরিপূর্ণ ভাবে কিরিয়া দাঁড়াইল । একটু লক্ষ্য করিল না, সে বলিল—

মিছে কথা বিলু-দিদি, মিছে কথা। পণ্ডিত-জামাইয়ের পনেরো মাসের খেয়াদ হয়ে গিয়েছে। বলিতে বলিতে সে ফুঁপাইয়া কাঁদিয়া উঠিল।

বিলু হতবাক হইয়া পাথরের মত দাঁড়াইয়া রহিল।

দুর্গা গিয়াছিল নৈশ অভিশারে। করুণায় সেটেল্‌মেন্ট ক্যাম্পে। আমিন, পিওন, এমন কি কাছনগোদের মধ্যেও দুই-একজন, স্থানীয় দুর্গা-শ্রেণীর নারীদের উপর গোপনে অমুগ্রহ করিয়া থাকে। পেশ্কারটি আবার এ বিষয়ে সকলের সেরা, দুর্গার কাছে কয়েকদিনই সে অমুগ্রহের আত্মহান পাঠাইয়াছিল, কিন্তু দুর্গা যায় নাই। আজ সে গিয়াছিল নিজে। বলিয়াছিল—পণ্ডিতকে কিন্তু হাকিমকে বলে-কয়ে ছাড়িয়ে দিতে হবে!

পেশ্কার বলিয়াছিল—আচ্ছা; কাল সকালে।

ভোরবেলায় আসিবার সময় দুর্গার ভুল ভাঙিয়া দিয়াছে—তাহার অন্তগ্রহপ্রার্থী পেশ্কারের প্রতি ঈর্ষাপরায়ণ একজন পিওন।

দুর্গা আর দাঁড়াইল না, চলিয়া গেল। সে মনে মনে বাছিতেছিল—আপনার মগোত্রাদের মধ্যে একটি বাহুলীময়ী অথচ ব্যাধিযুক্তা সখী।

ওদিকে তখন চণ্ডীমণ্ডপে মেয়েদের সমন্বরে ধ্বনি উঠিতেছিল—পৌষ-বন্দনার, পৌষ-বন্ধনের।

পৌষ—পৌষ—সোনার পৌষ।

এস পৌষ যেয়ো না—জন্ম জন্ম ছেড়ে না।

না যেয়ো ছাড়িয়ে পৌষ—না যেয়ো ছাড়িয়ে,

স্বামী-পুত্র ভাত খাবে কটোরা ভরিয়ে।

পৌষ—পৌষ—সোনার পৌষ,

বড় ঘরের মেঝেয় বোস,

বড় ঘরের মেঝে ভরে—বাহান্ন হোস!

সোনার পৌষ।...

পদ্ম তাহার কাঁধে হাত দিয়া ডাকিল—এস ভাই।

বিলু স্বপ্নোখিতের মত বলিল—চল।

কি করিবে? উপায় কি? ঘাইবার সময় সে বলিয়া গিয়াছে—খোকার ভার তোমার উপর রহিল, আরও রহিল ঘর-দুয়ার-মরাই-গরু-বাছুর-ধান-জমি—সবের ভার। তুমি আমার ঘরের লক্ষী, তুমি চঞ্চল হলে চলবে না। সর্ব অবস্থায় অচলা হইয়া থাকিতে হইবে তোমাকে।

তাই থাকিবে সে, তাই থাকিবে। তাহার ঘরের সোনার পৌষ চলিয়া যাইতেছে, তাহাকে পূজা করিয়া বাঁধিতে হইবে। 'না যেয়ো ছাড়িয়ে পৌষ—না যেয়ো ছাড়িয়ে!'—পনেরো মাস পরে তো সে কিরিয়া আসিবে। তখন তাহাকে যে পঞ্চাশ ব্যঞ্জন দিয়া কটোরা ভরিয়া অন্ন সাজাইয়া দিতে হইবে।

আঠারো

দেখিতে দেখিতে এক বৎসরেরও বেশী সময় চলিয়া গেল। এক পৌষ-সংক্রান্তি হইতে আর এক পৌষ-সংক্রান্তিতে এক বৎসর পূর্ণ হইয়া মাঘ-ফাল্গুন আরও দুইটি মাস কাটিয়া গেল। সেদিন চৈত্রের পাঁচ তারিখ। দেবু ঘোষ জংশন স্টেশনে নামিল। চৈত্র মাসের শীর্ণ ময়ূরাক্ষী পার হইয়া শিবকালীপুরের ঘাটে উঠিয়া সে একবার দাঁড়াইল। দীর্ঘ এক বৎসর তিন মাস কারাদণ্ড ভোগ শেষ করিয়া সে আজ বাড়ী ফিরিতেছে। পনেরো মাসের মধ্যে কয়েকদিন সে মকুব পাইয়াছে। এতক্ষণে আপনার গ্রামখানির সীমানায় পদার্পণ করিয়া যেন পরিপূর্ণ মুক্তির আশ্বাদ সে অনুভব করিল।

ওই তাহার গ্রাম শিবকালীপুর, তাহার পরই মহাগ্রাম। পশ্চিমে শেখপাড়া কুসুমপুর, তাহার পশ্চিমে ওই দালান-কোঠায় ভরা কঙ্কণা, একেবারে পূর্বে ওই দেখুড়িয়া। আর দক্ষিণে ময়ূরাক্ষীর ওপারে জংশন। শেখপাড়া কুসুমপুরের মসজিদের উঁচু সাদা খামগুলি সবুজ গাছপালার ফাঁক দিয়া দেখা যাইতেছে। শিবকালীপুরের পূর্বে—ওই মহাগ্রামে—গ্রায়রত্ন মহাশয়ের বাড়ী। মহাগ্রামের পূর্বে ওই দেখুড়িয়া। দেখুড়িয়ার খানিকটা পূর্বে ময়ূরাক্ষী একটা বাক ফিরিয়াছে। ওই বাকের উপর ঘন সবুজ গাছপালার মধ্যে বন্যায় নিশ্চিহ্ন ঘোষপাড়া মহিষভহর।

ঘাট হইতে সে ময়ূরাক্ষীর বন্যারোধী বাধের উপর উঠিল। চৈত্র মাসের বেলা দশটা পার হইয়া গিয়াছে, ইহারই মধ্যে বেশ 'থরা' উঠিয়াছে। বিস্তীর্ণ শস্যক্ষেত্র এখন প্রায় রিক্ত। গম, কলাই, যব, সরিষা, রবিকুল প্রায়ই ঘরে উঠিয়াছে। মাঠে এখন কেবল কিছু তিল, কিছু আলু এবং কিছু কিছু রবি-ফসলও রহিয়াছে। তিলই এ সময়ের মোটা ফসল; গাট সবুজ সতেজ গাছ-গুলি পরিপূর্ণরূপে বাড়িয়া উঠিয়াছে। এইবার ফুল ধরবে। চৈত্রলক্ষ্মীর কথা দেবুর মনে পড়িল—এই তিলফুল তুলিয়া কর্ণাভরণ করিয়া পরিয়াছিলেন। মা-লক্ষ্মী; তাই চাষী ব্রাহ্মণের ঘরে তাঁহাকে আসিতে হইয়াছিল। তিলফুলের ঋণ শোধ দিতে। বেগুনি রঙের তিলফুলগুলির অপূর্ব গঠন! মনে পড়িল 'তিলফুল জিনি নাসা'।

আজ এক বৎসরেরও অধিক কাল সে জেলখানায় ছিল—সেখানে ভাগ্যক্রমে জনকয়েক রাজবন্দীর সাহচর্য্য সে কিছুদিনের জন্য লাভ করিয়াছিল। ঐ লাভের সম্পদ-কল্যাণেই তাহার বন্দীজীবন পরম স্বখে না হোক প্রচুর আনন্দের মধ্যে কাটিয়া গিয়াছে। দেহ তাহার ক্ষীণ হইয়াছে, ওজন সে প্রায় সাত সের করিয়া গিয়াছে কিন্তু মন ভাঙে নাই। মুক্তি পাইয়া আপনার গ্রামের সম্মুখে আসিয়াও সাধারণ মানুষের মত অধীর-আনন্দে ছুটিয়া বা দ্রুতপদে চলিতেছিল না। সে একবার দাঁড়াইল। চারিদিকে ভাল করিয়া দেখিয়া লইল। শিবকালীপুর নষ্ট দেখা যাইতেছে। আম, কাঁঠাল, আম, তেঁতুল গাছগুলির উঁচু শাখা নীল আকাশ-পটে আঁকা ছবির মত মনে হইতেছে। ছলিতেছে কেবল বাশের ডগাগুলি। ওই মুহূর্ত্তে দোল-বাঁওয়া

বাঁশগুলির পিছনে তাদের ঘর। গাছের ফাঁকে ফাঁকে কতকগুলি ঘর দেখা যাইতেছে।

এদিক বাউড়ী-পাড়া বায়েন-পাড়া ; ওই বড়গাছটি ধর্মরাজতলার বকুলগাছ। ছোট ছোট কুঁড়েঘরগুলির মধ্যে ওই বড় ঘরখানা দুর্গার কোঠা-ঘর। দুর্গা! আহা দুর্গা বড় ভাল মেয়ে। পূর্বে সে মেয়েটাকে স্থগা করিত, মেয়েটার গায়েরপড়া ভাব দেখিরা বিরক্তি ভাব প্রকাশ করিত। অনেকবার রুট কথাও বলিয়াছে সে দুর্গাকে। কিন্তু তাহার অসময়ে, বিপদের দিনে দুর্গা দেখা দিল এক নূতন রূপে। জেলে আসিবার দিন সে তাহার আভাসমাত্র পাইয়াছিল। তারপর বিলুর পত্রে জানিয়াছে অনেক কথা। অহরহ—উদয়াস্ত দুর্গা বিলুর কাছে থাকে, দাসীর মত সেবা করে, সাধ্যমত সে বিলুকে কাজ করিতে দেয় না, ছেলেটাকে যুকে করিয়া রাখে। স্বৈরিণী বিলাসিনীর মধ্যে এ রূপ কোথায় ছিল—কেমন করিয়া লুকাইয়া ছিল ?

ওই যে বড় ঘরের মাথাটা দেখা যাইতেছে—ওটা হরিশ-খুড়ার ঘর ; তারপরেই ভবেন দাদার বাড়ী, সেটা দেখা যায় না। ওই যে ওধারের টিনের ঘরের মাথা রোঁজে ঝকঝক করিতেছে—ওটা শ্রীহরির ঘর। শ্রীহরির ঘরের পরেই সর্বস্বান্ত তারিণীর ভাড়া ঘর। তারপর পথের একপাশে গ্রামের মধ্যস্থলে চণ্ডীমণ্ডপ। তারপর হরেন ঘোষালের বাড়ী ; ঠিক বাড়ী নয়, হরেন ঘোষাল বলে—‘ঘোষাল হাউস’। ঘোষাল বিচিত্রচরিত্র। তাহার বাহিরের ঘরের দরজায় লেখা আছে ‘পার্লার’, একটা ঘরে লেখা আছে ‘স্টাডি’। দেবু ঘোষালের সেই গাঁদা মালার কথা জীবনে কোনদিন ভুলিতে পারিবে না। ঘোষালের সম্পূর্ণ পরিচয় সে জানে। ম্যাট্রিক পাস করিলেও মূর্থ ছাড়া সে কিছু নয় ; ভীক, কাপুরুষ সে ; ব্রাহ্মণ হইয়াও সে পাতু বায়েনের জীর প্রতি আসক্ত। কিন্তু সেদিন ঘোষালকে তাহার মনে হইয়াছিল যেন সত্যকালের ব্রাহ্মণ। তাহার মালাকে সে পবিত্র আশীর্বাদ বলিয়া গ্রহণ করিয়াছিল, ওই আশীর্বাদই তাহাকে সেই যাবার মুহূর্তে অদ্ভুত বল দিয়াছিল। জেলের মধ্যেও বোধ হয় ওই আশীর্বাদের বলেই রাজবন্দী বন্ধুদ্বিগকে পাইয়াছিল।

বন্ধু কে নয় ? বিলুর পত্রে সে পরিচয় পাইয়াছে, তাহাদের গ্রামের মাছুষগুলির প্রতিটি জনই যেন দেবতা। তাহার মনে পড়িল একটি প্রবাদ—গায়ে মায়ে সমান কথা। হ্যা—মা! এই পল্লীই তাহার মা। সে নত হইয়া পথের ধূলা মাথায় তুলিয়া লইল।

আরও খানিকটা অগ্রসর হইয়া নজরে পড়িল—পশাশ গাছে ফুল ধরিতাছে, লাল টকটকে ফুল। একটি বাড়ীর চালের মাথায় অল্পস্র সজিনার ভাঁটা কুলিয়া আছে। গ্রামের উত্তর প্রান্তে দীঘির পাড়ের রিক্তপত্র শিমূল গাছটিতেও লাল রঙের সমারোহ। তাহারই পাশে একটা উঁচু ভালগাছের মাথায় বলিয়া আছে একটা শকুন। এখন স্পষ্ট দেখা যাইতেছে—জগদ ভক্তারের খিড়কির বাঁশঝাড়ের একটা হুইয়া-পড়া বাঁশের উপর সারবন্দী এককল হরিরাল বলিয়া আছে ; সর্বজ ও হলুদের সংমিশ্রণে পাখীগুলির রংও যেন অপূর্ব, ডাকও তেমনি মধুর ; —জলভরক বাজনার ধ্বনির মত। বাতালে এইবার গ্রামের নাবি আর গাছগুলির ফুলের গন্ধ ভাসিয়া আসিতেছে। চৈত্র মাসে সকল আর গাছেই আব ধরিতা পিরাছে ; শুধু

চৌধুরীদের পুরানো খাল আর বাগানের গাছে চৈত্র মাসে মুকুল ধরে ; এ গন্ধ চৌধুরীর বাগানের মুকুলের গন্ধ ।

—পণ্ডিত মশায় !

কিশোর কণ্ঠের সবিস্ময় আনন্দ-ধ্বনি শুনিয়া ফিরিয়া চাহিয়া দেবু দেখিল—অদূরবর্তী পাশের আলপথ ধরিয়া আসিতেছে কালীগুরের স্বধীর, আরকা চৌধুরীর নাতি; বড় ছেলের ছেলে । পাঠশালায় তাহার ছাত্র ছিল ।

দেবু হাসিয়া মগ্নেহে বলিল—স্বধীর ? ভাল আছিস ?

স্বধীর ছুটিয়া কাছে আসিয়া তাকে প্রণাম করিল ।—আপনি ভাল ছিলেন স্তার ? এই আসছেন বুঝি ?

—হ্যাঁ । এই আসছি । তুমি স্কুলে যাচ্ছ বুঝি কঙ্কণায় ?

—হ্যাঁ । আপনার বাড়ীর সকলে ভাল আছে, পণ্ডিতমশায় । খোকা খুব কথা বলে এখন । আমরা ঘাই কিনা প্রায়ই বিকেলে, খোকাকে নিয়ে খেলা করি ।

দেবু গভীর আনন্দে যেন অভিভূত হইয়া গেল । ছেলেরা তাকে এত ভালবাসে !

—পাঠশালার নতুন বাড়ী হয়েছে স্তার ।

—তাই নাকি ?

—হ্যাঁ বেশ ঘর, তিনখানা কুঠরী ! নতুন পালিশ-করা চেয়ার-টেবিল হয়েছে স্তার ।—ইহার পর সে ঈষৎ কুণ্ঠিতভাবেই প্রশ্ন করিল—আর তো আপনি স্কুলে পড়াবেন না স্তার ?

দেবু একটা গভীর দীর্ঘনিঃশ্বাস ফেলিল—না স্বধীর, আমি আর পড়াব না । নতুন মাস্টার এখন কে হয়েছেন ?

—কঙ্কণার বাবুদের নামেবের ছেলে । ম্যাট্রিক পাস, গুরু-ট্রেনিংও পাস করেছেন । কিন্তু আপনি কেন—?

স্বধীরের কথা শেষ হবার পূর্বেই ওদিক হইতে আগন্তুক একজন খুব অল্পবয়সী ভদ্রলোক স্বধীরকে ডাকিয়া বলিল—খোকা বুঝি ইস্কুলে যাচ্ছ ? দেখি, তোমার খাতা আর পেন্সিলটা একবার দেখি ।

স্বধীর খাতা-পেন্সিল বাহির করিয়া দিল । এ ছেলেটি—হ্যাঁ—ভদ্রলোক অপেক্ষা ইহাকে ছেলে বলিলেই বেশী মানায় । কে এ ছেলেটি ? বয়স বোধ হয় আঠার-উনিশ বৎসর । চোখে চশমা—গায়ে একটা ফর্সা পাঞ্জাবি ; এখানকার লোক নিশ্চয়ই নয় । সুন্দর ধারাল চেহারা । স্বধীর অবশ্য ভদ্রলোকটিকে চেনে । কিন্তু ভদ্রলোকের সামনে দেবু তাহার পরিচয় জিজ্ঞাসা করিতে পারিল না । অল্প প্রসঙ্গই উত্থাপন করিল—চৌধুরী মশায়—তোমার ঠাকুরদা ভাল আছেন ?

—হ্যাঁ । তিনি আপনার কত নাম করেন ।

দেবু হাসিল । চৌধুরীকে সে বরাবরই শ্রদ্ধা করে ; চমৎকার মানুষ । তিনি তাহার নাম করেন ? দেবুর আনন্দ হইল । সে আবার প্রশ্ন করিল—বাড়ীর আর সকলে ?

—সবাই ভাল আছেন। কেবল আমার একটি ছোট বোন মারা গিয়েছে।

—মারা গিয়েছে ?

—হ্যাঁ। বেশী বড় নয়, এই এক মাসের হয়ে মারা গিয়েছে।

ভদ্রলোকটি এইবার খাতা ও পেন্সিল স্থধীরকে ফেরত দিল, হাসিয়া বলিল—বল তো সংখ্যা কত ?

স্থধীর সংখ্যাটার দিকে চাহিয়া বিব্রত হইয়া পড়িল। দেবুও দেখিল—বিরাট একটা সংখ্যা। কয়েক লক্ষ বা হাজার কোটি।

ভদ্রলোকই হাসিয়া স্থধীরকে বলিল—পারলে না ? বাইশ হাজার আট শো ছিয়ানকসই কোটি, চৌষটি লক্ষ, উননকসই হাজার।

নবিস্ময়ে স্থধীর প্রশ্ন করিল—কি ?

—টাকা।

—টাকা !

—হ্যাঁ। ইউনাইটেড স্টেটস্ অব আমেরিকার খনি থেকে আর কলকারখানা থেকে এক বছরের উৎপন্ন জিনিসের দাম।

স্থধীর হতবাক হইয়া গেল। বিমূঢ় হইয়া তাহার মুখের দিকে চাহিয়া রহিল। দেবুও বিস্মিত হইয়া গিয়াছিল, কে এই অভূত ছেলেটি !

ভদ্রলোকটি স্থধীরের পিঠের উপর সম্মুখে কয়েক চাপড় মারিয়া বলিল—আচ্ছা যাও, ঘুরে ঘুরে হয়ে যাচ্ছে ! তারপর দেবুর দিকে চাহিয়া বলিল—আপনি বুঝি এদের বাড়ী যাবেন ? চৌধুরী মশায়ের বাড়ী ?

দেবু আরও বিস্মিত হইয়া গেল—ভদ্রলোক চৌধুরীকেও চেনেন দেখিতেছি ! বলিল—না। আমি যাব শিবপুর।

—কার বাড়ী যাবেন বলুন তো ?

—আপনি কি সকলকে চেনেন ? দেবু ঘোষকে জানেন ?

বেশ সন্ময়ের সহিত যুবকটি বলিল—তঁার বাড়ী চিনি, তাঁর ছোট খোকাটিকেও চিনি, কিন্তু তাঁকে এখনও দেখি নি ! আমি আসবার আগেই তিনি জেলে গিয়েছেন। শীগগির তিনি আসবেন বেরিয়ে।

স্থধীর বলিল—উনিই আমাদের পণ্ডিতশায়।

—আপনি ! ছেলেটির চোখদুটি আনন্দের উত্তেজনায় প্রদীপ্ত হইয়া উঠিল ; দুই হাত মেলিয়া সাগ্রহে দেবুকে জড়াইয়া ধরিয়া সে বলিল—উঃ, আপনি দেবুবাবু ! আহ্নন আহ্নন—বাড়ী আহ্নন।

দেবু প্রশ্ন করিল—আপনি ? আপনার পরিচয় তো—

চোখ বড় করিয়া সন্ময়ের সহিত স্থধীর বলিল—উনি এখানে নজরবন্দী হয়ে আছেন স্যার।

—এখানে বেছেছে আমাকে । অনিষ্টকর কর্মকার মশায়ের বাড়ীর বাইরের ঘরটার থাকি । স্বধীর, তুমি দৌড়ে যাও ; ওর বাড়ীতে খবর দাও, গ্রামে খবর দাও । ওরান-টু-বি । পু—
ভদ-ভদ-ঝিক-ঝিক—! ধর মেল টেন—ভুকান মেলে চলেছ তুমি !

মুহুর্তে স্বধীর তীরের মত ছুটিল ।

হাসিয়া ভদ্রলোকটি বলিল—বুঝতে পারছেন বোধ হয়, এখানে ডেটিনিউ হয়ে আছি আমি ।

গ্রামে ঢুকিবার মুখেই ক্ষুদ্র একটি জনতার সঙ্গে দেখা হইল । জগন, হরেন, অনিষ্টকর, তারিঙ্গী, গণেশ আরও কয়েকজন । চণ্ডীমণ্ডপে ছিল অনেকেই—শ্রীহরি, ভবেশ প্রমুখ প্রবীণগণ । সকলেই তাকে সামনের সম্মুখে আহ্বান করিল—‘এস, এস বাবা এস বস’ ! দেবু চণ্ডীমণ্ডপে প্রণাম করিল, সমস্ত গুরুজনদিগকে প্রণাম করিল ; শ্রীহরি পৃথক আজ তাকে খাতির করিল । দেবু সম্মুখে খুড়া হইলেও শ্রীহরি বলিল অনেক বড় । তাহার উপর অবস্থাপন্ন ব্যক্তি হিসাবে শ্রীহরি প্রণামের খাতির বড়-একটা কাহাকেও দেয় না । সেই শ্রীহরিও আজ তাকে প্রণাম করিল ।

চণ্ডীমণ্ডপের খানিকটা দূরে ওই যে তাহার বাড়ী । দাওয়ার সম্মুখেই ওই যে শিউলি ফুলের গাছটি । ওই যে সব ভিড় করিয়া কাহারো দ্বারা দাঁড়াইয়া আছে ।

তাহার বাড়ীর দ্বারা দাঁড়াইয়া ছিল গ্রামের মেয়েরা । দুইটি কুমারী মেয়ের কাঁধে দুটি পূর্ণ-ঘট । দেবু অভিভূত হইয়া গেল । তাহাকে বরণ করিয়া লইবার জগু গ্রামবাসীর এ কি গভীর আগ্রহ—এ কি পরমাদরের আয়োজন ! সহসা শব্দধ্বনিতে আকৃষ্ট হইয়া দেখিল, একটি দীর্ঘাঙ্গী মেয়ে পাঁথ বাজাইতেছে । দেবু তাহাকে চিনিলা, সে পদ্ম ।

বাড়ীতে ঢুকিতেই তাহার পায়ের কাছে থোকাকে নামাইয়া টিপ করিয়া প্রণাম করিল দুর্গা ।

আবক্ষ ঘোমটা দ্বারের বাজতে ঠেস দিয়া দাঁড়াইয়া ছিল বিলু । থোকাকে কোলে লইয়া দেবু বিলুর দিকে চাহিল । বুড়ী বাঙালিদি তাহার হাত ধরিয়া টানিয়া বলিল—ই ছোড়ার কোন আক্কেল নাই । পণ্ডিত না মৃতু ! আগে ই দিকে আয় । বদ-বসিক কোথাকার !

—ছাড়, বাঙালিদি, পেণাম করি ।

—পেণাম করতে হবে না রে ছোড়া । বুঝা তাহাকে হিড় হিড় করিয়া টানিয়া ঘরের ভিতর লইয়া গেল । তারপর বিলুকে টানিয়া আনিয়া বলিল—এই লে ।

তারপর সমবেত মেয়েদের দিকে চাহিয়া বলিল—চল গো সব, এখন বাড়ী চল । চল চল । নইলে গাল দোব কিন্তু ।

সকলে হাসিতে হাসিতেই চলিয়া গেল । বিলুর হাত ধরিয়া সম্মুখে সে ডাকিল—
বিলু-বাবী !

বিলুর মুখ-চোখে জলের ধাঁগ, চোখ দুটি ভারী । চোখ মুছিয়া সে হাসিয়া বলিল—দাঁড়াও, পেণাম করি ।

—মনিবমশায়! আকর্ষ বিস্তার হাসি হাসিয়া সেই মুহূর্তে রাখাল-ছোড়াটা আসিয়া দাঁড়াইল। ছোড়াটা হাঁপাইতে হাঁপাইতে বলিল, মাঠে শোনলাম। এক ঘোঁড়ে চলে আইচি।

সে চিপ করিয়া একটা প্রণাম করিল।

—পণ্ডিতমশায় কই গো! এবারে আসিল সতীশ বাউড়ী, তাহার সঙ্গে তাহার পাড়ার লোকেরা সবাই।

আবার ডাক আসিল,—কোথা গো পণ্ডিতমশায়।

এ ডাক শুনিয়া দেবু ব্যস্ত হইয়া উঠিল,—বৃদ্ধ দ্বারকা চৌধুরীর গলা।

দেবুর জীবনে এ দিনটি অভূতপূর্ব। এই দুঃখ-দারিদ্র-জর্ণ নীচতায়-দীনতায়-ভরা-গ্রাম-খানির কোন অস্থিপঙ্করের আবরণের অন্তরালে লুকানো ছিল এত মধুর, এত উদার মেহ-মমতা! বিলুকে সে বলিল—আসি বাইরে থেকে। চৌধুরা মশায় এসেছেন। স্থলের মধ্যে মাহুঘকে চিনতে পারা যায় না, বিলু। দুঃখের দিনেই মাহুঘকে ঠিক বোঝা যায়। আগে মনে হ'ত এমন স্বার্থপর নীচ গ্রাম আর নাই!

বিলু হাসিয়া বলিল—কত বড়লোক তুমি, ভালবাসবে না লোকে? জান, তুমি জেল যাওয়ার পর জরিপের আমিন, কানুনগো, হাকিম কেউ আর লোককে কড়া কথা বলে নাই, 'আপনি' ছাড়া কথা ছিল না। পাঁচখানা গাঁয়ের লোক তোমার নাম করেছে। দুহাত তুলে আশীর্বাদ করেছে।

*

*

*

এক বৎসরের মধ্যে অনেক-কিছু ঘটয়া গিয়াছে। গ্রামের প্রতি জনে আসিয়া একে একে একবেলার মধ্যেই সব জানাইয়া দিল। জগন খবর দিল, সঙ্গে সঙ্গে হরেন ঘোষাল সার দিল—কিছু কিছু সংশোধনও করিয়া দিল।

গ্রামে প্রজা-সমিতি হইয়াছে, ঐ সঙ্গে একটি কংগ্রেস-কমিটিও স্থাপিত হইয়াছে। জগন প্রেসিডেন্ট, হরেন সেক্রেটারী।

হরেন বলিল—কথা আছে, তুমি এলেই তুমি হবে একটার প্রেসিডেন্ট, যেটার খুসী। আমি বলি, তুমি হও কংগ্রেস-কমিটির প্রেসিডেন্ট। ডেটিনিউ যতীনবাবু বলেন—না, দেবুবাবু হবেন প্রজা-সমিতির প্রেসিডেন্ট।

—ছিরে পাল এখন গণ্যমান্ত লোক। একটা শুড়গুড়ি কিনেছে, চণ্ডীমণ্ডপে সতরঞ্চি পেতে একটা তাকিয়া নিয়ে বসে। বেটা আবার গোমস্তা হয়েছে, গাঁয়ের গোমস্তাগিরি নিয়েছে। একে মহাজন, তার পর হ'ল গোমস্তা, সর্বনাশ করে দিলে গাঁয়ের!

জমিদারের এখন অবস্থা খারাপ, শ্রীহরির টাকা আছে, আদায় হোক—না হোক, সমস্ত টাকা শ্রীহরি দিবে—এই শর্তে জমিদার শ্রীহরিকে গোমস্তাগিরি দিয়েছে। শ্রীহরি এখন এক টিলে দুই পাখী মারিতেছে। বাকী-খাজনার নালিশের স্বযোগে লোকের জমি নীলামে তুলিয়া আপন প্রাপ্য আদায় করিয়া লইতেছে হুদে-আসলে। হুদে-আসল আদায় হইয়াও

আয়ও একটা মোটা লাভ থাকে।

গলেশ পালের জ্যেষ্ঠ নীলাম হইয়া গিয়াছে, কিনিয়াছে শ্রীহরি, এমন গলেশের অবশিষ্ট শুধু কয়েক বিঘা কোর্ক জমি।

সর্বস্বান্ত তারিণীর ভিটাটুকুও শ্রীহরি কিনিয়াছে, এখন সেটা উহার গোয়ালবাড়ীর অন্তর্ভুক্ত। তারিণীর স্ত্রীটা সেটেলমেন্টের একজন পিয়নের সঙ্গে পলাইয়া গিয়াছে। তারিণী মজুর খাটে, ছেলেটা থাকে জংশনে, স্টেশনে ভিক্ষা করে।

পাতু মূর্খীর দেবোত্তর চাকরান জমি উচ্ছেদ হইয়া গিয়াছে। তাহার জন্ম নালিশ-দরবার করিতে হয় নাই, সেটেলমেন্টেই সে-জমি জমিদারের খাস খতিয়ানে উঠিয়া গিয়াছে। পাতু নিজেই স্বীকার করিয়াছিল, সে এখন আর বাজায় না, বাজাইতেও চায় না।

অনিরুদ্ধের জমি নীলামে চড়িয়াছে। অনিরুদ্ধ এখন মদ খাওয়া ভবঘুরের মত বেড়ায়—হুগার ঘরেও মধ্যে মধ্যে যায়। তাহার স্ত্রীও পাগলের মত হইয়া গিয়াছিল। এখন অনেকটা স্থস্থ। হুগার যোগাযোগেই দারোগা ডেটিনিউ রাখিবার জন্ম অনিরুদ্ধের ঘরখানা ভাড়া লইয়াছে। ওই ভাড়ার টাকা হইতেই এখন তাহাদের সংসার চলে।

দেবু বলিল—কামার-বউকে আজ দেখলাম পাঁথ বাজাচ্ছিল।

জগন বলিল—হ্যাঁ, এখন একটু ভাল আছে। একটু কেন, যতীনবাবু আসার পর থেকেই বেশ একটু ভাল আছে। চোট বঁকাইয়া সে একটু হাসিল।

হরেন চাপা গলায় বলিল—মেনি মেন সে—বুঝলে—কিনা—যতীনবাবু এ্যাণ্ড কামার-বউ—

দেবু বিশ্বাস করিতে পারিল না, সে তিরস্কার করিয়া উঠিল—ছিঃ হরেন! কি যা-তা, বলছ!

—ইয়েস, আমিও তাই বলি, এ হতে পারে না। যতীনবাবু কামার-বউকে ‘মা’ বলে।

তারপর আবার সে বলিল—যতীনবাবু কিন্তু বড় চাপা লোক। বোমার ফরমুলা কিছুতেই আঁদায় করতে পারলাম না।

হরিশ এবং ভবেশ আসন্ন তাদের আলোচনা বন্ধ হইল, কিছুক্ষণ পরে সে উঠিয়া গেল।

হরিশ বলিল—বাবা দেবু, সন্ধ্যাবেলায় একবার চণ্ডীমণ্ডপে যোয়া। ওখানেই এখন আমরা আসি তো। শ্রীহরি বসে পাঁচজনকে নিয়ে। আলো, পান, তামাক সব ব্যবস্থাই আছে। শ্রীহরি এখন নতুন স্নানঘ। বুঝলে কিনা!

ভবেশ বলিল, হ্যাঁ। দুবেলা চায়ের ব্যবস্থা পর্যন্ত করেছে আমাদের শ্রীহরি। বুঝেছ কিনা?

দেবু তাদের নিকট হইতে আরো অনেক খবর শুনি।

গ্রামের পাঁচজনকে লইয়া উঠিবার-বসিবার সুবিধার জন্যই শ্রীহরি পৃথক পাঠশালা-ঘরের ব্যবস্থা করিয়া দিয়াছে। জমিদার তরফ হইতে জায়গার ব্যবস্থা করিয়া দিয়াছে সে-ই। ইউনিয়ন বোর্ডের মেম্বর সে, সে-ই দেওয়ানের খরচ মজুর করাইয়াছে; নিজে দিয়াছে নগদ

পচিশ টাকা। তা ছাড়া চালের কাঠ, খড়, দরজা-জানলার কাঠও সে দিচ্ছে শ্রীহরি।

দুই বেলা এখন চণ্ডীমণ্ডপে মঙ্গলিস বসে দেখিয়া শ্রীহরির বিপক্ষ দলের লক্ষীছাড়ায় হিংসার পাট-পাট হইয়া গেল। তাহারা নানা নিন্দা রটনা করে। কিন্তু তাহাতে শ্রীহরির কিছু আসে যায় না। তাহার গোমস্তাগিরির অসুবিধা করিবার জন্তই তাহারা প্রজা-সমিতি গড়িয়াছে, কংগ্রেস-কমিটি খাড়া করিয়াছে। দেবু যেন শু-সবের মধ্যে না যায়।

তারা নাপিত আরও গুট সংবাদ দিল। জমিদার এ গ্রামখান। পঠনি বিলি করিবে কিনা ভাবিতেছে। শ্রীহরি গিলিবার জন্ত হাঁ করিয়া আছে। পঠনি কায়ম হইলে, শ্রীহরি বাবা বুড়োশিবের অর্ধমাপ্ত মন্দিরটা পাকা করিয়া দিবে, চণ্ডীমণ্ডপের আটচালার উপর তুলিবে পাকা নাটমন্দির। শ্রীহরির বাড়ীতে এখন একজন রাঁধুনী, একজন ছেলে পালন করিবার লোক।

তারারূপ পরিশেষে বলিল—এই যে হরিহরের দুই কণ্ঠে—যারা কলকাতায় ঝি-গিরি করতে গিয়েছিল—তারাই। বুঝলেন তার মানে—রীতিমত বড়লোকের ব্যাপার, দুজনকেই এখন ছিফ রেখেছে। বুঝলেন, একেবারে আমীরী মেজাজ! হরিহরের ছোট মেয়েটা যখন এই—এ-ই রোগা, শনফুলের মত রঙ। ক্রমে শোনা গেল—কলকাতায়—বুঝলেন?

অর্থাৎ মাতৃ-সম্ভাবনাকে বিনষ্ট করিয়াছিল মেয়েটি। তাই গ্রাম্য-সমাজ তাহাদিগকে পতিত করিল। কিন্তু শ্রীহরি দয়া করিয়া আশ্রয় দিয়াছে, তাহারই অসুরোধে সমাজ তাহাদের ক্রটি মার্জনা করিয়াছে; তারা বলিল—দু'ছোটো মেয়ের ভাত-কাপড়, শখ-সামগ্রী তো সোজা কথা নয়, দেবু-তাই।

বৃদ্ধ চৌধুরী শুধু আপন সংসারের সংবাদ দিলেন, দেবুর জেলের সুখ-দুঃখের সংবাদ লইলেন। পরিশেষে আশীর্বাদ করিলেন—পণ্ডিত, তুমি দীর্ঘজীবী হও। দেখ, যদি পার বাবা—তবে শ্রীহরির সঙ্গে ভাক্তারের, আর বিশেষ করে কর্মকারের মিটমাট করিয়ে দাও। অনিচ্ছ লোকটানষ্ট হয়ে গেল। এরপর সর্বনাশ হয়ে যাবে।

কথাটার অর্থ ব্যাপক।

রামনারায়ণ আসিয়া বলিল—ভাল আছ দেবু-তাই? আমার মাটি মারা গিয়েছেন!

বৃন্দাবন দোকানী বলিল—চালের ব্যবসায় অনেক টাকা লোকসান দিলাম দেবু-তাই। যারা চালের ব্যবসা করেছিল তারা সবাই দিয়েছে। জংশনের রামলাল ভকত তো লালবাতি জেলে দিল।

বৃদ্ধ মুহুন্দ একটি থোকাকে কোলে করিয়া দেখাইতে আসিয়াছিল, আমাদের স্বরেন্দ্রের ছেলে, দেখে বাবা দেবু।

মুহুন্দের পুত্র গোবিন্দ, গোবিন্দের পুত্র স্বরেন্দ্র স্বতরাং স্বরেন্দ্রের ছেলে তাহার প্রপৌত্র।

সন্ধ্যার মুখে নিজে আসিল শ্রীহরি। শ্রীহরি এখন সম্ভ্রান্ত লোক। লক্ষা-চণ্ডা শেখী

সবল' যে জোয়ান চাষী নরদেহে কোদাল হাতে ঘুরিয়া বেড়াইত, দুর্দান্ত বিক্রমে দৈহিক শক্তির আশ্চর্য্য করিয়া ফিরিত, সামান্য কথার শক্তিপ্রয়োগ করিত, জোর করিয়া পদের সীমানা খানিকটা আশ্চর্য্য করিয়া লইত, ককশ উচ্চকণ্ঠে ঘোষণা করিত—সে-ই গ্রামের প্রধান ব্যক্তি, তাহার অপেক্ষা বড় কেহ নাই, সেই ছির পালের সঙ্গে এই শ্রীহরির কোন সাদৃশ্য নাই। শ্রীহরি সম্পূর্ণ সত্তর মাস্বে! তাহার পায়ে ভাল চটি, গায়ে ফতুয়ার উপর চাদর, গম্ভীর সংঘত মূর্তি, সে এখন গ্রামের গোমস্তা—মহাজন। বলিতে গেলে সে এখন গ্রামের অধিপতি।

—দেবু-খুড়ো রয়েছ নাকি হে? হাসিমুখে শ্রীহরি আসিয়া দাঁড়াইল।

—এসো ভাইপো এস। দেবুও তাহাকে সম্মম করিয়া স্বাগত সম্ভাষণ জানাইল। দেবু বাহির হইবার উত্তোগ করিতেছিল। অনিরুদ্ধের ওখানে ঘাইবার ইচ্ছা ছিল। ডেটিনিউ যতীনবাবু সেই তাহাকে চণ্ডীমণ্ডপে পৌছাইয়া দিয়া চলিয়া গিয়াছে, তাহার সঙ্গে একবার দেখা করিবার জন্ত সে ব্যস্ত হইয়া উঠিয়াছিল। অনিরুদ্ধও সেই চলিয়া গিয়াছে। সে নাকি এখন মাতাল, দুর্গার ঘরে রাত্রিযাপন করে, তাহার অন্নগ্রহণেও অকুচি নাই তাহার, জমি-জমা নীলামে উঠিয়াছে।

অনি-ভাইয়ের জন্ত দুঃখ হয়। কি হইয়া গেল সে। তাহার একটা কথা মনে পড়িয়া গেল, চৌধুরীই বলিয়াছেন—পণ্ডিত! মালস্মীর নাম শ্রী। শ্রী যার আছে—তারই শ্রী আছে; সে মনে বল, চেহারায় বল, প্রকৃতিতে বল। শ্রীহরির পরিবর্তন হবে বৈকি! আবার অভাবেই ওই দেখ, অনি-ভাইয়ের এমন দশা। তার ওপর কাম্মার-বউএর অশুখ করে আরও এমনটি হয়ে গেল।

শ্রীহরি তাহাকে ডাকিয়া বলিল—তোমাকে ডাকতে এসেছি।—চল খুড়ো, চণ্ডীমণ্ডপে চল। ওখানেই এখন বসছি। চা হয়ে গিয়েছে, চল।

দেবু 'না' বলিতে পারিল না। চণ্ডীমণ্ডপে বসিয়া শ্রীহরি বলিয়া গেল অনেক কথা।

এই চণ্ডীমণ্ডপে বসিবার জন্তই গ্রামে স্থল-ঘর করা হইয়াছে। স্থল-ঘরের মেঝে-বারান্দা সব পাকা করিয়া দিবার ইচ্ছা আছে। একজন ডাক্তারের সঙ্গেও তাহার কথা হইয়াছে। তাহাকে আনিয়া সে গ্রামে বসাইতে চায়। শ্রীহরিই তাহাকে থাকিবার ঘর দিবে, খাইতেও দিবে। জগনকে দিয়া আর চলে না। উহার ওষুধ নাই, সব জল, সব ফাঁকি।

দেবু চূপ করিয়া রহিল।

সেটেলমেন্টের 'খানাপুরী' 'বুঝারত' দুইটা শেষ হইয়া গিয়াছে। আর কোন গুণগোল হয় না। এই সমস্তই দেবুর জন্ত, তাহা শ্রীহরি অস্বীকার করিল না। বলিল—বুঝলে খুড়ো, শেষটা আমিন, কাছনগো—'আপনি' ছাড়া কথা বলত না। আমরা তোমার নাম করতাম। এইবার হবে ডিনধারা, তারপর পাঁচধারা।

শ্রীহরি আরো জানাইল দেবুর জমি-জমা সমস্তই সে নিভূল করিয়া সেটেলমেন্টে রেকর্ড করাইয়াছে। এমন কি, কঙ্কণার বাবুদের কর্মচারী যে জমির টুকরাটি আশ্চর্য্য করিয়াছিল—

সেটি পবিত্র উদ্ধার করিয়াছে।

—তাও উদ্ধার হইয়াছে? দেবু বিস্মিত হইয়া গেল।

—হবে না! জমিদারীর সেরেস্তার তামাম কাগজপত্র আমাদের হাতে, তার ওপর দাশজীর পাকা মাথা! আমি দাশজীকে বললাম—দেবু খুড়ো উপকার করলে দেশের লোকের, বাহ্যের দাঁত ভেঙে দিয়ে গেল; আর তার জমি কুকুরে খাবে তা হবে না। আমাদের এ উপকারটি না করলে চলবে না; আর তা ছাড়া—

—তা ছাড়া; শ্রীহরি আকাশের দিকে চাহিয়া জোড় হাতে প্রণাম করিল—ভগবান যখন জন্ম দিয়েছেন, তখন উপকার ছাড়া অপকার কারুর করব না, খুড়ো। এই দেখ না হরিহরের কণ্ঠে হুটিকে নিয়ে কি কলেকারি কাণ্ড! কলকাতায় তো খাতায় নাম লিখেছিল। শেষে বিদ্রী কাণ্ড করে দেশে এল। গাঁয়ের লোক পতিত করলে। আমি বুঝিয়ে-সুঝিয়ে কান্ড করে আমার বাড়ীতেই রেখেছি। লোকে বলে নানা কথা। তা আমি মিথ্যে বলব না খুড়ো, তুমি তো শুধু খুড়ো নও, বদুলোক, একসঙ্গে পড়েছি! বাজারে-খাতাতেই যারা নাম লিখিয়েছিল, তাদের যদি আমি ঐজগে ঘরের একপাশে রেখে থাকি তো কি এমন দোষ করেছে, বল?

গড়গড়ার নলটা দেবুর হাতে দিয়া শ্রীহরি বলিল—খাও খুড়ো।

—না। জেলখানায় গিয়ে বিড়ি তামাক ছেড়ে দিয়েছি।

—বেশ করেছে।

শ্রীহরির কথা ফুরাইতেই চায় না; কাহার বিপদের সময় তাহার উপকারের জন্ত কত টাকা সে ধার দিয়াছে, আর সে এখন দিবার নাম করিতেছে না—সেই ইতিহাস আরম্ভ করিল।

শ্রীহরিকে দোষ দেওয়া যায় না। টাকা থাকা পাপ নয়, বে-আইনী নয়। কাহারও বিপদে টাকা ধার দিলে, খাতক সে সময়ে উপকৃতই হয়। কিন্তু হৃদে-আসলে আদায়ের সময় তাহার যে কদম্ব রূপটা বাহির হইয়া পড়ে, তাহা দেখিয়া খাতক আতঙ্কিত হয়, মহাজন ক্ষেত্রবিশেষে সঙ্কুচিত হইলেও সর্বক্ষেত্রে হয় না। কিন্তু ইহার জন্ত দায়ী কে তাহা বলা শক্ত। হৃদের জন্ত মহাজনকে ইনকাম্ টাক্স দিতে হয়; হক পাওনা আদায়ের জন্ত আদালতে কোর্ট-ফি লাগে; ইউনিয়নকে দিতে হয় চৌকিদারী টাক্স।

হৃদ শ্রীহরি ছাড়ে কি করিয়া।

দেবু একটা দীর্ঘনিঃশ্বাস কেলিল; শ্রীহরির দিকটা ভাবিতে ভাবিতে তাহার মনে পড়িয়া গেল—বাল্যকালের স্মৃতি। ঋণের দায়ে কঙ্কণার বাবুদের দ্বারা তাহাদের অস্বাবর-জ্ঞোকের কথা। সে শিহরিয়া উঠিল। খাতকের দিকটা দেবুর চোখের উপর ভাসিতে লাগিল। জমি-জমা যায়, পুকুর-বাগান যায়, ক্ষেত্র-খামার যায়, তাহার পর গরু-বাহুর যায়; তাহার পর খালা-কাঁসা যায়, তাহার পর যায় বাস্ত-ভিটা। মানুষ পথের উপর গিয়া দাঁড়ায়। তিন বছর অন্তর অন্তর ষাণ্মাসেট পাণ্টাইয়া একশো টাকা কয়েক বছরে অনায়াসে হাজার টাকা

গিয়া দাঁড়ায় ইহাও আইনসম্মত। যখন আইনসম্মত তখন ইহাই জার। ইহাই যদি জার তবে
সংসারে অন্যায়টা কি ?

তাহার চিন্তাকে বিস্তৃত করিয়া শ্রীহরি বলিল—এই দেখ, সেটেলমেন্টের তিনধারা আসছে,
পাঁচথারার কোর্ট আসছে! এদিকে প্রজা-সমিতি করে ডাক্তার ধুয়ো তুলেছে—এ গাঁয়ের
সব জমি মোকররী জমা। এ মোজায় নাকি কখনও বৃদ্ধি হয় না! তোমাকে আমি কাগজ
দেখাব; বারো শো সত্তর সালের কাগজ; তামাম জমায় বৃদ্ধি করা আছে; একটি জমাও
মোকররী দাঁড়াবে না। জমিদার বৃদ্ধি দাবি করবে। হয়তো হাঙ্গামা বাধাবে ওর।
মামলা হবে। আইনে জমিদারের প্রাপ্য—সে পাবেই। আর যখন আইনসম্মত তখন আর
তার অপরাধটা কোথায় বল? পঞ্চাশ বছরে ফসলের দাম অস্বত তিনগুণ বেড়েছে! জমিদার
পাবে না?

দেবু এ কথাও কোনও উত্তর দিতে পারিল না। ফসলের দাম সত্যই বাড়িয়াছে। কিন্তু
তাহাতে প্রজাদের আয় বাড়িয়াও বাড়ে নাই, বাজার দরে সব খাইয়া গেল। মাল্লবের অভাব
বাড়িয়াছে, ইহার উপরে খাজনা-বৃদ্ধি!

শ্রীহরি বলিল—শোন খুড়ো, দৈবের বিপাকে অনেক কষ্ট পেলো। আর বাবা, আর ওসব
পথে যেও না তুমি; খাও-দাও, কাজকর্ম কর, লোকের উপকার কর।—তোমার উপরে লোকেও
আশা করে—আমরাও করি। সেই কথাই আজ দারোগা বললেন, পণ্ডিতকে বারণ করে দিও,
ঘোষ, ওসব যেন না করে। তা একটা কথা লিখে দাও তুমি—ওরা তোমাকে নিৰ্ব্বাক্ষাট করে
দেবে। স্কুলের চাকরি—ও তোমারই আছে, একটা বণ্ড লিখে দিলেই তুমি পাবে। আর—ওই
নজরবন্দী ছোকরার সঙ্গে তুমি যেন মিশো-টিশো না বাপু। বুঝলে?

এবার দেবু হাসিয়া বলিল—বুঝলাম সব।

—তা হলে কালই চল আমার সঙ্গে।

—না, তা পারবো না, ছিঃ। আমি তো অন্যায় কিছু করিনি।

—কাজ ভালো করছো না খুড়ো। আচ্ছা, হুঁদিন ভেবে দেখ তুমি।

—আচ্ছা।

হাসিয়া দেবু উঠিয়া চলিয়া আসিল। চণ্ডীমণ্ডপ হইতে পথের উপর নামিতে নামিতেই
কাহারাজন দু'য়েক তাহাকে হেঁট হইয়া নমস্কার করিয়া সম্মুখে দাঁড়াইল।

—কে, সতীশ?

—আজ্ঞে হ্যাঁ।

—কি ব্যাপার?

—আজ্ঞে, আমাদের পাড়ায় একবার পদাঙ্গন করতে হবে আপনাকে।

—কেন? কি হ'ল? ও বেঁটু-গান? আজ থাক সতীশ—অন্য একদিন হবে।

—আজ্ঞে, আপনাকে শোনাবার জন্যে আসর পেতেছি আমরা। তারপর ফিস্ ফিস্ করিয়া
বলিল—নজরবন্দী বাবুও আইছেন; তিনি বসে রইছেন; ডাক্তারবাবু রইছেন।

—নজরবন্দী বাবুটি আছেন ? আচ্ছা, চল তবে ।

* * * *

চৈত্র মাসে ঘণ্টাকর্ণের পূজা । ঘেঁটু পূজা,—পঞ্জিকার ‘ঘণ্টাকর্ণ’ নয় । পঞ্জিকার ‘ঘণ্টাকর্ণ’—বসন্ত রোগ-নিবারক মহাবল ঘণ্টাকর্ণের পূজা । এই ‘ঘণ্টাকর্ণ’—ঘেঁটু গাজনের অঙ্গ । বিষ্ণু-বিরোধী শিবভক্ত ঘণ্টাকর্ণ ছিল পিশাচ । সে সাধনায় সিকিলাভ করিয়া রক্ত দেবতার এবং বিষ্ণু দেবতার উভয়েরই প্রসাদ লাভ করিয়াছিল । এই একাধারে ভক্ত ও পিশাচ ঘণ্টাকর্ণের পূজা করে বাংলার নিম্ন জাতীয়েরা । সমস্ত মাস ধরিয়া ঘেঁটুর গান গাহিয়া বাডী বাডী ঘুরিয়া বেড়ায় । চাল-ভাল সিধা মাগিয়া মাসান্তে গাজনের সময় উৎসব করে ।

চৈত্র মাসের সন্ধ্যা । ধর্মরাজের স্থানে বকুলগাছ-তলায় আসন পড়িয়াছে । বকুলের গন্ধে সমস্ত জায়গাটা ভরপুর করিতেছে । আকাশে চাঁদ ছিল—গুরুপক্ষের দ্বাদশীর রাত্রি । একদিকে মেয়েরা অন্তর্যমিত পুরুষদের আসর । দুই আসরের মাঝখানে বসিল—নজরবন্দী বাবুটি, পণ্ডিতমশায়, ভক্তারবাবু ও হরেন ঘোষাল । চারিটি মোড়াও তাহারা মোগাড করিয়াছে । বাসন্তী সন্ধ্যার জ্যোৎস্না—আকাশ হইতে মাটির ন্যূন পর্যন্ত যেন এক স্বপ্নকুহেলিকাময় আলোর জাল বিছাইয়া দিয়াছিল ।

দেবুর মনে পড়িয়া গেল—বাল্যকালে তাহারা ঘেঁটু-গান শুনিতে এখানে আসিত । এমনই জ্যোৎস্নার আলোতে আসর বসিত । ঘাইবার সময় আঁচল ভরিয়া কুড়াইয়া লইয়া ঘাইত বকুল ফুল । তখন সতীশেরা সত্ত জোয়ান, উহারাই গাহিত গান—আর তাহাদের বয়সীরা ধূয়া গাহিত, নাচিত । তখন কিন্তু ঘেঁটুর আসর ছিল জমজমাট । সে কত লোক ! সে তুলনায় এ আসর অনেক ছোট । বিশেষ করিয়া পুরুষের দলই যেন অল্প । দেব বলিল—সে আমলের মত কিন্তু আসর নাই তোমাদের, সতীশ ।

সতীশ বলিল—পাড়ার সিকি মরদই এখনো আসে নাই, পণ্ডিতমশাই ।

—কেন ? কোথায় গিয়েছে ?

—অ্যাঞ্জে, প্যাটের দ্বারে । গাঁয়ে চাকরি মেলে না ; গেরস্তরা কেরার হয়ে গেল, মুনিষ-জন রাখতে পারে না । আমাদেরও ছেলে-পিলে বেড়েছে । এখন ভিনগাঁয়ে চাকরি করতে হয় । চাকরি সেবে ক্ষিরতে একপহর রাত হয়ে যায় । তা ঘেঁটু-গান করবে কখন—শুনবে কখন, বলেন ?

জগন বলিল—পেটেই তোদের আগুন লেগেছে রে, পেট আর কিছুতেই ভরছে না !

সতীশ হাত-জোড় করিয়া বলিল—তা অ্যাঞ্জে আপুনি ঠিক বলেছেন ডাক্তার বাবু ; প্যাটে আগুনই নেগেছে বটে । মেয়েরা পর্যন্ত ‘রোজ’ খাটতে যাচ্ছে । কি করব বলুন ? পঞ্চায়ত করে বারণ করলাম । তা কে শুনছে ? সব ছুটছে তো ছুটছে । আর অভাবও যা হয়েছে বুঝলেন !

বাধা দিয়া থতীন বলিল—নাও, গান আরম্ভ কর ।

গায়ক ও বাদকের দল অপেক্ষা করিয়াই ছিল, তাহারা আরম্ভ করিয়া দিল । ঢোলকের

বাজনার সঙ্গে মন্দিরার ধ্বনি ; গায়কে দল আরম্ভ করিল—

শিব-শিব-রাম-রাম ।

ছোট ছেলের দল নাচিতে নাচিতে হাতে তালি দিয়া ধুয়া ধরিল—

শিব-শিব-রাম-রাম ।

গায়কেরা গান গাহিল—

‘এক ঘেঁটু তার সাত বেটা ।

সাত বেটা তার সাতাস্ত

এক বেটা তার মহাস্ত ।

মহাস্ত তাই রে,

ফুল তুলতে যাই রে,

যত ফুল পাই রে,

আমার ঘেঁটুকে সাজাই রে !

সঙ্গে সঙ্গে প্রত্যেক লাইনের পর ছেলেরা তালি দিয়া গান গাহিয়া গেল—শিব-শিব-রাম-রাম ।

এই গান শেষ হইবার পর আরম্ভ হইল অল্প গান । স্থানীয় বিশেষ ঘটনাকে অবলম্বন করিয়া ইহাদের গান আছে—

হার এ জল কোথায় ছিল ।

জলে জলে বাংলা মলুক ভে-সে গেল !

বহুদিন আগে যখন রেলওয়ে-লাইন পড়িয়াছিল, সে গান আজও ইহারা গায়—

সাহেব রাস্তা বাধালে ।

ছ’মাসের পথ কলের গাড়ী দণ্ডে চালালে ।

•অজন্মার বৎসরের গান—

ঈশাণ কোণে ম্যাঘ লেগেছে দেবতা করলে শুকো ।

এক ছিলম তামুক দাও গো সঙ্গে আছে হুকো ।

আজ তাহারা আরম্ভ করিল—

দেশে আসিল জরীপু !

রাজা-পেজা ছেলে-বুড়োর বুক টিপ টিপ ।

ছেলেরা ধুয়া ধরিল—

হার বাবা, কি করি উপায় ?

প্রাণ যায় তাকে পারি—মান রাখা দা-ন্ন ।

গায়কেরা গাহিয়া চলিল—

পিওন এল, আমিন এল, এল কাছনগো,

বুড়োশিবের দরবারে মানন্ত মাহুন্ গো ।

বুঝি আর মান থাকে না ॥

ছেলেমা গাছিল,

হায় বাবা, কি করি উপায় ?

হাকিম এল ঘোড়ায় চড়ে, সঙ্গেতে পেশকার,
আম্মারাম খাঁচা-ছাড়া হল দেশটার ।

বুঝি আর মান থাকে না ॥

তাবু এল, চোরার এল, কাগজ গাড়ী গাড়ী,
নোরায়ই ছেকল এল চল্লিশ মণ ভারী ।

ক্কেতে বুঝি ধান থাকে না ॥

ভে-ঠেঙে টেবিল পেতে লাগিয়ে দুর্বীন,
এখানে ওখানে পৌতে চিনে মাটির পিন ।

কুলীদের প্রাণ থাকে না ॥

কুঁচবরণ রাডা চোখ তারার মতন ঘোরে,
দস্তকড়মড়ি হাঁকে—এই উল্লুক ওরে ।

হায় কলিতে মাটি ফাটে না ॥

পণ্ডিতমশায় দেবু ঘোষ তেজিয়ান বিধান,
জানেন চেয়ে তার কাছে বেশী হল মান ।

ও সে আর লইতে পারে না ॥

কাহ্ননগো কছিল 'তুই', সে করে 'তুকারি'
আম্মার কাছে খাটবে না তোমার কোন জুরি-জারি

দেবু কারুর ধার ধারে না ॥

দেবু ঘোষের পাকা ধানে ছেকল চল্লিশ মণ,
টেনে নিয়ে চলে আমিন বন্-বন্-বন্ ।

ও সে কারুর মানা মানে না ॥

দেবু হাসিল । বলিল—এ সব করেছে কি সতীশ ?

যতীন মুগ্ধ হইয়া শুনিতেছিল । গায়কেরা তাহার পরের ঘটনাও নিখুঁতভাবে বর্ণনা করিল ।

শেষে গাছিল—

দেবু ঘোষে বাঁধল এসে পুলিশ দারোগা,
বলে, কাহ্ননগোর কাছে হাত জোড় করগা ।

দেবু ঘোষ হেসে বলে 'না' ॥

খাকিল শিছনে পড়ে সোনার বরণ নারী,
ননীর পুতলী শিশু ধুলায় গড়াগড়ি ।

তবু ঘোষের মন টলে না ॥

চোখ মুছিতে মুছিতে দুর্গা বলিল—জা তুরি পাবাণই বটে জামাই । মাগো, সে কি দিন !

শুধু দুর্গা নয়, সমবেত মেয়েগুলি সকলেই আঁচল দিয়া চোখ মুছিতেছিল। সেদিনের কথা তাহাদের মনে আছে।

গায়কেরা গাহিল—

ফুলের মালা গলায় দিয়ে ঘোষ চলেন জ্বলে,
অধম সতীশ লুটায় এসে তাঁরই চরণ-তলে
দেবতা নইলে হায় এ কাজ কেউ পারে না ॥

গান শেষ হইল। সতীশ আসিয়া দেবু ঘোষকে প্রণাম করিল। দেবুর বুকো একটা আবেগ উজ্জ্বলিত হইয়া উঠিয়াছিল; সে মুখে কিছু বলিতে পারিল না, সতীশকে সম্মুখে ধরিয়া তুলিল।

জগন বলিল—তোকে আমি একটা মেডেল দেব সতীশ।

হরেন বলিল—আচ্ছা সতীশ, মালাটা যে আমিই দিয়েছিলাম সে কথাটা বাদ গিয়েছে কেন? মালা আছে, গলা আছে, আমি নাই। বাঃ!

যতীন স্বপ্রাচ্ছন্নের মত উঠিয়া দাঁড়াইল। সমস্ত অষ্ঠানটাই তাহার কাছে অদ্ভুত ভাল লাগিয়াছে। সতীশকে মনে মনে নমস্কার করিল। বলিল—তোমাদের গানগুলো আমাদের লিখে দেবে সতীশ?

—আজ্ঞে! সতীশ অপ্রস্তুতের মত হাসিতে লাগিল।—আপনি নিকে নেবেন?

—হ্যাঁ।

—সত্যি বলছেন, বাবু!

—হ্যাঁ হে।

নিঃশব্দে আকর্ণবিস্তার হাসিতে সতীশের মুখ ভরিয়া গেল। 'সে কৃতার্থ হইয়া গিয়াছে।

দেবু বলিল, আজ তো আপনার সঙ্গে আলাপ হল না, কাল—

যতীন বলিল—আলাপ তো হয়ে গেছে। আলোচনা বাকি আছে। কাল আমিই আপনার বাড়ী যাব।

উল্লিখ

এই একটি দিন। শুধু একটি দিনের জন্তই দেবু, কেবল দেবুই দেখিল—শিবকালীপুরের অদ্ভুত এক রূপ। শুধু রূপ নয়, তাহার স্পর্শ তাহার স্বাদ—সবই একটি দিনের জন্ত দেবুর কাছে মধুময় হইয়া দেখা দিল। পরের দিন হইতে কিছু আবার সেই পুরানো শিবকালীপুর। সেই দীনতা-হীনতা, হিংসার জর্জর মাহুধ, দারিদ্র-ভ্রংশ-রোগপ্রাপীড়িত গ্রাম। কালও গ্রামখানির গাছপালা-পাতা-ফল-ফুলের মধ্যে যে অভিনব মধুর্ষ দেবুর চোখে পড়িয়াছিল, নাবি আমের মুকুলের গন্ধে সে যে ভগ্নি অনুভব করিয়াছিল, আজ তাহার কিছুই সে অনুভব করিল না।

আপনার দাওয়ায় বসিয়া সে ভাবিতেছিল অনেক কথা—এলোমেলো বিচ্ছিন্ন ধারার।

প্রথমেই মনে হইল গ্রামস্থানার সর্বত্র যেন ধূলা লাগিয়াছে! পথ কয়টার এক-পা গভীর হইয়া ধূলা জমিয়াছে। ভোবার পুকুরের জল মরিয়া আসিয়াছে, জল জলে পানাগুলা পচিতে আরম্ভ করিয়াছে। গ্রামে জলের অভাব দেখা দিল। গরু বাছুর গাছপালা লইয়া জলের জন্ত বৈশাখ-জ্যৈষ্ঠে আর কষ্টের নীমাপরিলীমা থাকিবে না। বাড়ীতে অনেকগুলি গাছ হইয়াছে, দৈনিক জলের প্রয়োজন হইবে।

আর গাছ লাগাইয়াই বা কল কি? তাহার বাড়ীর যে কুমড়ার লতাটি প্রাচীর ভরিয়া উঠিয়াছে, সেই গাছটার কয়টা কুমড়া ধড়িয়াছিল, তাহার মধ্যে তিনটা কুমড়া কাল রাত্রে কে ছিড়িয়া লইয়া গিয়াছে। তাহার বাড়ীর রাখাল ছোঁড়াটা গাছটা পুঁতিয়াছিল—সে তারখরে চীৎকার করিয়া গালি দিতেছে অজ্ঞাতনামা চোরকে।

ছোঁড়া আবার মাহিনা-কাপড়ের জন্ত ব্যস্ত হইয়া উঠিয়াছে। বিলুও কাপড় ছিড়িয়াছে। নিজেরও চাই। ‘যেমন করে পর কাপড় চৈতে হবে কানি’—কথাটা মিথ্যে নয়। কিন্তু কি করিবে? পোষ্ট আপিসে সঙ্কয়ের টাকাগুলির আর কিছু অবশিষ্ট নাই।

চিন্তাটা ছিন্ন হইয়া গেল। কোথায় যেন একঘেয়ে চীৎকার উঠিতেছে। কোথায় কাহারো উচ্চ-কর্কশকণ্ঠে যেন গালিগালাজ করিতেছে, কাহাদের ঝগড়া বাধিয়াছে; সম্ভবতঃ একটা কণ্ঠস্বর রাঙাদিদির! বুড়ীর আবার কাহার সঙ্গে কি হইল? বিলুকেই সে প্রশ্ন করিল, রাঙাদিদি কার সঙ্গে লাগল বল তো?

বিলু হাসিয়া বলিল—লাগেনি কার সঙ্গে। বুড়ী গাল দিচ্ছে নিজের বাপকে আর দেবতাকে। আজকাল রোজ সকালে উঠে দেয়। বুড়ো হয়েছে, একা কাজ-কর্ম করতে কষ্ট হয়, সকালে উঠে তাই রোজ ওই গাল দেবে। বাপকে গাল দেয়—বাঁশ-বুকো রাঁকাস, জমি-জেরাত-গুলো সব নিজে পেটে পুরে গিয়েছে, ‘আর দেবতাকে গাল দেয়—চোখ-খেগো, কানা হও তুমি।

দেবু হাসিল; তারপর বলিল—কিন্তু আরও একজন যে গাল দিচ্ছে। কানার আওয়াজের মত অল্পবয়সী গলা!

—ও পদ্ম, কামার বউ!

—অনিষ্টকের বউ?

—হ্যাঁ। বোধ হয় আমাদের ভাস্করপো—মানে শ্রীহরিকে গাল দিচ্ছে। মধ্যে মধ্যে অমন দেয়। আজও দিচ্ছে বোধ হয়। মাঝখানে তো পাগলের মত হয়ে গিয়েছিল। এখন একটু ভাল। ওদিকে কর্মকার তো একরকম কাজের বার হয়ে গেল। এক-একদিন মদ খেয়ে যা করে! একটা লোহার ডাণ্ডা হাতে করে বেড়ায়, আর চৈচায়—খুন করেকা! যার-তার বাড়ীতে খায়।

—মানে দুর্গার বাড়ীতে তো?

—হ্যাঁ!

ছি! ছি! ছি! দুর্গার ওই দোষটা গেল না। ওই এক দোষেই ওর সব গুণ নষ্ট হয়েছে।

বিলু বলিল—মদ খেয়ে মাতাল হয়ে ‘খেতে দে খেতে দে’ করে হাঙ্গামা করলে দুর্গা আর কি করবে বল ? অবিশি কিছুদিন দুর্গার ঘরে রাত কাটাও কর্মকার। কিন্তু আজকাল দুর্গা তো রাত্রে ঘরে ঢুকতে দেয় না। কামার তবু পড়ে থাকে ওদের উঠানে, কোনদিন বাগানে ; কোনদিন রাস্তায়। কোনদিন অন্ত কোথাও।

—হ্যাঁ, আজকাল অনিরুদ্ধের তো পয়সা-কড়ি নাই। দুর্গা আর—

—না—না—না, তা বোলো না। দুর্গা কোনদিনই পয়সা নেয় নাই কর্মকারের কাছে। ও-ই বরং ছুটাকা চার-টাকা করে দিয়েছে মধ্যে মধ্যে। আমার হাতে দিয়ে বলেছে—বিলু-দিদি, তুমি কামার-বউকে দিয়ে, আমি দিলে তো নেবে না !

—ছিঃ ! তুমি ওই সব জঘন্য ব্যাপারের মধ্যে গিয়েছিলে ?

বিলু কিছুক্ষণ নতমুখে থাকিয়া বলিল—কি করব বল, কামার-বউ তখন স্কাপার মত—হাঁড়ি চড়ে না। খেতে পায় না। পদ্মও না, কর্মকারও না। আমার হাতেও কিছুই ছিল না যে দোব। একদিন দুর্গা এসে অনেক কাকুতি-মিনতি করে বললে। কি করব বল !

—হঁ। দেবুর একটা কথা মনে পড়িল। নজরবন্দীর জন্য অনিরুদ্ধের ঘর দুর্গাই তো ধারোগাকে বলে ভাড়া করিয়ে দিয়েছে গুনলাম।

—তা সে অনেক পরের কথা। একটু চুপ করিয়া থাকিয়া বলিল—হ্যাঁ। নজরবন্দী ছেলেটি বড় ভাল, বাপু। কামার-বউকে মা বলে। গাঁয়ের ছেলেরাও ওর কাছে ভিড় জমিয়ে বসে থাকে।

—বস তুমি। আমি আসি একবার যতীনবাবুর সঙ্গেই দেখা করে।

পথে চণ্ডীমণ্ডপ হইতে ডাকিল শ্রীহরি। সেখানেও চারপাশে একটি ছোটখাটো ভিড় জমিয়া রহিয়াছে। দেবু অহুযানে বুকিল, খাজনা আদায়ের পর্ব চলিতেছে। চৈত্র মাসের বারোই-তেরোই, ইংরাজী আটাশে মার্চ সরকার-দপরে রাজস্ব-দাখিলের শেষদিন। তা ছাড়া চৈত্র-কিস্তি, আখেরী।

দেবু বলিল—ওবেলা আসব তাইপো।

শ্রীহরি বলিল—পাঁচ মিনিট। গ্রামের ব্যাপারটা দেখে যাও। যেন অরাজক হয়েছে।

দেবু উঠিয়া আসিল। দেখিল—বৈরাগীদের ‘নেলো’—অথাৎ নলিন হাত জোড় করিয়া কাঁড়াইয়া আছে ; ও-পাশে তাহার মা কাঁদিতেছে।

শ্রীহরি বলিল—ওই দেখ, ছোঁড়ার কাণ্ড দেখ। আকুল দিয়া সে দেখাইয়া দিল চণ্ডীমণ্ডপের চুনকাম করা একটি থাম। সেই চুনকাম করা থামের সাদা জমির উপর কয়লা দিয়া আঁকা এক বিচিহ্ন ছবি। মা-কালীর এক মূর্তি।

দেবু নেলোকে জিজ্ঞাসা করিল—হ্যাঁ রে, তুই এঁকেছিস ?

নেলো ঘাড় নাড়িয়া সায় দিয়া উত্তর দিল—হ্যাঁ।

—চুনকাম-করা চণ্ডীমণ্ডপের ওপর কি করেছে একবার দেখ দেখি ?

—পট এঁকেছেন।

ইহার পর নেলোকেই সে বলিল—চুনকামের খরচা দে, দিয়ে উঠে যা !

দেবু তখনও ছবিখানি দেখিতেছিল—বেশ আকিয়াছিল নেলো । তাহাকে জিজ্ঞাসা করিল—
—কার কাছে আঁকতে শিখিলি তুই ?

নেলো রুদ্ধস্বরে কোনমতে উত্তর দিলে—আপুনি আপুনি, আজ্ঞে ।

—নিজে নিজে শিখেছিল ?

শ্রীহরি এই প্রশ্নের উত্তর দিল,—হ্যাঁ, হ্যাঁ । ছোঁড়ার ওই কাজ হয়েছে, বুঝলে কি না ! লোকের দেওয়ালে সিমেন্টের উঠানে, এমন কি বড় বড় গাছের গায়ে পর্যন্ত কয়লা দিয়ে ছবি আঁকবে । তারপর ওই নজরবন্দী ছোকরা ওর মাথা খেল ! অনিরুদ্ধের বাইরের ঘরে ছোকরা থাকে, দেখো না একবার তার দেওয়ালটা—একেবারে চিত্রি-বিচিত্রে ভর্তি । এখন চতুর্মণ্ডপের ওপর লেগেছে । কাল হুপুরবেলায় কাজটি করেছে ।

দেবু হাসিয়া বলিল—নেলো অন্তায় করেছে বটে, কিন্তু এঁকেছে ভাল, কালী-মূর্তিটি খাসা হয়েছে ।

—নমস্কার, ঘোষ মশায় ! ওদিকের সিঁড়ি দিয়া পথ হইতে উঠিয়া আসিল ডেটিনিউ যতীন । দেবুকে দেখিয়া সে বলিল—এই যে আপনিও রয়েছেন দেখছি ! আপনার ওখানেই যাচ্ছিলাম !

—আমিও যাচ্ছিলাম আপনার কাছেই ।

—দাঁড়ান, কাজটা সেরে নি । ঘোষ মশায়, ওই-মাথাটায় কলি ফেরাতে কত খরচ হবে ?

শ্রীহরি বলিল—খরচ সামান্য কিছু হবে বৈকি । কিন্তু কথা তো তা নয়, কথা হচ্ছে নেলোকে শাসন করা ।

হাসিয়া যতীন বলিল—আমি দুজনকে জিজ্ঞেস করলাম, তারা বললেন—চুন চার আনা, একটা রাজমিস্ত্রীর আধ রোজের মজুরি চার আনা, একটা মজুরের আধ রোজ দুআনা । মোট—এই দশ আনা, কেমন ?

—হ্যাঁ । তবে পাটও কিছু লাগবে পোঁচড়ার জন্যে ।

—বেশ, সেও ধরুন দুআনা । এই বারো আনা । একটি টাকা বাহির করিয়া যতীন শ্রীহরির সম্মুখে নামাইয়া দিয়া বলিল—বাকীটা আমায় পাঠিয়ে দেবেন ।

সে উঠিয়া পড়িল । দেবুও সঙ্গে সঙ্গে উঠিল । যতীন হাসিয়া বলিল—আমার ওখানেই আসুন, দেবুবাবু । নলিনের আঁকা অনেক ছবি আছে, দেখবেন । এস নলিন—এস ।

শ্রীহরি ভাকিল—খুড়ো, একটা কথা !

দেবু কিরিয়া দাঁড়াইয়া বলিল—বল ।

—একটু এখানে এস বাবা । সব কথা কি সবার সামনে বলা চলে !

শ্রীহরি হাসিল । বগীতলার কাছে নির্জনে আসিয়া শ্রীহরি বলিল—গতবার চোত কিস্তি থেকেই তোমার খাজনা বাকী হয়েছে, খুড়ো । এবার সম্বৎসর । কিস্তির আগেই একটা ব্যবস্থা করো বাবা ।

‘ দেবর মুখ মুহূর্তে অগ্রসর হইয়া উঠিল ! গতকালের কথা তাহার মনে পড়িল ! বোধ হইল, শ্রীহরি তাহাকে শাসাইতেছে। সে সংযত স্বরে বলিল—আচ্ছা দেবো। কিস্তির মধ্যেই দোব।

* * * *

উনিশ-শো চব্বিশ খ্রীষ্টাব্দে বিশেষ ক্ষমতাবলে ইংরেজ সরকারের প্রণয়ন করা আইন—আটক-আইন। নানা গণ্ডীবন্ধনে আবদ্ধ করিয়া বিশেষ থানার নিকটবর্তী পল্লীতে রাজনৈতিক অপরাধ-সন্দেহে বাঙালী তরুণদের আটক রাখার ব্যবস্থা হইয়াছিল। বাংলা সরকারের সেই আটক-আইনের বন্দী যতীন। যতীনের বয়স বেশী নয়, সতেরো-আঠারো বৎসরের কিশোর, যৌবনে সবে পদার্পণ করিয়াছে। উজ্জল শ্রামবর্ণ রঙ, কক্ষ বড় বড় চুল, ছিপছিপে লম্বা, সর্বদা একটি কমনীয় লাংগা; চোখ দুটি ঝকঝকে, চশমার আবরণের মধ্যে সে দুটিকে আরও আশ্চর্য দেখায়।

অনিরুদ্ধের বাহিরের ঘরের বারান্দায় একখানা তক্তপোষ পাতিয়া, সেইখানে যতীন আসর করিয়া বসে। গ্রামের ছেলের দল তো সেইখানেই পড়িয়া থাকে। বয়স্কেরাও সকলেই আসে—তারো নাপিত, গিরিশ ছুতার, গাঁজাখোর গদাই পাল, বৃদ্ধ দ্বারকা চৌধুরীও আসেন। সন্ধ্যার পর দোকান বন্ধ করিয়া বৃন্দাবন দত্তও আসে; মজুর খাটিয়া কোনরূপে ঝাটিয়া আছে তারিণী পাল—সেও আসিয়া চুপ করিয়া বসিয়া থাকে। কোন-কোনদিন শ্রীহরিও পথে ঘাইতে আসিতে এক-আধবার বসে। বাউড়ী-পাড়া, বায়েন-পাড়ার লোকেরাও আসে। গ্রাম্য বধু ও কুঁড়ি মেয়েগুলি দূর হইতে তাহাকে দেখে। বুড়ী রাঙাদিদি মধ্যে মধ্যে যতীনের সঙ্গে কথা বলে, কোনদিন নাডু, কোনদিন কলা, কোনদিন অল্প কিছু দিয়া, সে যতীনকে দেখিয়া আপন মনেই পাচালীর একটি কলি আবৃত্তি করে—

‘অকুর পাখাণ হিয়া, সোনার গোপালে নিয়া

শূণ্য কৈল যশোদার কোল।’

যতীনও মধ্যে মধ্যে আপনার মনে গুন-গুন করিয়া আবৃত্তি করে—রবীন্দ্রনাথের কবিতা। দুইটা লাইন এই পল্লীর মধ্যে তাহার অন্তরীণ জীবনে অহরহ গুঞ্জন করিয়া ফেরে—

‘সব ঠাই মোর ঘর আছে...

ঘরে ঘরে আছে পুরুমাস্বীয়...’

সমগ্র বাংলা দেশ যেন এই পল্লীটির ক্ষুদ্র আয়তনের মধ্যে রূপান্তরিত হইয়া ধরা দিয়াছে তাহার কাছে। এখানে পদার্পণমাত্র গ্রামখানি এক মুহূর্তে তাহার আপন ঘরে পরিণত হইয়া উঠিয়াছে। এখানকার প্রতিটি মানুষ তাহার ঘনিষ্ঠতম প্রিয়জন, পরমাত্মীয়। কেমন করিয়া যে এমন হইল—এ সত্য তাহার কাছে এক পরমাস্চর্য। শহরের ছেলে সে, কলিকাতায় তাহার বাড়ী। জীবনে পল্লীগ্রাম এমন করিয়া কখনও দেখে নাই। আটক-আইনে গ্রেপ্তার হইয়া প্রথমে কিছুদিন ছিল জেলে। তারপর কিছুদিন ছিল বিভিন্ন জেলার সদরে মহকুমা শহরে। এই মহকুমা শহরগুলি অদ্ভুত। সেখানে পল্লীর আভাস কিছু আছে,

কিছু কিছু মাঠ-ঘাট আছে, কৃষি এখনও সেখানকার জীবিকার একটা মুখ্য বা গোঁণ অংশ ; ক্ষুদ্র ক্ষুদ্র সমাজও আছে। ঠিক সমাজ নয়—দল। সমাজ ভাঙিয়া শিক্ষা, সম্মান ও অর্থবলের পার্থক্য লইয়া ক্ষুদ্র ক্ষুদ্র দলে পরিণত হইয়াছে। সঙ্গীর্ণ, আত্মকেন্দ্রিক, পরস্পরের প্রতি ঈর্ষাপরায়ণ। সেখানে পল্লীর আভাস তৈলচিত্রের রঙের প্রলেপ অবলুপ্ত কাপড়ের আভাসের মতই—অস্পষ্ট ইন্ধিতে আছে। স্পষ্ট প্রভাব নাই—প্রকাশ নাই।

তাই একেবারে খাঁটি পল্লীগ্রামে অন্তরীণ হইবার আদেশে সে অজানা আশঙ্কায় বিচলিত হইয়াছিল। কিন্তু প্রত্যক্ষ পরিচয় লাভে সে আশঙ্কিত হইয়াছে। সর্বত্র একটি পরমাশ্চর্য স্নেহস্পর্শ অনুভব করিয়াছে। অবশ্য এখানকার দীনতা, হীনতা, কদর্ঘতাও তাহার চোখ এড়ায় নাই। অশিক্ষা তো প্রত্যক্ষভাবে প্রকটিত। কিন্তু তবু ভাল লাগিয়াছে। এখানে মানুষ অশিক্ষিত, অথচ শিক্ষার প্রভাবশূণ্য অমায়ুষ নয়। অশিক্ষার দৈগ্ধে ইহারা সঙ্কচিত, কুশিক্ষা বা অশিক্ষার ব্যর্থতার দৃষ্টে দান্তিক নয়। শিক্ষা এখানকার লোকেব না থাক, একটা প্রাচীন জীর্ণ সংস্কৃতি রীতিও আছে,—অবশ্য মুমূর্ষুর মতই কোন মতে টিকিয়া আছে। কিন্তু তাহারও একটা আন্তরিকতা আছে।

শহরকে সে ভালবাসে, শ্রদ্ধা করে। ওইখানেই তো চলিয়াছে মানুষের জন্মযাত্রা। কিন্তু সে—মফস্বলের ওই উকিল-মোক্তার-আমলাদর্ভন, কতকগুলো পান-বিড়ি-মগিহারী দোকানদার, ক্ষুদ্র চালের কলওয়াল, তামাকের আভতওয়াল ও কাপড়ওয়ালাদের দলপ্রধান ছোট শহর নয়। সে শহরের উল্লসলোকে শত শত কলকারখানাব চিমনি উদ্ভূত হইয়া আছে তপস্বীর উল্লসবাহুর মত। অবিশ্রান্ত অপরিমেয় তাহাদের শক্তি। বন্দী দানবের মত যন্ত্রশক্তির মধ্য দিয়া সে শক্তির ক্রিয়া চলিতেছে। উৎপাদন করিতেছে বিপুল সম্পদ-সম্ভার। কিন্তু তবু মরণোন্মুখ পল্লীকে তাহার ভাল লাগিয়াছে। বিগত যুগের মুমূর্ষু প্রাচীন, যাহার সঙ্গে নব যুগের পার্থক্য অনেক,—সেই মুমূর্ষু প্রাচীনের সঙ্করণ বিদায় সম্ভাষণ যেমন নবীনকে অভিভূত করে, তেমনি এই মরণোন্মুখ প্রাচীন সংস্কৃতির আপ্যায়নও তাহার কাছে বড় সঙ্করণ ও মধুর বলিয়া মনে হইতেছে।

অনিরুদ্ধের বারান্দায় পাতা তক্তপোষের উপর যতীন দেবুকে বসাইল—বসুন। আপনায় সঙ্গে আলাপ করার জন্য উদ্গ্রীব হয়ে আছি।

দেবু হাসিয়া বলিল—কাল তো বললেন—আলাপ হয়ে গিয়েছে।

—তা সত্যি। এইবার আলোচনা হবে। দাঁড়ান, তার আগে একটু চা হোক। বলিয়া সে অনিরুদ্ধের বাড়ীর ভিতরের দরজায় দাঁড়াইয়া ডাকিল—মা-মণি!

মা-মণি তাহার পদ্ম। মা-মণিটি তাহার জীবনে বিধামতের সংমিশ্রণে গড়া এক অপূর্ণ সম্পদ। তাহার বিয়ের জালা—অমৃতের মাধুর্য এত তীব্র যে, তাহা সহ করিতে যতীন হাঁপাইয়া উঠে। তাহার সঙ্গে পদ্মের বয়সের পার্থক্যও বেশী নয়, বোধ হয় পাঁচ-সাত বাৎসরের তবু সে তার মা-মণি। এক এক সময়ে যতীনের মনে পড়ে তাহার ছেলেবেলার

কথা। খেলাঘরে তাহার দিদি সাজিত মা, সে সাজিত ছেলে। প্রাণবলে সেই খেলার যেন পুনরাবৃত্তি ঘটতেছে। সে যখন এখানে আসে তখন পদ্ম প্রায় অর্ধোন্নত। মধ্যে মধ্যে মুছারোগে চেতনা হারাইয়া উঠানে, ধূলামাটিতে অসংবৃত অবস্থায় পড়িয়া থাকিত। অনিচ্ছক তাহার পূর্ব হইতেই বাউতুলে, ভবঘুরে, বাড়ীতে থাকিত না। যতীনকেই অধিকাংশ সময় চোখে-মুখে জল দিতে হইত। তখন হইতেই যতীন ডাকে মা বলিয়া। মা ছাড়া আর কোন সখোদন সে খুঁজিয়া পায় নাই। সেই মা সখোদনের উত্তরেই পদ্ম একদিন প্রকৃতিস্থ হইয়া তাহাকে ডাকিল ছেলে বলিয়া। সেই হইতেই এই খেলাঘর পাতা হইয়াছে। পদ্ম এখন অনেকটা স্বস্থ, অস্থির ছেলেকে লইয়াই বাস্তু। অনিচ্ছকের ভাবনা সে যেন ভাবেই না। কচিং কখনও আসিলে তাহাকে যত্নও বিশেষ করে না।

বাড়ির ভিতর তখন কলরব চলিতেছে। একপাল ছেলে হঠাৎপাটি ছুটোছুটি করিয়া বেড়াইতেছিল। পদ্ম একজনের চোখ গামছায় বাঁধিয়া বলিতেছিল—ভাত করে কি?

—টগ্-বগ্। ছেলেটি উত্তর দিল।

—মাছ করে কি?

—ছ্যাক-ছ্যাক।

—হাটে বিকোর কি?

—আদা।

—তবে ধরে আন তোর রাঙা রাঙা দাদা।

কানামাছি খেলা চলিতেছে। যতীনের কাছে ছেলের দল আসে। যতীন না থাকিলে তাহারা পদ্মকে লইয়া পড়ে। পদ্মও যতীনের অস্থপস্থিতিতে ছেলের খেলার মধ্যে বুড়ী সাজিয়া বসে।

যতীন আবার ডাকিল—মা-মণি!

পদ্ম উঠিয়া পড়িল,—কি? চাঁদ-চাওয়া ছেলের আমার আবার কি হুমুশুনি?

—চাদের জল গরম আর একবার।

—হবে না। মাহুশ কতবার চা খায়?

—দেবু ঘোষ মশায় এসেছেন। চা খাওয়াতে হবে না?

—পণ্ডিত।

—হ্যাঁ।

পদ্ম একহাতে ঘোমটা টানিয়া দিল—চাপা গলায় বলিল—দি।

যতীন হাসিয়া বলিল—পণ্ডিত বাইরে! ঘোমটা দিচ্ছ কাকে দেখে?

—ওই দেখ, তাই তো।

ঘোমটা সরাইয়া দিয়া পদ্ম অপ্রস্তুতের মত একটু হাসিল।

বাহিরে আসিয়া যতীন দেবুকে বলিল—আপনার নামে একটা ভি-পি আনতে দেব আমি।

দেবু একটু বিরক্ত বোধ করিল।—বেনামীতে ভি-পি,—কিসের ভি-পি ?

—হ্যাঁ। খানকয়েক ছবির বই, একটা রঙ-তুলির বাস। আমাদের নলিনের জন্ত। পুলিশের মারকত আনানোর অনেক হাঙ্গামা। নলিন ছবি আঁকতে শিখুক। ওর হাত ভাল।

—তা বেশ। কিন্তু তার চেয়ে, নলিন, তুই পটুয়াদের কাছে শেখ না কেন ? প্রতিমা গড়তে শেখ, রং করতে শেখ।

নলিন ছেলেটা অদ্ভুত লাজুক, দুই চারিটি অতি সংক্ষিপ্ত কথায় কথা শেষ করে সে। সে মাটির দিকে চাহিয়া বলিল—পটুয়ারা শেখায় না। বলে পয়সা লাগবে।

যতীন বলিল—পয়সা আমি দেব, তুমি শেখো।

—হুঁ টাকা কি-মাসে লাগবে।

দেবু বলিল—আচ্ছা, সে আমি বলে দেব দ্বিজপদ পটুয়াকে। পরন্তু যাব আমি মহাগ্রামে। আমার সঙ্গে যাবি।

নলিন ঘাড় নাড়িয়া সায় দিল—বেশ।

কিছুক্ষণ চুপ করিয়া থাকিয়া বলিল—পয়সা দেবেন বলেছিলেন !

যতীন একটি নিকি তাহার হাতে দিয়া বলিল—তা হলে পণ্ডিত মশায়ের সঙ্গে যাবে তুমি, বুঝলে ?

নলিন আবার ঘাড় নাড়িয়া সায় দিয়া নীরবেই উঠিয়া চলিয়া গেল।

যতীন বলিল—এইবার আপনার সঙ্গে আলোচনা আরম্ভ করব। অনেককে জিজ্ঞেস করছি, কেউ উত্তর দিতে পারে নি। অন্ততঃ সন্তোষজনক মনে হয় নি আমার।

—কি বলুন ?

—আপনাদের ওই চণ্ডীমণ্ডপটি। ওটি কার ?

—সাধারণের।

—তবে যে বলে জমিদার মালিক ?

—মালিক নয়। জমিদার দেবোত্তরের সেবাইত বলে তিনিই চণ্ডীমণ্ডপের রক্ষণাবেক্ষণ করেন।

—রক্ষণাবেক্ষণও তো, আমি যতদূর শুনেছি, গ্রামের লোকেই করে।

—হ্যাঁ, তা করে। কিন্তু তবু ওই রকম হয়ে আসছে আর কি ! ওটা জমিদারের সম্মান। তা ছাড়া শূদ্রের গ্রাম, জমিদার ব্রাহ্মণ, তিনিই সেবায়ত্ত হয়ে আছেন। আর ধরুন, গ্রামের মধ্যে ঝগড়া-ঝাঁটি হয়, দলাদলি হয়। এই কারণেই জমিদারকেই দেবোত্তরের মালিক স্বীকার করে আসা হয়েছে। কিন্তু অধিকার গ্রামের লোকেরই।

—তবে প্রজা-সমিতির মিটিং করতে বাধা দিলে কেন জমিদার-পক্ষ ?

—বাধা দিয়েছে !

—হ্যাঁ, মিটিং করতে দেয় নি।

তা. র. ৩—১৭

‘দেবু কিছুক্ষণ ভাবিয়া বলিল—বোধ হয় ‘প্রজা-সমিতি’ জমিদারের বিরোধী বলে দেয় নাই। তা ছাড়া ওটা তো আর ধর্মকর্ম নয়।

—প্রজা-সমিতি—প্রজার মঙ্গলের জন্ত। প্রজার মঙ্গল মানে জমিদারের সঙ্গে বিরোধ নয়। কোন কোন বিষয়ে বিরোধ আসে বটে, কিন্তু অধিকাংশ ক্ষেত্রে নয়। আর চণ্ডীমণ্ডপ তো প্রজারাই করেছে, জমিদার করে দেয় নি। জায়গাটা শুধু জমিদারের। সে তো পথের জায়গাও জমিদারের। তা বলে প্রজা-সমিতির শোভাযাত্রা চলতে পারে না সে পথে? আর ধর্মকর্ম ছাড়া যদি অধিকার না থাকে, তবে জমিদারের খাজনা আদায়ই বা হয় কি করে ওখানে? দারোগা হাকিম এলেই বা মজলিশ হয় কেন?

দেবু আশ্চর্য হইয়া গেল। ইহার মধ্যে ছেলেটি এত সংবাদ লইয়াছে!

সঙ্গে সঙ্গে তাহার মনে একটা সংশয় জাগিয়া উঠিল। চণ্ডীমণ্ডপের স্বত্বাধিকার সত্যই সমস্তার বিষয়। কিছুক্ষণ চুপ করিয়া থাকিয়া সে বলিল—আজ কথাটার উত্তর দিতে পারলাম না আপনাকে।

ভিতরে খুট খুট করিয়া কড়া-নাড়ার শব্দ হইল। যতীন বুঝিল—মা-মণি ডাকিতেছে। সে বলিল—আমি আর উঠতে পারছি না; তুমিই দিয়ে যাও মা-মণি।

পল্লের বিরক্তির আর সীমা রহিল না। ছেলেটা যেন কি!

দেবু হাসিয়া কহিল—আমাকে লজ্জা করছে নাকি, মিতেনী?

ইহার পর আর বাহির না হইয়া উপায় রহিল না। দীর্ঘ অবগুষ্ঠনে আপনাকে আবৃত করিয়া পদ্ম দুই কাপ চা নামাইয়া দিয়া চলিয়া গেল।

যতীন বলিল—তা ছাড়া লোকজন ধীরেই ওখানে যান, গোমস্তা শ্রীহরিবাবু তাঁদেরই সাবধান করেন—এ করবে না, ও করবে না! লোকে মেনে নেয়। দুর্বল নিরীহ মানুষ তারা—বোঝে না। টাকা দিয়ে শ্রীহরি ঘোষ মেঝে বাঁধিয়ে দিয়েছেন বলে সাধারণের অধিকার, নিশ্চয়ই বিক্রি হয়ে যান নি!

দেবু অনেকক্ষণ চুপ করিয়া থাকিয়া বলিল—উপায় কি বলুন? শ্রীহরি ধনী। সে এখন সমস্ত গ্রামেরই শালনকর্তা হয়ে দাঁড়িয়েছে। জমিদার পষন্ত তার হাতে গোমস্তাগিরি ছেড়ে দিয়েছেন—পস্তুন-বিলির মত শর্ত! করবেন কি বলুন?

যতীন হাসিয়া বলিল—আমি তো কিছু করব না, আমার করবার কথাও নয়। করতে হবে আপনাকে, দেবুবাবু। নইলে উদ্‌গ্রীব হয়ে আপনার জন্ত অপেক্ষা করছিলাম কেন?

দেবু স্থিরদৃষ্টিতে যতীনের মুখের দিকে চাহিয়া রহিল।

যতীনও চুপ করিয়া বলিয়া রহিল, সম্মুখের দিকে চাহিয়া।

সহসা কে ডাকিল—বাবু!

—কে? যতীন ও দেবু দু’জনেই ফিরিয়া দেখিল—ভিতরের দরজার দাঁড়াইয়া ডাকিতেছে দুর্গা।

দেবু হাসিয়া বলিল—দুর্গা!

—হ্যাঁ।

—কি খবর ?

—কামার-বউ জিজ্ঞেস করছে, উনান ধরিয়ে দেবে কিনা ? রান্নাবান্না—

যতীন বলিল—হ্যাঁ। তা উনান ধরাতে বল না কেন !

—কি রান্না করবেন ?

—যা হয় করতে বল।

সবিশ্বয়ে দুর্গা বলিল—করতে বলব কাকে ?

—মা-মণিকে বল। না হয়—তুমিই দুটো চড়িয়ে দাও।

দুর্গা মুখে কাপড় চাপা দিয়া হাসিয়া বলিল, আপনি একটুকুন ক্যাপা বটেন বাবু !

—কেন, দোষ কি ? যে পরিকার-পরিচ্ছন্ন হয়, সে যে জাতই হোক তার হাতে খেতে দোষ নাই। জিজ্ঞেস কর পণ্ডিতমশাইকে।

—হ্যাঁ, পণ্ডিতমশায় ?

দেবু হাসিয়া বলিল—জেলখানায় আমাদের যে রান্না করত সে ছিল হাড়ী। যতীনের মুখের দিকে চাহিয়া বলিল—নামটি ছিল বিচিত্র—গান্ধারী হাড়ী।

যতীন বলিল—দ্রোণদী হলেই ভাল হত। চলুন, চান করতে যাব নদীতে। সে জামাটা খুলিয়া ফেলিয়া গামছা টানিয়া লইল।

*

*

*

দেবু মনে মনে স্থির করিয়াছিল—আর সে পাঁচের হাঙ্গামায় যাইবে না। জেল হইতেই সেই সঙ্কল্প করিয়াই আসিয়াছিল। কিন্তু যতীন ছেলোট তার সব সঙ্কল্প ওলোট-পালোট করিয়া দিতে বসিয়াছে।

বাড়ী হইতে তেল মাখিয়া গামছা লইয়া, যতীনের সহিত নীরবে সে পথ চলিতেছিল। চণ্ডীমণ্ডপের নিকটে আসিয়াই দেখা হইল বৃদ্ধ দ্বারকা চৌধুরীর সঙ্গে। লাঠি হাতে ঠুক-ঠুক করিয়া বৃদ্ধ চণ্ডীমণ্ডপ হইতেই নামিয়া আসিলেন। বৃদ্ধ যতীনের দিকে চাহিয়া বলিলেন—চানে চলেছেন বুঝি ?

যতীন হাসিয়া উত্তর দিল—হ্যাঁ।

—আপনি তো তেল মাখেন না শুনি ?

—আজ্ঞে না।

—তবে পেনাম। ঈষৎ হেঁট হইয়া বৃদ্ধ নমস্কার করিলেন।

যতীন একেবারে শশব্যস্ত হইয়া বলিল—না-না। ওকি ? আপনাকে কতবার বারণ করেছি আমি। বয়সে আমি আপনার চেয়ে—

কথার মাঝখানেই চৌধুরী মিষ্টি হাসিয়া বলিলেন—শালগ্রামের ছোট বড় নাই বাবা। আপনি ব্রাহ্মণ।

—না-না। ওসব আপনাদের সেকালে চলত, সেকাল চলে গেছে।

‘হাসিটি চৌধুরীর ঠোঁটের ডগায় লাগিয়াই থাকে। হাসিয়া তিনি বলিলেন—এখনকার কাল নতুন বটে বাবা। সেকালের কিছু আর রইল না। কিন্তু আমরা জনকতক যে—সেকালের মাহুদ, অকালের মতন পড়ে রয়েছি একালে ; বিপদ যে সেইখানে !

বৃদ্ধের কথা কয়টি যতীনের বড় ভাল লাগিল, বলিল—সেকালের গল্প বলুন আপনাদের !

—গল্প ? হ্যাঁ, তা সেকালের কথা একালে গল্প বৈকি। আবার ওপারে গিয়ে যখন কর্তাদের সঙ্গে দেখা হবে, তখন একালে যা দেখে যাচ্ছি বললে, সেও তাঁদের কাছে গল্পের মত মনে হবে। সেকালে আমরা গাই বিয়ালে দুধ বিলোতাম, মাছ ধরালে মাছ বিলোতাম, ফল পাড়লে ফল বিলোতাম, জিন্নাকর্মে বাসন বিলোতাম, পথের ধারে আম-কাঁঠালের বাগান করতাম, সরোবর দীঘি কাটাতে, গুরু-ব্রাহ্মণকে প্রণাম করতাম, দেবতা প্রতিষ্ঠা করতাম, মহাপুরুষেরা ঈশ্বর দর্শন করতেন—সে আজ আপনাদের কাছে গল্প গো। আর আজকে আকাশে উড়োজাহাজ, জলের তলায় ডুবোজাহাজ, বেতারের খবর আসা, টাকায় আট সের চাল, হরেক রকম নতুন ব্যামো, দেবকীতি লোপ,—এও সেকালের লোকের কাছে গল্প।

—আপনি দীঘি কাটিয়েছেন চৌধুরীমশায় ?

—আমার কপাল, ভাঙা-ভাগ্যি বাবা। তবে আমার আমলে বাবা কাটিয়েছেন—তখন আমি ছোট, মনে আছে। এক এক ঝুড়ি মাটি—দশ গণ্ডা কড়ি। একজন লোক কড়ি নিয়ে বসে থাকত—ঝুড়ি গুনে গুনে কড়ি দিত ; বিকেলে সেই কড়ি নিয়ে পয়সা দিত।

—আধ পয়সা ঝুড়ি বলুন।

—হ্যাঁ।...হাসিয়া চৌধুরী বলিলেন—আমাদের কথা তো আপনারা তবু বুঝতে পারেন গো, আমরা যে আপনদের কথা বুঝতেই পারি না ! আচ্ছা বাবা, এতো যে সব স্বদেশী হাঙ্গামা, বোমা-পিস্তল করছেন—এসব কেন করছেন ? ইংরেজ রাজত্বকে তো আমরা চিরকাল রাম-রাজত্ব বলে এসেছি।

একমুহুর্তে যতীনের চোখ দুইটা টর্চের আলোকের মত জলিয়া উঠিল এক প্রদীপ্ত দীপ্তিতে। পরমুহুর্তেই কিন্তু সে দীপ্তি নিভিয়া গেল। হাসিয়া বলিল—বোমা-পিস্তল আমি দেখি নি। তবে হাঙ্গামা হচ্ছে কেন জানেন ? হাঙ্গামা হচ্ছে ওই দীঘি সরোবর কাটানো আপনাদের কালকে ওরা নষ্ট করেছে বলে।

বৃদ্ধ কিছুক্ষণ চুপ করিয়া থাকিয়া বলিলেন—বুঝতে ঠিক পারলাম না। হ্যাঁ গো, পণ্ডিত, আপনি এমন চুপচাপ যে ?

চিন্তাকুলভাবেই হাসিয়া দেবু বলিল—এমনি।

আবার কিছুক্ষণ নীরব থাকিয়া বৃদ্ধ দেবুকে বলিল—আপনার কাছে আসব একবার ওবেলায় ?

—আমার কাছে !

—হ্যাঁ। কথা আছে। আপনি ছাড়া আর বলবই বা কাকে ?

—অসুবিধে না হয় তো এখনি বলুন না ! আবার আসবেন কষ্ট করে ? দেবু উৎকণ্ঠিত

হইয়াই প্রশ্ন করিল।

হতীন বলিল—আমি বরং একটু এগিয়ে চলি।

—না-না-না। বৃদ্ধ বলিলেন—বেলা হয়েছে বলেই বলছিলাম। বড়ো বয়সে আমার আবার লুকোবার কথা আছে নাকি? চৌধুরী হাসিয়া উঠিলেন—আপনি বোধ হয় শুনেছেন, পণ্ডিত?

—কি বলুন তো?

—গাজনের কথা!

—না, কিছু শুনি নি তো!

—গাজনের ভক্তরা বলছে এরার তারা শিব ভুলবে না।

—শিব ভুলবে না কেন?

—ও, আপনি তো গতবার ছিলেন না! গতবার থেকেই হুত্রপাত। গেলবারে ঠিক এই গাজনের সময়েই সেটেলমেন্টের খানাপুরীতে শিবের জমি হারিয়ে গেল।

—হারিয়ে গেল!

জমিদারের নায়েব-গোমস্তা বের করতে পারলে না। বের করবে কি, পুরোহিতের জমি নিজেরাই বন্দোবস্ত করেছে মাল বলে। তা ছাড়া শিবের পুজোর খরচা জিন্মা ছিল মুকুন্দ মণ্ডলের কাছে। শিবোত্তর জমি ভোগ করত ওরা। এখন মুকুন্দের বাবা সে জমি কখন বেচে দিয়ে গিয়েছে মাল বলে। জমিদারও খাজনাখারিজ ফি গুনে নিয়ে দেবোত্তর মাল স্বীকার করেছে। মুকুন্দ এত সব জানত না, সে বরাবর শিবের খরচ যুগিয়েই আসছিল। এখন গতবার জরীপের সময় যখন দেখলে শিবোত্তর জমিই নাই, তখন সে বললে—জমিই যখন নাই, তখন খরচও আমি দেব না। গতবার কোনও রকমে চাঁদা করে পূজা হয়েছে। এবার ভক্তরা বলছে, ও-রকম যেচেমেগে পূজোতে আমরা নাই। তাই একবার শ্রীহরির কাছে এসেছিলাম—পূজোর কি হবে তাই জানতে। এখনও বেঁচে আছি—বেঁচে থাকতেই গাজন বন্ধ হবে বাবা।

—শ্রীহরি কি বললে?

—জমিদারের পত্র দেখালেন, তিনি খরচ দেবেন না। পূজো বন্ধ হয় হোক।

—হুঁ।

চৌধুরী বলিলেন—গতবার থেকে পাতু ঢাক রাজায় নাই, পাতু জমি ছেড়ে দিয়েছে। বায়েন অবশ্য হবে। অনিরুদ্ধ বলি করে নাই। বলে, একটা পাঠার ঠ্যাং নিয়ে ও আমি করতে পারব না। শেষে ও-ই খোঁড়াঠাকুর বলি করলে। এবার সে বলেছে—বলি করতে হলে দক্ষিণে চাই। নানান রকমের গোল লেগেছে পণ্ডিত। এসবের মীমাংসা তো পথে হয় না। তাই বলছিলাম—ও-বেলায় আসব।

দেবু হাঁপাইয়া উঠিতেছিল, সে বলিল—এর আর আমি কি করব চৌধুরীমশায়?

—এ কথা আপনার উপযুক্ত হল না, পণ্ডিত। আপনার মত লোক যদি না করে, তবে কে করবে?

দেবু স্তব্ধ হইয়া গেল।

চৌধুরী কালীপুরের পথে বিদায় লইল। দেবু ও যতীন মাঠ অভিক্রম করিয়া গিয়া নামিল মন্থ্যাকীর গর্ভে। দেবু নীরবেই স্নান করিল, নীরবেই গ্রাম পর্বন্ত ফিরিল। যতীন ছই-চারটা কথা বলিয়া উত্তর না পাইয়া গুন-গুন করিয়া কবিতা আবৃত্তি করিল :

তুণে পুলকিত যে মাটির ধরা লুটায় আমার সামনে

সে আমার ডাকে এমন করিয়া কেন যে কব তা কেনে।

মনে হয় যেন সে ধূলির তলে

যুগে যুগে আমি ছিহ্ন তুণে জলে.....

* * * *

বাল্য ফিরিয়া যতীনের সে এক বিপদ। পদ্ম মূর্ছিত হইয়া জলে-কাদায় উঠানের উপর পড়িয়া আছে। মাথার কাছে বলিয়া কেবল দুর্গা বাতাস করিতেছে। তাহারও সর্বাক্ষে জল-কাদা লাগিয়াছে। ও-ঘরের দাওয়ার বলিয়া আছে মাতাল অনিরুদ্ধ। মাথাটা বুকের উপর ঝুঁকিয়া পড়িয়াছে, আপন মনেই বিড়বিড় করিয়া সে বকিতেছে। রান্নাবান্নার কোন চিহ্নই নাই।

দুর্গা বলিল,—আপনারা চলে গেলেন, কামার-বউ একেবারে ক্যাপার মতন হয়ে আমাকে বললে—বেরো, বেরো তুই আমার বাড়ী থেকে, বেরো। আমার সঙ্গে ছ-চারটে কথা কাটাকাটি হয়ে গেল। আমি মশায়, বাড়ী যাব বলে যেই এখান থেকে বেরিয়েছি, আর শব্দ হ'ল দড়াম্ করে। পিছন ফিরে দেখি এই অবস্থা। ছুটে এসে জল দিয়ে বাতাস করে কিছুই হ'ল না। খানিক পরে হঠাৎ কক্ষকার এল। এসে, ওই দেখুন না, খানিকটা চোঁচামেটি করে ওই বসেছে—এইবার মুখ শুঁজড়ে পড়বে।

দেবু অনিরুদ্ধকে ঠেলা দিয় ডাকিল—অনিরুদ্ধ !

একটা গর্জন করিয়া অনিরুদ্ধ চোখ মেলিয়া চাহিল—এ্যাও !

কিন্তু দেবুকে চিনিয়া সে সবিষয়ে বলিল—ও, পণ্ডিত !

—হ্যাঁ, গুনছ ?

—আলবৎ, একশবার গুনব, হাজারবার গুনব।

পরক্ষণেই সে হু-হু করিয়া কাদিয়া উঠিল—আমার অদেউ দেখ পণ্ডিত ! তুমি বন্ধুনোক, ভাল নোক ; গায়ের সেরা নোক, পাতঃস্মরণীয় নোক তুমি—দেখ আমার শাস্তি। পথের ককির আমি। আর ওই দেখ পদ্মের অবস্থা।

—জগনকে ডেকে আন অনিরুদ্ধ। ডাক্তার ডাক।

অতি কাতর স্বরে অনিরুদ্ধ বলিল—ডাক্তার কি করবে, ভাই ? এ ওই ছিয়ে শালার কাজ। আমার গুপ্তি কই ? আমার গুপ্তি ! খুন করব শালাকে। আর ওই দুগ্গাকে। ওই পল্লকে। দুগ্গা আমাকে বাড়ী ঢুকতে দেয় না পণ্ডিত। আমার সঙ্গে ভাল করে কথা কর না।

ভায়শর সে আয়ত্ত করিল অন্নল গালিগালাজ। দুর্গা নভশির হইয়া নীরবে বসিয়া বহিল।
দেবু বলিল—যতীনবাবু আহ্নন, আমার ওখানেই ছুঁটা খাবেন। আমরা গিয়ে বহু
জগনকে ডেকে দেব'খন।

দেবু ও যতীন চলিয়া যাইতেই অনিরুদ্ধ আবার আরম্ভ করিল—আর ওই নজরবন্দী ছোঁড়াকে
কাটব। ওকেই আগে কাটব। ও ব্যাটাই আমার ঘরের—

দুর্গা এবার ফোস করিয়া উঠিল—দেখ কন্সকার, ভাল হবে না বলছি।

অনিরুদ্ধ চৌকাঠের উপর নিষ্ঠুরভাবে মাথা ঠুকিতে আরম্ভ করিল—ওই নে, ওই নে!

দুর্গা বারণ পর্ষস্ত করিল না।

কুড়ি

‘কাস্তনের আট চৈত্রের আট
সেই তিল দায়ে কাট।’

ফাগুনের দ্বিতীয় সপ্তাহ হইতে চৈত্রের প্রথম সপ্তাহের মধ্যে তিল ফসল পাকিলে সেবার চুড়াঙ্গ
ফসল হয়। সে-তিল ফসল দাঁ ভিন্ন কাস্তেতে কাটা যায় না। এবার তিল নাবি, সব এই ফুল
ধরিতেছে, পাকিতে বৈশাখের প্রথম সপ্তাহ। কাজেই ফসল ভাল হইবে না।

ভোরবেলায় মাঠ ঘুরিয়া চাষের জমির তদারক করিয়া দেবু ফিরিতেছিল। এ বৎসর মাঘ
মাস হইতে আর বৃষ্টি হয় নাই। বৃষ্টির অভাবে এখনও কেহ আখ লাগাইতে পারে নাই।
ময়ূরাক্ষীর জল একেবারে শীর্ণধারায় ওপারে জংশন শহরের কোল ঘেঁষিয়া বহিতেছে;
বাঁধ দিয়া জল এপারে আনিতে পারিলে সিচ্ করিয়া চাষের কাজ চলিত। কিন্তু এ বাঁধ
বাঁধা বড় কষ্টসাধ্য। এপার হইতে ওপার পর্ষস্ত ময়ূরাক্ষীর গর্ভে বাঁধ দিতে হইবে; অন্তত
চার-পাঁচ হাত উচু না করিলে চলিবে না। সে করিবে কে? চার-পাঁচখানা গ্রামের লোক
একজোট হইয়া না লাগিলে তাহা সম্ভবপর নয়। এখন আখ লাগাইলে সে আখের বিনাশ
থাকিত না; বর্ষা পড়িলে পূর্বেই হাত দু'য়েক না হোক অন্তত দেড় হাত উচু হইয়া উঠিত।
পটোল লাগানোও হইল না। ‘পটোল রুইলে কাস্তনে ফল বাড়ে দ্বিগুণে’। শ্রীহরি কিন্তু
সব লাগাইয়া ফেলিয়াছে। আপনার জমিতে দুই-তিনটা কাঁচা কুয়া কাটাইয়া, ‘চেড়া’র জল
তুলিয়া লিচনের ব্যবস্থা করিয়াছে। শ্রীহরির কুয়া হইতে জল লইয়া ভবেশ-হরিশও কাজ করিয়া
লইয়াছে।

দেবু ভাবিতেছিল একটা কুয়া কাটাইবার কথা। পটোল থাক, কিন্তু আখ না লাগাইলে
কি করিয়া চলিবে? বাড়ীতে গুড় না থাকিলে চলে? ময়ূরাক্ষীর চরভূমিতে অল্প খুঁড়িলেই
জল অতি সহজেই পাওয়া যাইবে; আট-দশহাত গর্ভ করিলেই চলিবে। টাকা-পনেবো
খরচ। কিন্তু এদিকে যে বিলুর হাতে মজুত টাকা সব শেষ হইয়া আছে। শ্রীহরির স্ত্রী
গোপনে ধার দিয়াছে। দুর্গার মারফতে দোকানেও কিছু ধার হইয়া আছে। ধান এবার

তাল হয় নাই। মজুত বাহা আছে—বিক্রি করিতে তরসা হয় না। সম্মুখে বর্ষা আছে, চাবের খরচ—সংসার খরচ—অনেক দায়িত্ব। গম যব—তাও তাল হয় নাই। গম দেড় মণ, যব মাত্র তিরিশ সের। কলাই বাহা হইয়াছে সে সংসারেই লাগিবে। আর ফুলের চাকরি নাই, মাস মাস নগদ আয়ের সংস্থান গিয়াছে। এখন সে কি করিবে? অথচ এই অবস্থায় গোটা গ্রামটাই যেন তাহাকে টানিতেছে সহস্র সমস্তা হইয়া। যতীনের কথা মনে হইল; দারকা চৌধুরীর কথা মনে হইল।

গ্রামে ঢুকিতেই দেখা হইল ভূপালের সঙ্গে। চৌকিদারী পেটিটা কাঁধে ফেলিয়া সে সকালেই বাহির হইয়াছে। ভূপাল প্রণাম করিল—পেণাম।

প্রতি-নমস্কার করিয়া দেবু চলিয়া যাইতেছিল, ভূপাল সবিনয়ে বলিল—পণ্ডিতমশায়।

—আমাকে কিছু বলছ?

—আজ্ঞে হ্যাঁ, গিয়েছিলাম বাড়ীতে, ফিরে আসছি।

—কি? বল?

—আজ্ঞে, খাজনা আর ইউনান বোর্ডের ট্যাক্স।

—আচ্ছা, পাবে।

ভূপাল খুশী হইয়া বলিল—এই তো মশায় মানুষের মতন কথা। তা না ডাক্তারবাবু তো মারতে এলেন। ঘোষালমশাই বলে দিলে—নেহি দেখা। আর সবাই তো ঘরে ছুকিয়ে বসে থাকছে। মেয়ে-ছেলেতে বলেছে—বাড়ীতে নাই। এদিকে আমি গাল খাচ্ছি।

হালিয়া দেবু বলিল—না থাকলেই মানুষকে চোর সাজতে হয় ভূপাল।

—ই আপনি ঠিক বলেছেন।

ভূপাল দীর্ঘনিঃশ্বাস ফেলিয়া বলিল—কার ঘরে কি আছে বলুন? গোটা মাঠটার ধানই তো ঘোষমশাইয়ের ঘরে এসে উঠল গো। বর্ষার ধান শৌধ দিতেই তো সব ফাঁক হয়। সত্যি, লোকে দেয় কি করে? কিন্তু আমিই বা করি কি বলুন? আমারই এ হইছে মরণের চাকরি।

বাড়ীতে আসিয়া দেবু দেখিল—বিলু তাহার জন্ত চা করিয়া বসিয়া আছে। সে আশ্চর্য হইয়া গেল। এ কি!

বিলু লজ্জিত ভাবেই বলিল—দেখ দেখি হয়েছে কিনা! কামার-বউকে শুখিয়ে এলাম। নজরবন্দীর চা কামার-বউ করে কিনা!

—তা না হয় হল! কিন্তু করতে বললে কে?

—তুমি যে বললে—জেলে যোজ নজরবন্দীদের কাছে চা খেতে!

—হ্যাঁ, তা খেতাম। কিন্তু তাই বলে এখনও খেতে হবে তার মানে কি? না; আর খরচ বাড়িয়ে না, বিলু।

—বেশ। এক কৌটো চা আনিয়েছি, সেটা ফুরিয়ে যাক, তারপর আর খেয়ো না।

—এক কৌটো চা আনিয়েছ?

—দুর্গা এনে দিয়েছে কাল সন্ধ্যাবেলা।

দেবুর ইচ্ছা হইল চায়ের বাটিটা উপুড় করিয়া ফেলিয়া দেয়। কিন্তু বিলু ব্যথা পাইবে বলিয়া সে তাহা করিল না। বলিল—আজ করেছ কিন্তু কাল থেকে আর করো না। চায়ের কৌটোটা থাক, ভাল করে রেখে দাও। ভদ্রলোক-জন এলে, কি বর্ষায়-বাদলায় সদি-টার্দি করলে খাওয়া যাবে।

—না।

দেবু বিস্মিত হইয়া প্রশ্ন করিল—মানে ?

—তোমার কষ্ট হবে।

—হবে না।

—হবে, আমি জানি।

—কি আশ্চর্য!

বিরক্তিতে বিস্ময়ে দেবু বলিল—আমার কষ্ট হবে কিনা আমি জানব না, তুমি জানবে ?

—বেশ। করব না চা।

মল্লুর্তে বিলুর চোখ দুটি জলে ভরিয়া উঠিল। সঙ্গে সঙ্গে মুখ ফিরাইয়া সে চলিয়া গেল।

দেবু একটা দীর্ঘনিশ্বাস ফেলিল। এই বোধ হয় তাহাদের জীবনে প্রথম দৃশ্য। বিলুকে আঘাত দেওয়ার দুঃখ বড় মর্যাস্তিক হইয়া দেবুর অন্তরে বাজিল।

—মুনিবমশায়! দেবুর কৃপাণ আসিয়া দাঁড়াইল।

—কি রে ?

—আজ্ঞে, এবার তো একথানা কোদাল না হলে চলবে না।

—নতুন চাই ? লোহা চাপিয়ে হবে না ?

—না, আজ্ঞে। গেলবারই লাগত, আপুনি ছিলেন না। লোহা দিয়ে কোন বকমে চালিয়েছি; ক্ষয়ে এই এতটুকুন হয়ে গিয়েছে। সার কেটে পালটানোই যাচ্ছে না।

—সার কাটছ নাকি ? জল দিচ্ছ তো ? চল দেখি।

চৈত্র মাসে 'সার' প্রস্তুতের গর্তে সঞ্চিত আবর্জনাগুলিকে কোদাল দিয়া উপরের নূতন না-পচা আবর্জনা নিচে ফেলিয়া, নিচের পচা আবর্জনা যাহা 'সারে' পরিণত হইয়াছে—সেগুলিকে উপরে দেওয়ার বিধি। সঙ্গে সঙ্গে ভারে ভারে জুল। দেবুর বাড়ার সার কোনমতে কাটিয়া পালটানো হইয়াছে। কৃষাণটি কোদালটা দেখাইল। সত্যই সেটা ক্ষয় পাইয়া ছোট হইয়া গিয়াছে, উহাতে চায়ের কাজ চলিবে না। চায়ের কাজে ভারী কোদাল চাই। সেকালে শক্তিমান চাষীরা যে কোদাল চালাইত, তাহার ওজন পাঁচ সেরের কম হইত না, সাত-আট সের ওজনের কোদাল চালাইবার মত সক্ষম চাষীও অনেক ছিল।

দেবু বলিল—বেশ কোদাল একথানা—কি করবে, বরাত দিয়ে করাবে, না কিনবে ?

—কেনা জিনিস ভাল হয় না, তবে সস্তা বটে।

—কিন্তু কামার কোথা ? অনিচ্ছ তো কাজের বার হয়েছে। অন্য কামার থাকেই হবে

—কাল দোব বলে দু-মাসের আগে দেবে না।

—তবে তাই কিনেই নেন। আর শনু চাই। হালের 'জুতি' চাই। রাখালটা বলছিল—
গরুর দড়িও ছিড়েছে।

দেবু একটা কাজ পাইয়া খুশী হইল। শনু পাকাইয়া দড়ি করার কাজ—পল্লীগ্রামে নিকর্মার
কর্ম—বুড়োর কাজ। সে তখনই চোঁড়া-শনু লইয়া আসিল। দড়ি পাকাইতে পাকাইতে সে
ভাবিতেছিল—কি করিবে সে?

কৃষ্ণাণ কিছুক্ষণ পরে আবার আসিয়া দাঁড়াইল।

—আর একটা কথা বলছিলাম যে মুনিবমশায়!

—কি, বল?

—পাড়ার লোকে সবাই আসবে আপনাব কাছে। তা আমাকে বলেছে, তু বলে রাখিনু
পণ্ডিতমশায়কে।

—কি, ব্যাপার কি?

—আজ্ঞে চণ্ডীমণ্ডপে আটটাল ছাওয়াতে আমরা বেগার দি। তা এবার ভাত্তোরবাবু,
ঘোষাল—সব কমিটি করেছেন, গুঁরা বলছেন—পরশা নিবি তোর। বেগার ক্যানে দিবি?
চণ্ডীমণ্ডপ জমিদারের, জমিদারকে খরচ দিতে হবে।

দেবু চুপ করিয়া রহিল। আপনায় গৃহকর্মে মন দিয়া দড়ি পাকাইতে বসিয়া সে ভবিষ্যতের
কথা ভাবিতেছিল—ভাবিতেছিল একটা দোকান করিবে সে; এবং তাহার সঙ্গে ভাল করিয়া
চাষ। প্রয়োজন মত সে নিজে লাঙল ধরিবে। এখন কিছু না করিলে সংসার চলিবে
কিসে?

কৃষ্ণাণটা আবার বলিল—আমরা তাই ভাবছি। ভাত্তোরবাবু কথাটি মন্দ বলেন নাই।
চণ্ডীমণ্ডপে জমিদারের কাছারি হয়, ভদ্রানোেকের মজলিস হয়, ভোদের সঙ্গে চণ্ডীমণ্ডপের
'লেপ্‌চ' (সংস্রব) কি? বিনি পরসায় ক্যানে খাটবি? আবার ওদিকে ঘোষমশায় লোক
পাঠাচ্ছেন—কবে ব্যাগার দিবি? ঘোষমশায় গায়ের মাথার নোক; আবার গোমস্তা হয়েছেন।
গুঁর কথাই বা তেঁলি কি করে? তার ওপর গ্রাম-দেবতাও বটে। তাই সব বলছে পণ্ডিতমশায়ের
কাছে যাব। উনি যেমনটি বলবেন. তেমনটি শিরোধায্য আমাদের!

দেবুর মন-প্রাণ ঠিক গত কল্যাকার মত হাঁপাইয়া উঠিল।

কিছুক্ষণ অপেক্ষা করিয়া কৃষ্ণাণটি ডাকিল—মুনিবমশায়?

—আমি এখন কিছু বলতে পারলাম না, নোটন!

—আপনি যা বলবেন আমরা তাই করব। সে আমাদের ঠিক হয়ে রইতে।

সে উঠিয়া গেল। দেবুর হাতের শনু-চোঁড়া নিশ্চল হইয়া গিয়াছিল—সে সন্মুখের দিকে
চাহিয়া বসিয়া রহিল।

চণ্ডীমণ্ডপে লোকজনের লাড়া উঠিতেছে। সেখানে খাজনা আদায় চলিতেছে; সঙ্গে

সঙ্গে খাতকদের কাছে শ্রীহরির পাওনার হিসাবও চলিতেছে। আখেরি কিস্তি, বৎসরের শেষ। তামাদি যাহাদের, তাহাদের উপর নালিশ হইবে। শ্রীহরির ধানের পাওনা হিসাব করিয়া উল্ল বাদে যাহা থাকিবে, আগামী বৎসরে তাহার জের চলিবে; যাহার উল্ল নাই, তাহার আসল-মুদ এক হইয়া আগামী বৎসরের জন্তে আসল হইবে।

শ্রীহরির গোয়ালঘরগুলি ছাওয়ানো হইতেছে। চালের উপর ঘরামীর কাজ করিতেছে, চাবীদের ঘর-ছাওয়ানোর কাজ প্রায় শেষ হইয়া গিয়াছে। সকলে নিজেরাই বাড়ীর কুখান-রাখাল লইয়া ঘর ছাওয়াইয়া লয়। দেবুরও অবশ্য ছাওয়ানোর কাজ না-জানা নয়। কিন্তু পণ্ডিত গ্রহণ করিয়া আর সে এ কাজ করে না, এবার করিতে হইবে। তাহার ঘর এখনো ছাওয়ানো হয় নাই। সে একটা দীর্ঘনিঃশ্বাস ফেলিল।

—সালাম পণ্ডিতজী!

ইহু সেথ পাইকার আরও দুই-তিন জনের সঙ্গে পথ দিয়া যাইতেছিল; দেবুকে দেখিয়া সে সম্ভাষণ করিয়া দাঁড়াইল। সঙ্গে তাহার সঙ্গীরাও সম্ভাষণ করিল—সালাম।

—সেলাম। ভাল আছ ইহু-তাই? তোমরা ভাল আছ সব?

—হ্যাঁ। আপনি সরীফ ছিলেন?

—হ্যাঁ।

—তা আপনাকে আমরা হাজারবার সালাম করেছি। হ্যাঁ—মরদের বাচ্ছা মরদ বটে। মছজেদে আমাদের হামেশাই কথা হয় আপনকার। মছ মিঞা, খালেক সায়েব, গোলাম মেজনা আসবে একদিন আপনকার সাথে মোলাকাৎ করতে।

দেবু প্রলম্বটা পাণ্টাইয়া দিল—কোথায় এসেছিলে?

—এই গাঁয়েই বটে। কিস্তির সময়—ছাগল, গরু দু'চারটে বেচবে তো। তা ধরেন—এ হ'ল আমার কেনাবেচার গাঁও—তাই টাকাকড়ি নিয়ে এসেছিলাম। আর কেনা তো উঠেই গিয়েছে। কিন্নেওয়ানো হয়ে গেল। আপনাব তো একটা বলদ বুড়ো হয়েছে পণ্ডিতমশায়; আপনি ল্যান ক্যানে একটা বলদ!

—এবার আর হয় না, ইহু-তাই।

—আপনি ল্যান, বুড়ো বলদটা ত্তান আমাকে, বাকী যা থাকবে—দিবেন আমাকে ইহার পরে। না-হয় কিছু খান ছেড়ে ত্তান, ধানের পাইকার আমার সাথে।

দেবু হাসিল।—না তাই, থাক্।

—আচ্ছা, তবে থাক্।

ইহুর দল সেলাম করিয়া চলিয়া গেল। পাকা ব্যবসাদার ইহু, মাস্তুরের টাকার প্রয়োজনের সময় সে টাকা লইয়া উপস্থিত হইবেই। কাহার বাড়ীতে কোন্ জম্বাট মূল্যবান সে তাহার নখাগ্রে। কিন্তু মছ মিঞা, খালেক সাহেব, গোলাম মির্জা তাহার সহিত দেখা করিতে আসিবে কেন? সে মনে মনে অন্বস্তি অন্ততব করিল। ইহার সন্মুখ লোক, বড় চাবী, ব্যবসায়ী।

রাখাল-হোড়া আসিয়া দেবুর শিশুটিকে নামাইয়া দিয়া বলিল—আপনি একবার ল্যান, মনিবশায়। আমাকে কিছুতেই ছাড়ছে না। গরু চরাইতে যাবে আমার সাথে।

চোড়াটা হি-হি করিয়া হাসিতে হাসিতে খোকাকে বলিল—নেকা-পড়া কর বাবার কাছে। গরু চরাতে যেতে নাই। ছি!

দেবু সাগ্রহে খোকাকে বৃকে তুলিয়া লইল। ছেলেটাও তেমনি, বিলু তাতাকে বেশ তালিম দিয়াছে, সে গভীরমুখে আরম্ভ করিল—ক—ল কলো, ক—ল কলো!

* * *

—কি হচ্ছে পণ্ডিত?

বলিয়া এই সময় অনিরুদ্ধ আসিয়া বলিল। এখন সে প্রকৃতিস্থ। মুখে মদের সামান্য গন্ধ উঠিতেছে, কিন্তু মাতাল নয়। হাতে একটা লোহার টাঙ্গি।

হাসিয়া দেবু বলিল—চেনন হয়েছে, অনি-ভাই?

কোন লজ্জা বোধ না করিয়া অনিরুদ্ধ হাসিয়া বলিল—কাল একটুকু বেশী হয়েছিল বটে।

দেবু বলিল—ছি, অনি-ভাই! ছি।

অনিরুদ্ধ কিছুক্ষণ চুপ করিয়া রহিল, তারপর অকস্মাৎ খানিকটা হাসিয়া বলিল—ও তুমি জান না, দেবু-ভাই। রস তুমি পাও নাই—তুমি বুঝবে না।

তিরস্কার করিয়া দেবু বলিল—তোমার জমি নীলামে উঠেছে, কি নীলাম হয়েছে, ঘরে পরিবারের অস্থখ, আর তুমি মদ খেয়ে বেড়াও—পরশা নষ্ট কর।

—পরশা আর বেশী খরচ আমি করি না, এখন পচাই মদ খাই। এখন জমি নীলামের কথাই তোমাকে বলতে এসেছি। আর পরিবারের অস্থখ তো, আমি কত ভুগবো বল?

—তুমি তো এমন ছিলে না অনি-ভাই।

—কে জানে? মদ তো আমি বরাবরই একটু-আধটু খাই। আমি তো অন্তায় কিছু বুঝতে পারি না।

—বুঝতে পার না! পৈতৃক ব্যবসা তুলে দিলে! ছোটলোকের মত পচাই ধরেছ। যেখানে সেখানে খাও—শোও!

—কি করব? অনি কামারের দা, ক্ষুর, গুপ্তি—কিনবে কে? কোদাল-হুড়ুল-ফাল—তাও এখন বাজারে মেলে—সস্তা। গাঁয়ে কাজ করলে শালারা ধান দেয় না। কি করব? আর পচাই! পরশায় কুলোয় না—কি করব?

—কি করবে—! তোমার বোধশক্তিও লোপ পেয়েছে, অনি-ভাই?

—কে জানে?

—হুর্গার ঘরে খাও অনি-ভাই? তার ঘরে তুমি রাত কাটাও?

—হুর্গার নাম করো না পণ্ডিত। নেমকহারাম, পাজি, শরতানের একশেষ। আমাকে আর ঘরে ঢুকতে দেয় না।

অনিরুদ্ধের এই নির্লজ্জ স্বীকারোক্তিতে দেবু চুপ করিয়া রহিল।

অনিরুদ্ধ বলিয়া গেল—জানো পণ্ডিত, দুর্গার জন্তে আমি জান দিতে পারতাম ; এখনও পারি। দুর্গাই আমাকে নিজে থেকে ডেকেছিল। তখন আমার পরিবার পাগল। মিছে কথা বলব না, সে-সময় দুর্গা আমার পরিবারের সেবা পর্যন্ত করেছে, টাকাও দিয়েছে। দারোগা ওর এককালের আশনাইয়ের লোক—দারোগাকে বলে নজরবন্দীর জন্তে আমার ঘরখানি ভাড়া করিয়ে দিয়েছে। মাসে দশ টাকা ভাড়া, কিন্তু ওর সব চোখের নেশা! যাকে যখন ভালবাসে। এখন ওই নজরবন্দীর উপর নজর পড়েছে।

—ছি, অনিরুদ্ধ! ছি!

—যতীনবাবুর দোষ আমি দিই না। ভাল লোক, উঁচুঘরের ছেলে। পদ্মকে ‘মা’ বলে। আমি পরখ করে দেখেছি। যাক গে ও-কথা। মরুক গে দুর্গা। এখন যা বলতে এসেছি, শোন। বাকী খাজনার ডিক্রি জারি হয়ে গিয়েছে, জমি এইবার নীলামে চড়বে। ও ঝগাট আমি রাখব না। এখন বিক্রি করে দিয়ে যা পাই! তোমাকে ভাই দেখে শুনে আমার জোতটি বেচে দিতে হবে।

—বেচে দেবে? দেবুর বিশ্বাসের আর অধিক রহিল না।

—হ্যাঁ।

—তারপর?

—সে যা হয় করব। ছিরে গোমস্তাকে আমি খাজনা দেব না।

—পাগলামি করো না, অনি-ভাই।

—পাগলামি? তবে যাক, এমনি ন’কড়া-ছ’কড়ায় নিলেম হয়ে যাক। আমার দ্বারা কিছু হবে না।

—বাকী খাজনার টাকাটা যোগাড় কর। হয় খাজনার পরিমাণ দামের মত জমি বেচে দাও, নয় ধার পাও তো দেখ।

অনেকক্ষণ চুপ করিয়া থাকিয়া অনিরুদ্ধ বলিল—দেবু-ভাই, বাপুতি সম্পত্তি ছেড়ে দেব মনে করলে বুক ফেটে যায়। জানো পণ্ডিত, ওই চার বিঘে বাকুড়ি, আগে ঠাকুরদাদার আমলে সাত-খানা টুকরো টুকরো জমি ছিল। কেটে-কুটে সাতখানাকে ঠাকুরদাদা করেছিল তিনখানা। বাবা তিনখানাকে কেটে করেছিল দুখানা। সাড়ে-তিন বিঘে বাকুড়ি—আর দশ কাঠা ফালি। দুখানাকে কেটে আমি করেছি একখানা চারবিঘে বাকুড়ি।

টপ্ টপ্ করিয়া বড় বড় কয় ফোঁটা জল তাহাঁর চোখ হইতে ঝরিয়া পড়িল।

দেবু তাহার পিঠে হাত বুলাইয়া বলিল—কৈদো না, অনি-ভাই। তুমি সক্ষম বেটা-ছেলে, তুমি মন দিয়ে কাজ করলে তোমার কিছুর অভাব হতে পারে না।

বিচিত্র হাসিয়া অনিরুদ্ধ বলিল—হাজার মন পাতিয়ে কাজ করলেও কামারের কাজ করে আর অভাব ঘুচবে না, পণ্ডিত। উপায় এক—কলে কাজ। তাই দেখব এরায়। দুর্গা আমাকে বলেছিল একবার—আমি গা করি নাই। কেশব কামারের ছেলে, হিছু কামারের নাতি—আমি কলের কুলি হব? ওই সব কি-না-কি জাতের মিস্ত্রীদের

তীব্রদায় হয়ে থাকবে? জানো দেবু, এমন দা আমি গড়তে পারি যে এক কোণে শেলেরা বাঘের গলা নেমে যাবে!

অনিরুদ্ধকে শাস্ত করিবার জন্তই রহস্ত করিয়া দেবু বলিল—সেই তো তোমার ভুল, অনি-ভাই, ও দা নিয়ে লোকে করবে কি বল? বাঘ কাটতে যাবে কে?

অনিরুদ্ধ এবার হাসিয়া ফেলিল।

দেবু বলিল—টাকা যদি ধার পাও তো দেখ, অনি-ভাই। জমি রাখতেই হবে। তারপর মন দিয়ে কাজ-কর্ম কর। কলে—কলেই কাজ কর আপাতত। ক্ষতি কি?

অনেকক্ষণ চুপ করিয়া থাকিয়া অনিরুদ্ধ বলিল—তুমি বলছ। আবার একটু চুপ করিয়া থাকিয়া বলিল—তাই দেখি।

পথে বাহির হইয়া অনিরুদ্ধ বাড়ি গেল না। বাড়ী তাহাব ভাল লাগে না। পদ্ম তাহাকে চায় না, সেও পদ্মকে চায় না। নিকির ওজনে চরিত্রবান সে কোনদিনই নয়; কিন্তু পদ্মের প্রতি ভালবাসার অভাব তাহার কোনদিন ছিল না। চরিত্রহীনতার ব্যভিচার ছিল তাহার খেয়াল পরিতৃপ্তির গোপন পন্থা, উন্নত দেহলাশসার দাহ নিবৃত্তির জন্ত পক্ষ্মান।

অকস্মাৎ কোথা হইতে জীবনে একটা দুর্যোগ আসিয়া সব বিপর্যস্ত করিয়া দিল। সেই দুর্যোগের মধ্যে দুর্গা আসিয়া দাঁড়াইল মোহিনীর বেশে, শুধু মোহিনীর রূপ লইয়াই নয়—অফুরন্ত ভালবাসাও দিয়াছিল দুর্গা। সেবা যত্ন—এমন কি নিজের পার্থিব সম্পদও সে তখন অনিরুদ্ধের জন্ত ঢালিয়া দিতে চাহিয়াছিল, কিছু দিয়াছেও।

তা ছাড়া দুর্গার সঙ্গ তাহাকে যে তৃপ্তি দিয়াছে, পদ্ম তাহাব হৃদয় সবল যৌবন-পরিপূর্ণ দেহ লইয়াও সেরূপ তৃপ্তি দিতে পারে নাই। তাহার বৃকে আছে এক বোঝা মাহুলি; চিরদিন সে তাহাতে বেদনা অনুভব করিয়াছে। আচার-বিচার-ব্রত-বার পালনের আগ্রহে, শুচিতা-বোধের উগ্রতায় পদ্ম তাহাকে অস্পৃশ্যের মত দূরে ঠেলিয়া রাখিয়াছে। তাহার ভালবাসায় যত্নের আধিক্য, মমতার আতিশয্য অনিরুদ্ধকে পীড়া দিয়াছে। সঙ্কোচশূন্য অধীরতার দুর্গার মত বৃকে ঝাঁপ দিয়া পড়িতে সে কোনদিনই পারে নাই। সমস্ত দিন আগুনের কুণ্ড জালিয়া তাহারই সম্মুখে বলিয়া সর্বাক্ষয় লসাইয়া, সে বাড়ী ফিরিয়া একটু করিয়া মদ খাইত। কিন্তু ওই দেহ-মন লইয়া পদ্মের সম্মুখে দাঁড়াইলেই তাহার নেশার আগ্রহ সব যেন হিম হইয়া যায়।

দুর্গার মধ্যে আগুন ও জল—দুই-ই আছে, একাধারে জলিবার ও জুড়াইবার উপাদান। তাহার যৌবনে আছে আবেগময়ী মানবীয় ঈষদুষ্ক স্বাদ;—তাহা অনিরুদ্ধকে উন্নত করিয়া তুলিয়াছে। তাহার ভালবাসায় আছে সর্বস্ব ঢালিয়া দিবার আকৃতি। কামারশালা অচল হইলে, কর্মহীন অনিরুদ্ধ বিশ্বগ্রাসী অবসাদ হইতে বাঁচিবার জন্ত সস্তা মদ ধরিবার সময়টিতেই দুর্গা আকোশবশে ছিরকে ছাড়িয়া ত্রাহাকে সাগ্রহে জুড়াইয়া ধরিয়াছিল। সেই চরম আত্মসমর্পণের মধ্যে দুর্গার নিকট সেও আপনাকে বিলাইয়া দিয়াছিল। কিন্তু দুর্গা সহসা একদিন তাহাকে পরিত্যাগ করিয়া সরিয়া দাঁড়াইয়াছে—নৃজনের মোহে। দুর্গা তুখানল ও

শ্রীচিকা—হুই-ই। সে পাখাণী, বিশ্বাসঘাতিনী, মারাবিনী !

হঠাৎ সে চমকিয়া উঠিল। এ কি ! এ যে অন্তর্যমক্য ভাবে চলিতে চলিতে একেবারে বায়েন-পাড়াতেই হুর্গার ঘরের সামনে আসিয়া উপস্থিত হইয়াছে। হুর্গা উঠানে দুধ মাপিতেছে, যোজের দুধ দ্বিতে ঘাইবে।

সে কিরিল তাড়াতাড়ি। পাড়াটা পার হইয়া সে মাঠের ধারে আসিয়া দাঁড়াইল। হুর্গা তাহাকে পরিত্যাগ করিয়াছে, সেই-বা হুর্গার পিছনে ঘুরিবে কেন ? সে-ও পরিত্যাগ করিবে। দেবু তাহাকে ঠিক কথাই বলিয়াছে। এখন সে বুঝিতে পারিতেছে—তাহার কত পরিবর্তন হইয়াছে ! ছি ছি ! কেশব কর্মকারের ছেলে—হিতু কর্মকারের নাতি—সে মূটির মেয়ের ঘরে পড়িয়া থাকে তাহার উচ্ছিষ্ট দেহধানার লোভে—তাহার দুই-চারটি টাকা-পয়সার প্রত্যাশায়, ছি ! সে না সক্ষম বেটাছেলে—একজন নামকরা লোহার কারিগর।

পরক্ষণেই সে হাসিল। লোহার কারিগরের আর মান নাই—নাম নাই। চার আনার বিলাতি চাকু-ছুরিতেই নামের গলা দু-ফাঁক হইয়া গিয়াছে। সে এক দীর্ঘনিঃশ্বাস ফেলিল। যাক—নাম যাক—মানও যাক, জানটাই থাকুক, চাল-কলে তেল-কলে নাটবন্টু কষিয়া, হাড়ুড়ি ঠুকিয়া মিস্ত্রী হইয়াই বাঁচিয়া থাকিবে সে। জোতটাকেও বাঁচাইতে হইবে। ঠাকুরদাদার মাথায় ঘাম পায়ে ফেলিয়া নিজের হাতে কাটা জমি, বাবার কাটা জমি, তাহার নিজের হাতে কাটা ওই বাকুড়ি—তাহার সোনার বাকুড়ি—‘লক্ষ্মী-জোল’, তাহার মা অন্নপূর্ণা !

আপনা হইতেই তাহার দৃষ্টি সম্মুখের শস্তশুল্ক মাঠের উপর দিয়া প্রসারিত হইয়া নিবন্ধ হইল চার বিঘার বাকুড়ির উপর। সে চলিতে আরম্ভ করিল ; আসিয়া বাকুড়ির আইলের উপর বসিল। আইলের মাথায় একটা কয়েৎবেলের গাছ। গাছটা লাগাইয়াছিল তাহার পিতামহ। বাল্যকালে তাহার বাপ চাষ করিত—সে আসিত বাপের ও কৃষাণের খাবার লইয়া, আসিয়া ওই গাছতলায় বসিত। জর-জ্বালার পর কতদিন এখানে আসিয়া নুন দিয়া কয়েৎবেল খাইয়াছে। লক্ষ্মী পূজোতে, পর্বে-পার্বণে এই ধানের চালে হইয়াছে অন্ন, ওই কয়েৎবেল গুড়-ছুন দিয়া মাখিয়া হইয়াছে চাটনি।

অনেকক্ষণ বসিয়া থাকিয়া অনিরুদ্ধ সঙ্কল্প লইয়া উঠিল—এ জোত তাহাকে রাখিতেই হইবে !

সে চলিল ‘আকুলিয়া’ গ্রামের কাবুলী চৌধুরীর কাছে। ফালাসাম চৌধুরী, ককশা ইন্ডলের মাস্টার, তাহার হুঁদি কারবার আছে। খুব চড়া হুঁদ ও ভরস্কর তাগাদার জন্তে অনেক লোকে বলে ‘কাবুলী’। অনেকে বলে ‘অজগর’—তাহার গ্রামে পড়িলে নাকি আর বাহির হওয়া যায় না। অনেকে বলে ‘খুনে’। একবার একটা চোর ধরিয়া চৌধুরী চোরটাকে খুন করিয়া ফেলিয়াছিল।

চৌধুরীর জমির ক্ষুধা বড় প্রবল। ভাল সম্পত্তি হইলে চৌধুরী টাকা দিবেই। সে আকুলিয়া গ্রামের পথই ধরিল।

চৌধুরী লেখাপড়া-জানা লোক, বি-এ পাস, এদিকে আবার সংস্কৃতও কি একটা পরীক্ষা

দাঁড়াচ্ছে, ইহুলে সে হেতুপণ্ডিত। কিন্তু আসলে সে একজন প্রথম শ্রেণীর আর্থিক। হুই কবিত্তে তাহার কাগজ-কলম দরকার হয় না। চক্রবৃদ্ধিহারে দশ-বিশ বৎসরের স্বল্প মুখে মুখে হিসাব করিয়া দেয়। তবে হুদকে আসলে পরিশ্রিত করিয়া সেটা উহুলের হিসাব আলোচনার সময় দুই-চারিটা সংস্কৃত শ্লোক আওড়াইয়া অঙ্কগুলাকে রসায়িত অথবা পারমার্থিক তত্ত্বমণ্ডিত করিয়া দেয়।

অনিরুদ্ধ বলিল—আমি ঠিক সময়ের মধ্যে টাকা শোধ করব, চৌধুরীমশাই—আমি ফাঁকিবাঁজ নই। আর পালিয়ে বেড়িয়ে দেখা করব না, সে স্বভাবও আমার নয়।

চৌধুরী হাসিল—ফাঁকি দেবাব উপায় নাই, বাবা। আর পালিয়েই বা যাবি কোথায়? বলিয়া সে একটা শ্লোক আওড়াইয়া দিন—‘গিবৌ কলাপী গগনে চ মেঘো, লক্ষান্তরেহর্ক সলিলে চ পদ্মম্’। বুঝিল অনিরুদ্ধ, মেঘ থাকে আকাশে আব ময়ূর থাকে পাহাড়ে, দূর অনেক। কিন্তু মেঘ উঠলেই ময়ূরকে বেবিয়ে এসে পেখম মেলতেই হবে। আর সূর্যি থাকে আকাশে, জলে পদ্মের কুঁড়ি। কিন্তু সূর্যি উঠিলেই পদ্মকে বাপ বাপ বলে পাণড়ি খুলতেই হবে। খাতক-মহাজন সযত্ন হলে যেখানে থাকিস না কেন, হাজির তোকে হতেই হবে—পালাবি কোথা।

অনিরুদ্ধ কথাগুলো ভাল করিয়া বুঝিল না, দাঁত মেলিয়া শুধু নিঃশব্দে হাসিল। কথাগুলোর রসের গন্ধ আছে।

চৌধুরী মুখে মুখেই হিসাব করিল—বিষেতে চল্লিশ টাকা দিলে, তিন বছরে চল্লিশ তো ষাটে গিয়ে দাড়াবে। এতে নালিশের খরচা চাপলে মহাজনের থাকবে কি বল? তার ওপর খাতক আবার যদি বাকী খাজনা ফেলে যায়, তবে তো আমাকে রথু রাজার মত ভাঁড়ে জল খেতে হবে!

অনিরুদ্ধ তাহাব পায়ে ধরিয়া বলিল—আজ্ঞে, আমি আপনার পা ছুঁয়ে বলছি, এক বছরের মধ্যেই সব টাকা শোধ করব আমি।

পা টানিয়া লইয়া চৌধুরী বলিল—পায়ে ধরিস না অনিরুদ্ধ, পায়ের ফাটে হাত-মুখ ছিঁড়ে যাবে তোর। ছাড়।

মিথ্যা বলে নাই, চৌধুরীর কালো কর্কশ চামড়ায়, কোন ব্যাধির জগুই হউক বা শরীরে কোন উপাদানের অভাব হেতুই হউক, বারোমাস ফাঁট ধরিয়া থাকে। শীতকালে সাঁদা কাটগুলো রক্তাভ হইয়া উঠে। সব চেয়ে ভয়ঙ্কর, চৌধুরীর পায়ের তলাকার ফাঁট, শুষ্ক কঠিন চামড়া, ছুরির মত ধারালো।

পাঁটা ছাড়াইয়া লইয়া চৌধুরী তারপর সাধনা দিয়া বলিল—এক বছরেই যখন শোধ করবি, তখন ছাঁবিষে কেন দশবিঘে বন্ধক দিতেই বা আপত্তি কিসের তোর? কাগজে লেখা থাকবে বই তো নয়?

অনিরুদ্ধ চূপ করিয়া রহিল; সে ভাবিতেছিল দেহের গতিকের কথা, দেবতার গতিকের অর্থাৎ বৃষ্টি-অনাবৃষ্টির কথা।

—কিছু ভাব করিল না।

চৌধুরী তার মনের ভাব ধরিয়া ফেলিয়া বলিল—এক বছরেই শোধ করিস আর পাঁচ বছরে করিস—তোকে মরতে আমি জোব না। হুদ আমি বাকী রাখি না, রাখবও না। বাকী থাকলে আসলই থাকবে; তাতে বেইমানি করিস, তাহলে ব্রাহ্মণের গুণ। চৌধুরী হাসিতে লাগিল।

অনিরুদ্ধ বলিল—হুদ আপনি মাসে মাসে পাবেন।

—ঠিক তো?

—তিন সত্য করছি আপনার চরণ ছুঁয়ে।

—তবে দিনতিনেক পরে আসিস। আমি সব খোঁজখবর করে দেখি।

—খোঁজ করবেন। কি খোঁজ করবেন?

—আর কোথাও বন্ধক-টনক দিয়েছিল কিনা।

—আপনার চরণ ছুঁয়ে বলছি—

চৌধুরী বলিল—এইবার চরণ দু'টিকে আমাকে সিকের তুলতে হবে বাবা। তাতে তোরই খরাপ হবে। রেজেষ্ট্রী অফিসে যাওয়া হবে না, তুইও টাকা পাবি না। খোঁজ না করে আমি টাকা কাউকে দিই না, দোবও না।

অনিরুদ্ধ তবু উঠিল না। শ্রান্ত ক্লান্ত দেশান্তরী উদাসীনের অকস্মাৎ গ্রিয়জনকে মনে পড়িয়া যেমন বাড়ী ফিরিবার জন্ত ব্যাকুল আগ্রহে জাগে, অনিরুদ্ধের আজ তেমনি ব্যাকুল আগ্রহ জাগিয়া উঠিয়াছে আবার সেই পূর্বের সংযত সচ্ছল জীবনে দ্বিবিবাহ জন্ত। সেই ফিরিবার পথের পাথের চাই তাহাব। চার বছরের বাকী খাজনা সালিশানা পঁচিশ টাকা দশ আনা হিসাবে একশত আড়াই টাকা; মিকি হুদ পঁচিশ টাকা দশ আনা—একুনে একশো আটশ টাকা দু'আনা, খরচা লইয়া একশো চল্লিশ কি পঁয়তাল্লিশ, দেড়শো টাকাই ধরিয়া রাখা ভাল। আরও একশো চাই। সে বলদ এক জোড়া কিনিবে। জমি ভাগে না দিয়া, একটি কৃষাণ রাখিয়া সে বাপ-ঠাকুরদার মতই ঘরে চাষ করিবে। তাহার নিজের জমি তের বিঘা। তাহার সঙ্গে অল্প কাহারও বিঘাপাচেক জমি সে ভাগে লইতেও পারিবে। সঙ্গে সঙ্গে জংশন শহরের ধান-কলে বা তেল-কলে একটা চাকরিও লইবে। বাড়ি থাকিতে সে উঠিবে, গরু ছটাকে আপন হাতে খাইতে দিবে। কৃষাণ হাল লইয়া যাইবে, সেই সঙ্গে সে-ও বাহির হইবে—একেশারে সারাদিনের মত সাজিয়া গুছাইয়া। জমিগুলি দেখিয়া-ভনিয়া ওই পথেই চলিয়া যাইবে সে জংশনে কলের কাজে। ফিরিবার পথে আবার একবার মাঠ ঘুরিয়া বাড়ী আসিবে। মদ খাইতে হইবে—একটু না খাইলে সে বাঁচিবে না—বোতল কিনিয়া আনিয়া বাড়ীতে রাখিবে, পয়সা পিগিয়া ঢালিয়া দিবে—বাস! কলের মাইনে দৈনিক আট আনা হিসাবে চারিটা রবিবার বাদ দিয়া তের টাকা—বৎসরে একশো ছাপায় টাকা নগদ আসে। ধান, কলাই, গুড়, গম, ঘর, তিসি, সরিষা হইবে চাষে। নজরবন্দীর বাড়ী জাড়া আছে মাসিক দশ টাকা। ওটা অবশ্য স্থায়ী আর নয়। এ ছাড়াও সে বাড়ীতে আবার কামারশালা খুলিবে। রাজে বাহা

পারে, যতটুকু পারে করিবে; দৈনিক দু'গুণা পয়সা রোজগার হইলেও তাহাতেই তাহার দৈনিক নুন-তেলের খরচা তো চলিয়া যাইবে। ঋণ শোধ দিতে তাহার কয় দিন! ঋণ শোধ দিয়া সে আরম্ভ করিবে সঞ্চয়; সঞ্চয় হইতে সুদ কারবার। খৎ-তমসূকে নয়, জিনিষ-বন্ধকী কারবার। ঘাটতি নাই পড়তি নাই, বৎসরে একটি টাকা দু'টাকায় পরিণত হইবে। ইহার উপর তাহার বাকুড়ির আরো আধ হাত মাটি তুলিয়া সে যদি গর্ত করিতে পারে—তবে বাকুড়িতে হাজাশতকা থাকিবে না। মাটি তুলিয়া গাড়ি-গাড়ি সার এবং মরা পুকুরের পাক ঢালিয়া দিবে। উনো ফসল দুনো হইবে।

চৌধুরী বলিল—বসে থাকলে তো টাকা মিলবে না, অনিরুদ্ধ! আমি খোঁজখবর করি, তারপর এদিকে বেলাও যে দশটা হ'ল। আমার আবার ইস্কুল আছে।

অনিরুদ্ধ বলিল, আজই চলুন কল্যাণ, রেজেন্টারী আপিসে খোঁজ করুন।

হাসিয়া চৌধুরী বলিল—আজই? তোর অশ্বতর যে পক্ষীরাজের চেয়েও জিন্দে দেখছি খামতে চায় না! বেশ, বোস তুই। আমি চান করে ছুটো খেয়ে নি। চল আমার সঙ্গে। টিফিনের সময় খোঁজ করব।

টিফিনেও খোঁজ শেষ হইল না। চৌধুরী বলিল—আবার সেই শেষ ঘণ্টা, তিনটে-দশের পর আবার অবসর। তুই তা হলে বোস।

শেষ ঘণ্টায় হেডপণ্ডিত চৌধুরীর ধর্ম-সম্বন্ধীয় বক্তৃতার ক্লাস। এ ক্লাসটার সময় চৌধুরী প্রায়ই ছেলেদের স্বাধীনভাবে ধর্মচর্চার অবকাশ দিয়া রেজেন্টী অফিসের কাজগুলি সারিয়া থাকে। দলিল-দস্তাবেজ বাহির করে, কে কোথায় কি নিল—কি বেচিল, কে কি বন্ধক দিল ইত্যাদি সংবাদগুলি সংগ্রহ করিয়া রাখে।

অনিরুদ্ধ সেই অপেক্ষা করিয়া রহিল। সমস্ত দিন খাওয়া হয় নাই। সে খানকয়েক বাতাসা কি ছুই টুকরা পাটালির প্রাত্যাশায় পরাণ ময়রার দোকানে বসিয়া পরাণের তোষামোদ করিতে আরম্ভ করিল। পাটালি-বাতাসা মিলিল না, কিন্তু ক্ষুধা-তৃষ্ণা সে তুলিয়া গেল; পরাণের বিধবা ভাগ্নী দোকান করে, তাহার সঙ্গে বেশ আলাপ জমাইয়া ফেলিল। একটা হইতে তিনটা—ছুই ঘণ্টা সময় যেন মেয়েটার হাসির ফুঁয়ে উড়িয়া গেল।

চৌধুরী আসিয়া বলিল—দেখা আমার হয়ে গেল, অনিরুদ্ধ, বুঝিল?

—হয়ে গেল আজ্ঞে।

—হ্যাঁ। তোকে আর ডাকি নাই। দেখলাম গল্লете খুব জমে গিয়েছিল, রসভজ করা পাপ, শাস্তিনিষিদ্ধ। বলিয়া চৌধুরী হাসিল।

অনিরুদ্ধ একটু লজ্জিত হইল।

—টাকা আমি দোব।

—দেবেন! উৎসাহে অনিরুদ্ধ উঠিয়া দাঁড়াইল।

—হ্যাঁ। কিন্তু তোর তো আজ সারাদিন খাওয়া হ'ল না রে!

—তা এই বাড়ী গিয়ে—এই তো কোশখানেক পথ আজ্ঞে।

আনন্দের আবেগে অনিরুদ্ধ কোন কথাই শেষ করিতে পারিল না।

—আচ্ছা পরন্তু আসিস্। তাহলে শীগ্গির বাড়ী যা। মেঘ উঠেছে। ঝড়-জল হবে বনে হচ্ছে। চৌধুরী চলিয়া গেল।

মেয়েটি বলিল—তুমি খাও নাই এখনো?

—তা হোক। এই কতক্ষণ! বৌ বৌ করে চলে যাব।

—এই বাতাসা কথানা ভিজিয়ে জল খাও। খাও নাই—বলতে হয়!

বাতাসা ভিজাইয়া জল খাইয়া অনিরুদ্ধ যেন বাঁচিল। টাঙিটা হাতে করিয়া সে পথে নামিয়া হন্ হন্ করিয়া বাড়ী চলিল। কিন্তু কক্ষণার প্রান্তে আসিয়া পৌঁছিতে-না-পৌঁছিতে ঝড় উঠিয়া পড়িল। পৌষের পর হইতে রুষ্টি হয় নাই। চারিদিক রুদ্ধ হইয়া উঠিয়াছিল। চৈত্রমাসের মাঝামাঝিতেই যেন বৈশাখের চেহারা দেখা দিয়াছে। অকালেই উঠিয়া পড়িয়াছে কাল-বৈশাখীর ঝড়। দেখিতে দেখিতে চারিদিক অন্ধকার হইয়া গেল, দুর্দান্ত ঝড়ের তাড়নায় পৃথিবী হইতে আকাশ পর্যন্ত পিকল ধুলায় ধূসর হইয়া উঠিল, তাহার উপর ঘনাইয়া আসিল—দ্রুত আবর্তনে আবর্তিত পুঞ্জ-পুঞ্জ মেঘের ঘন ছায়া হয়ে মিলিয়া সে এক বিচিত্র শিকলাত অন্ধকার। গৌঁ গৌঁ শব্দ করিয়া ঝড়ের সে কি দুর্দান্তপনা!

অনিরুদ্ধ আশ্রয় লইল একটা গাছতলায়। শিনাবৃষ্টি বজ্রপাতও হইতে পারে? কিন্তু উপায় কি? আবার কে এখন এই দুর্গেগে গ্রামের মধ্যে ছুটিয়া যায়? আর মরণ তো একবার!

সৌঁ-সৌঁ শব্দে প্রবল ঝড়। ঝড়ে চালের খড় উড়িতেছে, গাছের ডাল ভাঙিতেছে। বিকট শব্দে ওই কার টিনের ঘরের চাল উড়িয়া গেল। 'কছুক্ষণ পরেই নামিল বম্ বম্ করিয়া রুষ্টি, দেখিতে দেখিতে চারিদিক আচ্ছন্ন করিয়া মুসলধারে বর্ষণ। আঃ, পৃথিবী যেন বাঁচিল! ঠাণ্ডা ঝড়ো হাওয়ায় ভিজা মাটির সৌন্দা সৌন্দা গন্ধ উঠিতে লাগিল।

বৈশাখের আগে এ অকাল-বৈশাখী ভাল নয়। 'চৈতে মথর মথর, বৈশাখে ঝড়-পাথর, জ্যৈষ্ঠে মাটি ফাটে, তবে জেনো বর্ষা বটে!' ভাগ্য ভাল, শিল পড়িল না। তবে একটা উপকার হইল, জমিতে চাষ চলিবে। এ সময়ে একটা চাষ পাঁচগাড়ি সারের সমান। কাটা ধানের গোড়াগুলি উন্টাইয়া দিবে, সেগুলি মাটির ভিতর পচিতে পাইবে। রোদে বাতাসে মাটি ফোপরা নরম হইবে। হাতে তুলিয়া ধরিলেই এলাইয়া পড়িবে আদরিণী মেয়ের মত!

*

*

*

ঝড়-জল থামিতে সন্ধ্যা ঘুরিয়া গেল। অন্ধকার রাত্রি, ক্রোশখানেক দীর্ঘ মেঠো পথ, মাঠে কান্না হইয়া উঠিয়াছে, গর্তে জল জমিয়াছে। জায়গায় জায়গায় জলের শোতে ভাসিয়া আসিয়া তুপীকৃত হইয়া উঠিয়া জমিয়াছে খড়কুটা-পাতা—নানা আবর্জনা। চারিদিকে ব্যাঙগুলা জলের সাড়ায় ও স্বাদে মুখর হইয়া উঠিয়াছে। মধ্যে মধ্যে বিষধর সরীসৃপের সাফা পাওয়া যাইতেছে—হৃদীর্ঘ দেহ লইয়া সরু সরু শব্দে চলিয়া যাইতেছে। কিন্তু

অনিরুদ্ধের কোন দিকে জ্ঞাপন নাই। টাঙিটা হাতে করিয়া সে নির্ভয়ে চলিতে চলিতে গান ধরিল। সাপ! সাপের প্রাণের ভয় নাই? উচ্চকণ্ঠে গান শুধু তাহার আনন্দের অভিব্যক্তি নয়, সরীসৃপদের প্রতি সরিয়া যাইবার নোটিশ! সে নোটিশ সম্বন্ধে যদি কাহারও সন্দেহ হয়—মাথা তুলিয়া গর্জন করে, তবে তাহার হাতে আছে এই টাঙি। সাপ—সে হাসিল। যেবার সে দুইখানা জমি কাটিয়া একখানা বাবুড়িতে পরিণত করে, সেবারে একটা পুরানো পগার কাটিবার সময় কালকেউটে মারিয়াছিল বারোটা। তাহার মধ্যে পাঁচটা ছিল চার হাত করিয়া লম্বা। সাপ কি অপর জানোয়ারকে সে ভয় করে না। ভয় তাহার মাছুষকে। ছিরুকে আগে গ্রাহ্য করিত না, কিন্তু শ্রীহরি এখন আসল কালকেউটে! চৌধুরীও ভীষণ জীব!

ঝড়ে গ্রামটা তছনছ করিয়া দিয়াছে।

গাছের ডাল ভাঙিয়াছে, পাতায়-থড়ে পথেঘাটে ঝার চলা যায় না। চণ্ডীমণ্ডপের বগীতলায় বকুলগাছটার বড় ডালটাই ভাঙিয়া পড়িয়াছে। চালের খড় সকলেরই কিছু-না-কিছু উড়িয়াছে। হরেন্দ্র বোবাল একখানা ঘর করিয়াছিল গম্বুজের মত, উচুতে প্রায় মাঝারি তালগাছের সমান। সেইখানার চালটাকে একেবারে উপড়াইয়া হাবিশ মোডলের পুরুরের জলে ফেলিয়া দিয়াছে। বায়েনপাড়া, বাউড়ীপাড়ার দুর্দশার একশেষ হইয়াছে। তালপাতা এবং খড়ে ছাওয়া নো ঘরগুলির আচ্ছাদন বলিতে কিছু রাখে নাই। তাহার উপর বর্ষণে দেওয়াল গলিয়া মেঝে ভিজিয়া কাদা সপ-সপ করিতেছে।

ঘাক, দেবু-ভায়ের কিছু যায় নাই। আহা, বড় ভাল লোক দেবু-ভাই। জগনের ভক্তারখানার কেবল বারান্দার চালটা আধখানা উল্টাইয়া গিয়াছে। আশ্চর্য, শ্রীহরি বেটার কোন ক্ষতি হয় নাই। টিনের ঘরে, বেটা লোহার দড়ির টানা দিয়াছে। এই বাত্রেই রাঙাদিদি ঘরের খড়কুটা পরিষ্কার করিতে করিতে দেবতাকে গাল পাড়িতেছে।

আঁপনার বাড়ীর সম্মুখে আসিয়া অনিরুদ্ধ দাঁড়াইল।

দাওয়ায় বসিয়া ছিল যতীন! সে বই পড়িতেছিল; প্রশ্ন করিল—কে?

—আজ্ঞে, আমি। অনিরুদ্ধ।

—কোথায় ছিলেন সমস্ত দিন?

—কাজে গিয়েছিলাম বাবু।

কথাটা বলিয়া অনিরুদ্ধ অন্ধকারের মধ্যেও তীক্ষ্ণ দৃষ্টিতে চালের দিকে চাহিয়া দেখিল।

যতীন একটু আশ্চর্য হইয়া গেল—অনিরুদ্ধ আজ কত কথাবার্তা বলিতেছে। এ অবস্থাটা যেন অনিরুদ্ধের পক্ষে অস্বাভাবিক। সে আবার প্রশ্ন করিল—শরীর ভাল আছে তো? কি দেখছেন?

—দেখছি চালের অবস্থা। নাঃ, উড়ে নাই কিছু। কেবল কোঠা ঘরের পশ্চিম দিকের চালের খড়গুলো আতঙ্কিত সজ্জার কাঁটার মত উপরের দিকে ঠেলিয়া উঠিয়াছে।

—আসছি বাবু। অনেক কথা আছে।

সে বাড়ীর ভিতরে চলিয়া গেল। কিছু খাইতে হইবে। পেট হু-হু করিয়া বলিতেছে।

পদ্ম বাড়ীর উঠান হইতে পঞ্চ-ঘাট পর্যন্ত সব ইহারই মধ্যে পরিকার করিয়া ফেলিয়াছে। ওই যে ওপাশের দাওয়ায় বসিয়া রহিয়াছে, ওটা কে? একটা ছেলে! কে? ও—বাউতুলে তারিণীর সেই ছেলেটা! জংশনে ভিক্ষা করিতে করিতে এখানে আসিয়া জুটিল কি করিয়া? পদ্মের কাছে আসিয়া বলিল—ওটা কোথা থেকে এল?

অনিরুদ্ধকে হুঁহু দেখিয়া পদ্মও অবাক হইয়া গেল। অনিরুদ্ধ এবারে ছেলেটাকে বলিল—এখানে কোথা থেকে এসে জুটিল?

হাসিয়া পদ্ম বলিল—নজরবন্দী নিয়ে এসেছে আজ জংশন থেকে, বাবুর চাকর হবে।

—হঁ, যত মড়া গাঙের ঘাটের জড়ো! দে, এখন খেতে দে দেখি। ঘরে কি আছে?

তুনিবামাত্র পদ্ম সঙ্গে সঙ্গেই উঠিল। যাইতে যাইতে বলিল—জংশন-ইন্টিশানে কার কি চুরি করেছিল, লোকে ধরে মারছিল—নজরবন্দী ছেলে ছাড়িয়ে নিয়ে এসেছে।

অনিরুদ্ধ বিরক্ত হইয়া উঠিল। কোন্ দিন আবার তাহার বাড়ীর কিছু কিংবা ওই নজরবন্দীর কিছু চুরি করিয়া না পালায় ছেলেটা! সে রুচিরে বলিল—এই ছোড়া, কোথায় চুরি করেছিল? কি চুরি করেছিলি?

ছোড়া ভীত অথচ ক্রুদ্ধ জানোয়ারের মত মাথা হেঁট করিয়া আড়চোখে তাহার দিকে চাহিয়া রহিল, কোন উত্তর দিল না।

পদ্ম বলিল—কি ধারার মানুষ গো তুমি! নিয়ে এসেছে অন্ন একজনা, তোমার বাড়ীতে তো আসে নাই ও! তুমি বকছ কেনে বল তো? তা ছাড়া ছেলেমানুষ, অনাথ,—ওর দোষ কি? যা রে বাবা, তুই উঠে তোর মূনিবের ওই দিকে যা।

ছোড়াটা কিন্তু তেমনি ভক্তিতে সেইখানে বসিয়াই রহিল, নড়িল না।

একুশ

‘চাষ আর বাস’ পল্লীর জীবনে দুইটা ভাগ। মাঠ আর ঘর—এই দুইটি ক্ষেত্রেই এখানে জীবনের সকল আয়োজন—সকল সাধনা। আষাঢ় হইতে তাত্র—এই তিনমাস পল্লীবাসীর দিন কাটে মাঠে—কৃষির লালন-পালনে। আশ্বিন হইতে পৌষ সেই ফসল কাটিয়া ঘরে তোলে—সঙ্গে সঙ্গে করে রবি ফসলের চাষ। এ সময়টাও পল্লীজীবনের বারো আনা অতিবাহিত হয় মাঠে। মাঘ হইতে চৈত্র পর্যন্ত তাহার ঘরের জীবন। ফসল ঝাড়িয়া, দেনা-পাওনা মিটাইয়া সঞ্চয় করে, আগামী চাষের আয়োজন করে; ঘরের ভিতর-বাহির গুছাইয়া লয়। প্রয়োজন থাকিলে নূতন ঘর তৈয়ারী করে, পুরানো ঘর ছাওয়ায়, মেরামত করে; সার কাটিয়া জল দেয়, শন পাকাইয়া দড়ি করে। গল্প-গান-মজলিস করে, চোখ বুজিয়া হরদম তামাক পোড়ায়, বর্ষার জন্য তামাক কাটিয়া গুড় মাখাইয়া হাঁড়ির মধ্যে পুরিয়া জলের ভিতর পুঁতিয়া পচাইতে দেয়। চাষীর পরিবারের যত বিবাহ সব এই সময়ে—মাঘ ও কাশ্যনে। জের বড় জোর বৈশাখ

পৰ্বন্ত যায়। হরিজনদের চৈত্রমাসেও বাধা নাই, পৌষ হইতে চৈত্রের মধ্যেই বিবাহ তাহার শেষ করিয়া ফেলে।

অকালে—চৈত্রমাসের মাঝামাঝি এই অকাল—কালবৈশাখীর ঝড়জলে সেই বাধাধরা জীবনে একটা ধাক্কা দিয়া গেল। ভোরবেলায় শনের দাড়ি পাকানো ছাড়িয়া সবাই মাঠে গিয়া পড়িল। প্রবীণদের সকলের হাতেই হাঁকা। অল্পবয়সীদের কৌচড়ে অথবা পকেটে বিড়ি-দেশলাই, কানে আধপোড়া বিড়ি। সকলে আপন আপন জমির চারিপাশের আইলে ঘুরিয়া বেড়াইতেছে। উচু ডাঙা জমিতে দুই-চারিজন আজই লাঙলের চাষ দিতে আরম্ভ করিয়াছে। নিম্নভূমি—জোলান্ জমিগুলিতে এখনও জল জমিয়া আছে, দুই-চারিদিন গিয়া থানিকটা না শুকাইলে এসব জমিতে চাষ চলিবে না। ময়ূরাক্ষীর চরভূমিতে তরি-তরকারির চারাগুলি মাতৃস্তন্য-বঞ্চিত শীর্ণকায় শিশুর মত এতদিন কোনমতে বাঁচিয়া ছিল। এইবার মহীরাবণের পুত্র অহিরাবণের মত দশ-দিনে দশ-মূর্তি হইয়া উঠিবে। তিলের ফুল সব ধরিতেছে, জলটায় তিলের থানিকটা উপকার হইবে। তবে অপকারও কিছু হইয়া গেল,—যে ফুলগুলি সত্তা ফুটিয়াছিল, এই বর্ষে তাহার মধু ধুইয়া যাওয়ায় তাহাতে আর ফল ধরিবে না। এইবার আখ লাগানো চলিবে। জলটায় উপকার হইয়াছে অনেক। তবে গ্রামে ঘর-বাড়ীর ক্ষতি হইয়াছে প্রচুর। তাহার আর কি করা যাইবে!

গ্রামের মেয়েরা ঝড়ে বিপর্যস্ত বাড়ী-ঘর পরিষ্কার করিতে ব্যস্ত। কোমরে কাপড় বাধিয়া খড়-কুটা জড়ো করিতেছে,—সমস্ত সারে ফেলিতে হইবে। ছেলের দল আমবাগানে ছুটিয়া সেই ভোরবেলায়, কৌচড় ভরিয়া নামের গুটি কুড়াইতেছে। হরিজনদের মেয়েরা খুড়ি কাঁখে পথে-ঘাটে-বাগানে—পাতা-খড়-কাঠি শুকনা ডাল-পাতা সংগ্রহ করিয়া প্রচণ্ড বোকা বাঁধিয়া ঘরে আনিয়া ফেলিতেছে; জালানি হইবে। তাহাদের নিজেদের ঘর-দুয়ার এখনও সাফ হয় নাই। পুরুষেরা যে-যার কাজে গিয়াছে। কেহ চাষী-গৃহস্থবাড়ীর বাধা কাজে, কেহ জংশনে কলের কাজে, কেহ ভিন গাঁয়ে দিনমজুরিতে।

দুর্গা আপনার ঘরে বসিয়াছিল। তাহার কাজ বাধা-ধরা। তাহার বাহিরে সে যায় না। সে এই সব পাতা-কুটা কুড়াইয়া কখনও জালানি করে না। জালানি সে কেনে। ভোরবেলায় একদল দুধ দোহাইয়া সে নজরবন্দীবাবুকে দিয়া আসিয়াছে; পথে বিলুদিকিকেও থানিকটা দিয়া, সেইখানেই চা খাইয়া, বাড়ী আসিয়া বসিয়াছে। আগে আগে কিছুদিন সে চা খাইত কামার বউয়ের বাড়ীতে; কামার-বউ নজরবন্দীবাবুর চা করিত, নজরবন্দীকে চা দিয়া বাকিটা পদ্ম এবং দুর্গা খাইত। কিন্তু সেদিন পদ্মের সেই রুঢ় কথার পর আর সে কামার বউয়ের বাড়ীর ভিত্তর যায় না। বাহিরে-বাহিরেই নজরবন্দীবাবুর দুধের যোগান দিয়া, দুই-চারটা কাজ-কর্ম করিয়া দিয়া চলিয়া আসে। নজরবন্দীও আজ কয়েক দিন তাহাকে কোন কথা বলে নাই। সে বসিয়া বসিয়া ভাবিতেছিল, কাল হইতে সে আর নিজে দুধ দিতে যাইবে না; মাকে দিয়া পাঠাইয়া দিবে। যে মানুষ কথা কয় না, তাহাকে যাচিয়া কথা বলা তাহার অভ্যাস নাই।

দুর্গার মা উঠান সাফ করিতেছিল ; বউটা ভাল-পালা খড়-কুটা কুড়াইতে গিয়াছে। পাতু আপনার ছেলেটাকে লইয়া বসিয়া আছে দাওয়ার উপর। লোকে বলে ছেলেটা নাকি দেখিতে অনেকটা হলেন ঘোষালের মত হইয়াছে, কিন্তু তবু পাতু ছেলেটাকে বড় ভালবাসে। বছর খানেকের মধ্যে পাতুর অদ্ভুত পরিবর্তন ঘটিয়াছে। অবস্থা এবং প্রকৃতি দুয়েরই। পূর্বে পাতু বায়েন বেশ মাতকর লোক ছিল। আচারে-ব্যবহারে বেশ একটু ভারিচ্ছী চাল দেখাইয়া চলিত। তখন পাতুর চালচলতি দেখিয়া লোকে হিংসা করিত। ভাগাড়ের চামড়া হইতে তাহাদের ছিল মোটা আয়। চামড়া বেচিত, কতক চামড়া নিজে পরিষ্কার করিয়া ঢোল, তবলা, বাঁয়া, খোল প্রভৃতি বাজ্যন্ত্র ছাইয়া দিত। পাতুর ছাওয়া খোল তবলার শব্দের মধ্যে কঁাসার আওয়াজের মিঠা রেশ বাজিত। এই ভাগাড় হইতেই গাসিত তাহার আয়ের বারো আনা। বাকী মিকি আয় ছিল চাকরান-জমির চাষ এবং এখানে-ওখানে ঢাকের বাজনা হইতে। ভাগাড়টা এখন হাতছাড়া হইয়া গিয়াছে। জমিদার টাকা লইয়া বন্দোবস্ত করিয়াছে। বন্দোবস্ত লইয়াছে আলপুরের রহমৎ শেখ এবং কঙ্গার রমেন্দ্র চাটুজ্জ।

চাকরান-জমিও পাতুর গিয়াছে, সে-জমি এখন জমিদারের খাসখতিয়ানের অন্তর্ভুক্ত। জমিটা পাতু নিজেই ছাড়িয়া দিয়াছে। না দিয়াই বা উপায় কি ছিল? তিন বিঘা জমি লইয়া বারোমাস পালে-পার্বণে ঢাক বাজাইয়া কি হইবে? যেদিন বাজাইতে হইবে সেই দিনটাই মাটি। তার চেয়ে সে বরং নগদ মজুরিতে এখানে-ওখানে বাজনা বাজাইয়া আসে—সে ভাল। বায়না থাকিলে পরিষ্কার কাপড়ের উপর চাদর বাধিয়া ঢাক কাঁধে লইয়া পাতু বাহির হয়, ফিরিয়া আসে দুই-একটি টাকা লইয়া; উপরন্তু দুই-একটা পুরানো জামা-কাপড়ও লাভ হয়। প্রায় বারোটা মাসই সে এখন বেকার। জন-মজুর খাটিতেও পারে না! বাজকর-বায়েন বলিয়া তাহার একটি সম্বল আছে, সে জন-মজুর খাটিবে কেমন করিয়া? বসিয়া বসিয়া সে ভাগাড় বন্দোবস্ত লওয়ার কথাটাই ভাবে। তাহার চেয়েও ভাল হয় যদি চামড়ার ব্যবসা করিতে পারে। তাহাদেরই স্বজাতি নীলু বায়েন—এখন অবস্থা নীলু দাস, চামড়ার ব্যবসা করিয়া লক্ষপতি ধনী হইয়াছে। এখন সে কলিকাতায় থাকে, মস্ত বড় চামড়ার ব্যবসা। মস্ত বাড়ী করিয়াছে, বাড়ীতে ঠাকুর প্রতিষ্ঠা করিয়াছে। সে-সব দেখিবার জন্য এম-এ, বি-এল পাস করা একজন সরকারী হাকিম—সরকারী চাকরি ছাড়িয়া তাহার ম্যানেজারি করিতেছে। প্রকাণ্ড বসত বাড়ী, হাওয়া-গাড়ী, ঠাকুর-বাড়ী আছে। দেশে আপনার গ্রামে কঙ্গার বাবুদের মত ইন্সুল ও হাসপাতাল করিয়া দিয়াছে। তাহার ছেলে নাকি লাটসাহেবের মেথার। পাতু চামড়া ব্যবসায় ও ভাগাড় বন্দোবস্ত লইবার কল্পনা করে, সঙ্গে সঙ্গে এমনি ঐশ্বর্ষের স্বপ্ন দেখে।

বারোমাস জীবনধারণের ব্যবস্থা করে তাহার স্ত্রী এবং দুর্গা। যে পাতু একদা দুর্গাকে কঠিন ক্রোধে লালিত করিয়া ছিল—ছিক পালের প্রতি প্রীতির জন্ত, সেই পাতু হলেন ঘোষালের সঙ্গে সাদৃশ্য থাকা সত্ত্বেও ছেলেটাকে ভালবাসে—দিনরাত আদর করে। মধ্যে

মধ্যে ঘোষালের কাছে যায়, আবদার করিয়া বলে—আজ চার আনা পরশা কিন্তু দিতে হবে, ঘোষালমশায় !

দুর্গা নৈশ-অভিসারে যায় কঙ্কণায়, জংশনে । প্রতীক্ষমান ব্যক্তি জিজ্ঞাসা করে—সঙ্গে কে ও ? অঙ্কবাসের অশ্লষ্ট মূর্তিটি সরিয়া যায়, দুর্গা বলে—ও আমার সঙ্গে এসেছে ।

—কে ?

—আমার দাদা ।

অশ্লষ্ট মূর্তি হেঁট হইয়া নীরবে নমস্কার করে ।

দুর্গা বলে—একটা সিগারেট দেন, ও ততক্ষণে বলে বলে থাক ।

বাবুদের বাগান-বাড়ীর কোন গাছতলায় অথবা বারান্দায় সিগারেটের আগুনের আভাষ পাতুকে তখন চেনা যায় । আসিবার সময় সে একটা মজুরি পায়—চার আনা হইতে আট আনা ; দুর্গা আদায় করিয়া দেয় ।

সেদিন পাতু মনস্থির করিয়া বার বার দুর্গাকে বলিল—পঁচিশ টাকা বই তো লয় ! দে না দুগুণ, ভাগাড়টা জমা নিয়ে লি ।

দুর্গা বলিল—সে হবে । আজ এখনই দুটো গাছের তালপাতা কেটে আনগা দিকি, ঘরটা তো ঢাকতে হবে !

এই তাহাদের চিরকালের ব্যবস্থা । উড়িলে কি পুড়িলে ঘরের জগ্গ ইহার। ভাবে না । পুড়িলে কাঠ-বাঁশের জগ্গ তবু ভাবনা আছে ; উড়িলে সেটা ইহার। গ্রাহ্য করে না । মাঠে খাল-খামারের পুকুরের পাড়ের অথবা নদীর বাঁধের উপরে তালগাছ কাটিয়া আনিয়া ঘর ছাইয়া ফেলে । শুধু পুকুরের কিরিবার অপেক্ষা,—কাজ হইতে ফিরিয়া তাহার। গাছে উঠিয়া পাতা কাটিবে, মেয়ের। মাখায় ভুলিয়া ধরে আনিবে । দু-চারিজন মেয়েও গাছে চড়িয়া পাতা কাটে । দুর্গাও এককালে তালগাছে চড়িতে পারিত, কিন্তু এখন আর গাছে চড়ে না । প্রয়োজনও নাই, তাহার কোঠাঘরের চালে বেশ পুকুরের ছাউন—মজবুত বাঁধানে বাঁধা । তাহার চালের খড় কিছু বিপর্যস্ত হইয়াছে, বিশৃঙ্খল হইয়াছে এইমাত্র, উড়িয়া যায় নাই । ওগুলোকে আবার সমান করিয়া বসাইতে অবশ্য গোটা দুয়েক মজুর লাগিবে । এ কাজ পাতুকে দিয়াই হইবে, তাহাকেই বরং দুই দিনের মজুরি দিবে ।

দুর্গার কথার উত্তরে পাতু বলিল—হঁ ।

—হঁ তো ওঠ !

—বউটো আহুগ আগে ।

—বউ এলে পাঠিয়ে দোব, বউকে—মাকে ; তুই এখন যা দিকি । পাতা কেটে ফেল গা যা ।

দুর্গার মা উঠান পরিষ্কার করিতে করিতে বলিল—মা লারবে বাছা । তুমি খেতে দিচ্ছ—তোমার 'ভিল্ডনো' খাটছি, উপায় নাই, আবার বেটার খাটুনি খাটতে লারব আমি । কখনে, কিলের লেগে ? কখনো মা বলে দু-গুণ পরশা দেয় না—একটুকরা ট্যানা দেয়

যে ওর লেগে আমি খাটব ?

পাতু হুকার দিয়া উঠিল—আমরা দিই না তোর কোন্ বাবা দেয় তনি ?

—তনলি হুগ্‌গা, বচন তনলি ‘খালুভরার’ ?

হুগ্‌গা বাধা দিয়া বলিল—থাম্ বাপু তোরা । তোর গিলেও কাজ নাই, চোঁচিলেও কাজ নাই ।

বউ আশুক—আমরা হু-জনার যাব । দাদা তু এগিয়ে চল ।

কোমরে কাঁটারি গুলিয়া পাতু আসিয়া উঠিল নদীর ধারে । ময়ূরাক্ষীর বস্তারোধী বাঁধটা নদীর সঙ্গে সমান্তরাল হইয়া পূর্ব-পশ্চিমে চলিয়া গিয়াছে । বাঁধের গায়ে সান্নিহীনী অসংখ্য তালগাছ এবং শরগাছ । পাতু বাছিরা বাছিরা ঢলকে পাতা দেখিয়া একটা গাছে চড়িয়া বসিল ।

ওই খানিক দূরে গাছের উপর ‘আখনা’ অর্থাৎ রাখহরি বাউড়ি পাতা কাটিতেছে । তার ওধারের গাছটায়—ও কে ? পুরুষ নয়, মেয়ে ! আখনার বউ পরী ? এপাশে ওই গাছটায়ও ওটা কে ? পাতু ঠাহর করিতে না পারিয়া ডাকিল—কে রে উথানে ?

—আমি গণা । অর্থাৎ গণপতি ।

—আর কে বটে ?

—আমার পাশে বাকা, হই রয়েছে ছিদাম । হই মতিলাল ।

গাছে চড়িয়াই সবার আলাপ-আলোচনা চলিতেছিল । সহসা এদিকে আখনা চীৎকার করিয়া উঠিল—হই ! হস হই ধা ! উঃ ! হস ধা, উঃ ! বাবা রে, মেয়ে ফেলাবে লাগটে ! হিশ, ঠোঁটের ঢাড় কি রে বাবা !

আখনার জিহ্বার একটু জড়তা আছে, স্পষ্ট কথা বাহির হয় না ।

আখনাকে ছইটা কাক আক্রমণ করিয়াছে । মাথার উপর কা-কা করিয়া উড়িতেছে, আর ঠোট দিয়া ঠোঁকর মারিতেছে । গাছটায় কাকের বাসা আছে । ওপাশে পরী, স্বামীকে গাল পাড়িতেছে—ডাকরা বাঁধবুকোকে দশবার যে মানা করলাম, কাগের বাসা আছে, উঠিস্ না ! কেমন হইছে—বলিতে বলিতে আখনার বিব্রত অবস্থা দেখিয়া সে থিল্থিল্ করিয়া হাসিয়া সারা হইল ।

দূরে হুম্-করিয়া একটা শব্দ উঠিল । সর্বনাশ ! কে পড়িয়া গেল ? ওঃ, ভাত্র মাসের পাকা তালের মত পড়িয়াছে ! ফাটিয়া গেল না তো ? না, মরে নাই, নড়িতেছে । যাক—উঠিয়া বসিয়াছে । বাপ রে ! আচ্ছা শক্ত জান্ ! নদীর ধারের ভিজা মাটি—তাই রক্ষা ! কিন্তু লোকটা কে ?

—কে বটিল রে ?

লোকটা উঠিয়া দাঁড়াইয়া জবাব দিল—সাপ !

—সাপ ?

—খরিশ । যেমন ইদিকের পাতায় উঠতে যাব—অমনি শালা—কোঁসু করে ফণা নিয়ে

উঠছে উদিকের পাতায়। কি করব, লাফিয়ে পড়লাম।

ফড়িং বাউড়ী! হোঁড়া খুব শক্ত! খুব বাঁচিয়াছে আজ!। নাপটা পাখীর ডিমের সন্ধানে খেজো বাহিয়া গাছে উঠিয়াছে।

ও রে বাবা! পাতুরও আলা কম নয়; একটা পাতা কাটিতেই অসংখ্য পিঁপড়ে বাহির হইয়া তাহার সর্বাক্ষে হাঁকিয়া ধরিয়াছে। পাতু গামছাটা খুলিয়া গামছার আছাড়ে শেগুলিকে কাড়িয়া ফেলিতে আরম্ভ করিল। দূর শালা, দূর! ধোৎ! ধোৎ! ধোৎ!

*

*

*

দুর্গা আয়না দেখিয়া নরুণ দিয়া দাঁত চাঁচিতেছিল। পরিকার-পরিকার দুর্গার একটা বাতিক। তাহার দাঁতগুলি শাঁথের মত বক-বক করা চাই, মধ্যে মধ্যে দাঁতে একটু আধটু পানের ছোপ পড়ে, খুব ভাল করিয়া দাঁত মাজিলেও যায় না। তখন সে নরুণ দিয়া সেই ছোপের দাগ চাপিয়া তুলিয়া ফেলে। বউ ফিরিলেই সে বউকে লইয়া পাতা বহিয়া আনিতে যাইবে। হাঙ্গামা অনেক; মাখায় চুলে ময়লা লাগিবে, সর্বাঙ্গ ধুলায় ভারয়া যাইবে, কাপড়খানা আর পরা চলিবে না। কিন্তু তবু উপায় কি? মায়ের পেটের ভাই।

মা বলিল—বউ রোজগার করছে, কখনো একটা পয়সা দেয় আমাকে—শান্তুড়ী বলে ছেঁদা করে?

দুর্গা হাসিয়া বলিল—থাক মা, আর বলিস না; ওই পয়সা ছুঁতে হয়?

মা এবার বন্ধার দিয়া উঠিল—ওলো সীতের বেটি সাবিত্তিরি আমার! তারপর সে আরম্ভ করিল তিন কালের কথা, তাহার নিজের মা শান্তুড়ীর আমলের শ্রুতিকথা, নিজেদের কালের শ্রুতি-কথা, বর্তমান যুগের প্রত্যক্ষ বধু-কন্য়ার বিবরণ কাহিনী। অবশেষে বলিল—বউ হারামজাদী সাবিত্তির তখন ফণা কত? কত বলেছিলাম, তা নাক ঘুরিয়ে তখন বলত—ছি! এখন তো সেই ‘ছি’ তপ্তভাবে ঘি হইছে। সেই রোজগারে প্যাট চলছে, পরন চলছে!

পাড়ার ভিতর হইতে কে গালি দিতে দিতে আসিতেছিল। দুর্গা বলিল—থাম মা, থাম, আর কেলেঙ্কারি করিস না। নোক আসছে।

চাঁৎকার করিয়া গালি দিতেছিল রাঙাদিদি।

—হবে না, দুর্গা গতি হবে না, আরও হবে। এর পর বিনি ঝড়ে উড়ে যাবে, বিনি আঙনে পুড়ে যাবে। ধানের ভেতর চাল থাকবে না, শুধু ‘আগরা’ হবে।

দুর্গা হাসিয়া প্রশ্ন করিল—কি হ’ল রাঙাদিদি?

রাঙাদিদি সেই স্বরের বন্ধার দিয়া উঠিল—ধম্মকে সব পুড়িয়ে খেলে মা। পিরখিমিতে ধম্ম বলে আর রইল না কিছু।

চাঁৎকার করিয়া দুর্গা বলিল—কি হ’ল কি? কে কি করলে?

—ওই গাঁদা মিনলে গোবিন্দে! এতকাল দিয়ে এসে আজ বলছে—না।

—কি?

—কি? ক্যান্দে, তুই আবার বেলাত থেকে এলি নাকি? পাড়ার নোক জানে, গাঁয়ের

নোক জানে, তুই জানিস না? বলি তুই কে লা ছুঁড়ি? একে তো চোখে দেখতে পাই না, তার ওপর মুখশোড়া স্থম্বির রোদের ছটা দেখ ক্যানে? চিনতে পারছি তুই কে?

—আমি—হুগ্গা গো!

—হুগ্গা? মরণ! আপন ঠেঁকারেই আছিল। পরের কথা মনে থাকে না—ক্যানে? গোবিন্দের বাবা আমার কাছে দু-টাকা ধার নিয়েছিল—জানিস না? বুড়ো ফি মাসে দু-আনা হুদ আমাকে দিয়ে আসতো। তা ছাড়া—যখন ডেকেছি, তখন এসেছে। ঘরে গোঁজা দিয়েছে, বর্ষায় নালা ছাড়িয়ে দিয়েছে। সে ম'ল, তারপর গোবিন্দ দশ-বারো বছর মাসে মাসে হুদ দিয়েছে, ডাকলে এসেছে! আজ ডাকতে এলাম, তা বলে কিনা—মোন্মান, অনেক দিয়েছি, আর হুদও দোব না, আসলও দোব না, বেগারও দোব না।—আমি চললাম দেবুর কাছে! চার পো কলি, মা! এখন যদি সবাই এই বলে তো—আমার কি হুগ্গতি হবে!

এমন খাতক বৃদ্ধার অনেকগুলি আছে, অন্ততঃ দশ-বারো জন, দুই কুড়ির উপর টাকা পড়িয়া আছে। পুরুবাহুক্রমে তাহারা হুদ গনিয়া যাইতেছে, বৃদ্ধা মরিলে আর আসল লাগিবে না। তবে এমন মহাজন গ্রামে আরও কয়েকজন আছে। সকলেই প্রায় জীলোক এবং তাহাদের ওয়ারিশ আছে। আসলে ইহাদের ঋণ-আইনের ধারাই এমন।

বৃদ্ধা যাইতে যাইতে আবার দাঁড়াইল—বলি হুগ্গা শোন!

—কি বল?

—এক জোড়া 'মাকুড়ি' আছে, লিবি? সোনার মাকুড়ি!

—মাকুড়ি? কার মাকুড়ী? কার জিনিস বটে?

—আমর আমার সঙ্গে। খুই ভাল জিনিস। জিনিস একজনার বটে, কিন্তু সে লেবে না।

তা মাকুড়ি কি করব আমি? তু লিস তো দেখ!

—না দিদি, আজ হবে না। আজ এখন তালপাতা আনতে যাব।

—মরণ! তুই আবার তালপাতা নিয়ে কি করবি?

—আমার নয়, দাদার লেগে।

—ও-রে দাদা-সোহাগী আমার! দাদার লেগে ভেবে ভেবে তো মরে গেলি!

বুড়ী আপন মনেই বক বক করিতে করিতে পিথ ধরিল। কিছু দূর গিয়া একটা গর্তের কান্দার পড়িয়া বৃদ্ধা মেঘকে গাল দিল, ইউনিয়ন বোর্ডের ট্যাক্স-আদায়কারীকে গাল দিল, কয়েকটা ছেলে কান্দা লইয়া খেলিতেছিল—তাহাদের চতুর্দশ পিতৃগুরুকে গাল দিল। তারপর জগন ডাক্তারের ডাক্তারখানার সম্বন্ধে ওষুধের গন্ধে নাকে কাপড় দিয়া ওষুধকে গাল দিল, ডাক্তারকে গাল দিল, রোগকে গাল দিল, গোপীকে গাল দিল। টাকা মারা যাইবার আশঙ্কায় বৃদ্ধা আজ কিণ্ড হইয়া উঠিয়াছে। দেবুর বাড়ীর কাছে আসিয়া ডাকিল—দেবু পণ্ডিত!

কেহ সাড়া দিল না। বিরক্ত হইয়া বৃদ্ধা বাড়ী ঢুকিল—বলি কানের মাখা খেয়েছিল

নাকি তোরা ! অ দেবু ?

বিলু বাহির হইয়া আসিল—কে, রাঙাদিদি !

—আমার মতন কানের মাথা খেয়েছিল ; চোখের মাথা খেয়েছিল ? শুনতে পাস না ? দেখতে পাস না ?

বিলু ঠোঁটের কোণে ঈষৎ হাসিল ; এ কথাই কোন উত্তর দিল না । বুঝিল রাঙাদিদি বেজায় চটিয়াছে ।

—সেই ছোঁড়া কই ? দেবা ?

—বাড়ীতে নেই, রাঙাদিদি ।

—কি বলি—চৈচিয়ে বল । গাড়ী কোথা গেল আবার ?

—গাড়ীতে নয় । বাড়ীতে নেই । চণ্ডীমণ্ডপে গেল ।

—চণ্ডীমণ্ডপে ?

—হ্যাঁ ।

—আজ্ঞা । সেখানে যাচ্ছি আমি । বিচার হয় কিনা দেখি । ভালই হ'ল, দেবুও আছে—হীকুও আছে । কান ধরে নিয়ে আশুক হারামজাদাকে । এত বড় বাড়ি হয়েছে ! ধন্য নাই, বিচার নাই ?

বুড়ী বকিতে বকিতে চলিল চণ্ডীমণ্ডপের দিকে ।

চণ্ডীমণ্ডপে তখন জমজমাট মজলিস ।

ভূপাল বাগ্গী লাঠি হাতে দাঁড়াইয়া আছে । যষ্টিতলায় মাথায় হাত দিয়া বসিয়া আছে—পাতু, রাখহরি, পরী, বাঁকা, ছিদাম, ফড়িং আরও জনকয়েক । পাশে পড়িয়া আছে কয়েক আঁটি তালপাতার বোঝা । ময়ূরাক্ষীর বজ্রারোধী বাঁধ জমিদারের সম্পত্তি ; সেখানকার তালগাছও জমিদারের । সেই গাছ হইতে পাতা কাটার অপরাধে ভূপাল সকলকে ধরিয়া আনিয়াছে । শ্রীহরি গম্ভীর মুখে গড়গড়া টানিতেছে । দেবু একধারে চূপ করিয়া বসিয়া আছে, তাহাকে ডাকিয়া আনিয়াছে পাতুদের দল । হরেন ঘোষাল নিজেই আসিয়াছে ; সে প্রজা-সমিতির সেক্রেটারি । চীৎকার করিতেছে সে-ই ।

—ওরা চিরকাল পাতা কেটে আসছে, বাপ-পিতামহের অ্যুমল থেকে । ওদের স্বয়ং জন্মিয়ে গেছে ।

ঘোষালের কথায় শ্রীহরি অবাবই দিল না । পাতু—সে বহুদিন হইতেই শ্রীহরির সঙ্গে মনে মনে একটি বিরোধ পোষণ করিয়া আসিতেছে—সে একটু উচ্ছ্বসাবেই বলিল—পাতা তো চিরকাল কেটে আসা যায়, মাশায় । এ তো আজ লতুন নয় !

—চিরকাল অন্ডায় করে আসছিলি বলে, আজও অন্ডায় করবি গায়ের জোরে ? কাটিল, সেটা চুরি করে কাটিল !

দেবু এতক্ষণে বলিল—চুরি একে বলা চলে না শ্রীহরি ! আগে জমিদার আপত্তি করত না, ওরা কাটত । এখন ভূমি গোমস্তা হিসাবে আপত্তি করছে—বেশ আর কাটবে না । এর

পর যদি না বলে কাটে, তখন চুরি বলতে পারবে।

ঘোষাল বলিল—নো, নেভার! ও তুমি ভুল বলছ দেবু। গাছের পাতা কাটাবার স্বত্ব ওদের আছে। তিন পুরুষ ধরে কেটে আসছে। তিন বছর ঘাট সরলে, পারে কেউ সে ঘাট বন্ধ করতে—না পথ বন্ধ করতে?

হালিয়া শ্রীহরি বলিল—গাছ গুটা, পুকুর নয় ঘোষাল, পথও নয়।

—ইয়েস, গাছ ইজ্, গাছ গ্যাণ্ড্ পথ ইজ্, পথ; বাট্ ম্যান্ ইজ্, ম্যান্ আফটার্ অল্।

—কাল যদি জমিদার গাছগুলি বেচে দেয় ঘোষাল, কি কেটে নেয়, তখন পাতার অধিকার থাকবে কোথা? বাজে বকো না, শুধু খাসখামারের গাছ নয়, মাগ জমিও ওপর গাছ পর্যন্ত জমিদারের; প্রজা ফল ভোগ করতে পারে, কিন্তু কাটতে পারে না।

দেবু একটা দীর্ঘনিঃশ্বাস ফেলিল, তাহার বুকের মধ্যে মুহুর্তে জাগিয়া উঠিল একটা বিস্মৃত স্মৃতি। তাহাদের খিড়কির ঘাটে একটা কাঠাল গাছ ছিল, কাঠাল অবশ্য পাকত না, কিন্তু ইঁচড় হইত প্রচুর। তাহার আবছা মনে পড়ে। আসবাব তৈয়ারী করবার জন্ত জমিদার ঐ গাছটি কাটিয়াছিল। কিছু দাম নাকি দিয়াছিল, কিন্তু প্রথমে তাহার বাপ আপত্তি করায় ওই আইন-বলে জোর করিয়া কাটিয়াছিল। কতদিন তাহার বাবা আক্ষেপ করিত—আং, ইঁচড় হ'ল গাছ পাঠা! আর স্বাদ কি ইঁচড়ের!

দেবু বলিল—তা হলে তাই কর, শ্রীহরি, গাছগুলো সব কেটে নাও! প্রজারা ফল খাবে না।

শ্রীহরি হাসিল—তুমি মিছে রাগ করছ, দেবু খুড়ো। ওটা আমি, আইনের কথা, কথায় বললাম। জমিদার তা করবেন কেন? তবে প্রজা যদি রাজার সঙ্গে বিরোধ করে, তখন আইনমত চলতে রাজারই বা দোষ কি? বে-আইনী বা অজ্ঞায় তো হবে না!

—কিন্তু এ গরীব প্রজারা কি বিরোধ করলে শুনি? হঠাৎ এদের এরকম ধরে আনার মানে?

—ওদের জিজ্ঞেস কর। ওই প্রজা-সমিতির সেক্রেটারি বাবুকে জিজ্ঞেস কর।

তারপর হরিজনদের দিকে চাহিয়া শ্রীহরি বলিল—কি রে? চণ্ডীমণ্ডপ ছাওয়াতে পরসী নিবি না তোরা?

কথাটা এতক্ষণে স্পষ্ট হইল। সকলে স্তব্ধ হইয়া গেল। কিন্তু সকলেই অন্তরে অন্তরে একটা জ্বালা অনুভব করিল। সর্বাপেক্ষা সেটা বেশী অনুভব করিল দেবু। তালপাতার মূল্য এবং চণ্ডীমণ্ডপ ছাওয়ানোর মজুরির অসঙ্গতি তাহার হেতু নয়; তাহার হেতু সমগ্র ব্যাপারটার মধ্যে শ্রীহরির ভঙ্গি।

রাঙাদিদি খানিকক্ষণ আগে এখানে আসিয়া ব্যাপার দেখিয়া-শুনিয়া অবাক হইয়া দাঁড়াইয়াছিল; কানে ভাল শুনিতে পার না, কিছুক্ষণ দাঁড়াইয়া ব্যাপারটা সে বুঝিল। তারপর বলিল—হ্যাঁ ডাক্তার, তোরা চণ্ডীমণ্ডপ ছাওয়াবি না! আশ্রাদ্দ দেখ, মাগো কোথা বাব!

‘হরেন ঘোষাল হযোগ পাইয়া রাজাদিহিকে ধমক দিল—যা বুঝ না তা নিয়ে কথা বলো না রাজাদিহি। চণ্ডীমণ্ডপ এখন কার? চণ্ডীমণ্ডপ থাকল না থাকল তা ওদের কি? ওদের তো ওদের—গাঁয়ের লোকেরই বা কি অধিকার আছে? চণ্ডীমণ্ডপ জমিদারের। চণ্ডীমণ্ডপ নয়, এটা এখন জমিদারের কাছারি।

—তা রাজারও যা পেজারও তাই। রাজার হলেই পেজার।

দেবু হাসিয়া বেশ জোর গলাতেই বলিল—সে তো ওই তালপাতাতেই দেখছ, রাজাদিহি!

—কে? দেবু?

—হ্যাঁ।

—তা বটে তাই। তা হ্যাঁ ছিহরি, তালপাতা বই তো নয়—তা যদি ওরা রাজার না লেবে তো পাবে কোথা?

শ্রীহরি অত্যন্ত রুঢ়ভাবে ধমক দিল—যাও, যাও, তুমি বাড়ী যাও। এসব কথার তোমার কথা বলতে কেউ ডাকে নাই। বাড়ী যাও।

রাজাদিহি আব সাহস করিল না। গ্রামের কাহাকেও সে ভয় করে না, কিন্তু শ্রীহরিকে সে সম্ভ্রান্তি ভয় করিতে আরম্ভ করিয়াছে। বুঝা ঠুকঠুক করিয়া চলিয়া গেল। যাইতে যাইতে ডাকিল,—দেবু, বাড়ী আর। ছেলেটা কঁাদছে তোয়।

মিথ্যা বলিয়া সে দেবুকে ডাকিল। যে মানুষ দেবু! আবার কোথায় শ্রীহরি সন্দেহ কি হান্ধামা করিয়া বসিবে। আর ছেলেটা যত হান্ধামা করিতেছে তত সে যেন তাহাকে দিন দিন বেশী করিয়া ভালবাসিতেছে।

দেবু কিন্তু রাজাদিহির ডাক শুনিল না। সে শ্রীহরিকে বলিল—তাল শ্রীহরি, তুমি এখন কি করতে চাও শুনি?

—মানে?

—মানে, এদের যদি চুরি করেছে বলে চালান দিতে চাও, দাও। আর যদি তালপাতার দাম নিতে চাও নাও। দশখানা তালপাতার ডোয়েরা একখানা তালপাতার চ্যাটাই দেয়। দাম তার ছ-পয়সা। সেই এক আনা কুড়ি হিসাবে দাম দেবে ওরা!

—তা হলে ঝগড়াই করতে চাস তোরা? কি রে? শ্রীহরি প্রশ্ন করিল হরিজনদের।

—আজ্ঞে?

দেবু বলিল, শুনে ফেল, কার কত তালপাতা আছে, শুনে ফেল।

সকলে তালপাতা গুনিতে আরম্ভ করিল।

মুহূর্তে শ্রীহরি ভীষণ হইয়া উঠিল। হিংস্র ক্রুদ্ধ গর্জনে সে এক হাক মারিয়া উঠিল—বোস! রাখ তালপাতা!

তাহার আকস্মিক হুর্দাস্ত ক্রোধের এই শব্দ প্রকাশের প্রচণ্ডতার সকলে চমকিয়া উঠিল। হরিজনদেরা তালপাতা ছাড়িয়া মরিয়া দাঁড়াইল, কেবল পাতু তালপাতা ছাড়িয়াও সেইখানেই

দাঁড়াইয়া রহিল। ভবেশ, হরিশ শ্রীহরির পাশেই বসিয়াছিল—তাহারা চমকিয়া উঠিল।
হরেন ঘোষাল প্রায় আঁতকাইয়া উঠিয়াছিল। সে কয়েক পা সরিয়া গিয়া বিক্ষান্তিত চোখে
শ্রীহরির দিকে চাইয়া রহিল। দেবু চমকিয়া উঠিয়াছিল, কিন্তু পরমুহূর্তেই আত্মসংবরণ করিয়া
উঠিয়া দাঁড়াইল। বাউড়ী ও বায়েনদের কাছে আগাইয়া আসিয়া সে দৃঢ়বর্তে বলিল—থাক
তালপাতা পড়ে, উঠে আর তোরা ওখান থেকে। আমি বলছি, ওঠ!

সকলে একবার তাহার মুখের দিকে চাহিল—তাহার শীর্ণ মুখখানির সে এক অদ্ভুত
তেজোদীপ্ত রূপ। সে দীপ্তির মধ্যে বোধ করি তাহার অভয় খুঁজিয়া পাইল। তাহার সঙ্গে
সঙ্গে চণ্ডীমণ্ডপ হইতে বাহির হইবার জন্য পা বাড়াইল।

শ্রীহরি ডাকিল—ভূপাল! আটক কর বেটাদের।

দেবু তাহার দিকে চাহিয়া একটু মুহূর্ত হাসিল, তারপর পাতুদেব বলিল—যে যার এখান থেকে
চলে যা। আমাব গায়ে হাত না দিয়ে কেউ তাদের ছুঁতে পারবে না।

হরেন ঘোষাল দ্রুতপদে সকলের অগ্রগামী হইয়া পথ ধরিয়া বলিল—চলে আর।

সকলের শেষে চণ্ডীমণ্ডপ হইতে নামিয়া আসিল দেবু।

শ্রীহরির পিঙ্গল চোখ দুইটি ক্রুর শনিগ্রহের মত হিংস্র হইয়া উঠিল।

ঠিক ওই মুহূর্তেই রাস্তার উপর হইতে কে উচ্চকণ্ঠে তীক্ষ্ণ বাক্যে বলিয়া উঠিল—হরি হরি বল
ভাই, হরি হরি বল! বলিয়াই হো হো করিয়া এক প্রচণ্ড উচ্চহাস্তে সব যেন ভাসাইয়া
দিল।

সে অনিচ্ছ। অনিচ্ছ হাততালি দিয়া উচ্চহাসি হাসিয়া যেন নাচিতে লাগিল। শ্রীহরির
এই অপমানে তাহার আনন্দের সীমা ছিল না।

শ্রীহরি কিছুক্ষণ চুপ করিয়া থাকিয়া একটা ক্রুদ্ধ দীর্ঘনিঃশ্বাস ফেলিল। ভবেশ, হরিশ
প্রভৃতি প্রবীণ মাতঙ্গর—যাহারা তাহার অল্পগত তাহারাও এ ব্যাপারে স্তম্ভিত হইয়া গেল।
কিছুক্ষণ পর ভবেশই প্রথম কথা বলিল—বোর কলি, বুঝলে হরিশখুড়ো!

শ্রীহরি এবার বলিল—আমাকে কিন্তু আর আপনারা দোষ দেবেন না।

হরিশ বলিল—দোষ আর কি করে দিই ভাই; স্বচক্ষে তো সব দেখলাম।

—ভূপাল! শ্রীহরি ভূপালকে ডাকিল।

—আজ্ঞে?

—তোমার দ্বারা কাজ চলবে না, বাবা।

—আজ্ঞে! ভূপাল মাথা চুলকাইতে আরম্ভ করিল।

ভবেশ বলিল—এতগুলো লোকের কাছে ভূপাল কি করত, বাবা ছিহরি! ও বেচারার
দোষ কি?

—আজ্ঞে তার ওপর আমি চৌকিদার, কোঁজদার আমি কি করে করি? আপনি
ইউনিয়ন বোর্ডের মেম্বর। আপনিই বলুন হুজুর।

শ্রীহরি বলিল—তুই একবার কতপায় যা। বাঁড়ুঘো বাবুদের বড়ো চাপরাসী নামের শেখের

কাছে যাবি। তাকে বলবি—তোমার ছেলে কালু শেখকে ঘোষমশায়ের কাছে পাঠিয়ে দাও, ঘোষমশায় রাখবেন।

—কালু শেখ? সত্যয়ে সবিস্ময়ে প্রশ্ন করিল ভবেশ।

—হ্যাঁ, কালু শেখ!

নাদের শেখ এককালের বিখ্যাত লাঠিয়াল, কালু তাহার উপযুক্ত পুত্র। তরুণ জোয়ান, শক্তিশালী, দুর্দান্ত লাহসী। দাঙ্গা কবির সে একবার কিছুকাল জেল খাটিয়াছে, তারপর ভাকাতি অপরাধের সন্দেহে চালান গিয়াছিল, কিন্তু প্রমাণ অভাবে খালাস পাইয়াছে। কালু শেখ ভয়ঙ্কর জীব।

শ্রীহরি বলিল—অন্তায় আমি করব না, হরিশ-দাদা। কার অনিষ্টও আমি করতে চাই না। কিন্তু আমার মাথায় যে পা দেবে, তাকে আমি শেষ করব—সে অন্ডায়ই হোক আর অধর্মই হোক।

আবার কিছুক্ষণ চুপ করিয়া থাকিয়া বলিল—এই ছোটলোকের দল—বর্ধায় আমি ধান দিই তবে খায়—আজ আমাকে অমাত্য করে উঠে গেল! ওই দেবু ঘোষ, সেটেল্মেন্টের সময় আমি ওর জমি-জমা সমস্ত নিভুল করে লিখিয়েছি। দু-বেলা খোজ করেছি ওর ছেলের, পরিবারের। জান, হরিশ-দাদা—কের যাতে ওর ইন্সুলের কাজটি হয়—তার জন্তেও চেষ্টা করেছিলাম। প্রেসিডেন্টকেও বলেছি।

ভবেশ বলিল—কলিতে কার ভাল করতে নাই বাবা।

—কাল হয়েছে ওই নজরবন্দী ছোঁড়া। ও-ই এই সব করেছে। কামার-বউটাকে নিয়ে ঢলাঢলি করেছে। আর ওই শালা কর্মকার—। কথা বলিতে বলিতে শ্রীহরি নিষ্ঠুর হইয়া উঠিল।
—নেমকহারামের গ্রাম! এক এক সময় মনে হয়—এ গাঁয়ের সর্বনাশ করে দিই!

হরিশ বলিল—তা বললে চলবে ক্যানে ভাই? ভগবান তোমাকে বড় করেছেন, ভাঙার দিয়েছেন, তোমাকে করতে হবে বৈকি! একথা তোমাকে সাজে না।

কিছুক্ষণ চুপ করিয়া থাকিয়া শ্রীহরি সহজ স্বরেই বলিল—হরিশ-দাদা, যষ্টীকাকাকে বলুন এইবার কাজ আরম্ভ কবে দিক। ইট তো তোমার পড়ে রয়েছে। ইন্সুলের মেজে না হয় দশদিন পরে হবে, জল পড়ুক ভাল করে—নইলে ফেটে যাবে মেঝে। কিন্তু সাঁকোটা এখন না করালে কখন করবে? তার ওপর ওটা আমার কাজ নয়, আমি অবিস্তি দশ টাকা দিয়েছি। কিন্তু সে ইউনিয়ন বোর্ডকে দিয়েছি সাঁকো করবার জন্তে। ইউনিয়ন বোর্ডকে আমি বলব কি?

হরিশের ছেলে যষ্টী শ্রীহরির পৃষ্ঠপোষকতায় আজকাল ঠিকাদারির কাজ করিতেছে। ইউনিয়ন বোর্ড হইতে শিবকাশীপুরের রাস্তায় একটা সাঁকো হইবে, শ্রীহরি নিজে ইন্সুলের মেঝে বাধাইয়া দিবে। এসবেরই ঠিকাদার যষ্টীচরণ।

হরিশ বলিল—তোমার কাজেই সে এখন ব্যস্ত, ভাই। খাতাপত্র নিয়ে সকালে বসে, ওঠে সেই রাতে। তামাকির হিসেব, হিসেব তো কম নয়!

বষ্টীচরণ শ্রীহরির গোমস্তাগিরির কাগজপত্র সারিয়া দেয়। চৈত্র মাসে বাকি-বকেয়ার হিসাব হইতেছে; বাহাদের চার বৎসরের বাকি, তাহাদের নামে নালিশ হইবে। শ্রীহরির নিজের ধানের টাকার হিসাব আছে, তাহার তামাদি তিন বৎসরে। সে-সবের হিসাবও হইতেছে।

ভূপাল চলিয়া গিয়াছিল; বরাত খাটিবার উপযুক্ত অস্ত্র কেহ ছিল না। নিরুপায়ে ভবেশ নিজেই তামাক সাজিতে বসিয়াছিল। বষ্টীতলার ধারে কাঠের ধুনি জলে,—সেখানে বলিয়া কহেতে আগুন তুলিতে তুলিতে ভবেশ কাহাকে ডাকিল—কে রে? ও ছেলে!

একটি ছেলে একগুচ্ছ লালফুল হাতে করিয়া যাইতেছিল, ডাকিতে সে দাঁড়াইল।

—কে রে? কি ফুল হাতে? অশোক নাকি?

ছেলেটি বৈরাগীদের নলিন, সে গিয়াছিল মহাগ্রামে পটুয়ারদের বাড়ী। ঠাকুরদের বাগানে অশোক ফুল ফুটিয়াছিল, সেখান হইতে অশোক ফুলের একটি তোড়া বাধিয়া আনিয়াছে—নজরবন্দীকে দিবে। আরও কতকগুলি কলি সে আনিয়াছে, পণ্ডিতের বাড়ীতে—প্রতিবেশীদের বাড়িতে বিলাইবে। দুই দিন পরেই অশোকবষ্টী। অশোকের কলি চাই। নলিন অভ্যাসমত কথা না বলিয়া ঘাড় নাড়িয়া জানাইল—হ্যাঁ, অশোকের কলি।

—দিয়ে যা তো, বাবা! একটা ভাল দিয়ে যা তো!

নলিন অশোকের কয়েকটি ফুল নামাইয়া দিয়া চলিয়া গেল।

শ্রীহরি বলিল—আমার পুকুরপাড়ের বাগানেও অশোকের চারা লাগিয়েছি।

সে একটা পুকুর কাটাইয়াছে। তাহার পাড়ে শখ করিয়া নানাজাতীয় গাছ লাগাইয়াছে। সবই প্রায় ভাল ভাল কলমের চারা।

বাইশ

অশোক বষ্টীর দিন। এই বষ্টী যাহারা করে, তাহাদের সংসারে নাকি কখনও শোক প্রবেশ করে না। “হারালে পায়, মলে জীষোয়”। অর্থাৎ কোন কিছু হারাইয়াও হারায় না, হারাইলে কিরিয়া পায়—মরিলেও মরে না, পুনরায় জীবিত হয়, অশোক বষ্টীর কল্যাণে। মেয়েরা সকাল হইতে উপবাস করিয়া আছে। বষ্টীদেবীর পূজা করিয়া ব্রতকথা শুনিবে, অশোক ফুলের আটটি কলি খাইবে। প্রসাদী দই-হলুদ মিশাইয়া—তাহারই ফোটা দিবে ছেলেদের কপালে। তারপর খাওয়া-নাওয়া; সে সামান্তই। অন্নগ্রহণ নিষেধ।

বারো মাসে তারো বষ্টী। মাসে মাসে স্বর্গ হইতে আসে বষ্টীদেবীর নৌকা, বারো মাসে তেরো রূপে তিনি মর্ত্যলোকে আসেন—পৃথিবীর সন্তানদের কল্যাণের জন্ত। সিঁথিতে ভগ্ন-মগ্ন করে সিঁদুর, হাতে শাঁখা, সর্বাঙ্গে হলুদের প্রসাধন, ডাগর চোখে কাজল। পরের সাত পুতকে কোলে রাখেন, নিজের সাত পুত থাকে পিঠে। বৈশাখ মাসে চন্দন-বষ্টী, জ্যৈষ্ঠে অরণ্য-বষ্টী, আষাঢ়ে বাশ-বষ্টী, জ্যাবনে লুঠন বা লোটন-বষ্টী, ভাদ্রে চর্পটা বা চাপড়-বষ্টী,

আগ্নি হুগী-বটী, কার্তিকে কালী-বটী, অগ্রহায়ণে অখণ্ড-বটী—সংসারকে অখণ্ড পরিপূর্ণ করিয়া দিয়া যান। পৌষে মূলা-বটী, মাঘে শীতল-বটী, ফাল্গুনে গোবিন্দ-বটী, চৈত্রে অশোক উরু যখন ফুলভারে ভরিয়া উঠে, তখন শোক দুঃখ মুছিতে আসেন মা অশোক-বটী। তাঁরই কল্যাণ-স্পর্শে আনন্দে মুখে ওই ফুলভরা অশোক গাছের মতই সংসার হাসিয়া উঠে। অশোকের পর আছে নীল-বটী। গাজন-সংক্রান্তির পূর্বদিন। তিথিতে বটী না হইলেও—ওই দিন হয় নীল-বটী!

পদ্ম সকালবেলা হইতে গৃহকর্ম সারিয়া ফেলিবার জন্ত ব্যস্ত। কাজ সারিয়া স্নান করিবে, বটীর পূজা আছে ব্রতকথা শুনিতে যাইবে বিলুপ্ত বাড়ী। তারপর অশোকের কলি খাইতে হইবে। তাহার আবার মন্ত্র আছে। এহেন দিনে আবার অনিরুদ্ধ কাজের বক্সাট বাড়াইয়া দিয়াছে। কামারশালা মেরামতে লাগিয়াছে। হুপস, নেয়াই হাতুড়ি, সাঁড়াশী ইত্যাদি লইয়া টানাটানি শুরু কারিয়াছে। কামারশালার বহুকালের পুরানো ঝুল-কালি-কয়লা সাক্ষ্য করা একদণ্ডের কাজ নয়। ইহার উপর কয়লার সঙ্গে মিশিয়া আছে লোহার টুকরা—ছুতারের রেঁদার টাটিয়াতোলা কাঠের আঁশের মত পাতলা কৌকড়ানো লোহাগুলি সাংঘাতিক জিনিস, বিঁধিলে বঁড়শির মত বিঁধিয়া যাইবে। কাঁটা দিয়া পরিষ্কার করিয়া আবার গোবর-মাটি প্রলেপে নিকাইতে হইবে।

পদ্মের সঙ্গে তারিণীর সেই ছেলেটাও কাজ করিতেছিল। ছেলেটিকে যতীন খাইতে দেয়। দুই-একটা কাজ-কর্ম অবশ্য ছেলেটা করে, কিন্তু অহরহই পদ্মের কাছে থাকে। অনিরুদ্ধ দুই-একটা ধমক দিলেও ছেলেটা আর বিশেষ কিছু বলে না। বিপদ হয় ছোঁড়াটা বাহিরে গেলেই। বাহিরে গেলে আর সহজে ফেরে না। যতীন উহাকে দিয়া দেবুকে কোন খবর পাঠাইলে, দেবু আসে, কথাবার্তা কহিয়া চলিয়া যায়—কিন্তু ছেলেটার পাত্তা আর পাওয়া যায় না। অবশেষে একবেলা পার করিয়া খাইবার সময় ফেরে। কোন-কোনদিন হরিজান-পাড়া, কি কোন বনজঙ্গল খোঁজ করিয়া ধরিয়া আনিতে হয়। সে পদ্মই আনে।

অনিরুদ্ধ নতুন করিয়া কাজকর্ম আরম্ভ করিতে চায়।

কাবুলী চৌধুরীর কাছে টাকা সে পাইয়াছে। আড়াইশো টাকার জন্ত চৌধুরী গোটা জোতটাই বন্ধক না লইয়া ছাড়ে নাই। অনিরুদ্ধ তাহাই দিয়াছে। তাহার মন খানিকটা খুঁৎখুঁৎ করিয়াছিল,—কিন্তু টাকা পাইয়া সে সব আকসোস ছাড়িয়া, মহা উৎসাহের সঙ্গে কাজ আরম্ভ করিয়া দিয়াছে। বাকি খাজনার টাকাটা আদালতে দাখিল করিতে হইবে, আপোনে দিয়া বিশ্বাস নাই। আর আপোনেই বা সে দিবে কেন? পাচুলীর গরু-মহিষের হাট হইতে একজোড়া গরু কিনিবে। ইহার মধ্যে সে কৃষাণ বাহাল করিয়া ফেলিয়াছে। হুগীর ভাই পাতুকেই তাহার পছন্দ। তাহাকে সে কামারশালে চাকরও রাখিয়াছে। পাতুকে সে ভালও বাসে। হুগীর কাছে পাতু অনেক ওকালতি করিয়াছিল অনিরুদ্ধের জন্ত।

শেদিন অনিরুদ্ধের সঙ্গে কামারশালায়ও পাতু কাজ করিতেছিল। মোটা মোটা

লোহার জিনিসগুলি তাহারা দু'জনে বহিয়া বাহির করিয়া আনিয়া রাখিতেছিল। স্বাস্থ্যের ঠীক চাবের সম্বন্ধে কথাবার্তা চলিতেছিল। হইতেছিল গল্পের কথা। কেমন গল্প কেনা হইবে—তাই লইয়া আলোচনা।

পাতুর মতে দুর্গার নিকট হইতে বলদ-বাছুরটা কেনা হউক এবং হাট হইতে দেখিয়া-গনিয়া তাহার একটা ছোড়া কিনিয়া আনিবে—বড় চমৎকার হাল হইবে।

অনিরুদ্ধ হাসিয়া বলিল—দুর্গার বাছুরটা দাম যে বেজায়।

—পাইকেররা একশো টাকা পর্যন্ত বলেছে। দুর্গা ধরে রয়েছে,—আরও পচিশ টাকা। তা তোমাকে সম্ভা করে দেবে। আমি স্বস্তি যখন আছি।

হাসিয়া অনিরুদ্ধ বলিল—মোট একশো টাকা আমার পুঁজি। ও হবে না পাতু। ছোট-খাটো গিঠ-গিঠ বাছুর কিনিব। জমিও বেনী নয়—বেশ চলে যাবে।

—কিন্তু দধি-মুখো গরু কিনো বাপু। দধি-মুখো গরু ভারী ভাল—লক্ষণ-মান।

—চল না, হাটে তো দু'জনেই যাব।

পদ্ম বলিল তারিণীর ছেলেটাকে—হ্যাঁ রে, আবার লোহার টুকরো কুড়োতে লাগলি? এই বুঝি তোর কাজ করা হচ্ছে?

ছোড়াটা উত্তর দিল না।

পাতু বলিল—এ্যাঁই এ্যাঁই, ই তো আচ্ছা ছেলে রে বাপু! এই ছেলে!

ছেলেটা দাঁত বাহির করিয়া পাতুকে একটা ভেঙেচি কাটিয়া দিল।

—ও বাবা, ই যে ভেঙেচি কাটে লাগছে। বলিহারির ছেলে রে বাবা।

অনিরুদ্ধ বলিল—ধরে আন। কান ধরে নিয়ে আয় তো, পাতু।

পদ্ম হাঁ-হাঁ করিয়া উঠিল,—ধরো না, কামড়ে দেবে কামড়ে দেবে।

ছোড়াটার ওই এক বদ অভ্যাস। কেহ ধরিলেই সঙ্গে সঙ্গে কামড় বসাইয়া দেয়। আর দাঁতগুলিতেও যেন স্করের ধার। অত্যন্ত কামড়ে আক্রমণকারীকে বিব্রত করিয়া মুহূর্তে সে আপনাকে মুক্ত করিয়া লইয়া পলাইয়া যায়। ওই তাহার রণ-কৌশল। আজ কিন্তু পাতু ধরিবার আগেই ছোড়াটা উঠিয়া ভোঁ-দৌড় দিল।

পদ্ম ব্যস্ত হইয়া উঠিল,—উচ্চিঙ্গে, উচ্চিঙ্গে, ওরে অ উচ্চিঙ্গে। যাসু না কোথাও যেন, শুনিছিস?

ছেলেটার ডাকনাম 'উচ্চিঙ্গে'; ভাল নাম মা-বাপে শখ করিয়া একটা রাখিয়াছিল। কিন্তু সে তার বাপ-মাই জানে, ছেলেটা নিজেও জানে না। উচ্চিঙ্গে কিন্তু পদ্মের ডাক কানেই তুলিল না। তবে বাড়ীর দিকেই গেল—এই ভরসা। পদ্মও বাড়ীর দিকে চলিল।

অনিরুদ্ধ বলিল—চলি কোথায়?

—দেখি, কোথায় গেল?

—যাক গে, মরুক গে। তোর কি? আপনার কাজ কর তুই!

—বাট! আজ বতীর দিন। তোমার মুখের আগল নাই? বড় বড় চোখে প্রাণীপ-দৃষ্টিতে চাহিয়া পদ্ম অনিরুদ্ধকে নীরবে তিরস্কার করিয়া চলিয়া গেল।

দাঁতে দাঁত টিপিয়া অনিরুদ্ধও ক্রুদ্ধদৃষ্টিতে পদ্মের দিকে চাহিয়া রহিল। পদ্ম কিন্তু ফিরিয়াও চাহিল না; বাতীর মধ্যে চলিয়া গেল। অনিরুদ্ধ একটা দীর্ঘনিঃশ্বাস ফেলিয়া কাজ করিতে আরম্ভ করিল। কথায় আছে—‘না বিয়াইয়া কান্নার মা’, এ দেখিতেছি তাই! অনিরুদ্ধেরই মরণ।

ষাক, উচ্চিঙে অস্ত্র কোথাও পালায় নাই। যতীনের মজলিসে গিয়া বসিয়াছে। যতীনের কথার সাড়া হইতেই দূর হইতে পদ্ম উচ্চিঙের অস্তিত্ব অনুমান করিল।

যতীন জিজ্ঞাসা করিতেছিল—মা-মণি কোথায় রে?

—হই কামারশালায়!

এই যে তাহারই খোঁজ হইতেছে। পদ্ম হাসিল।—কেন? মা-মণির খোঁজ কেন? ওই এক চাঁদ-চাঁওয়া ছেলে! এখন কি হুকুম হইবে কে জানে? সে ভিতরের দরজার শেকল নাড়িয়া সঙ্কেত জানাইল—মা-মণি মরে নাই, বাঁচিয়া আছে। ওপাশে যতীনের ঘরের বাহিরের বারান্দার তরপুর মজলিস চলিতেছে। দেবু, জগন, হরেন, গিরিশ, গদাই অনেকে আসিয়া জমিয়াছে। শিকল নাড়ার শব্দ পাইয়া, হাসিয়া যতীন বারান্দা হইতে ঘরে আসিয়া বাড়ীর ভিতরের দিকের দরজায় দাঁড়াইল। কালি-ঝুলি-মাথা আপনার সর্বাঙ্গ এবং কালো ছেঁড়া কাপড়খানার দিকে চাহিয়া পদ্ম ব্যস্ত হইয়া উঠিল, বলিল—না না, ভেতরে এস না।

—আসব না?

—না, আমি ভূত সেজে দাঁড়িয়ে আছি।

হাসিয়া যতীন বলিল—ভূত সেজে!

—হ্যাঁ। এই দেখ। দরজার ফাঁক দিয়া সে আপনার কালি-মাথা হাত দুখানা বাড়াইয়া দেখাইল। এস না, জুজুভূড়ী! ভয় থাকে! সে একটি নূতন প্লুকে অধীর হইয়া খিলখিল করিয়া হাসিতে আরম্ভ করিল।

যতীনও হাসিয়া বলিল—কিন্তু জুজু-মা, এখুনি যে চায়ের জল চাই! হাতটা কিন্তু ধুয়ে বেলো!

পদ্ম এবার গজগজ করিতে আরম্ভ করিল।—চা দিনের মধ্যে লোকে কতবার খায়? তাহার যেমন কপাল! অনিরুদ্ধ মাতাল—যতীন চাতাল, ওই উচ্চিঙেটা জুটিল তো সেটা হইল দাঁতাল।

যতীন কিরিয়া গিয়া মজলিসে বসিল। চা তাহার মজলিসের অন্যতম প্রধান আকর্ষণ। হরেন ইহারই মধ্যে বারদুয়েক তাগাদা দিয়াছে।

—চা কই মশাই? এ যে জমছে না!

মজলিসে আজ জগন বাংলা দেশের রাজনৈতিক ইতিহাসের বক্তৃতা দিতেছে। উপস্থিত আলোচনা চলিতেছে প্রজাস্বত্ব আইনের সংশোধন সম্বন্ধে। বাংলা প্রদেশের আইন

সত্য প্রজ্ঞা স্ব আইন লইয়া জোর আলোচনা চলিতেছে। কথাটা উঠিয়াছে শ্রীহরি পালের সেদিনের সেই শাসন-বাক্যের আলোচনা-প্রসঙ্গে। মাল জমি অর্থাৎ প্রজ্ঞা স্ববিশিষ্ট জমির উপর মূল্যবান বৃক্ষে প্রজ্ঞার শুধু ফল ভোগের অধিকার ছাড়া আর কোন স্ব স্ব নাই। গাছ জমিদারের।

জগন বলিতেছে—প্রজ্ঞা স্ব আইনের সংশোধনে সে স্ব স্ব হবে প্রজ্ঞার। জমিদারের বিশ্ব-দাত এইবার ভাঙিল। সেদিন কাগজে সব বেরিয়েছিল—কি রকম সংশোধন হবে! আমি কেটে ঘর করে রেখে দিয়েছি। ও আইন পাস হবেই। ওঃ, স্বরাজ্য পার্টির কী সব বক্তৃতা! একেবারে আগুন ছুটিয়ে দিয়েছে!

গদাই জিজ্ঞাসা করিল—কি রকম কি সব হবে, ডাক্তার?

হরেন খবরের কাগজের কেবল হেডলাইনগুলি পড়ে আর পড়ে আইন-আদালতের কথা। বিবৃত্ত বিবরণ পড়িবার মত দৈর্ঘ্য তাহার নাই। তবুও সে বলিল—অনেক। সে অনেক ব্যাপার। এই এত বড় একখানা বই হবে। বলিয়া দুই হাত দিয়া বইয়ের আকারটা দেখাইল। তারপর বলিল, বোকার মত মুখে মুখেই জিজ্ঞাসা করছি, কি রকম হবে ডাক্তার!

জগনেরও সব মনে নাই—সব সে বুঝিতেও পারে নাই, তবুও সে কিছু কিছু বলিল।

প্রথমেই বলিল—গাছের উপর প্রজ্ঞার স্ব কয়েক হইবে।

হস্তান্তর আইনে জমিদারের উচ্ছেদ ক্ষমতা উঠিয়া যাইবে।

থারিঙ্গ-কিস্ নির্দিষ্ট হইবে, এবং সে কিস্ প্রজ্ঞা রেজিস্ট্রী আপিসে দাখিল করিবে।

মাল জমির উপরেও পাকা ঘর করিতে পাইবে।

মোট কথা, জমি প্রজ্ঞার।

গদাই বলিল—কোর্টার নাকি স্ব হবে? ঠিকে ভাগেরও নাকি—

জগন বলিল—হ্যাঁ হ্যাঁ। কোর্টার স্ব সাব্যস্ত হলে মাল্লুষের আর থাকবে কি? নাকে তেল দিয়ে ঘুমা গিয়ে। ভ গে ঠিকের জমি সব তোর হয়ে যাবে।

দেবু আপন প্রকৃতি অহুযায়ী চূপ করিয়া বসিয়াছিল। কয়েক দিন হইতেই তাহার মনে অশান্তির শেষ নাই। সে ভাবিতেছে, সেদিনের সেই পাতু প্রমুখ বাউড়ী-বায়েনগুলির কথা। তাহার কথা শুনিয়া তাহার শ্রীহরিকে অমান্ত করিয়া উঠিয়া আসিয়াছে। অচিরে শ্রীহরির শাসনও কোন-না-কোন একটা দিক হইতে আকস্মিক ভাবে আঘাতে তাহাদের মাথার উপর আসিয়া পড়িবেই। তাহাদিগকে বাঁচাইতে হইবে; এবং তাহাকেই বাঁচাইতে হইবে। বাঁচাইতে সে স্তায়ধর্ম-অহুসারে বাধ্য। কিন্তু—সে একটা দীর্ঘনিঃশ্বাস ফেলিল। বিলু, খোকা, সংসার, জমাজমি সবই তাহার চিন্তা করিবার অধর নাই। মধ্যে মধ্যে এমনি ভাবে ক্ষণিক হুঁচিস্তার মত সাময়িকভাবে তাহাদিগকে মনে পড়িয়া যায়।

জগন বক্তৃতা দিয়াই চলিয়াছিল—দেশবন্ধু চিত্তরঞ্জন যদি আজ বেঁচে থাকতেন তা হলে আর দেখতে হ'ত না।

ওই নামটিতে আসরের সমস্ত লোকগুলির শরীর রোমাঞ্চিত হইয়া উঠিল। দেশবন্ধুর

নাথ, তাঁহার পরিচয় সকলেই জানে, তাঁহার ছবিও তাহার দেখিয়াছে।

দেবুর চোখের উপর ভাসিয়া উঠিল তাঁহার মূর্তি। দেশবন্ধুর শেষ শয্যার একখানা ছবি বাঁধাইয়া ঘরে টাঙাইয়া রাখিয়াছে। মহাকবি রবীন্দ্রনাথ ছবির তলার লিখিয়া দিয়াছেন—

“এনেছিলে সাথে করে মৃত্যুহীন প্রাণ
মরণে তাহাই তুমি করে গেলে দান ॥”

যতীন বাড়ীর ভিতর হইতে ডাকিল—উচ্চিড়ে !

সে চায়ের খোঁজে বাড়ীর ভিতরে গিয়াছিল।

মজলিসের মধ্যে বসিয়া উচ্চিড়ের খেয়াল-খুশীমত চাঞ্চল্য প্রকাশের সুবিধা হইতেছিল না। কিছুক্ষণ ধরিয়া পথের ওপাশে জঙ্গলের মধ্যে একটা গিরগিটির শিকার দেখিতেছিল ; দেখিতে দেখিতে যেই একটু স্তম্ভির-শাস্ত হইয়াছে, অমনি সেইখানেই শুইয়া ঘুমাইয়া পড়িয়াছে। বেচারী !

হরেন তাহাকে ধমক দিয়া ডাকিল—এই ছোড়া, এই ?

দেবু বলিল—ডেকো না। ছেলেমানুষ ঘুমিয়ে পড়েছে।

বলিয়াই সে নিজেই ভিতরে উঠিয়া গিয়া যতীনকে বলিল—কি করতে হবে বলুন !

যতীন বলিল—চায়ের বাটিগুলো নিয়ে সকলকে দিয়ে দিন।

দেবুই সকলকে চা পরিবেশন করিয়া দিল। চা খাইতে খাইতে জগন আরম্ভ করিল—মহাত্মা গান্ধী, পণ্ডিত মতিলাল নেহরু, জহরলাল নেহরু, যতীন্দ্রমোহন, সুভাষচন্দ্রের কথা।

চা খাইয়া সকলে চলিয়া গেল। সকলের শেষে গেল দেবু। ঘাইবার জন্ত উঠিয়াছিল সর্বাঙ্গে সে-ই। কিন্তু যতীন বলিল—গোটাকয়েক কথা ছিল যে দেবুবাবু !

দেবু বলিল। সকলে চলিয়া গেলে যতীন বলিল—আর দেরি করবেন না দেবুবাবু। সমিতির কাজটা নিয়ে ফেলুন।

সমিতি—প্রজা-সমিতি। যতীন বলিতেছে, দেবুকে সমিতির ভার লইতে হইবে।

দেবু চুপ করিয়া রহিল।

—আপনি না হলে হবে না, চলবে না। সকলেই আপনাকে চায়। হয়তো ডাক্তার মনে মনে একটু স্ক্রল হবে। তা হোক সে স্ক্রল, কিন্তু একটা জিনিস গড়ে উঠেছে—সেটাকে ভাঙতে কেজা উচিত হবে না।

দেবু বলিল, আচ্ছা কাল বলব আপনাকে।

যতীন হাসিল, বলিল—বলবার কিছু নাই। তার আপনাকে নিতেই হবে।

দেবু চলিয়া গেল ; যতীন স্তব্ধ হইয়া বসিয়া রহিল।

বাংলার পল্লীর দুর্দশার কথা সে ছাত্র-জীবনে অনেক পড়িয়াছে, অনেক শুনিয়াছে। অনেক সরকারী স্ট্যাটিস্টিক্স এবং নানা পত্র-পত্রিকায় এর বর্ণনাও পড়িয়াছে, কিন্তু এমন বাস্তবরূপে সে কল্পনা করিতে পারে নাই। সবে এই তো চৈত্র মাস, কৃষিকাজ শস্তসম্পদ এখনও সম্পূর্ণ শেষ

হইয়া মাঠ হইতে ঘরে আসে নাই, ইহারই মধ্যে মাল্লবের ভাণ্ডার রিক্ত হইয়া গিয়াছে। ধান শ্রীহরির ঘরে গিয়াছে, জংশনের কলে গিয়াছে। গম, যব, কলাই, আলু—তাহাও লোকে বেচিয়াছে। তিল এখনও মাঠে; কিন্তু তাহার উপরেও পাইকার দান দিয়া গিয়াছে। ইহারই মধ্যে একদিন শ্রীহরির খামারে একটি জনতা জমিয়াছিল, শ্রীহরি ধান-ধান দিতে আরম্ভ করিয়াছে। এই গ্রামের মাঠে বিস্তীর্ণ ভূখণ্ডের প্রায় সব জমিই নাকি মহাজনের কাছে আবদ্ধ। মহাজনদের মধ্যে সব চেয়ে বড় মহাজন শ্রীহরি।

পল্লীর প্রতিটি ঘর জীর্ণ, শ্রীহীন; মাছুষগুলি দুর্বল। চারিপাশে কেবল জঙ্গল, খানায়-খন্দে পল্লীপথ দুর্গম। সেদিনের বৃষ্টিতে সমস্ত পথটাই কাদায় ভরিয়া উঠিয়াছে। স্নানের ও পানের জলের পুকুর দেখিয়া শিহরিয়া উঠিতে হয়। প্রকাণ্ড বড় দীঘি, কিন্তু জল আছে সামান্য খানিকটা স্থানে, গভীরতা মাত্র হাত-খানেক কি হাত-দেড়েক। সেদিন একটা লোককে সে পলুই চাপিয়া ও-দীঘিতে মাছ ধরিতে দেখিয়াছিল। পাঁকে-জলে ভাল করিয়া লোকটার কোমরও ভোবে নাই।

আশ্চর্য! ইহার মধ্যেই মাল্লব বাঁচিয়া আছে!

বিশেষজ্ঞরা বলেন—এ বাঁচা প্রেতের বাঁচা। অথবা ক্ষয়রোগাক্রান্ত রোগীর দিন গণনা করিয়া বাঁচা। তিল তিল করিয়া ইহার চলিয়াছে মৃত্যুর দিকে—একান্ত নিশ্চেষ্টভাবে মৃত্যুর কাছে আত্মসমর্পণ করিয়াছে।

এখানে প্রজা-সমিতি কি বাঁচিবে? সঙ্কল্প-সমলহীন চাবী গৃহস্থের সম্মুখে চাষের সময় কঠিন গ্রীষ্ম, দুর্ধোগ-ভরা বর্ষা। চোখের উপর শ্রীহরির খামারে রাশি রাশি ধান-সম্পদ। সেখানে প্রজা-সমিতি কি বাঁচিবে—না কাগাকেও বাঁচাইতে পারিবে? সমিতির প্রত্যক্ষ এবং প্রথম সংঘর্ষ হইবে যে শ্রীহরির সঙ্গে! হইবে কেন, আরম্ভ তো হইয়াই গিয়াছে।

সম্মুখের দাণ্ডয়ার উপর পড়িয়া ঘুমাইতেছে উচ্চিঙে।

ওই পল্লীর ভাবী পুরুষ। নিঃশ্ব, রিক্ত, গৃহহীন, স্বজনহীন, আত্মসমর্পণ। যে নীড়ের সমতায় মাল্লব শ্রী অর্থাৎ লক্ষ্মীর তপস্বী করিয়া তাহাকে আরম্ভ করিতে চায়—সে নীড় তাহার ভাঙিয়া গিয়াছে!

অকস্মাৎ পদ্মের উচ্চ কণ্ঠ তাহার কানে আসিয়া প্রবেশ করিল। পদ্ম তাহাকে শাসন করিতেছে। সেই শাসন-বাক্যের বন্ধারে তাহার চিন্তার একাগ্রতা ভাঙিয়া গেল। বগী পুজোর থালা হাতে পদ্ম বন্ধার দিতে দিতে আসিয়া সম্মুখে দাঁড়াইল; তাহার স্নান হইয়া গিয়াছে; পরনে পুরানো একখানি শুষ্ক কাপড়। সে বলিল—কি ছেলে বাবা তুমি! পঞ্চাশবার শেকল নেড়ে ভাকছি, তা শুনতে পাও না? যাক, ভাগ্য আমার, সাক্ষিপালের দল সব গিয়াছে! নাও—ফোটা নাও। উঠে দাঁড়াও।

ষতীন হাসিয়া উঠিয়া দাঁড়াইল। শুচিস্মিতা পদ্ম কপালে তাহার দই-হলুদের ফোটা দিয়া বলিল—তোমার মা আজ দরজার বাজুতে তোমাকে ফোটা দেবে।

ষতীনকে ফোটা দিয়া এবার সে ভাকিল—উচ্চিঙে! অ উচ্চিঙে! ওরে দেখ তো—

ছেলের ঘুম বেশ তো অসময়ে ! এই উচ্চিড়ে—!

ইতিমধ্যেই উচ্চিড়ের বেশ একদল ঘুম হইয়াছিল, ক্ষুধার বেলাও হইয়াছিল, হুতরাং তিনবার ডাকিতেই সে উঠিয়া বসিল।

—ওঠ, উঠে দাঁড়া, ফোঁটা দি ! ওঠ বাবা ওঠ !

উচ্চিড়ে দাঁড়াইয়া প্রথমেই হাত পাতিল—পেসাদ ! পেসাদ দাও !

পদ্ম হাসিয়া ফেলিল, দাঁড়া আগে ফোঁটা দি !

উচ্চিড়ে খুব ভাল ছেলোটর মত কপাল পাতিয়া দাঁড়াইল, পদ্ম ফোঁটা পরাইয়া দিল।

যতীন বলিল—প্রণাম কর, উচ্চিড়ে, প্রণাম করতে হয়। দাঁড়াও মা-মনি, আমিও একটা—।

—বাবা যে বাবা যে ! আমাকে তুমি নরকে না পাঠিয়ে ছাড়বে না !

পদ্ম মুহূর্তে উচ্চিড়েকে কোলে তুলিয়া লইয়া একপ্রকার ছুটিয়াই ভিতরে চলিয়া গেল।

*

*

*

চৈত্রের দ্বিপ্রহর। অলস বিশ্রামে যতীন দাওয়ার তরুণোপশথানির উপর শুইয়াছিল। চারিদিক বেশ রৌদ্রদীপ্ত হইয়া উঠিয়াছে। উত্তপ্ত বাতাস এলোমেলো গতিতে বেশ জোরেই বহিতেছে। বড় বড় বট, অশ্বথ, শিরীষ গাছগুলি কচি পাতায় ভরা ; উত্তাপে কচি পাতাগুলি স্নান হইয়া পড়িয়াছে। সেদিনের বৃষ্টির পর মাঠে এখনও হাল চলিতেছে, চাষীরা এতক্ষণে হাল-গরু লইয়া বাড়ী ফিরিতেছে। সর্বাঙ্গ ধামে ভিজিয়া গিয়াছে, ঘর্ম্মসিক্ত কালো চামড়া রৌদ্রের আভাষ চক্-চক্ করিতেছে তৈলাক্ত লোহার পাতের মত ; বাউড়ী-বায়েনদের মেয়েরা গোবর, কাঠ-কুটা সংগ্রহ করিয়া ফিরিতেছে। সম্মুখেই রাস্তার ওপাশেই একটা শিরীষ গাছের সর্বাঙ্গ ভরিয়া কি একটা লতা—লতাটির সর্বাঙ্গ ভরিয়া ফুল। চারিদিকে মের্মাচ্ছিন্ন ও ভ্রমরের গুণ্ডগুনানিতে যেন এক মহতর ঐক্যতান-সঙ্গীতের একটা সূক্ষ্ম জাল বিছাইয়া দিয়াছে। গোটাকয়েক বুলবুলি পাখী নাচিয়া নাচিয়া এ-ভাল ও-ভাল কবিতা ফিরিতেছে। দূরে কোথায় পাল্লা দিয়া ডাকিতেছে ছুইটা কোকিল। ‘চোখ গেল’ পাখীটার আজ সাড়া নাই। কোথায় গিয়া পড়িয়াছে—কে জানে ! আকাশে উড়িতেছে কয়েকটা ছোট ঝাঁকে—একদল বন-টিয়া ; মাঠের তিল-ফসলে তাহাদের প্রত্যাশ। অসংখ্য বিচিত্র রঙিন প্রজাপতি ফড়িং, ভাসিয়া ভাসিয়া ফিরিতেছে দেবলোকের বায়ুতড়িত পুষ্পের মত।

গছে, গানে, বর্ণচ্ছটায় পল্লীর এই এক অনিন্দ্য রূপ। কবির কাব্যের মতই এই গছে গানে বর্ণচ্ছটার যেন একটা মাদকতা আছে, কেমন একটা হাতছানির ইশারা আছে।

হঠাৎ উঠিয়া বসিয়া সেই ইশারার ডাকেই যেন মোহগ্রস্তের মত যতীন বাহির হইয়া পড়িল। কাছেই কোন গাছের মধ্যে ডাকিতেছে একটা পাখী। অতি সুন্দর ডাক। শুধু স্বরই সুন্দর নয়, ডাকের মধ্যে সঙ্গীতের একটা সমগ্রতা আছে। পাখীটি যেন কোন গানের গোটা একটি কলি গাহিতেছে। ওই পাখীটার ধোঁজেই যতীন সত্তর্পণে জঙ্গলের ভিতর ঢুকিয়া পড়িল। খানিকটা ভিতরে গিয়া পাইল সে গাঢ় মন্দির গন্ধ। ধ্বনি এক গছের

উৎসর্গ আবিষ্কার করিবার জন্য সে অগ্রসর হইয়া চলিল। আশ্চর্য! পাখীটা এবং ফুলগুলি তাহার সঙ্গে কি লুকোচুরি খেলিতেছে? শব্দ এবং গন্ধ অনুসরণ করিয়া যত সে আগাইয়া আসিতেছে তাহারও যেন তত সরিয়া চলিতেছে। মনে হয় ঠিক ওই গাছটা। কিন্তু সেখানে আসিলেই পাখী চূপ করে—ফুল লুকাইয়া পড়ে। আবার আরও দূরে পাখী ডাকিয়া উঠে। গন্ধ মনে হয় ক্ষীণ; উৎসর্গস্থান মনে হয় আরও দূরে। মোহগ্রস্তের মত যতীন আবার চলিল।

—বাবু!

কে ডাকিল? নারী-কণ্ঠ যেন!

যতীন পাশে দৃষ্টি ফিরাইয়া দেখিল—একটা গাছের শিকড়ের উপর বসিয়া রহিয়াছে দুর্গা। সে কি করিতেছে।

—দুর্গা?

—আজ্ঞে হ্যাঁ।

অঁট-সাঁট করিয়া গাছকোমর বাধিয়া কাপড় পরিয়া দুর্গা বসিয়া কি যেন কুড়াইতেছে।

—ওগুলো কি? কি কুড়োচ্ছ?

এক অঙ্গুলি ভরিয়া দুর্গা বাড়াইয়া তাহার সামনে ধরিল। টোপা-টোপা ফটিকের মত সাদা এগুলি কি? এই তো সে মন্দির গন্ধ! ইহারই একছড়া মালা গাঁথিয়া দুর্গা গলায় পরিয়াছে। বিলাসিনী মেয়েটির দিকে যতীন অবাক হইয়া চাহিয়া রহিল। গঠন-ভঙ্গিতে, চোখ-মুখের লাবণ্যে, রক্ষ চুলে মেয়েটার সর্বাঙ্গ-ভরা একটা অদ্ভুত রূপ—নৃতন করিয়া আজ তাহার চোখে পড়িল।

দুর্গা মুছ হাসিয়া বলিল—মউ-ফুল!

—মউ-ফুল?

—মহুয়া ফুল, বাবু; আমরা বলি মউ-ফুল।

যতীন ফুলগুলি তুলিয়া নাকের কাছে ধরিল। সে এক উগ্র মন্দির গন্ধ—মাথার ভিতরটা যেন কেমন হইয়া যায়; সর্বাঙ্গ শিহরিয়া উঠে।

—কুড়িয়ে রাখছি বাবু গরুতে থাকে,—দুধ বাড়বে। আবার দুর্গা হাসিল।

—আর কি করবে?

—আর সে—আপনাকে শুনতে হবে না!

—কেন, আপত্তি কি?

—আর আমরা মন তৈরী করি।

—মন?

—হ্যাঁ।—পিছন ফিরিয়া দুর্গা হাসিতে লাগিল; তারপর বলিল—কাঁচাও চাই, ভারী মিষ্টি।

যতীনও টপ করিয়া একটা মুখে ফেলিয়া দিল। সত্যই চমৎকার মিষ্টি, কিন্তু সে

মিষ্টতার মধ্যেও শুই মানকতা। আবার একটা সে খাইল। আবার একটা। কিছুক্ষণের মধ্যেই তাহার কানের ভিতরটা যেন গরম হইয়া উঠিল; নাকের ভিতর নিঃশ্বাস—উগ্র উদ্ভল! কিন্তু অপূর্ব এই মধু-রস।

দুর্গা সহসা চকিত হইয়া বলিল—পাড়ার ভেতরে গোল উঠেছে লাগছে!

—হ্যাঁ, তাই তো!

সে তাড়াতাড়ি বুড়িটা কাঁধে তুলিয়া লইয়া বলিল—আমি চললাম, বাবু। পাড়াতে কি হ'ল দেখি গিয়ে।

ঘাইতে ঘাইতে সে কিরিয়া দাঁড়াইল, হাসিয়া বলিল—মউ আর খাবেন না বাবু, মান্কে খাবেন।

—কি হবে?

—মান্কে! নেশা—নেশা! দুর্গা চলিয়া গেল।

নেশা! তাই তো, তাহার মাখার ভিতরটা যেন কিম্ব কিম্ব করিতেছে। সর্বশরীরে একটা দাহ, দেহের উত্তাপও যেন বাড়িয়া গিয়াছে বলিয়া মনে হইতেছে।

—বাবু! বাবু!

আবার কে ডাকিতেছে?—কে?

জঙ্গলের ভিতর আসিয়া ঢুকিল উচ্চিৎড়ে।

—গায়ে খুব গোল লেগে যেয়েছে বাবু। কালু শ্রাথ বাউড়ী-মুচিদের গরু সব ধরে নিয়ে গ্যালো।

—গরু ধরে নিয়ে গেল! কালু শেখ কে? নিল কেন?

—কালু শ্রাথ—ছিকু ঘোষের পায়দা! দেখ না এসে—তোমাকে সব ডাকছে!

যতীন দ্রুতপদে ফিরিল। উচ্চিৎড়ে চাউিয়া বাঁসল মহুয়া গাছে। একেবারে মগডালে উঠিয়া পাকা ফুল পাড়িয়া থাইতে আরম্ভ করিল।

*

*

*

শ্রীহরি অপমানের কথা ভুলিয়া যায় নাই, অপমান ভুলিবার তাহার কথাও নয়। এ গ্রামের শাসন-শৃঙ্খলার জন্ত লোকত ধর্মত সে-ই দায়ী। প্রতিটি মুহূর্তে সে দায়িত্ব শ্রীহরি অঙ্গুভব করে, উপলব্ধি করে; বিপদে-বিপর্ষ্যে সে তাহাদের রক্ষা করিবে, আর শৃঙ্খলা ভাঙিলে সে তাহাদের শাস্তি দিবে—বিলোহকে কঠিন হস্তে দমন করিবে। এ তাহার অধিকার। এ তাহার দায়িত্ব। যখন সে অত্যাচারী ছিল, তখন তাহার অধিকার ছিল না—একথা সে স্বীকার করে। কিন্তু আজ সে কোন অস্ত্রায় করে না। আজ সমস্ত গ্রামখানাতেই তাহার কর্তব্যপরায়ণতার, ধর্মপরায়ণতার পরিচয় শ্রীহরির মহিমায় উজ্জ্বল হইয়াছে। চণ্ডীমতল, বগীতলা, কুয়া, ঝুল-ঘর—সর্বত্র তাহার নাম বলবল করিতেছে। রাস্তার ঐ নালাটা আবহমানকাল হইতে একটা দুর্গন্ধ বিস্তারিত; সে নিজে হইতেই সে বিস্তারিত করিবার আয়োজন করিতেছে। শিবকালীপুত্রের সকল ব্যবস্থাকে সে-ই পরম ধরে অনুমোদন করিতেছে।

তুলিয়াছে। সেই স্বাব্যবস্থাকে অব্যবস্থায় পরিণত করিতে যে বিদ্রোহ, সে বিদ্রোহ কখন করা কেবল তাহার অধিকার নয় কর্তব্য। তবে প্রথমেই সে কঠিন শাস্তি দিতে চায় না। চণ্ডীমণ্ডপ ছাওয়ানোর জন্ত তাহার মজুরি চায়, বলে—জমিদারের চণ্ডীমণ্ডপ—তাহার বিনা মজুরিতে খাটিবে কেন, তাহাদের সে বুঝাইয়া দিতে চায়—বিনা বিনিময়ে জমিদারের কতখানি তাহার ভোগ করে। মাত্র ওই কয়খানা তালপাতাই লয় না। জমিদারের খাস-পতিত ভূমি তাহাদের গরু-বাছুরের একমাত্র চারণভূমি। জমিদারের খাস-পতিত পুকুরের ঘাটে তাহার নামে, স্নান করে, জল খায়; জমিদারের খাস-পতিত জমির উপর দিয়াই তাহাদের যাতায়াতের পথ। চণ্ডী-মণ্ডপ সেই জমিদারের অধিকার বলিয়া বিনা পরসায় ছাওয়াইবে না!

তাই সে নবনিযুক্ত কালু শেখ চাপরাসীকে হুকুম দিয়াছে—জমিদার-সরকারের বাঁধে কিংবা পতিত-জমিতে বাউড়ী-বায়েনদের গরু অনধিকার প্রবেশ করিলেই গরুগুলিকে আগল করিয়া কক্ষণার ইউনিয়ন বোর্ডের খোঁয়াড়ে দিয়া আসিবে। নবনিযুক্ত কালু মনিবকে কাজ দেখাইতে উদ্গ্রীব, তাহার উপর এ কাজটা লাভের কাজ। খোঁয়াড়গুলো এক্ষেত্রে গরু-পিছু কিছু কিছু প্রকাশ্য চলিত ঘুষ দিয়া থাকে। সে আভূমি-নত এক সেলাম ঠুকিয়া তৎক্ষণাৎ মনিবের হুকুম প্রতিশালন করিতে চলিল। ভূপাল তাহাকে দেখাইয়া দিল।—কোনগুলি শ্রীহরির অঙ্গুগত লোকের গরু। সেগুলি বাদ দিয়া বাকি গরুগুলি সে ধরিয়া লইয়া গেল খোঁয়াড়ে।

শ্রীহরির গ্রাম-শাসনের এই বিতীয় পযায়। ইহাতেও যদি লোকে না বুঝে, তবে আরও আছে। একেবারেই সে কঠিনতম দণ্ড দিবে না। অবশ্য সে করিবে না। লক্ষ্মী তাহাকে কৃপা করিয়াছেন, সে তাহার পূর্বজন্মের স্মৃতির ফল, সে উহা অপব্যবহার করিবে না। দানের তুল্য পুণ্য নাই—দয়ার তুল্য ধর্ম নাই—শাস্তিবিধানের সময়েও সে বিম্বৃত হইবে না। তাহার ইচ্ছা ছিল, গরুগুলোকে আটক করিয়া তাহার বাড়ীতেই রাখিবে, বাউড়ী-বায়েনদের দল আসিয়া কান্নাকাটি করিলে তাহাদের অগ্নায়টা বেশ করিয়া বুঝাইয়া দিবে। তাহা হইলে গরীবদের আর খোঁয়াড়ের মাহুলটা লাগিত না। মাহুল বড় কম নয়, গরু-পিছু চারি আনা হিসাবে চল্লিশ-পঞ্চাশটা গরুতে দশ-বারো টাকা লাগিবে। আবার সামান্ত বিলম্ব হইলেই খোঁয়াড় ভেঙার এক আনা হিসাবে খোরাকি দাবী করিবে। অথচ খোরাকি এক কুটা খড়ও দেয় না—গরুগুলোকে অনাহারেই রাখে। খোরাকি হিসাবেও টাকা আড়াই-তিন লাগিবে। কিন্তু সে কি করিবে? আইন তাই। বেআইনী করিতে গেলেই—বেবু জগন হয়তো তাহাকে বিপদাপন্ন করিবার জন্য মামলা বা দরখাস্ত করিয়া বলিবে।

চণ্ডীমণ্ডপে অর্ধশায়িত অবস্থায় গুড়গুড়ি টানিতে টানিতে সে অলস দৃষ্টিতে গ্রামস্থিত বীদেব বার্ষ বিক্রম লক্ষ্য করিতেছিল। কিন্তু এত শীঘ্র খবরটা আনিল কে?

খবরটা আনিয়াছিল তায়াচরণ নাপিত। কালু শেখ গরুগুলোকে আটক করিলে, রাখাল ছেলেরা মিনতি করিয়া কাঁদিয়া কালু শেখের পায়ে গড়াইয়া পড়িল।—ওগো ভাখজী

গো ! তোমার পায়ে পড়ি, মশাই ছেড়ে তান আজকের মতন ছেড়ে তান !

শেখের ক্রোধ হয় নাই, ক্রোধ হইবার হেতুও ছিল না, তবু ছোড়াগুলার ওই হাতে-পায়ে ধরা হইতে অব্যাহতি পাইবার জন্য কৃত্রিম ক্রোধে একটা ভয়ঙ্কর বকমের ইক মারিয়া উঠিল—ভাগো হিঁসালে !

টিক সেই সময়ই মম্বুরাকীর বক্তারোধী বাঁধের উপর দিয়া আসিতেছিল তারারচরণ ভাণ্ডারী । সে থমকাইয়া দাঁড়াইল । ছেলেগুলো শেখজীর ইকে ভয় পাইয়া খানিকটা পিছাইয়া গেলেও গরুগুলির সঙ্গ ছাড়িতে পারিতেছিল না । জনহুয়েক রাখাল উঠেঃস্বরে কান্নিতে আরম্ভ করিয়া দিল,—ভাবাহীন হাউ হাউ করিয়া কায়া ।

কালু বলিল—ওরে উল্লুক, বেহুবা, ছুঁচোরা সব, বাড়ীতে বুল্ গা যা । হাউমাউ করে চিলাল না ।

ছেলেগুলো সে কথা বুঝিল না, তাহারা ওই গরুগুলির মমতার আকর্ষণেই গরুর পালের পিছনে পিছনে চলিল । কায়ার বিরাম নাই ।—ওগো, কি করব গো ? কি হবে গো ?

শেখ আবার পিছনে তাড়া করিল—ভাগ্ বুল্ছি !

ছেলেগুলো খানিকটা পিছাইয়া আসিল ; কিন্তু শেখ ফিরিবার সঙ্গে সঙ্গেই তাহারাও আবার ফিরিল ।

তারারচরণ ব্যাপারটা বুঝিয়া লইল । কাল সে শ্রীহরির পায়ের নখের কোণ তুলিতে তুলিতে ইহার খানিকটা আভাসও পাইয়াছিল । তারারচরণ দ্রুতপদে গ্রামে ফিরিয়া দেবুর খিড়কির দরজায় দাঁড়াইয়া তাহাকে সন্তর্পণে ডাকিয়া সংবাদটা দিয়া চলিয়া গেল । বলিল—ঈগ্গির ব্যবস্থা কর ভাই, নইলে এক আনা করে ফাজিল লেগে যাবে । সে-ও আড়াই টাকা, তিন টাকা । ছুঁটা বাজলে আজ আর গরু দেবেই না । কাল দু-আনা করে বেশী লাগবে গরুতে ।

খিড়কির দরজা দিয়াই সে বাহির হইয়া চলিয়া গেল । শ্রীহরি ঘোষ যে চণ্ডীমণ্ডপে বসিয়া আছে, সে-বিষয়ে সে নিঃসন্দেহ । পণ্ডিতের বাড়ী হইতে বাহির হইতে দেখিলেই ঘোষ ঠিক তাহাকে সন্দেহ করিয়া বসিবে । জঙ্গলের আড়াল হইতে তারারচরণ এক ফাঁক দিয়া চণ্ডীমণ্ডপের দিকে চাহিয়া দেখিল, তাহার অহুমান অভ্রান্ত । এক বিলিক হুকৌতুক হাসি তারারচরণের মুখে খেলিয়া গেল ।

*

*

*

যেবু কিছুক্ষণ মাটির দিকে চাহিয়া চুপ করিয়া দাঁড়াইয়া রহিল । আজ কয়েক দিন হইতেই যে আঘাত সে আশঙ্কা করিয়া আসিতেছিল সে আঘাতটা আজ আসিয়াছে । ইহার দারিদ্র্য সম্বন্ধটাই তো প্রায় তাহার । এ কথা সে কোনো দিন মনুহর্তের জন্য আপনার কাছে অস্বীকার করে নাই । আঘাতটা আসিবার সঙ্গে সঙ্গে আপন মাথা পাতিয়া দিয়া নির্দোষ গরীবদের রক্ষা করিবার জন্য অহরহ সচেতন হইয়াই সে প্রতীক্ষা করিতেছে ।

গরীবেরা পরসাই বা পাইবে কোথা ? তারারচরণ বলিয়া গেল, এক আনা হিসাবে বেশী

লাগিয়ে আড়াই টাকা, তিনটাকা বেশী লাগিবে। তাহা হইলে গরু অন্তত চল্লিশ-পঞ্চাশটি। মনে মনে সে হিসাব করিয়া দেখিল—দশ টাকা হইতে পনের টাকা দণ্ড লাগিবে। এ দণ্ড উহার কোথা হইতে দিবে? জমি নাই, জেরাত নাই,—সম্বলের মধ্যে ভাড়া বাড়ী আর ওই গরু-ছাগল। গাই-গরুর দুধ বিক্রি করে, গোবর হইতে ঘুঁটে বিক্রি করে, গরু-বাহুর-ছাগল বিক্রি করে, ওই পশুগুলিই তাহাদের একমাত্র সম্পদ। ইহু শেখ এ সময়ে টাকা দিতে পারে, কিন্তু তাহার এক টাকার মূল্য হিসাবে অন্তত সে দুই টাকা আদায় করিয়া লইবে। তা'ছাড়া উহাদের এই বিপদের জন্ত দায়ী একমাত্র সে-ই। সে বেশ জানে, সেদিন ওই ভালপাতা উপলক্ষ করিয়াই একটা মিটমাট হইয়া যাইত, উহার শ্রীহরির বশুতা স্বীকার করিয়া লইয়া বাঁচিত। কিন্তু সে-ই তাহাদিগকে উঠিয়া আসিতে বলিয়াছিল। অত্যাচারে অস্বীকার করিতে সে-ই প্রেরণা দিয়াছিল। আজ নিজের বেলায় ত্রায়কে ধর্মকে মাথায় তুলিয়া না লইলে চলিবে কেন?

আরও কয়েক মুহূর্তে চিন্তা করিয়া মাথা উঁচু করিয়া দাঁড়াইল। ডাকিল—বিলু!

তারাচরণ ডাকিতেই বিলুও আসিয়া আড়ালে দাঁড়াইয়া ছিল। সংবাদটা দিয়া তারাচরণ চলিয়া গেলেও বিলু দেবুর সম্মুখে না আসিয়া নীরবে সেই আড়ালেই দাঁড়াইয়াছিল। সেও ওই গরীবদের কথাই ভাবিতেছিল; আহা, গরীব! উহাদের উপর নাকি এই অত্যাচার করে! এই শুষ্ক দুপুরে বাউড়ী-বায়েন পাড়ায় মেয়েদের সঙ্কল্প কান্না শোনা যাইতেছে। শুনিয়া বিলুরও কান্না পাইল, সে কাঁদিতেছিল। দেবুর ডাক শুনিয়া, তাড়াতাড়ি চোখ মুছিয়া আসিয়া কাছে দাঁড়াইল।

দেবু বিলুর সর্বাঙ্গে অহুসন্ধান করিয়া দেখিল। কোথাও একটুকরা সোনা নাই। চাখীর ঘরে সোনার অলঙ্কারের বড় প্রচলন নাই। খুব জোর নাকে নাকছবি, কানে ফুল, গলায় বিছাহার, হাতে শাখাবাধা; বিলুর সে-সব গিয়াছে।

বিলু বলিল—কি বলছ?

—কিছুই নাই আর?

—কি?

—বাধা দিবে গোটা-পনেরো টাকা পাওয়া যায়—এমন কিছু?

বিলু কয়েক মুহূর্ত চিন্তা করিয়া বোধ করি তাহার সকল ভাগ্য মনে মনে অহুসন্ধান করিয়া দেখিল। তারপর সে ঘরের ভিতর গিয়া দুই গাছি ছোট বালা হাতে করিয়া কিরিয়া আসিল।

দেবু দুই-পা পিছাইয়া গেল—খোকার বালা?

—হ্যাঁ।

এই বালা দুইগাছি দিয়াছিল বিলুর বাপ। দেবুর অল্পপস্থিতিতে শত দুঃখ-কষ্টের মধ্যেও বিলু এ দুটিকে হস্তান্তর করিতে পারে নাই।

বিলু বলিল—নাও।

—খোকার বালা নেব ?

—হ্যাঁ নেবে। আবার যখন হবে তোমার, তুমি গড়িয়ে দেবে।

—যদি খালাস না হয়, আর গড়াতে না পারি !

—পরবে না খোকা।

দেবু আর দ্বিধা করিল না। বালা দুইগাছা লইয়া জামাটা গায়ে দিয়া দ্রুতপদে বাহির হইয়া গেল।

গুরুগুলিকে খালাস করিয়া কিরিল সে সন্ধ্যার সময়। অর্ধেক দিন বোঁদ্রে ঘুরিয়া জামাকাপড় ঘামে ভিজিয়া গিয়াছে। তাহার উপর একপাল গরুর পায়ের ধুলায় সর্বাঙ্গ কাদায় আচ্ছন্ন। যতীনের দ্বারা তখন বেশ একটি মজলিস বসিয়া গিয়াছে।

তাহাকে দেখিয়া সকলে প্রায় একসঙ্গে প্রশ্ন করিয়া উঠিল—কি হ'ল দেবু ?

—ছাড়ানো হয়েছে গরু।

দেবু তৃপ্তির হাসি হাসিল।

—কত লাগল ?

সে কথার উত্তর না দিয়া দেবু বলিল—যতীনবাবু !

—বলুন ?

—একটা কথা বলব আপনাকে।

—দাঁড়ান ; আপনাকে বড় ক্লান্ত দেখাচ্ছে। আগে একটু চা'করি আপনার জন্ত।

—না। এখনি বাড়ী যাব আমি। কথাটা বলে যাই।

যতীন দেবুকে লইয়া ঘরের ভিতর প্রবেশ করিল।

দেবু মুহু অথচ দৃঢ় স্বরে বলিল—প্রজা সমিতির তার আমিই নেব।

—দাঁড়ান, চা খেয়ে তবে যেতে পাবেন।

সে বাড়ীর ভিতরে গিয়া ডাকিল—মা-মনি ! মা-মনি !

কেহ সাড়া দিল না।

পদ্ম বাড়ীতে নাই, সে গিয়াছে উচিংড়ের সন্ধানে। উচিংড়ে এখনও ফিরে নাই, তাহাকে খুঁজিতে বাহির হইয়াছে।

যতীন নিজেই চায়ের জল চড়াইয়া দিল।

ভেইশ

হরেন ঘোষালের উত্তেজনা—সে এক ভীষণ ব্যাপার ! সে গোটা গ্রামটার পথে পথে ঘোষণা করিয়া দিল—প্রজা সমিতির মিটিং ! প্রজা সমিতির মিটিং ! স্থানটার উল্লেখ করিতে সে ভুলিয়াই গেল। ঠিক ছিল মিটিং হইবে ওই বাউড়ীপাড়ার ধর্মরাজতলায়। কিন্তু

ধোঁবাল সেকথা উল্লেখ করিতে ভুলিয়া যাওয়ায় লোকজন আসিয়া জমিল—নজরবন্দী বাবুর বাগার সম্মুখে । কারণ প্রজা সমিতির সকল উৎসাহই যে ওখানেই ।

হয়েন বলিল—তবে এইখানেই হোক । আবার এখান থেকে ওখানে ! তা ছাড়া এখানে চা করা যাবে দরকার হলে । চেয়ার-টেবিল রয়েছে এখানে । এখানেই হোক ।

সঙ্গে সঙ্গে সে যতীনের টেবিল-চেয়ার টানিয়া বাহিরে আনিয়া রীতিমত সতায় আসর সাজাইয়া ফেলিল । ইতিমধ্যে দুই গাছা মালাও সে গাঁথিয়া ফেলিয়াছে । ওটাতে তাহার ভুল হয় না ।

লোকজন অনেক জমিয়াছে । বাউড়ী-বায়েনরা প্রায় সকলেই আসিয়াছে । গ্রামের চান্দীরাও আসিয়াছে । বিশেষ করিয়া আজিকার গরু খোঁয়াডে দেওয়ার জন্ত সকলেই বেশ একটু উত্তেজিতও হইয়াছে । মধুশাক্তীর বস্ত্রারোধী বাঁধ জমিদারের খাস খাতিয়ানের অস্ত্রভুক্ত হইলেও ওই বাঁধ তৈয়ারী করিয়াছে তো প্রজারাই । সেখানে চিরকাল লোক গরু চরাইয়া থাকে । গ্রামের পতিত জমিও আবহমানকাল গোচারণ-ভূমি হিসাবে লোক ব্যবহার করিয়া আসিতেছে । সেখানে গোচারণ করিবার অধিকার নাই—এই কথায় সকলকেই উত্তেজিত করিয়াছে । আজ ওই অস্ত্রায় আইন বাউড়ী-বায়েনদের পক্ষে প্রযুক্ত হইল—কাল যে সকলের পক্ষেই তাহা প্রযোজ্য হইবে না তাহা কে বলিল ? বাউড়ীরা অবশ্য এত বুঝে নাই । তাহারা শুনিয়াছে—পণ্ডিত মশায় কমিটির কর্তা হইবেন । তাই শুনিয়াই তাহারা সঙ্কতজ্ঞ চিন্তে আসিয়াছে । নির্ভয়ে আসিয়াছে ।

তাহাদের পাড়ায় আজ ঘরে ঘরে পণ্ডিতের কথা । দুর্গার মা পর্যন্ত মুক্তকণ্ঠে আশীর্বাদ করিতেছে । মাথার চুলের মত পেরমাই হবে, সোনার দোতকলম হবে, বেটার কোলে বেটা হবে, লক্ষী উৎসবে উঠবে । সোনার মাছ, পণ্ডিত-জামাই আমার সোনার মাছ !—

সন্ধ্যার সময় আপনার ঘরে বালিশে বুক রাখিয়া জানালার বাহিরের দিকে চাহিয়া দুর্গাও ওই কথা ভাবিতেছিল—সোনার মাছ, পণ্ডিত সোনার মাছ, বিলু-দ্বিদি তাহার ভাগ্যবতী ! আজ ওই স্বকুমার নজরবন্দী বাবুটিও পণ্ডিতের তুলনায় হীনপ্রভ হইয়া গিয়াছে । তাহার ইচ্ছা—একবার মজলিসে যায়, দশের মধ্যে পণ্ডিত উঁচু করিয়া বলিয়া আছে, সেই দৃষ্টটি আড়ালে দাঁড়াইয়া থাকিয়া একবার দেখিয়া আসে । আবার ভাবিল—না, মজলিস ভাঙুক, সে বিলু-দ্বিদির বাড়ী যাইবে, গিয়া পণ্ডিত-জামাইয়ের সঙ্গে দুইটা রসিকতা করিয়া উত্তরে কয়েকটা ধমক খাইয়া আসিবে । সে ভাবিতেছিল—কি বলিয়া কথা আরম্ভ করিবে !

আবার ওদিকে নজরবন্দীকে বলিবার মত অনেক কথা তাহার মনে ঘুরিতেছে ।

—মউ ফুলের মধু কেমন লাগল বাবু ?

আপন মনে দুর্গা হাসিল । বাবুর চোখের কোণে লাগচে আমেজ সে স্পষ্ট দেখিয়াছে ।—
কিন্তু পণ্ডিতকে সে কি বলিবে ?

হুর্গার কোঠার সম্মুখে অমরকুণ্ডার মাঠ, তারপর নদীর বাধ। বাধের উপর দিয়া একটা আলো আসিতেছে। আলোটা মাঠে নামিল।

পণ্ডিত বড় গম্ভীর লোক। সে একটা দীর্ঘনিঃশ্বাস ফেলিল। তারপর সহসা সে আনন্দে চকল হইয়া উঠিল। কথা সে খুঁজিয়া পাইয়াছে।

—জামাই-পণ্ডিত, তুমি ভাই আবার পাঠশালা খোল।

—কে পড়বে?

—কেউ না পড়ে আমি পড়ব। নেকাপড়া শিখব আমি—

ওঃ, আলোটা তাহাদের গ্রামেই আসিতেছে। হাতে ঝুলানো লণ্ঠনের আলোয় চলন্ত মাস্তবের গতিশীল পা-দুখানা বেশ দেখা যাইতেছে। কে? কাহার? একজন লণ্ঠন-হাতে আসিতেছে, পিছনে একজন—একজন নয়, দুইজন; বায়েনপাড়ার প্রান্ত দিয়াই চুকিবার সোজা পথ। সেই পথে আগন্তকেরা কাছে আসিয়া পড়িল।

হুর্গা চমকিয়া উঠিল। এ কি! এ যে আলো হাতে ভূপাল খানাদার, তাহার পিছনে ও যে জমাদারবাবু! জমাদারের পিছনে সেই হিন্দুস্থানী সিপাহীটা! ছিন্ন পালের বাড়ীতে চলিয়াছে নিশ্চয়।

ছিন্ন পালের নিমন্ত্রণে রাত্রি জমাদারের আগমন এমন কিছু নূতন কথা নয়। পূর্বে এমন আসরে হুর্গারও নিয়মিত নিমন্ত্রণ হইত। কিন্তু পালের নিমন্ত্রণে জমাদারের সঙ্গে তো সিপাহী থাকার কথা নয়! জমাদারবাবুর আজ এমন পোশাকই বা কেন? সে যে একেবারে খাঁটি জমাদারের পোশাক আঁটিরা আসনে আসিতেছে! সিপাহীর মাথায় পাগড়ী, তা ছাড়া লীহরির নিমন্ত্রণের আসর তো প্রথম রাত্রে বসে না! সে আসর বসে মধ্যরাত্রে বারেটা নাগাত।

হুর্গা হঠাৎ একটু চকিত হইয়া উঠিল। তাহার মনে পড়িয়া গেল নজরবন্দীকে, জামাই-পণ্ডিতকে। কেন—সে তাহা জানে না! কিন্তু তাহাদের দু-জনকেই মনে হইল। সে তাড়াতাড়ি নামিয়া আসিয়া পথে বাহির হইয়া পড়িল। গুরু-বগীর চাঁদ তখন অস্ত গিয়াছে। অন্ধকারে আত্মগোপন করিয়া পথের পাশের জঙ্গলের মধ্য দিয়া সে তাহাদের অনুসরণ করিল।

চণ্ডীমণ্ডপ আজ অন্ধকার। ছিন্ন পাল আজ চণ্ডীমণ্ডপে বসে নাই। পালের—পাল নয়, আজকাল ঘোর মশায়! ঘোব মশায়ের খামার-বাড়ীর বৈঠকখানা ঘরে আলো জলিতেছে। ভূপালের আলো গিয়া ওইখানেই প্রবেশ করিল। নিমন্ত্রণই বটে। চণ্ডীমণ্ডপ দেবস্থল, সেখানে এ আসর চলে না। কিন্তু লীহরি আজকাল নাকি—। কথাটা মনে পড়িতেই হুর্গা না হাসিয়া পারিল না।

এক-একটা গরু রাত্রে দড়ি ছিঁড়িয়া মাঠে যাইয়া ফসল খাইয়া ফিরে। যে গরু এ আশ্বাহ একবার পাইয়াছে সে আর ভুলিতে পারে না। শিকল দিয়া বাঁধিলেও সে খুঁটা উপড়াইয়া রাত্রে মাঠে যায়। ছিন্ন পাল নাকি সাধু হইয়াছে। তাই সে হাসিল। কিন্তু নূতন নারীটী

কে? একজন কেহ আছেই। কিন্তু সে কে? দুর্গা কোঁচুক সন্ধান করিতে পারিল না, শ্রীহরির বাড়ীর গোপনতম পথের সন্ধান পর্যন্ত তাহার হৃবিম্বিত, কত রাজ্য সে আসিয়াছে। চুড়িগুলি হাতের উপরে তুলিয়া নিঃশব্দে আসিয়া সে শ্রীহরির ঘরের পিছনে দাঁড়াইল। ঘরের কণাবাণী শব্দ শোনা যাইতেছিল।

সে কান পাতিল।

জমাদার বলিতেছিল—নিখাত হু-বছর কৃকে দোব।

শ্রীহরি বলিল—চলুন তা হলে—জোর কমিটি বসেছে। জগন ভক্তার, শালা হয়েন ঘোবাল, গিরশে ছুতোয়—বনে কামার তো আছেই। দেবু আর নজরবন্দীকে সব খিরে বসেছে। উঠুন তা হলে।

জমাদার বলিল—চা-টা নিয়ে এস জলদি! চা খাওয়া হয় নি আমার।

শ্রীহরি খবর পাঠাইয়া ছিল। নজরবন্দীর বাড়ীতে প্রজা সমিতির কমিটি বসিয়াছে। জমাদার সাহেবের কাছে সেলাম পাঠানো হইয়াছিল, সেলামীর ইঙ্গিতও ছিল। জমাদারের নিজেরও একটা প্রত্যাশা আছে। ভোটনিউটিকে হাতে-নাতে ধরিয়া বড়ঘর বা আইনজ্ঞ—যে কোন মামলার ফেলিতে পারিলে চাকরিতে পদোন্নতি বা পুরস্কার—নিদেনপক্ষে বিভাগীয় একটা সদয়-মন্তব্য লাভ অনিবার্য। সেলামীটা ফাউ। সেলামীটা ধর্তব্যের মধ্যে নয়।

দুর্গা শিহরিয়া উঠিল। নিঃশব্দে দ্রুতপদে সে ঘরের পিছন হইতে চলিয়া আসিয়া পথের উপর দাঁড়াইয়া কয়েক মুহূর্ত ভাবিয়া লইল। তাহার পর বেশ করিয়া চুড়ি বাজাইয়া স্বাক্ষর তুলিয়া চলিতে আরম্ভ করিল। ঠিক পূরমুহূর্তে প্রাণ আসিয়া আসিল—কে? কে যায়?

—আমি।

—কে আমি?

—আমি বারেনদের দুর্গা দাসী।

—দুর্গা! আরে আরে—শোন শোন।

—না।

দুর্গা আসিয়া এবার বলিল—জমাদারবাবু ডাকছে।

একমুখ হাসি লইয়া দুর্গা ভিতরে আসিয়া বলিল—আ মরণ আমার। তাহি বলি চেনা চেনা গীলা মনে হচ্ছে—তবু চিনতে পারছি। জমাদারবাবু! কি ভাগ্যি আমার? কার মুখ বেখে উঠেছিলার আমি?

জমাদার হাসিয়া বলিল—ব্যাপার কি বল দেখি? আজকাল নাকি পিরীতে পড়েছিল? প্রথম অনে কামার, তারপর শুনছি নজরবন্দীবাবু!

দুর্গা হাসিয়া বলিল—বলছে তো আপনার মিতে, পাল মশাই!

পরক্ষণেই সে বলিল—আজকাল আবার পোমড়া মশাই বলতে হবে বুঝি? ও পোমড়া মশাই মিছে বলেছে, মনের রাগে বলেছে।

‘বাবা কিম্বা জমাদার বলিল—মনের যোগে? তা দ্রুত তো হুতুই পারে! পুরানো বন্ধ-লোককে ছাড়লি কেন তুই?’

দুর্গা বলিল—মুটিপাড়াকে-পাড়া আগুন লাগিয়ে পুড়িয়ে দিলে আপনার ক্ষতি! ঘরে তিন দেবার জন্ত টাকা চাইলাম, তা আমাকে বুড়ো আঙুল দেখিয়ে দিলে আপনার বন্ধুনাক! সত্যি-মিথ্যে শুধোন আপনি! বলুক ও ঘরে আগুন দিয়েছে কিনা?

শ্রীহরির মুখ বিবর্ণ হইয়া গেল। জমাদার তার মুখের দিকে চাহিয়া বলিল—দুর্গা কি বলছে, পাল মশাই! জমাদারের কর্তব্যের মুহুর্তে পান্টাইয়া গিয়াছে।

দুর্গা লক্ষ্য করিয়া বুঝিল—একটা বুঝাপড়ার সময় আসিয়াছে। সে বলিল—ঘাট থেকে আসি জমাদারবাবু!

জমাদার দুর্গার কথাই কোন জবাব দিল না। সে স্থিরদৃষ্টিতে চাহিয়াছিল শ্রীহরির দিকে। সে দৃষ্টির অর্থ দুর্গা খুব ভাল করিয়া জানে। জরিমানা আদায়ের পূর্বসংগ। এ পূর্বটা শেষ হইতে বেশ কিছুক্ষণ লাগিবে। ঘাটে যাইবার জন্ত বাহির হইয়া, তখন কিরিয় দুর্গা লীলায়িত ভক্তিতে দেখে হিম্মোল তুলিয়া বলিল—আজ কিন্তু মাল খাওয়াতে হবে দারোগাবাবু! পাকি মাল!—বলিয়াই সে বাহির হইয়া গেল ঘাটের দিকে।

শ্রীহরির খিড়কীর পুকুরের পাড় ঘন-জঙ্গলে ভরা। বাঁশের ঝাড়, তেঁতুল, শিরীষ প্রভৃতি গাছ এমন ভাবে জন্মিয়াছে যে, দিনেও কখনো রৌদ্র প্রবেশ করে না। নিচেটার জন্মিয়াছে ঘন কাঁটা-বন। চারিদিকে উই-চিবি। ওই উইগুলির ভিতর নাকি বড় বড় সাপ বাসা বাধিয়াছে। শ্রীহরির খিড়কীর পুকুর সাপের জন্ত বিখ্যাত। বিশেষ চন্দ্রবোড়া সাপের জন্ত। সন্ধ্যার পর হইতেই চন্দ্রবোড়ার শিশু শোনা যায়। পুকুরঘাটে আসিয়া দুর্গা জলে নামিল না, সে প্রবেশ করিল ওই জঙ্গলে। নিশাচরীর মত নিঃশব্দে নির্ভর পদক্ষেপে জটগতিতে সে জঙ্গলটা অতিক্রম করিয়া আসিল নামিল এপাশের পথে। এখান হইতে অনিরুদ্ধের বাড়ী কাছেই। ওই মজলিসের আলো দেখা যাইতেছে। ছুটিয়া আসিয়া দুর্গা চকিতে ছায়াছবির মত অনিরুদ্ধের খিড়কীর দরজা দিয়া বাড়ীর ভিতর ঢুকিয়া গেল।

প্রজা সমিতির সভাপতি পরিবর্তনের কাজ তখন শেষ হইয়াছে। অনিরুদ্ধ চা পরিবেশন করিতেছিল, অগন ডাক্তার ভাবিতেছিল—বিহারী সভাপতি হিসাবে সে একটি জালায়নী বক্তৃতা দিবে। দেবু ভাবিতেছিল—নতুন কর্মভারের কথা। সহসা একটি মূর্তি অদ্ভুতরূপের মধ্যে চকিতে অনিরুদ্ধের খিড়কীর দরজার দিকে চলিয়া যাইতে সকলে চমকিয়া উঠিল। আশ্চর্যজনক সাহা কাপড়ে ঢাকা, জট পদধ্বনির সঙ্গে আন্তরণের ঝুঁকান শব্দ।—কে? কে?—কে গেল?

অনিরুদ্ধ জট বাড়ীর মধ্যে প্রবেশ করিল। পদ্ম! এমন করিয়া সে কোথা হইতে ছুটিয়া আসিল? কোথায় গিয়াছিল সে?

—কর্মকার!

—কে ?

—দুর্গা !

দুর্গার কণ্ঠস্বর । কোথায় বিরক্তিতে অধীর হইয়া অনিচ্ছক দুর্গার সম্মুখীন হইল—কি ?

দুর্গা সংক্ষেপে শ্রীহরির বাড়ীতে জমাদারের আগমন সংবাদটা দিয়া যেমন আসিয়াছিল তেমনি অল্পপরে আভ্যন্তরীণের যুদ্ধ লাড়া তুলিয়া বিলীরমান রহস্তের মত চকিতে মিলাইয়া গেল । ছুটিয়া সে আবার সেই পুরুষপাড়ের জঙ্গলের মধ্যে প্রবেশ করিল ।

ঘাটে হাঙ-পা ধুইয়া যখন শ্রীহরির ঘরে প্রবেশ করিল—তখন বোধ হয় ঘরে-আগুন-হেওয়ার সামান্য মিটিয়া গিয়াছে । জমাদারের চোখে প্রসন্ন দৃষ্টি । জমাদার দুর্গার দিকে চাহিয়া বলিল—
—হাঁপাচ্ছিল কেন ?

আতঙ্কে চোখ বিক্ষারিত করিয়া দুর্গা বলিল—সাপ !

—সাপ ! কোথায় ?

—খিড়কির ঘাটে । এই প্রকাণ্ড বড় । চন্দ্রবোড়া । এই দেখুন জমাদারবাবু ! বলিয়া সে ডান পাখানি আলোর সম্মুখে ধরিল । একটা ক্ষতস্থান হইতে কাঁচা রক্তের ধারা গড়াইয়া পড়িতেছিল ।

জমাদার এবং শ্রীহরি উভয়েই আতঙ্কিত হইয়া উঠিল । কি সর্বনাশ ! জমাদার বলিল—
বাঁধ—বাঁধ । দড়ি, দড়ি ! পাল, দড়ি নিয়ে এস !

শ্রীহরি দড়ির জন্ত ভিতরে ঘাইতে ঘাইতে বিরক্তিতে বলিল—কি বিপদ ! কোথা থেকে বাধা এসে জুটল দেখ দেখি ? দড়ি আনিয়া ভূপালের হাতে দিয়া শ্রীহরি বলিল—বাঁধ । জমাদার-বাবু, আত্মন চট করে শুদিকের কাজটা সেরে আসি ।

দুর্গা বিবর্ণমুখে করুণদৃষ্টিতে জমাদারের দিকে চাহিয়া বলিল—কি হবে জমাদারবাবু । চোখ তাহার জলে ছল ছল করিয়া উঠিল ।

জমাদার আশ্বাস দিয়া বলিল—কোন ভয় নাই । ভূপালের হাত হইতে দড়ি লইয়া সে নিজেই বাঁধিতে বলিল ; ভূপালকে বলিল—একদৌড়ে থানায় গিয়ে লেন্সিন নিয়ে আয় । আর ওকা কে আছে ডাক—একুনি ।

দুর্গা বলিল—আমাকে বাড়ী পাঠিয়ে দাও, জমাদারবাবু । ওগো আমি মারের কোলে মরবো যেন ।

শ্রীহরি বলিল—সেই ভাল । ভূপাল ওকে বাড়ীতে দিয়ে আনুক । দীহু ওকা আর মিতে গড়াঙ্গীকে ডাক । ছুটে যাবি আর আসবি । চলুন জমাদারবাবু ।

অনিচ্ছকের দ্বাণ্ডায় তত্ত্বশোণের উপর যতীন একা বসিয়াছিল ।

জমাদারকে সন্ধান করিয়া বলিল—ছোট দারোগাবাবু ! এত রাতে ?

জমাদার কিছুক্ষণ চুপ করিয়া থাকিয়া বলিল—গিরেহিলার অন্ত প্রাণে । পথে অকস্মাৎ আপনায় মজলিটা দেখে বাই । কিন্তু কেউ কোথাও নেই যে !

হতীন হালিয়া বলিল—আপনি এসেছেন—ঘোষ মশায় এসেছেন, আবার বহুক দখলিস !
ওরে উজ্জিড়ে, চারের জল চড়িয়ে দে তো !

‘দুর্গা’ দুর্গাকে বাঁড়ী শৌছাইয়া দিয়া ঔষধ ও ঔষধি জল চলিয়া গেল । দুর্গার মা ‘হাউ-
মাই’ আরম্ভ করিয়া দিল । তাহার চিৎকারে পাড়ার লোক আসিয়া জুটিয়া গেল । পাড়ার বৌ
সকল মমতায় বার বার প্রশ্ন করিল—কি লাগ ঠাকুরকি ? লাগ দেখেছ ?

দুর্গা অত্যন্ত কাতর-স্বরে বলিল—ওগো তোমরা ভিড় ছাড় গো । সে ছইকট করিতে
আরম্ভ করিল । এ-পাড়ার মাতব্বর সতীশ, সে সত্যই মাতব্বর লোক । সে অনেক ঔষধ-
পাতির খবর রাখে । সাপের ঔষধ সে ছই-চারিটা জানে । সতীশ একরূপ ছুটিয়াই বাহির
হইয়া গেল—ঔষধের সন্ধানে । কিছুকাল পর ফিরিয়া আসিয়া একটা শিকড় দিয়া বলিল—
চিনিরে দেখ দেখি—ভেতো লাগছে না মিষ্টি লাগছে ?

দুর্গা সেটাকে ঘুখে দিয়া পরক্ষণেই ফেলিয়া দিল—থু-থু-থু ।

সতীশ আশ্বস্ত হইয়া বলিল—ভেতো যখন লেগেছে তখন ভয় নাই !

দুর্গা ধলায় গড়াগড়ি দিয়া বলিল—মিষ্টিতে গা বমি-বমি করছে গো ! বাবা গো—ওই কে
আসছে—ওকা নাকি গো !

ওকা নয় । জগন ভক্তার, হরেন ঘোষাল, অনিরুদ্ধ এবং আর কয়েকজন ।

হরেন ঘোষাল চীৎকার উঠিল—হঠ যাও, হঠ যাও । সব হঠ যাও ।

জগন ভাড়াভাড়া বসিয়া দুর্গার পা-খানা টানিয়া লইল ।—হঁ ! স্পষ্ট দাঁতের দাগ !

পাড়ার চোখ দিয়া জল পড়িতেছিল ; সে বলিল—কি হবে, ভাক্তারবাবু ?

পকেট হইতে ছুরি বাহির করিয়া ভক্তার বলিল—ওষুধ দিচ্ছি, দাঁড়া । অনিরুদ্ধ, এই
পারমাণবিকের দানাগুলো ধর দেখি । আমি চিরে দি—তুই দিরে দে ।

দুর্গা পা-খানা টানিয়া লইল—না, না গো ।

—না কি !

—না না না । মড়ার উপর আর খাঁড়ার মা দিয়ো না, বাপু ।

—ঘোষাল, ধর তো পা-খানা ।

ঘোষাল চমকিয়া উঠিল । সে এই অবসরে পাড়ার বউয়ের সঙ্গে কটাক্ষ বিনিময় করিয়া
বুহু-বুহু হাসিতেছিল ।

দুর্গা আবার দৃঢ়স্বরে বলিল—না না না !

জগন বিরক্ত হইয়া উঠিয়া পড়িল—তবে মর !

দুর্গা উন্টাইয়া উপুড় হইয়া শুইয়া কোর কপি নৌরব কাগজের দ্বারা হইয়া পেল । তাহার সমস্ত
মেহটাই কান্নার আবেগে ধরধর করিয়া কাপিতেছিল ।

অনিরুদ্ধের চোখে জল আসিতেছিল—কোকিলের আশ্রয়স্থল—ককিল—ককিল—ককিল !
দুর্গা ! ভক্তার বা বলছে শোন !

হুগার কামান দেহখানি অবীকারের তত্ত্বিতে নড়িয়া উঠিল ।

ঈগন এবার রাগ করিয়া চলিয়া গেল । অনিচ্ছা চলিয়া মেল ওঝার লক্ষ্যে । কুহনপুরে একজন ভাল মুসলমান ওঝা আছে । 'হরেন একটা বিড়ি ধরাইল ।

অনতিদূরে একটা আলো আসিয়া দাঁড়াইল । আলোর শিহনে জমাদার ও শ্রীকুরি । ঘোয়ালও এইবার সরিয়া পড়িল ।

দারোগা সতীশকে প্রণাম করিল—কেমন আছে ?

—আজ্ঞে ভালো লয় । একেবারে ছুইকট করছে ।

—গড়াক্কী আসে নাই ?

—আজ্ঞে না ।

—ঘোষ, আপনি আর একটা লোক পাঠিয়ে দিন । আমি থানা থেকে লেজিন পাঠিয়ে দিচ্ছি । আহুন ।

দারোগা ও শ্রীহরি চলিয়া গেল ।

হুগা আরও কিছুক্ষণ ছটকট করিয়া থানিকটা স্থব্ব হইল ; বলিল—সতীশ-দাদা, ভোমার ওয়ুধ ভাল । ভাল লাগছে আমার । আরও কিছুক্ষণ পর সে উঠিয়া বসিল ।

সতীশ বলিল—ওয়ুধ আমার অব্যর্থ ।

হুগা বলিল—আমাকে নিয়ে ওপরে চল, বউ ।

উপরে বিছানায় বসিয়া হুগা মাথার খোঁপার একটা বেলকুড়ির কাঁটা খুলিয়া আলোর সম্মুখে তাহার অগ্রভাগটা ঘুরাইয়া ফিরাইয়া দেখিল ।

শাতুর বউ বলিল—সাপ তুমি দেখেছ, ঠাকুরঝি ? কি সাপ ?

হুগা বলিল—কালসাপ !

অতি প্রচ্ছন্ন একটি হাসির রেখা তাহার চোঁটের কোণে কোণে খেলিয়া গেল । সাপে তাহাকে কামড়ায় নাই । কর্মকারের বাড়ী হইতে ফিরিবার পথেই সে মনে মনে স্থির করিয়া খাটে আসিয়া বেলকুড়ির কাঁটাটা পায়ে ফুটাইয়া রক্তবৃষ্টি বংশনচিহ্নের স্রষ্টা করিয়াছিল । নহিলে কি সকলে পালাইবার অবকাশ পাইত, না জমাদার তাহাকে নিষ্কৃতি দিত ? মদ খাইয়া জমাদারের যে মূর্তি হয় মনে করিয়া সে শিহরিয়া উঠিল । একটা ভয় ছিল, লোকে তাহার অনিচ্ছের বাড়ী যাওয়ার কথাটা প্রকাশ করিয়া ফেলিবে । ভাগ্যক্রমে সে কথাটা কাহারও মনেই হয় নাই ।

কিন্তু নজরবন্দী, জামাই-পণ্ডিত তাহার এ অবস্থার কথা শুনিয়া একবার তাহাকে দেখিতেও আসিল না !

কেহই তো সভ্য কথা জানে না, তবু আসিল না ? নজরবন্দীর না ইয় রাতে বাঁহির হইবার হুকুম নাই ? জমাদার হাসির ছিল প্রাণে, হিঁক পাল রাখিয়াছে, তাই নজরবন্দীর না আসার কারণ আছে । কিন্তু জামাই-পণ্ডিত ? জামাই-পণ্ডিত একবার আসিল না কেন ?

অতিমান তাহার চোখে জল আসিল । জগন ভাঙার আসিয়াছিল, অনিচ্ছা আসিয়াছিল,

জামাই-পণ্ডিত একবার আসিল না।

পাতুর বউ প্রায় করিল—ঠাকুরঝি, আবার জলাছে ?

—যা বউ, যা তুই ! আবার একটুকুন শুই।

—না। ঘুমুতে তুমি পাবে না আজ।

হুগা এবার রাগে অধীর হইয়া বলিল—ঘুমোবো না, ঘুমোবো না। আমার মরণ হবে না, আমি মরব না। তুই যা, তুই যা এখন থেকে।

পাতুর বউ এবার রাগ করিয়া উঠিয়া গেল। হুগা বালিশে মুখ গুঁজিয়া পড়িয়া রহিল।

—কে ? নিচে কে ডাকিতেছে ?

—পাতু, হুগা কেমন আছে রে ?

—হ্যাঁ, জামাই-পণ্ডিতের গলা ! ওই যে সিঁড়িতে পায়ের শব্দ !

—কেমন আছিল হুগা ? পাতুর সঙ্গে দেবু ঘরে ঢুকিল।

হুগা উত্তর দিল না।

—হুগা !

হুগা এবার মুখ তুলিল, বলিল—যদি এতক্ষণে মরে যেতাম জামাই-পণ্ডিত !

দেবু বলিল—আমি খবর নিয়েছি, তুই ভাল আছিল। রাখাল-ছোড়া দেখে গিয়ে আমাকে বলেছে।

হুগা আবার বালিশে মুখ লুকাইল; রাখাল-ছোড়া খবর করিয়া গিয়াছে। মরণ তাহার !

দেবু বলিল—বাড়ী গিয়ে বলেছি আর মহাশ্রামের ঠাকুর মশায় হঠাৎ এলেন। কি করি ? এই তাঁকে এগিয়ে দিয়ে আসছি।

—মউগায়ের ঠাকুর মশায়।

হুগার বিস্ময়ের আর অবশি রহিল না।

মহাশ্রামের ঠাকুর মশায় ! মহামহোপাধ্যায় শিবশেখর স্মারক ! সাক্ষাৎ দেবতার মত মাহুয ! রাজার বাড়ীতেও যিনি পূজার্পণ করেন না, তিনি ?

*

*

*

স্মারক দেবুর বাড়ীতে আসিয়াছিলেন। ইহাতে দেবুর নিজেরও বিস্ময়ের সীমা ছিল না। নিতান্ত অতর্কিত ভাবে যেন তিনি আসিয়া উপস্থিত হইয়াছিলেন। ব্যাপারটা ঘটনাছিল এই—

রাজ্যের ওখান হইতে আসিয়া সে ঘরে বসিয়া হুগার কথাই ভাবিতেছিল। ভাবিতেছিল, হুগা রিভিউ, হুগা অঙ্কুর, হুগা অতুলনী ! বিলু সমস্ত শুনিয়া হুগার প্রাণস্বাস্থ্য পক্ষস্থ হইয়া হুগার কথাই বলিতেছিল। বলিতেছিল—গল্পের সেই লক্ষ্মীয়ে বেতার মত—দেখো কুমি,—আমি জন্মে ওর জন্ম ঘরে জন্ম হবে, যাকে কামনা করে মরবে সেই তার স্বামী হবে।

ঠিক সেই সময়েই বাহির দরজায় কে ডাকিল—মণ্ডল মশায় বাড়ী আছেন ?

কঠোর গুনিয়া দেবু ঠাহর করিতে পারিল না—কে ? কিন্তু সে কঠোর আশ্চর্য সন্মমপূর্ণ । সে সবিস্ময়ে প্রশ্ন করিল—কে ?

বলিয়া সঙ্গে সঙ্গেই বাহির হইয়া আসিল ।

—মারি । আলো হাতে একটি লোকের পিছন হইতে বন্ধা উত্তর দিলেন—আমি বিশ্বনাথের পিতামহ ।

দেবু সবিস্ময়ে সন্মমে হতবাক হইয়া গেল । তাহার সর্বাক্কে কাটা দিয়া উঠিল । বিশ্বনাথের পিতামহ—পণ্ডিত মহামহোপাধ্যায় শিবশেখর গ্রায়রত্ন ! তাহার শরীর খরখর করিয়া কানিয়া উঠিল । পরক্ষণেই আপনাকে সংযত করিয়া সেই পথের ধূলোর উপরেই সে গায়রত্নের পায়ে প্রণত হইল ।

—তোমাকে আশীর্বাদ করতেই এসেছি । কল্যাণ হোক, ধর্ম যেন তোমাকে কোনকালে পরিত্যাগ না করেন । জয়ন্ত ! তোমার জয় হোক !

বলিয়া তাহার মাথার উপর হাত রাখিলেন । বলিলেন—ঘরটা খোল তোমার, একটু বসব ।

দেবুর এতক্ষণে খেয়াল হইল । সে তাড়াতাড়ি ঘর খুলিয়া দিল ; দরজার আড়ালে দাঁড়াইয়া বিলু সব দেখিয়াছিল, গুনিয়াছিল । সে ভিতরের দিক হইতে বাহিরের ঘরে আসিয়া পাতিয়া দিল তাহার ঘরের সর্বোত্তম আসনখানি । তারপর একটি ঘটি হাতে আসিয়া দাঁড়াইল ।

গ্রায়রত্ন বলিলেন—পা ধুইয়ে দেবে মা ? প্রয়োজন ছিল না ।

বিলু দাঁড়াইয়া রহিল । গ্রায়রত্ন এবার পা বাড়াইয়া দিয়া বলিলেন—দাও ।

বিলু পা ধুইয়া দিয়া সঘঙ্গে একখানি পুরাতন রেশমী কাপড় দিয়া পা মুছিয়া দিল ।

আসন গ্রহণ করিয়া গ্রায়রত্ন বলিলেন—তোমার ছেলেকে আন মণ্ডল । তাকে আমি আশীর্বাদ করব ।

বিস্ময়ে যেন দেবুর চারিপাশে এক মোহজাল বিস্তার করিয়াছিল ; কোন্ অজ্ঞাত পরমভাগ্যে তাহার কুটিরে এই রাত্রির অন্ধকারে অকস্মাৎ নামিয়া আসিয়াছেন স্বর্গের দেবতা ; পরম কল্যাণের আশীর্বাদ-সম্ভার লইয়া আসিয়াছেন তাহার ঘর ভরিয়া দিতে !

বিলু ঘুমন্ত শিশুকে আনিয়া গ্রায়রত্নের পায়ে তলায় নামাইয়া দিল ।

গ্রায়রত্ন শিশুটির দিকে চাহিয়া দেখিয়া সন্নেহে বলিলেন—বিশ্বনাথের থোকা এর চেয়ে ছোট । এই তো সব অন্নপ্রাশন হ'ল, তার বয়স আট মাস ।

তারপর ঘুমন্ত শিশুর মাথায় হাত দিয়া বলিলেন—দীর্ঘায়ু হোক, ভাগ্য প্রসন্ন হোক ।

কথা শেষ করিয়া গায়ের চাদরের ভিতরের খুঁট খুলিয়া বাহির করিলেন—দুইগাছি বালা । হস্ত প্রসারিত করিয়া বলিলেন—ধর ।

দেবু ও বিলু অবাক হইয়া গেল—এ বালা যে খোকারই বালা ! আজই বন্ধক দেওয়া হইয়াছে !

—ধর । আমার কথা অমাত্ত করতে নেই । ধর মা, তুমি ধর ।

বিলু হাত বাড়াইয়া গ্রহণ করিল—হাত তাহার কাঁপিতেছিল।

। —ছেলেকে পরিচয় দাও মা। আজ অশোক-বজীর দিন, অশোক আনন্দে সংসার ভোমাদের পরিপূর্ণ হোক।

তারপর হাসিয়া বলিলেন—বিশ্বনাথের স্ত্রী, আমার রাজ্ঞী শকুন্তলা। তিনি এসে আমার সংবাদটা দিলেন। বাড়ি-বায়েনদের গরু খোঁড়াড়ে খেওয়ার সংবাদ আমি পেয়েছিলাম। তাবছলাম—কাউকে পাঠিয়ে দি—গরুগুলি ছাড়িয়ে নিয়ে আসুক। গো-মাতা! ভগবতী অনাহারে থাকবেন! আর ওই গরীবদের হয়তো যথাসর্ব্বথা হবে গরুর মাংসল দিতে। এমন সময় সংবাদ পেলাম—দেবু মণ্ডল গরুগুলি ছাড়িয়ে নিয়ে এসেছে। আশঙ্ক হলাম। মনে মনে তোমাকে আশীর্বাদ করলাম। মনে হ'ল—বাঁচব, আমরা বাঁচব। মনে হ'ল সেই গল্পের কথা। সঙ্কল্প করলাম—একদিন তোমাকে ডাকব, আশীর্বাদ করব। সন্ধ্যার সময় বিশ্বনাথের স্ত্রী এসে বললে—দাদু, শিবকালীপুরের পণ্ডিতের কাজ দেখুন তো! বজীর দিন—আজ সে ছেলের হাতের বালা বন্ধক দিয়েছে আমাদের চাটুজ্যেদের গিন্নীর কাছে। গিন্নী আমার দেখিয়ে বললে—দেখ তো নাত-বৌ, পনের টাকায় ভাল হয় নাই? আমার মনটা আবার ভরে উঠল, মণ্ডল মশায়, অপার আনন্দে। মনে মনে বার বার তোমাকে আশীর্বাদ করলাম। তবু মন খুঁৎখুঁৎ করতে লাগল। বজীর দিন, শিশুর অলঙ্কার, অলঙ্কারের জন্ত শিশু হয়তো কঁদেছে। আমি তৎক্ষণাৎ নিয়ে এলাম ছাড়িয়ে। কারও হাত দিয়ে পাঠিয়ে দিতে প্রস্তুতি হ'ল না। নিজেই এলাম। তোমাকে আশীর্বাদ করতে এলাম। তুমি দীর্ঘজীবী হও; তোমার কল্যাণ হোক। ধর্মকে তুমি বন্দী করে বাথ কর্মের বন্ধনে। তোমার জয় হোক। দাও মা, বালা পরিচয় দাও ছেলেকে। মণ্ডল, টাকা যখন তোমার হবে, আমায় দিয়ে এস; তোমার পুণ্য, তোমার ধর্মকে আমি ক্ষুণ্ণ করতে চাই না।

টপ টপ করিয়া দেবুর চোখ হইতে জল ঝরিয়া পড়িল।

বিলুর চোখ হইতে ধারা বহিতেছিল। সে বালা দুইগাছি ছেলেকে পরাইয়া দিল।

জ্ঞানরত্ন বলিলেন—কৈদো না, একটা গল্প বলি, শোন।

এমন সময় যতীন আসিয়া ডাকিল—দেবুবাবু।

—যতীনবাবু আহ্নন—আহ্নন!

জ্ঞানরত্ন হাসিয়া প্রশ্ন করিলেন—ইনি?

দেবু যতীনের সঙ্গে পরিচয় করাইয়া দিল।

যতীন কয়েক মুহূর্ত জ্ঞানরত্নকে দেখিল; তারপর তাঁহাকে প্রণাম করিয়া বলিল—আপনার নানি বিশ্বনাথবাবুকে আমি চিনি।

জ্ঞানরত্ন প্রথমে নমস্কার করিয়া, পরে যতীনকে আশীর্বাদ করিলেন। তারপর প্রশ্ন করিলেন—তেনে তাকে? আপনাদের সঙ্গে সে যুক্তি লমগোজীর?

এ প্রসঙ্গে যতীন প্রথমে একটু বিম্বিত হইল; তারপর অর্ধটা বুঝিয়া হাসিয়া বলিল—মোজা, এক, গোজী ভিন্ন।

ভায়রর চূপ করিয়া রহিলেন, কোন উত্তর দিলেন না।

যতীন বলিল—তারা নাপিত আমার সংবাদ দিলে, আমি ছুটে এলাম। আপনারকে দেখতে এলাম।

—দেখবার বস্তু আর কিছু নাই—দেশেও নাই—মাছুবেও নাই। প্রকাণ্ড মৌধ, বটক্ক জন্মে কেটে চৌচির হয়ে গেছে। চোখেই তো দেখছেন। ভায়রর হাসিয়া বলিলেন—তাই মধ্যে মধ্যে যখন দুর্ভোগে বজ্রাঘাতের আঘাতকে প্রতিহত করতে দেখি সেই মৌধের কোন অংশকে, তখন আনন্দ হয়। আজ মণ্ডল আমাকে সেই আনন্দ দিয়েছে।

দেবু কথটা পরিবর্তন করিবার জন্য বলিল—আপনি একটা গল্প বলবেন বলছিলেন।

—গল্প ? হ্যাঁ বলি শোন—“এক ব্রাহ্মণ ছিলেন, মহাকর্মা, মহাপুণ্যবান। জ্যোতিষর ললাট, সোভাগ্য-লক্ষ্মী স্বয়ং ললাট মধ্যে আশ্রয় নিয়েছিলেন। তাঁর প্রতিটি কর্ম ছিল মহৎ এবং প্রতি কর্মেই ছিল সাফল্য; কারণ যশোলক্ষ্মী আশ্রয় নিয়েছিলেন তাঁর কর্মশক্তিতে। তাঁর কুল ছিল অকলঙ্ক, পত্নী-পুত্র কন্তা-বধূর গোববে অকলঙ্ক কুল উজ্জলতর হয়ে উঠেছিল—কারণ, কুললক্ষ্মী তাঁর কুলকে আশ্রয় করেছিলেন। পাপ অহোরহ দ্বিভ্যাতুর অন্তরে ব্রাহ্মণের বাসভূমির চারিদিকে অস্থির হয়ে ঘুরে বেড়ায়। তার সহ হয় না। বহু চিন্তা করে সে একদিন সঙ্কে করে আনল অলক্ষ্মীকে। বাড়ীর বাইরে থেকে ব্রাহ্মণকে ডাকলে।

ব্রাহ্মণ বললেন—কি চাও বল ?

পাপ বলিল—আমি বড় দুর্ভাগা। দুঃখ-কষ্টের সীমা নাই। আমার সঙ্গিনীটিকে আপনি কিছুদিনের জন্য আশ্রয় দিন—এই আমার প্রার্থনা।

ব্রাহ্মণ বললেন—আমি গৃহস্থ; আশ্রয়প্রার্থী দুঃস্থকে আশ্রয় দেওয়া আমার ধর্ম। বেশ, থাকুন উনি। বধু-কন্তার মতই ময় করব। ইচ্ছা হলে যতদিন দুর্ভাগ্যের শেষ না হয়, ততদিন তুমিও থাকতে পার। এস, তুমি এস।

আহ্বান সত্ত্বেও পাপ কিছু পুরপ্রবেশ করতে সাহস করল না। কারণ ব্রাহ্মণকে আশ্রয় করে রয়েছেন ধর্ম।

যাক অলক্ষ্মীকে আশ্রয় দেওয়ার সঙ্গে সঙ্গে বিপর্যয় ঘটল। ফলবান বৃক্ষগুলির ফল যেন নীরস হয়ে গেল, ফুল গ্লান হল।

রাত্রে ব্রাহ্মণ জপ করছেন—এমন সময় স্তনতে গেলেন এক করুণ কারা। কেউ যেন করুণ স্বরে কঁদছে। বিস্মিত হয়ে জপ শেষ করে উঠতেই তিনি দেখলেন—ভায়রই ললাট থেকে বেরিয়ে এসে এক জ্যোতি, সেই জ্যোতি ক্রমে এক নারীমূর্তি ধারণ করল। তিনিই এতক্ষণ কঁদছিলেন।

ব্রাহ্মণ প্রশ্ন করলেন—কে মা তুমি ?

রমণী-মূর্তি বললে—আমি তোমার সোভাগ্য-লক্ষ্মী। এতদিন তোমার ললাটে আশ্রয় পাচ্ছিলাম, তোমার ছেড়ে যেতে হচ্ছে, তাই কঁদছি।

১। ব্রাহ্মণ কিছুক্ষণ চূপ করে থেকে বললেন—একটা প্রশ্ন করব, মা ? আমার অপরাধ কি হল ?

—তুমি আজ অলঙ্কারকে আশ্রয় দিয়েছ। ওই মেয়েটি অলঙ্কারী। অলঙ্কারী এবং আমি তো একসঙ্গে বাস করতে পারি না।

ব্রাহ্মণ একটা দীর্ঘনিঃশ্বাস ফেললেন। সৌভাগ্য-লঙ্কারীকে প্রণাম করলেন, কিন্তু কোন কথা বললেন না। তিনি চলে গেলেন।

পরদিন সকালে দেখলেন বৃক্ষের ফল খসে গেছে, ফুল শুকিয়ে গেছে। সরোবর হয়েছে ছিন্নময়ী, জল ছিন্নপথে অদৃশ্য হয়েছে। ভূমি হয়েছে শস্তহীনা, গাভী হয়েছে দুগ্ধহীনা। গৃহ হয়েছে শ্রীহীন।

রাত্রে আবার সেই রকম কান্না। আবার দেহ থেকে বেরিয়ে এলেন এক দিব্যাক্স। তিনি বললেন—আমি তোমার যশোলঙ্কারী। অলঙ্কারীকে তুমি আশ্রয় দিয়েছ, ভাগ্যলঙ্কারী তোমাকে পরিত্যাগ করেছেন, হুতরাং আমিও তোমাকে পরিত্যাগ করে যাচ্ছি।

ব্রাহ্মণ নীরবে তাঁকে প্রণাম করলেন। তিনিও চলে গেলেন।

পরদিন তিনি স্তনলেন—লোকে তাঁর অপযশ ঘোষণা করছে—ব্রাহ্মণ লম্পট, ওই যে মেয়েটিকে আশ্রয় দিয়েছে—তার দিকে তার কু-দৃষ্টি পড়েছে। তিনি প্রতিবাদ করলেন না।

সেদিন রাত্রে আর এক নারী-মূর্তি তাঁর দেহ থেকে বেরিয়ে এলেন। তিনি তাঁর কুল-লঙ্কারী। বললেন—অলঙ্কারী এসেছে, ভাগ্যলঙ্কারী চলে গেছেন, যশোলঙ্কারী চলে গেছেন, লোকে তোমার কলঙ্ক রটনা করছে; আমি কুললঙ্কারী, আর কেমন করে থাকি তোমাকে আশ্রয় করে? তিনিও চলে গেলেন।

পরদিন ব্রাহ্মণের দেহ থেকে বেরিয়ে এলেন আর এক মূর্তি। নারী নয়—পুরুষ-মূর্তি। দিব্য ভীমকান্তি, জ্যোতির্ময় পুরুষ।

ব্রাহ্মণ জিজ্ঞাসা করলেন—আপনি কে?

দিব্যকান্তি পুরুষ বললেন—আমি ধর্ম!

—ধর্ম? আপনি আমাকে পরিত্যাগ করেছেন কোন্ অপরাধে?

—অলঙ্কারীকে আশ্রয় দিয়েছ তুমি।

—সে কি আমি অধর্ম করেছি?

ধর্ম চিন্তা করে বললেন—না।

—তবে?

—ভাগ্যলঙ্কারী তোমার ত্যাগ করেছেন।

—আশ্রয়প্রার্থী বিশদ্ব্যক্তিকে আশ্রয় দেওয়া যখন অধর্ম নয়, তখন আমার অধর্মের জন্য তিনি আমার পরিত্যাগ করেন নি। পরিত্যাগ করেছেন অলঙ্কারীর সংস্পর্শ কইতে না পেয়ে।

—হ্যাঁ।

—ভাগ্যলঙ্কারীকে অহুসরণ করেছেন যশোলঙ্কারী, তাঁর পেছনে গেছেন কুললঙ্কারী, আমি প্রতিবাদ করি নি। কারণ ওই তাঁদের পন্থা। একের পিছনে এক আসেন, আবার আবার

গময় একের পিছনে অস্ত্রে যান। কিন্তু আপনি আমাকে পরিত্যাগ করকেন কোন অপরাধে ?

ধর্ম স্তব্ধ হয়ে দাঁড়িয়ে রইলেন।

ব্রাহ্মণ বললেন—আপনাকে আমি যেতে দিতে পারি না ; কারণ আপনাকে অবলম্বন করেই আমি বেঁচে রয়েছি। আপনাকে আমি যেতে না বললে—আপনার যাবার অধিকার নাই। আমিই আপনার অস্তিত্ব।

ধর্ম স্তম্ভিত হয়ে গেলেন, নিজের ভ্রম বুঝলেন। তারপর ব্রাহ্মণকে বললেন—তথ্যস্ব। তোমার জয় হোক।

—বলে তিনি আবার ব্রাহ্মণের দিকে প্রবিষ্ট হলেন।”

জায়রত্নের গল্প বলার ভঙ্গি অতি চমৎকার। প্রথম জীবনে তিনি নিয়মিত ভাগবত কথকতা করিতেন। তাঁহার বর্ণনায়, স্বর-মাধুর্যে, ভঙ্গিতে একটি মোহজালের সৃষ্টি করিয়াছিল। তিনি স্তব্ধ হইলেন।

কিছুক্ষণ পর যতীন বলিল—তারপর ?

—তারপর ? জায়রত্ন হাসিলেন, বলিলেন—

—তারপর সংক্ষিপ্ত কথা। ধর্মের প্রভাবে সেইদিন রাত্রে উঠিল আবার এক ক্রন্দনধ্বনি। ব্রাহ্মণ দেখলেন সেই অলক্ষ্মী মেয়েটি এসে বলছে—আমি যাচ্ছি। আমি চললাম।

ব্রাহ্মণ বললেন—তুমি যেচ্ছায় বিদায় চাও ?

—যেচ্ছায়। যেচ্ছায় যাচ্ছি। সে মিলিয়ে গেল।

সেইদিন রাত্রেই ফিরলেন—ভাগ্যলক্ষ্মী ফিরলেন। তারপর যশোলক্ষ্মী, তারপর কুললক্ষ্মী।

যতীন বলিল—চমৎকার কথা। লক্ষ্মীই দেয় যশ—সেই পবিত্র করে কুল। তাই তাকে নিয়ে এত কাড়াকাড়ি। লক্ষ্মীই সব।

—না, জায়রত্ন বলিলেন—না, ধর্ম। মণ্ডল, সেই ধর্মকে তুমি অবলম্বন করেছ বলেই আজ আশা হচ্ছে। সেই আনন্দেরই আমি ছুটে এসেছি। আচ্ছা, আমি চলি আজ, মণ্ডল।

ঠিক এই সময়ে সংবাদ আসিল—দুর্গাকে সাপে কামড়াইয়াছে। রাখাল-ছোড়াটা বলিল। ভাল আছে। উঠে বসেছে।

দেবু জায়রত্নকে অগীতাইয়া দিতে বাহির হইল। পথে যতীন বিদায় লইয়া আপন দাঁওদার উঠিয়া তত্ত্বপোশের উপর স্তব্ধ হইয়া বসিল।

চব্বিশ

হস্তীনের মনের অবস্থা বিচিত্র। পল্লীগ্রামের কোন নিভৃত কোণে বাস করে ওই বৃদ্ধ—ভার চারিপাশে এই ধ্বংসোন্মুখ পারিপার্শ্বিক—অজ্ঞান-অশিক্ষা-দারিদ্র্য, হীনতার জীর্ণ। কঠিন জীবন-সংগ্রাম এখানে নিপুণ সর্বস্বপের স্রুতিন বেটনীর মত খাসরোধ করিয়া ক্রমশঃ চাপিয়া

ধরিতেছে। ইহাওই মধ্যে কেমন করিয়া প্রশান্ত অবিলম্বিতই সৌম্যদর্শন বৃদ্ধ বৃদ্ধ উদ্বিগ্ন দৃষ্টি মেলিয়া পরমানন্দ বলিয়া আছেন। অসীম জ্ঞানভাণ্ডার লইয়া বলিয়া আছেন লবশাক্ত সমুদ্রতলে মুকুগর্ভ গুপ্তির মত।

এই ক্ষুণ্ণে ইহা এক পরমাস্ত্রের মত মনে হইল।

যেও যেও প্রহরের পর প্রহর অতিক্রম করিয়া রাত্রি ঘন গাঢ় হইয়া আসিতেছিল। দ্বিতীয় প্রহরের শেষাগ, পোঁচা ডাকিয়া গিয়াছে। কোন একটা গাছে বলিয়া একটা পোঁচা এখনও মধ্যে মধ্যে ডাকিতেছে। এ ডাক অস্ত্র বকমের ডাক—প্রহর ঘোষণার ডাকের সহিত কোন মিল নাই। প্রহরের ডাকের মধ্যে স্পষ্ট একটি ঘোষণার স্বর আছে। গাছের কোটরের মধ্যে থাকিয়া অপরিণত কণ্ঠে চাপা শিশুর শব্দের মত করিয়া অবিরাম একঘেয়ে ডাকিয়া চলিয়াছে উহাদের শাবকের দল। বনেজঙ্গলে পথেঘাটে ঘরে, চারিদিকে, আশেপাশে অবিরাম ধনি উঠিতেছে—অসংখ্য কোটি পতঙ্গের সাড়ার। অন্ধকার শূন্যপথে কালো ডানা সশব্দে আফালন করিয়া উড়িয়া চলিয়াছে বাতুরের দল—একটার পর একটা, তারপর একসঙ্গে তিনটা, আবার একটা।

সেদিন বৃষ্টির পর আকাশ এখনও স্বচ্ছ, উজ্জল নীল। তারাগুলি পূর্ণদীপ্তিতে দীপ্যমান। চৈত্র মাসের ঝাভাল ঝির ঝির করিয়া বহিতেছে; সে বাতাসের সর্বাঙ্গ ভরিয়া ফুলের গন্ধের অদৃশ্য অরূপ সম্ভার। শেষ প্রহরে বাতাস হিমের আমেজে ক্রমশঃ ঘন হইতে ঘনতর হইয়া উঠিতেছে।

বৃদ্ধকে একটা কথা জিজ্ঞাসা করিতে ভুল হইয়া গিয়াছে। গল্পটি তাহার বড় ভাল লাগিয়াছে। ঐ বৃদ্ধ এবং ঐ গল্পের মধ্যে সে আজ পল্লীর জীবন মন্ডের আভাস পাইয়াছে। যুগ যুগ ধরিয়া ওই বৃদ্ধেরাই তাহাদের ঐ গল্প শুনাইয়া আসিতেছে। গল্পটি সত্যই ভাল—ভাল শুধু নয়—সত্য বলিয়াই তাহার মনে হইয়াছে। শুধু এক জায়গায় খটকা লাগিয়াছে। অলক্ষীর আগমনে সৌভাগ্য-লক্ষীর অন্তর্ধান—কথাটি মৌলিক সত্য কথা। ভাগ্যলক্ষীর অভাবের কর্মশক্তি পল্লী হয়, যশোলক্ষী চলিয়া যান। লক্ষীহীন হৃতকর্মশক্তি মাহুষের কুলগোত্রব ক্ষয় করে। উচ্চিৎসরের মা চলিয়া গিয়াছে সেটেলমেট ক্যাম্পের পিণ্ডনের সঙ্গে! কিন্তু ধর্ম বলিতে বৃদ্ধ কি বুঝাইতেছেন, ঐ প্রশ্নটা তাহাকে করা হয় নাই। অনেক চিন্তা করিয়াও সে এমন কোন উত্তর খুঁজিয়া বাহির করিতে পারিল না—যাহার সহিত পৃথিবীর সব-উপলব্ধ সত্যের একটি সম্মত হয়। সে স্নান হইয়া শূন্য-মস্তিকে রাত্রির পল্লীর দিকে চাহিয়া রহিল।

প্রগাঢ় দুর্নিবীক্য অন্ধকারের মধ্যে পল্লীটা যেন হারাইয়া গিয়াছে। অল্পমানে নির্দেশ করা যায় সামনেই পথের ওপারে সেই ডোবাটা। সমস্ত রাত্রির মধ্যে সন্ধ্যার সময় ঘাটটিতে একবার কেবোসিন ডিবি দেখা যায়, দু'টি মেয়ে ডিবি হাতে বাসন ধুইয়া লইয়া যায়। ডিবির আলোয় তাহাদের মুখ বেশ স্পষ্ট দেখিতে পার যতীন। ঘাট হইতে উঠিয়াই তাহার বাড়ীতে চুকিয়া কপাট দেয়। পল্লীটার অধিকাংশ ঘরেই সেই সন্ধ্যাতেই খিল পড়ে। শ্রীহরি 'বোম্ব' এক অগন ভক্তার বা তাহার নিজের এখানে ছোটখাটো একটা করিয়া দু'টি বিরোধী মজলিস একেবারে পরেও আগিয়া থাকে। কিন্তু সেই বা কতকর্ম? দশটা বাজিতে না বাজিতে পল্লীটা

নিস্কল হইয়া যায়।

যতীন একবার ভাঙ্গ করিয়া গ্রামখানার দিকে চাহিয়া দেখিল। প্রগাঢ় অন্ধকারে স্মৃষ্ট নিখর পল্লীটার ভঙ্গির মধ্যে নিভাভ অসহায় শিশুর আত্মসমর্পণের ভঙ্গি যেন স্পষ্টদৃষ্ট হইয়া উঠিয়াছে।

সহসা তাহার মনে পড়িয়া গেল—তাহার জন্মস্থান—মহানগরী কলিকাতাকে। কলিকাতাকে সে বড় ভালবাসে। মহানগরী কলিকাতা পৃথিবীর খ্রোষ্ঠ নগরী সমূহের অন্ততম। দিনের আলো, রাত্রির অন্ধকারের প্রভাব সেখানে কতটুকু? দিনেও সেখানে আলো জলে। রাত্রে পথের পাশে-পাশে আলোয় আলোয় আলোময়। বাহুঘের তপস্তার দীপ্তচক্ষুর সম্মুখে রাত্রির অন্ধকার, মহানগরীর দ্বারদেশে অবশ তছুর মত অসহায় দৃষ্টিতে চাহিয়া দাঁড়াইয়া থাকে। মোড়ে মোড়ে বিটের প্রহরী জাগ্রত চক্ষে দাঁড়াইয়া ঘোষণা করে—সে জাগিয়া আছে। গবেষণাগারে বৈজ্ঞানিক তীক্ষ্ণ দৃষ্টিতে চাহিয়া আছে তাহার গবেষণার বস্তুর দিকে। গতিশীল দৃঢ় স্পর্শ করিয়া দাঁড়াইয়া আছে যন্ত্রী; যন্ত্র চলিতেছে—উৎপাদন চলিতেছে অবিরাম। জল আলোড়িত করিয়া জাহাজ চলিয়াছে, পোর্ট কমিশনারের লাইনের উপর ট্রেন চলিয়াছে; সাইজিংয়ে শক্তি হইতেছে। পথে গর্জন করিয়া মোটর চলিয়াছে; মধ্যে মধ্যে রোমাঞ্চকর আবেশ জাগাইয়া ধনিত হইয়া উঠিতেছে অশঙ্করধনি। মহানগরী চলিয়াছেই—চলিয়াছেই—দিনে রাতে, গতির তাহার বিরাম নাই। আসা-যাওয়ায়, ভাঙা-পড়ায়, হাসি-কান্নায় নিত্য তাহার নব নব রূপের অভিনব অভিব্যক্তি। তারও একটা অন্ধকার দিক আছে। কিন্তু সে থাক।

পল্লীর কিন্তু সেই একই রূপ। অদ্ভুত পল্লীগ্রাম। বিশেষ এদেশের পল্লীগ্রাম। সমাজগঠনের আদিকাল হইতে ঠিক একই স্থানে অনন্ত-পরমায়ু পুরুষের মত বসিয়া আছে। ইণ্ডিয়ান ইকনমিক্স-এর একটা কথা তাহার মনে পড়িয়া গেল, Sir Charles Metcalfe বলিয়া গিয়াছেন—

“They seem to last where nothing else lasts’...অদ্ভুত! *Dynasty after dynasty tumbles down, revolution succeeds revolution! Hindu, Pathan, Mogul, Mahratta, Sikh, English are masters in turn, but the village community remains the same.*”

সে কি কোনদিন নড়িবে না? বিংশ শতাব্দীর পৃথিবীতে বিরাট পরিবর্তন শুরু হইয়াছে। সর্বত্র নববিধানের সাড়া উঠিয়াছে। এ দেশের পল্লীতে কি জীর্ণ স্থবির পুরাতনের পরিবর্তন হইবে না!

বিপ্লবী তরুণ, তাহার কল্পনার চোখে অনাগত কালের নূতনত্বের স্বপ্ন। সে একটীক দীর্ঘনিশ্বাস ফেলিল। বুক বলিয়া গেলেন—প্রকাণ্ড সৌধ বটবৃক্ষের শিকড়ের চালে কাটিয়া গিয়াছে!

সে সেই ভাঙনের মুখে আঘাত করিতে বর্ধপরিকর। সেই ধর্ম সে যেখানে ক্ষুদ্রতম বস্তু দেখে, সেইখানেই সে বস্তুকে উৎসাহিত করিয়া তোলে!

বাড়ীর ভিতর হইতে দরজার আঘাতের শব্দ হইল।

যতীন জিজ্ঞাসা করিল—মা-মনি ?

—হ্যাঁ। পদ্ম ভিন্নস্বর করিয়া বলিল—তুমি কি আজ শোবে না ? অস্থখ-বিস্থ একটা না করে ছাড়বে না দেখছি।

—যাচ্ছি। যতীন হাসিল।

—যাচ্ছি নয়, এখুনি শোবে এস। আমি বয়স বাতাস করে ঘুম পাড়িয়ে দি। এস! এস বলছি।

—তুমি গিয়ে শোও। আমি এক্ষুনি শোব।

—না! তুমি এক্ষুনি এস। এস। মাথা খুঁড়ব বলে দিচ্ছি।

যতীন ঘরের ভিতর না গিয়া পারিল না। কিন্তু তাহাতেও নিষ্কৃতি নাই, পদ্ম বলিল—এদিকের দরজা খুলে দাও। বাতাস করি।

—দরকার নেই।

—না, দরকার আছে।

যতীন দরজা খুলিয়া দিল। পদ্ম যতীনের শিয়রে পাখা লইয়া বলিল। বলিল—একজন বেরিয়েছে ছগ্গাকে সাপে কামড়েছে বলে—এখনও ফিরল না। তুমি—

—অনিরুদ্ধবাবু এখনও ফেরেন নাই ?

—না। দাঁড়াও; ছগ্গা মরুক আগে তারপর কিরবে চোখের জলে ভাসতে ভাসতে। ছুনিয়ায় এত লোকে মরে—ওই হারামজাদী মরে না!

যতীন শিহরিয়া উঠিল। পদ্মের কণ্ঠস্বরে ভাবায় সে কী কঠিন আক্রোশ! দীর্ঘনিশ্বাস কেলিয়া সে চোখ বন্ধ করিল। কিছুক্ষণ পরই তাহার কানে একটা দূরগত বিপুল শব্দ যেন জাগিয়া উঠিল। দ্রুততম গতিতে শব্দটা আগাইয়া আসিতেছে। ঘরে-দুয়ারে একটা কম্পন জাগিয়া উঠিতেছে। সে উঠিয়া বলিয়া বলিল—ভূমিকম্প!

হাসিয়া পদ্ম বলিল—কি ছেলে মা! যেন দেয়াল করছে! ও ভূমিকম্প নয়, ডাকগাড়ী যাচ্ছে। শোও দেখি এখন।

—ডাকগাড়ী? মেল ট্রেন?

—হ্যাঁ, দুনোও।

নেই মুহূর্তেই তীব্র হইসিলের শব্দ করিয়া ট্রেন উঠিল মনুস্বাকীর পুলে,—অস্বকম শব্দে চারিদিক পরিপূর্ণ হইয়া গেল। ঘর-দুয়ার খর-খর করিয়া কাঁপিতেছে। জংশন-স্টেশনে আলো জ্বলিতেছে। সেখানকার কলে রাজ্যেও কাজ চলে। মনুস্বাকীর ওপারেই জংশন। যতীন অকস্মাৎ যেন আশার আলোক দেখিতে পাইল। পদ্মী কাঁপিতেছে।

কিছুক্ষণ পরে পাখা রাখিয়া পদ্ম সতর্কপণে ঘর হইতে বাহির হইয়া গেল।

যাক, সুমাইয়াছে। উপরে মশারী ভাল করিয়া ঝুঁজিয়া দিয়া আসা হয় নাই, উকিঙেটাকে হয়তো মশায় ছিড়িয়া কেলিল।

যতীনের ঘর হইতে বাহির হইয়া সে আশ্চর্য হইয়া গেল। উপর হইতে কখন নামিয়া আসিয়াছে উচ্চিৎড়ে। আপন মনেই এই ভিন প্রহর রায়ে উঠানে বসিয়া একা-একাই কড়ি খেলিতেছে।

শেষরায়ে বুঝাইয়া যতীনের ঘর ভাঙিতে দেরি হইয়াছিল। তাহাকে তুলিল পদ্ম।—ওঠ ছেলে! ওঠ!

উঠিয়া বসিয়া যতীন বলিল—অনেক বেলা হয়ে গেছে, না?

—ওদিকে যে সর্বনাশ হয়ে গেল।

—সর্বনাশ হয়ে গেল?

—ছিক পাল লেঠেল নিয়ে এসে গাছ কাটছে। সব ছুটে গেল, দাঙ্গা হবে হয়তো।

—কে ছুটে গেল, অনিরুদ্ধবাবু?

—সব—সব। পণ্ডিত, জগন ভক্তার, ঘোষাল—বিস্তর লোক।

যতীন খুশী হইয়া উঠিল। বলিল—বেশ কড়া করে চা কর দেখি ম্যা-মনি।

—তুমি কিন্তু নাচতে নাচতে যেয়ো না যেন।

—তবে আমায় ডাকলে কেন?

পদ্ম কিছুক্ষণ চুপ করিয়া থাকিয়া বলিল—জানি না—

সতাই সে খুঁজিয়া পাইল না কেন সে যতীনকে ডাকিল!

—মুখ হাত ধোও। আমি চা করছি।

—উচ্চিৎড়ে কই?

—সে ‘বানের আগে কুটো’—সে ছুটে গিয়েছে দেখতে।

গত কল্যাকার অপমানের শোধ লইয়াছে শ্রীহরি। বাউড়ী-বায়েনের কাছে মাথা হেঁট হইয়াছে। শুধু অপমান নয়—তাহার মতে, এটা গ্রামের শৃঙ্খলা ভাঙিবার একটা অপচেষ্টা। তাহার উপর দুর্গা তাহাদিগকে যেভাবে ঠকাইল সে-সত্যটা ঘণ্টা দুয়েক পরেই মনে মনে বুঝিয়া ও জানিতে পারিয়া সে ক্ষিপ্ত হইয়া উঠিয়াছিল। এবং যাহারা ইহার সঙ্গে জড়াইয়া আছে তাহাদের শাস্তি দিবার ব্যবস্থা সে কাল সেই গভীর রায়েই করিয়া রাখিয়াছে।

কালু শেখ মায়কং লাঠিয়ালের ব্যবস্থা করিয়া আজ সকালে সে জমিদারের গোমস্তা হিসাবে দেব, জগন, হরেন ও অনিরুদ্ধের গাছ কাটিবার ব্যবস্থা করিয়াছে। গাছগুলি জমিদারের পতিত ভূমির উপর আছে। পূর্বকালে চাষী প্রজারা এমনই ভাবে গাছ লাগাইত, ভোগ-মঞ্চ করিত, জমিদার আপত্তি করিত না। প্রয়োজন হইলে, প্রজাকে দুইটা মিষ্ট কথা বলিয়া জমিদার ফলও পাড়িত, ভালও কাটিত। কিন্তু এমনভাবে সমূলে উচ্ছেদ কখনও করিত না। করিলে বহু পূর্বকালে—একশো বছর পূর্বে জমিদার-প্রজার দাঙ্গা বাধিত। পকাশ বৎসর পরে সে-দুগ্ধ পাণ্টাইয়াছিল। তখন প্রজা জমিদারের হাতে-পায়ে ধরিত, ঘরে বসিয়া গাছের সম্ভার কামিত। অকস্মৎ আজ দেখা গেল, আবার তাহারা ছুটিয়া বাহির হইতেছে।

যতীন ব্যক্ত হইয়া উঠিতেছিল—সংবাদের অন্ত। শেষ বর্ষক খুনখারাপি হইয়া গেল যে একটা অভ্যস্ত গোচরীয় ব্যাপার হইবে। উদ্ভিগ্ধভাবে সে ভাবিতেছিল—তাহার যাওয়া কি উচিত হইবে? তাহাকে এই ব্যাপারে কোনমতে জড়াইতে পারিলে—সমগ্র ঘটনায়ই বড় পাণ্ডাইয়া যাইবে।

পদ্ম-ইহানই মধ্যে ডিনবার উকি মারিয়া দেখিয়া গিয়াছে—সে ঘরে আছে কিনা।

যতীন শেষবারে বলিল—আমি যাই নি মা-মনি। আছি।

—তোমাকে বিশ্বাস নাই। সাংঘাতিক ছেলে তুমি।

যতীন হাসিল।

—হেনো না তুমি, হ্যাঁ। কথা বলিতে বলিতে পদ্ম পথের দিকে চাহিয়া বলিল—ওই! ওই লাও, নেলো আসছে। দাঁও পয়সা দাঁও।

সেই চিত্রকর ছেলেটি—বৈরাগীদের নেলো আসিতেছে। পয়সার প্রয়োজন হইলেই নেলো আসে। অগ্ধায়া সে আসে না। নিঃশব্দে আসে—চুপ করিয়া বসিয়া থাকে, প্রশ্ন না থাকিলে প্রয়োজন ব্যক্ত করিতে পারে না; কিন্তু উঠিয়া যায় না; বসিয়াই থাকে। প্রশ্ন করিলে সংক্ষেপে বলে—পয়সা। দাবিও বেশী নয়, চার পয়সা হইতে চার আনার মধ্যেই শীমাবদ্ধ। আজ কিন্তু নেলো একটু উত্তেজিত, মুখের গৌরবর্ণ রং রক্তাভ হইয়া উঠিয়াছে, চোখের তারা দুটি অস্থির; সে আসিয়া আজ বসিল না, দাঁড়াইয়া রহিল।

—কি নলিন? পয়সা চাই?

—পণ্ডিতের মাথা কেটে গিয়েছে।

—কার? দেবুবার?

—হ্যাঁ। আর কালীপুরের চৌধুরী মশায়ের।

—খীরকা চৌধুরী মশায়ের?

—হ্যাঁ। পণ্ডিতের আমগাছ কাটছিল, পণ্ডিত একেবারে কুড়ুলের সামনে গিয়ে দাঁড়াল।

—ভাবপূর?

—লেঠেলদের সঙ্গে পণ্ডিতের ঠেলাঠেলি লেগে গেল। চৌধুরী মশায় গেল ছাড়াতে। তা লেঠেলরা দু-জনকেই ঠেলে ফেলে দিল।

—কেলে দিলে?

—হ্যাঁ। গাছ কাটছিল, সেই কাটা শেকড়ে লেগে দু-জনকারই মাথা কেটে গেল।

—ভাবপূর?

—খুব রক্ত পড়ছে। ধরাধরি করে ধরে নিয়ে আসছে।

—অজ্ঞ দোকেরা কি করছিল?

—সব দাঁড়িয়েছিল, কেউ এগোয় নাই। কর্মকার কেবল একজন লেঠেলকে এক লাঠি মেরে পালিয়েছে।

—জগন ডাক্তার কোথায় ?

—সে জংশনে গিয়েছে—পুলিসের কাছে ।

যতীন ঘরে ঢুকিয়া লিখিতে বসিল ; টেলিগ্রাম । একথানা ডিষ্ট্রিক্ট ম্যাজিস্ট্রেটের কাছে—একথানা এস-ডি-ওর কাছে । আর একথানা চিঠি—এ জেলার জেলা-কংগ্রেস কমিটির কাছে । চিঠিখানা গোপনে পাঠাইতে হইবে ।

টেলিগ্রাম করিতে ডাক্তারকে পাঠাইতে হইবে । কিন্তু এ পত্রখানা জগনের হাতে দেওয়া হইবে না । দেবু ভাল থাকিলেই তাহাকে সদরে পাঠানো সব চেয়ে যুক্তিযুক্ত হইত । সে একটু ভাবিয়া নেলোকে ডাকিয়া বলিল—একটা কাজ করতে পারবে ?

নলিন ঘাড় নাড়িয়া সায় দিল—হ্যাঁ ।

—একথানা চিঠি জংশনের ডাকঘরে ফেলতে হবে । একটা চার পয়সার টিকিট কিনে বসিয়ে দেবে । কেমন ?

নলিন আবার সেই ঘাড় নাড়িয়া সায় দিল ।

—কাউকে দেখিয়ে না যেন ।

নলিনের আবার সেই নীরব স্বীকৃতি ।

—এই চার পয়সার টিকিট কিনবে । আর এই চার পয়সায় তুমি জল খাবে ।

নলিন চিঠিখানি কোমরে রাখিয়া—তাহার উপর সমস্তে ভাঁজ করিয়া কাপড় বাধিয়া ফেলিল । আনি দুইটি বাধিল খুঁটে । তারপর ঘাড় হেঁট করিয়া যথাসাধ্য দ্রুতগতিতে চলিয়া গেল ।

সমস্ত গ্রামখানা চঞ্চল হইয়া উঠিল ।

জগন ডাক্তারের ডাক্তারখানায় দেবু ও চৌধুরীকে আনা হইয়াছিল ; দেবু নিজে হাটিয়াই আসিয়াছে । তাহার আঘাত তেমন বেশী নহে, তাছাড়া তাহার জোয়ান বয়স—উত্তেজনাও যথেষ্ট হইয়াছিল, রক্তপাত বেশ খানিকটা হইলেও সে ভীত বা অবসন্ন হয় নাই । কিন্তু বৃদ্ধ চৌধুরী কাতর হইয়া পড়িয়াছে, আঘাতও তাহারই বেশী । প্রথমে চৌধুরী সংজ্ঞাহীন হইয়া পড়িয়াছিল ; চেতনা হইলেও ধরাধরি করিয়া বহিয়া আনিতে হইয়াছে । চৌধুরী চোখ বুজিয়া শুইয়াই আছে । দেবু নীরবে বসিয়া আছে দেওয়ালে ঠেস দিয়া । ধূইয়া দেওয়ার পর রক্তাভ জলের ধারা কপাল বাহিয়া এখনও ঝরিতেছে । প্রায় সমস্ত গ্রামের লোকই জগনের ডাক্তারখানার সম্মুখে ভিড় করিয়া দাঁড়াইয়াছে ।

টিকার আয়োডিন, তুলা, গরম জল—ব্যাণ্ডেজ লইয়া জগন ব্যস্ত । হরেন তাহাকে সাহায্য করিতেছে । মাঝে মাঝে হাঁকিতেছে—হট যাও ! ভিড় ছাড়া ।

রাঙাদিমি একটা গাছতলায় বসিয়া কাঁদিতেছে । দুর্গা দাঁতে দাঁত টিপিয়া নিশ্বাস নেয়ে দাঁড়াইয়া আছে । এমন সময় ডাক্তারখানায় যতীন আসিয়া উঠিল ।

জগন বলিল—গাছ সব আটকে দিয়েছি—পুলিস এসে নোটিশ জারি করে দিয়েছে ।

কোন পক্ষই গাছের কাছে যেতে পাবে না। আমি বারণ করে গেলাম, আমি ফিরে না আসা পর্যন্ত কিছু করো না। কাটুক গাছ। ফিরে এসে দেখি—দেবু এই কাণ্ড করে বসে আছে। অনিরুদ্ধ একজনের পিঠে এক লাঠি কবে পালিয়েছে।

শিড়ের ভিতর হইতে অনিরুদ্ধ আগাইয়া আসিয়া বলিল—অনিরুদ্ধ ঠিক আছে! সে মেয়ে নয়—মরদ। অনিরুদ্ধের হাতে তাহার টাঙি। সে বলিল—টাঙিটা তখন যে হাতের কাছে পেলাম না! নইলে হয়েই যেত এক কাণ্ড!

যতীন বলিল—সে-সব পরে যা হয় করবেন—এখন এঁদের তাড়াতাড়ি ব্যাণ্ডেজ করে ফেলুন।

বৃদ্ধ দ্বারকা চৌধুরী এতক্ষণে চোখ মেলিয়া মুহূ হাশ্বের সহিত হাত জোড় করিয়া বলিল—প্রণাম।

যতীন প্রতি-নমস্কার করিল—নমস্কার। কেমন বোধ করছেন?

—ভাল। মুহূ হাসিয়া বৃদ্ধ আবার বলিল—মনে করলাম মাঝে পড়ে মিটিয়ে দোব। দেবু গিয়ে কুড়ুলের সামনে দাঁড়াল। থাকতে পারলাম না চুপ করে।

সকলে চুপ করিয়া রহিল। এ-কথার কোন উত্তর দিবার ছিল না।

বৃদ্ধ বলিল—পণ্ডিত নমস্কার ব্যক্তি। শুধু পণ্ডিতই নয়, বীরপুরুষ। বয়স হলেও চশমা আমার এখনও লাগে না, দেবতা। কুড়ুলের সামনে পণ্ডিত যখন গিয়ে দাঁড়াল—তখনকার সে মূর্তি পণ্ডিত নিজেও বোধ হয় কখনও আয়নায়ে দেখে নাই। বীরপুরুষ!

জগন বলিল—গুগুলো হল গোঁয়াতুঁমি। কি ফল হল? রাগ করো না ভাই দেবু।

হাসিয়া বৃদ্ধ বলিল—সবার গাছই কেটেছে। গাছ এখনও দেবুরই দাঁড়িয়ে আছে, ভক্তার।

জগন হরেন ঘোষালকে একটা প্রচণ্ড ধমক দিয়ে উঠিল—কোন্ দিকে চেরে কাজ করছ ঘোষাল?

হরেন চমকিয়া উঠিল।

দেবু হাসিল। ভক্তার বৃদ্ধের উপর চট্টাচ্ছে। ঝালটা পড়িল হরেনের উপর।

*

*

*

পুলিসের একটা তদন্ত হইল।

শ্রীহরি কোন কথাই অস্বীকার করিল না। শ্রীহরির পক্ষে কথাবার্তা যাহা বলিবার বলিল—দাশজী। দাশজী এখন জমিদারের সদর-কর্মচারী, এখানকার ভূতপূর্ব গোমস্তা। অভিজ্ঞ, হুচতুর, বিপ্লববুদ্ধিসম্পন্ন ব্যক্তি। প্রজাস্বয় আইনে, কোজদারি আইনে—সে সাধারণ উকীল-মোক্তার অপেক্ষাও বিজ্ঞ। শ্রীহরি সংবাদ পাইয়া তাহাকে আনিয়াছে। ব্যাপারটা এখন আর গ্রামের লোক এবং ব্যক্তিগতভাবে শ্রীহরির মধ্যে আবদ্ধ নয়। জমিদারের গোমস্তা হিসাবে সে ব্যাপারটা করিয়াছে, হুতরাং দারিদ্র জমিদারের উপরও পড়িয়াছে।

জমিদার বরলে নবীন। একালের বাংলাদেশের জমিদারের ছেলে। ইংরাজী লেখা-

পড়া জানে, জমিদারি খুব পছন্দ করে না। বারকয়েক ব্যবসা করিবার চেষ্টা করিয়া লোকসান দিয়া অগত্যা জমিদারিকেই আঁকড়াইয়া ধরিয়া বলিয়া আছে। জমিদারির মধ্যে আইন অচ্যুত চলিবার প্রথা প্রবর্তনের চেষ্টা তাহার আছে, সেকালের জমিদারের মত জোর-জবরদস্তির ধারা সে মোটেই পছন্দ করে না। সেকালের জমিদারের মত ব্যক্তিত্বও তাহার নাই। কাজেই তাহার সাধু চেষ্টা ফলবতীও হয় নাই। কলিকাতা ঘাইবার টাকার অভাব ষটিলেই নান্নেব-গোমস্তার মতে মত দিতে বাধ্য হয়। কলিকাতায় সিনেমা দেখে, থিয়েটার দেখে, একটু-আধটু মদও খায়, রাজনৈতিক সভা-সমিতিতে দর্শক হিসাবে যায়। ইউনিয়ন বোর্ডের মেম্বর; লোকাল বোর্ডে দাঁড়াইয়া এবার পরাজিত হইয়াছে। আগামী বারে কংগ্রেস-নমিনেশন পাইবার জগ্জ এখন হইতেই চেষ্টা করিতেছে। এবার অর্থাৎ উনিশশো আটশ সালে কলিকাতায় যে কংগ্রেস অধিবেশন হইবে—তাহার ডেলিগেট হইবার চেষ্টাও সে এখন হইতেই করিতেছে।

জমিদার কিন্তু এই সংবাদটা শুনিয়া পছন্দ করে নাই; বলিয়াছিল—এমন জুকুম যখন আমরা দিই নি, তখন আমাদের দায়িত্ব অস্বীকার কববেন! শ্রীহরি নিজে বুলুক।

দাশজী হাসিয়া বলিয়াছিল--শ্রীহরির মত গোমস্তা পাচ্ছেন কোথায়? সেটা ভাবুন! গ্রামের লোকের সঙ্গে তার ঝগড়া হয়েছে। সে গোমস্তা হিসেবে কাজটা অগ্গায়ই করেছে। কিন্তু সে-লোকটা আদায় হোক-না-হোক মহলের প্রাপ্য পাই-পয়সা চুকিয়ে দিয়ে যাচ্ছে। তাছাড়া, এই এক বছর হাওনোটোও সে টাকা দিয়েছে—হাজার দুয়েক। তারপর সেটেলমেণ্টের খরচা আদায়ের সময় আসছে। এক শিবকালীপুরেই আপনার লাগবে হাজার টাকার ওপর। তাছাড়া অন্য মহলেরও মোটা টাকা আছে। এসময় ওকে যদি ছাড়িয়ে দেন—তবে কি সেটা ভাল হবে?

জমিদারটি মিটিয়ে দু'দশ কথা বলিতে পারে, সমকক্ষ স্বজনবন্ধুর মধ্যে বেশ স্পষ্টবক্তা বলিয়া খ্যাতি আছে; কিন্তু এই দাশজীটি যখন এমনই ধারায় চিবাইয়া চিবাইয়া কথা কয়, তখন জলময় ব্যক্তির মত ইপাইয়া উঠিয়া অসহায় ভাবে দুই হাত বাড়াইয়া সে আত্মসমর্পণ করে।

দাশজী বলিল—আচ্ছা, এক কাজ করুন না কেন? শিবকালীপুর শ্রীহরিকে পত্তনি দিয়ে দেন না?

—পত্তনি!

—হ্যাঁ, ধরুন শ্রীহরি পাবে দু-হাজারের উপর। তা ছাড়া—আবার এই সেটেলমেণ্টের খরচা লাগবে আর শ্রীহরিকে গোমস্তা রাখতে গেলে—এমনি বিরোধ হবেই। শ্রীহরি নেবেও গরজ করে।

—ও পত্তনি-টত্তনি নয়। যদি কিনে নিতে চায় তো দেখুন।

সম্পত্তি হস্তান্তরে জমিদারের আপত্তি নাই। সে নিজেই বলে—জমিদারি নয়, ও হল জমাদারি।

তদন্তে দাশজী সবিনয়ে সব স্বীকার করিল। আজ্ঞে হ্যা, গাছ কাটতে আমরা জমিদার তরফ থেকে হুকুম দিয়েছি। শ্রীহরি ঘোষ আমাদের গোমস্তা হিসাবেই গাছ কাটাতে লোক নিযুক্ত কবেছিলেন। বৈশাখ মাসে গাছ আমবা হিন্দুবা কাটি না, কাজেই চৈত্র মাসে কাটবার ব্যবস্থা। এই সময়েই আমাদের সমস্ত বছরের কাঠ কেটে রাখা হয়।

জগন বলিল—কাটুন না! নিজের গাছ কাটুন, জমিদার কেন—

বাধা দিয়া দাশজী বলিল—নিজের গাছই তো। ওসব গাছই তো জমিদারের।

—জমিদারের?

—আপনারাই বলুন জমিদারের কি না?

—না। আমাদের গাছ।

—আপনাদের? ভাল, কখনও আপনারা গাছেব ভাল বেড়েছেন?

—ভাল কাটিনি। কিন্তু আমরাই চিবকাল দখল কবে আসছি।

—হ্যা, আপনারাই ফল ভোগ করেন। কিন্তু সে তো জমিদারের তালগাছের তাল কাটেন—পাতা কাটেন আপনাবা, শিমুল গাছের ‘পাবড়া’ পাড়েন আপনারা। সরকারী পুকুরে লোকে পলুই চেপে মাছ ধরে। পুকুর পৰ্যন্ত গ্রামের লোকে একটা ভাগ করে রেখেছে, এ পুকুরের মাছ ধরবে—রাম, শ্যাম, যদু, ও পুকুরে ধরবে—ঝালি, কানাই, হরি, অগ্র পুকুরে ধরবে—ভবেশ, দেবেশ, যোগেশ! এখন, এই তালগাছ—এই পুকুর, এসবেই কি আপনাদের মালিকানি?

দেবু এতক্ষণে বলিল—ভাল কথা, দাশ মশায়। কিন্তু এসব গাছ যদি আপনাদের, তবে আপনারা এত লাঠিয়াল পাঠিয়েছিলেন কেন? জ্বর দখল দরকার হয় কোথায়? যেখানে দখল নাই সেইখানে—কিন্তু যেখানে বে-দখলের সম্ভাবনা আছে সেইখানে। মানে সেখানেও দখল সন্দেহজনক।

দাশ হাসিয়া বলিল—না। না। লাঠিয়াল আমরা পাঠাই নি। আমরা পাঠিয়েছিলাম পাইক। লাঠি তাদের হাতে থাকে। ওদের দু’ছোটের সামিল ওটা। এখন ধকন, যার যেমন বিয়ে, তার তেমন বাড়ি। আপনাব আমার বাড়ীতে বিয়ে হয়, একটা ঢোল বাজে একটা কাঁসী বাজে। তার সঙ্গে বড় জোর সানাই। জমিদার বাড়ীর বিয়েতে বাজনা হয় হরেক রকমের। জমিদার-তরফ থেকে গাছ কাটতে এসেছে—পাঁচ-সাতটা গাছ কাটবে, মজুর আছে ত্রিশ-পঁয়ত্রিশ জন—তার সঙ্গে আট-দশটা পাইক এসেছে—কি এমন বেশী এসেছে? আপনারা এমন বে-আইনী দাঙ্গা করবেন জানলে—আমরা অন্তত পঞ্চাশ জন লাঠিয়াল পাঠাতাম। তার আগে অবশ্য শাস্তিভঙ্গের আশঙ্কা জানিয়ে খবর দিয়ে রাখতাম। তা ছাড়া আইন তো আপনি বেশ জানেন গো দেবুবাবু; গাছ কার বলুন না আপনি!

আজ এ তদন্তের তার পাইয়াছিল এখানকার থানার দারোগাবাবু। দারোগাবাবু লোকটি ভাল। ক্ষমতার অপব্যবহার করে না, ব্যবহারও ভদ্র। দারোগা বলিল—যাই বলুন, দাশজী, কাজটি ভাল হয় নি। মাহুষের মনে আঘাত দিতে নেই। যাক—আমাদের এতে করবার

কিছু নাই। স্বস্তির মামলার বিষয়। আমরা নোটিশ দিয়েছি—মুখেও উভয় পক্ষকে বারণ করছি—আদালতে মীমাংসা না হওয়া পর্যন্ত কেউ গাছের কাছ দিয়ে যাবেন না। গেলে ফৌজদারী হলে—আমরা তখন চালান দেব। পুলিশ বাদী হয়ে মামলা করবে।

তারপর উঠবার সময় দারোগা আবার বলিল—প্রজাস্বত্ত্ব আইনের সংশোধন হচ্ছে জানেন তো, দাশজী?

—আজ্ঞে জানি বৈকি। দাশজী হাসিল। তারপর বলিল—হলে আমরা বাঁচি, দারোগা-বাবু, আমরা বাঁচি।

দারোগাবাবুকে বিদায় করিয়া শ্রীহরি দাশজীকে লইয়া আপনার বৈঠকখানায় উঠিল। ইতিমধ্যে শ্রীহরি একটা নতুন বৈঠকখানা করিয়াছে। খড়ের ঘর হইলেও পাকা সিঁড়ি পাকা বারান্দা পাকা মেঝে।

দাশ তারিক করিয়া বলিল—বা—বা—বা! এ যে পাকা আসর করে ফেললে, ঘোষ। কিন্তু আমাদের নীলকণ্ঠের গান জানো তো?—যদি করবে পাকা বাড়ী—আগে কর জমিদারি!

শ্রীহরি তক্তপোশের উপরের সতরঞ্চিটা ঝারিয়া দিয়া বলিল—বহ্নন।

বসিয়া দাশজী বলিল—জমিদারি কিনবে ঘোষ?

—জমিদারি? শ্রীহরি চমকিয়া উঠিল। জমিদারির কল্পনা সে স্পষ্টভাবে কখনও করে নাই।

সে প্রশ্ন করিল—কোন মৌজা? কাছে-পিঠে বটে তো?

—খোদ শিবকালীপুর। কিনবে?

শ্রীহরি বিচিত্র সন্দিগ্ধ দৃষ্টিতে দাশজীর দিকে চাহিয়া রহিল। শিবকালীপুরের জমিদারি? গ্রামের প্রতিটি লোক তাহার প্রজা হইবে? ঘোষ হইবে সকলের মনিব, বাবু মহাশয়, হুজুর! চকিতে তাহার অধীর মন নানা কল্পনায় চঞ্চল হইয়া উঠিল। গ্রামে সে হাট বসাইবে। স্নানের মজা দীঘিটা কাটাইয়া দিবে। চণ্ডীমণ্ডপে পাকা দেউল তুলিবে, আটচালা ভাঙিয়া নাটমন্দির গড়িবে। এল-পি পাঠশালার বদলে এম-ই স্কুল করিবে; নাম হইবে ‘শ্রীহরি এম-ই স্কুল’। ইউনিয়ন বোর্ড হইতে লোকাল বোর্ডে দাঁড়াইবে।

দাশজী বলিল—কিনে ফেল ঘোষ। তোমার পয়সা আছে। জমিদারি হল অক্ষয় সম্পত্তি। তা ছাড়া—এই গাঁয়ের যারা তোমার শত্রু—একদিন তোমার পায়ে গড়িয়ে পড়বে। সেটেলমেন্ট ফাইনাল পাবলিকেশনের আগেই কেনো। দরখাস্ত করে নাম সংশোধন করিয়ে নাও। ফাইনাল পাবলিকেশনের পর পাঁচধারার কোট পাবে। টাকায় চার আনা বৃদ্ধি তো হবেই। আট আনার নজর হাইকোর্ট থেকে নিয়ে রেখেছি। শোন, আমি স্ত্রীবিধা দরে করে দেব। ঠ্যা, দরজাটা বন্ধ করে দাও দেখি।

শ্রীহরি দরজা বন্ধ করিয়া দিল।

দীর্ঘকাল পরামর্শ করিয়া হাসিতে হাসিতেই দুজনে বাহির হইল। দাশজী বলিল—ও

নোটশ তোমার বাজে, একদম বাজে নোটশ দিয়েছে। তুমি যদি যাও—তার কলে শান্তি-ভঙ্গ ঘটে—তবে হেনো হবে তেনো হবে, এই তো ?

তারপর মুখের কাছে মুখ আনিয়া ভঙ্গি করিয়া নাড়িতে নাড়িতে বলিল—কিন্তু শান্তিভঙ্গ যদি না হয় তা হলে ?—দাশজী ঠোট টিপিয়া হাসিতে আরম্ভ করিল।

শ্রীহরি বলিল—তবে আমি নিশ্চিন্ত হয়ে করতে পারি ?

—নিশ্চয় ; তবে সাবধান, কেউ যেন জানতে না পারে। কোন হাঙ্গামা যেন না হয়।

—আর গাজনের কি করব ?

—যা হয় কর।

—চণ্ডীমণ্ডপ তাহলে যেমন আছে তেমনি থাক।

—ওই কাজটি করো না ঘোষ। আমি বারণ করছি। চণ্ডীমণ্ডপের সেবাইত জমিদার বটে, কিন্তু অধিকার গাঁয়ের লোকের। পাকা নাটমন্দির, দেবমন্দির নিজের বাড়ীতে কর। সম্পত্তি থাকতেও আছে—যেতেও আছে। যদি কোনদিন সম্পত্তি চলেও যায়—তখন আর কোন অধিকার থাকবে না তোমার।

দাশজী শ্রীহরিকে চণ্ডীমণ্ডপের উপর টাকা খরচ করিতে নিষেধ করিতেছে। যে দিনকাল পড়িয়াছে ! সাধারণের জিনিসে নিজের টাকা খরচ করা মূর্থতা মাত্র।

*

*

*

পরদিন প্রাতঃকালেই গ্রামে আর একটা হৈ-চৈ উঠিল।

দেবু ঘোষের আধ-কাটা আমগাছটা গতরাত্রেই কাটিয়া কেহ তুলিয়া লইয়াছে। কেহ আর কে ? শ্রীহরি লইয়াছে। শান্তিভঙ্গ হয় নাই, স্তত্রাং আইনভঙ্গও সে করে নাই ! সস্তকাটা গাছটার শিকড়ের উপর আঙ্গুল চারেক কাণ্ডটা কেবল জাগিয়া আছে। কাটা গাছটার অবশিষ্ট কোথাও বিশেষ পড়িয়া নাই। কেবল কতকগুলো বরা কাঁচা পাতা, কতকগুলো কাঁচা আম, আঙ্গুলের মত সরু দুই-চারটা ডাল, শিকড়-কাটা কতক কুচা পড়িয়া আছে। জমিটার জলসিক্ত নরম মাটিতে গাড়ীর চাকার দাগে, গরুর স্কুরের চিহ্নে, সাক্ষাতিক ভাবায় লিখিত রহিয়াছে গত রাত্রের কাহিনী।

ঘোষাল আশ্ফালন করিয়া বেড়াইতেছিল—রেগুলার থেক্ট কেস ! হি ইজ এ থীফ ! হি ইজ এ থীফ ! হাওকাক দিয়ে চালান দেবো।

দেবু বারণ করিল—না। ওসব বল না, ঘোষাল।

জগন বলিল—দুপুরের টেনেই চল মামলা রুজু করে আসি।

তাহাতেও দেবু বলিল—না। ...

ধীর পদক্ষেপে দেবু আসিয়া বলিল যতীনের কাছে।

যতীন বলিল—শুনলাম গাছটা রাতারাতি কেটে নিয়েছে।

দেবু একটু স্নানহাসি হাসিল। জগন বলিল—মামলা করতে বলছি, দেবু রাজী হচ্ছে না।

—কি হবে মামলা করে ? গাছ আইন অনুসারে জমিদারের। মিছে টাকা খরচ করে

কি লাভ ?

—এরই মধ্যে যে অবসন্ন হয়ে পড়লেন দেবুবাবু ?

—হ্যাঁ। অবসন্ন হয়েছি যতীনবাবু। আর পারছি না।

—দাঁড়ান, একটু চা করি—উচ্চিংড়ে ? উচ্চিংড়ে ?

একা উচ্চিংড়ে নয়, সঙ্গে আরও একটা বাচ্চা আসিয়া হাজির হইল।

—চা করতে বল মা-মণিকে।

হরেন বলিল—এটা আবার কোথেকে এসে জুটল ? একা রামে রক্ষা নাই স্ত্রীবিদ্রোহ !

হাসিয়া যতীন বলিল—উচ্চিংড়ের জংশনের বন্ধু। কাল পিছনে পিছনে এসেছিল গাছ কাটার হাঙ্গামা দেখতে। সেখানে বনের পাখী আর খাঁচার পাখীতে মিলন হয়েছে। উচ্চিংড়ে ওকে নিয়ে এসেছে।

—বেশ আছেন মশায়, নন্দী-ভূঙ্গী নিয়ে ! আপনার কাছেই এসে জোটে সব।

—আমার কাছে নয়। উচ্চিংড়ে ওকে নিয়ে এসেছে—মা-মণির কাছে।

—মানে কামার-বউয়ের কাছে ?

হাসিয়া যতীন বলিল—হ্যাঁ।

—অনিরুদ্ধ ওকে মেরে তাড়াবে।

—কাল সে বোঝাপড়া হয়ে গেছে। অনিরুদ্ধবাবু তাড়াতে চেয়েছিলেন। মা-মণি বলেছেন ও গরু চরাবে—থাবে থাকবে। অনিরুদ্ধবাবু গরু কিনেছেন কিনা। আর কামার-শালার হাপর চানবে।

উচ্চিংড়ে আসিয়া দাঁড়াইল—চা লাও গো বাবু।

ওদিক ঢাক বাজিয়া উঠিল। উচ্চিংড়ে তাড়াতাড়িতে অর্ধেক চা উপচাইয়া ফেলিয়া, চায়ের বাটিগুলি নামাইয়া দিয়াই—দাওয়া হইতে এক লাফ দিয়া পড়িল; ড্যাং-ড্যাং-ড্যাং—ন্যাটাং ড্যাটাং ড্যাং-ড্যাং-ড্যাং—ন্যাটাং ড্যাটাং ! আয় রে গোবরা, শিব উঠছে দেখতে যাই।

গাজনের ঢাক বাজিতেছে। পূর্ণ এক বৎসর পরে গাজনের বুড়াশিব পুকুরের জল হইতে উঠিবেন। ভক্তেরা দোলায় করিয়া লইয়া আসিবে।

জগন বলিল—ভক্ত কে কে হল জান, ঘোষাল ?

হরেন বলিল—ওন্নি ফাইব্। একটা হাঁতের আঙুলি প্রসারিত করিয়া সে দেখাইয়া দিল।

—চল, ব্যাপারটা দেখে আসি।

—চল !

জগন, হরেন চলিয়া গেল।

যতীন বলিল—দেবুবাবু !

—বলুন ?

• —কি ভাবছেন ?

—ভাবছি—দেবু হাসিল। তারপর বলিল—দেখবেন ?

—কি ?

—আম্নন আমার সঙ্গে।

অল্প খানিকটা আসিয়াই শ্রীহরির বাড়ী, বাড়ীর পর খামার। পথ হইতেই খামারটা দেখা যায়। প্রকাণ্ড একটা জনতা সেখানে জমিয়া আছে। খামারের উঠানের মাঝখানে সোনার বর্ণ ধানের একটি স্তূপ। পাশেই তিনটি বাঁশের তেপায়াতে বড় বড় ওজনের কাঁটা-পাল্লা টাঙানো হইয়াছে। একটা গাছের তলায় চেয়ার পাতিয়া বসিয়া আছে শ্রীহরি। জনকয়েক লোক দেবু ও যতীনকে দেখিয়া আড়ালে লুকাইয়া দাঁড়াইল। ওদিকে ওজনের পাল্লায় অবিরাম ধান ওজন চলিতেছে—দশ দশ—দশ রামে—ইগার ইগার। ইগার ইগার—ইগার রামে—বারো বারো।

দেবু বলিল—দেখলেন !

যতীন হাসিয়া বলিল—‘যদি তোর ভাক স্তনে কেউ না আসে, তবে একলা চল রে’ !

—কি ভাবছি আমি বুঝলেন ? আমি একা পড়ে গিয়েছি।

কিছুক্ষণ পর যতীন বলিল—আপনি তা হলে বিবাদ মিটিয়ে ফেলুন দেবুবাবু। সত্যই বড় কষ্টে পড়বেন আপনি।

দেবু হাসিল, বলিল—নাঃ, ও ভাবনা আর ভাবি নে। ভাবছি—এতদিনের গাজন, আমাদের গ্রামে গাজনে কত ধুম ছিল, সমস্ত গ্রামের লোক গ্রাণ দিয়ে খাটত। অল্প গায়ের সঙ্গে আমাদের গাজনের ধূমের পাল্লা চলত। সে-সব উঠে যাবে। নয়তো শ্রীহরির একলার হাতে গিয়ে পড়বে। দেবতাতে স্বক আমাদের অধিকার থাকবে না। ভগবানে আমাদের অধিকার থাকবে না। আমাদের ভগবান পর্যন্ত কেড়ে নেবে !

নেলো আসিয়া দাঁড়াইল।

যতীন বলিল—কি সংবাদ নলিন ?

—আট আনা পয়সা। গাজনে এবার মেলা বসাবে ঘোষ মশায়। পুতুল তৈরী করে বিক্রী করব। রং কিনব।

—মেলা বসাবে শ্রীহরি ? দেবু উঠিয়া বলিল।

নলিনকে বিদায় করিয়া যতীন বলিল—নলিনের হাতটি চমৎকার।

দেবু বলিল—ওর মাতামহ যে ছিল নামকরা কুমোর।

—কুমোর ! নলিন তো বৈরাগী !

—হ্যাঁ, কাঁচের পুতুলের চল হল, শেষ বয়সে অভাবে পড়ে বৃড়ো ভিক্ষে ধরে বোষ্টম হয়েছিল। তা ছাড়া বিধবা মেয়েটার বিয়ের জন্তও বোষ্টম হওয়া বটে। কিছুক্ষণ স্তব্ধ হইয়া থাকিয়া দেবু আবার বলিল—শ্রীহরি এবার তা হলে ধুম করে গাজন করবে দেখছি !

পাঁচিশ

ঢাকের গাঙ্গনার শব্দে ভোরবেলাতেই—ভোরবেলা কেন—তখনও খানিকটা রাত্রি ছিল, যতীনের ঘুম ভাঙিয়া গেল। গাঙ্গনের ঢাক। পূর্বে চৈত্রের প্রথম দিন হইতেই গাঙ্গনের ঢাক বাজিত। গতবার হইতে পাতু দেবোত্তর ঢাকরান জমি ছাড়িয়া দেওয়ার পর, চৈত্রের বিশ তারিখ হইতে ঢাক বাজিতেছে। ভিন্ন গ্রামের একজন বায়েনের সঙ্গে নগদ বেতনে নূতন বন্দোবস্ত হইয়াছে। শেষ রাত্রিতে ঢাকের বাজনা—যতীনের বেশ লাগিল। ঢাকের বাজনার মধ্যে আছে একটা গুরু-গম্ভীর প্রচণ্ডতা। রাত্রির নিস্তর শেষ প্রহরে প্রচণ্ড গম্ভীর শব্দের মধ্যেও একটি পবিত্রতার রেশ সে অনুভব করিল। দরজা খুলিয়া সে বাহিরে আসিয়া বসিল।

সে আশ্চর্য হইয়া গেল ;—গ্রামখানায় এই শেষরাত্রেই জাগরণের সাড়া উঠিয়াছে! ঢেকিতে পাড় পড়িতেছে; মেয়েরা ইহারই মধ্যে পথে বাহির হইয়াছে। হাতে জলের ঘটি। চণ্ডীমণ্ডপে জল দিতে চলিয়াছে। রাঙাদিদি বড় বড় করিয়া তেত্রিশ কোটি দেবতার নাম করিতেছে—এখান হইতে শোনা যাইতেছে। জনকয়েক গাঙ্গনের তক্ত স্নান শেষ করিয়া ফিরিতেছে—তাহারা ধ্বনি দিতেছে—বলো শি-বো-শি-বো-শিবো-হে! হর-হর বোম্—হর-হর বোম্!

যতীন সকালেই ওঠে, কিন্তু এই শেষরাত্রে সে কোনদিন ওঠে নাই। পল্লীর এ ছবি তাহার কাছে নূতন। সে যখন ওঠে, তখন রাঙাদিদি ভগবানকে এবং পিতৃপুরুষকে গালিগালাজ আরম্ভ করে। মেয়েদের ঘরের পাট-কাম দেবার্চনা শেষ হইয়া গৃহকর্ম আরম্ভ হইয়া যায়।

অনিরুদ্ধের বাড়ীর খিড়কীর দরজা খুলিয়া গেল। আবছা অন্ধকারের মধ্যে ছায়ামূর্তির মত উচ্চিড়ে ও গোবরা বাহির হইয়া গেল। তাহাদের পিছনে বাহির হইয়া আসিল পদ্ম, তাহার হাতেও জলের ঘটি।

একটানা ক্যা-কো শব্দে একখানা সার-বোঝাই গরুর গাড়ী চলিয়া গেল। শেষ রাত্রি হইতেই মাঠের কাজ শুরু হইয়া গিয়াছে। সার ফেলার কাজ চলিতেছে। সারের গাড়ীতেই আছে—জোয়ারল লাঙ্গল। সার ফেলিয়া জমিতে লাঙ্গল চবিবে। সেদিনের জলের রস এখনও জমিতে আছে। মাটির বতর এখন চমৎকার, অর্থাৎ রোদ পাইয়া কাদার আঠা মরিয়া মাটি চমৎকার চাষের যোগ্য হইয়াছে। লাঙ্গলের ফাল কোয়ল মাটির মধ্যে আকর্ষ ডুবিয়া চিরিয়া চলিবে নিঃশব্দে, নির্বিঘ্নে, স্বচ্ছন্দ গতিতে—ছানার তালের মধ্যে ধারালো ছুরির মতন। বড় বড় চাই দুইপাশে উল্টাইয়া পড়িবে; অথচ লাঙ্গলের ফালে এতটুকু মাটি লাগিবে না, সামান্য আবাতাই চাইগুলো গুঁড়া হইয়া যাইবে। গরু মহিবগুলি চরিবে অবহেলায় ধীর অনায়াস গতিতে। এই কণ্ঠের মধ্যে চাষীর বড় আনন্দ। অন্তরে অন্তরে যেন আনন্দের রস করণ হয়।

একসঙ্গে সারিবন্দী শোভাযাত্রার মত হাল গেল ছয়খানা ; পিছনে চারখানা সার-বোকাই গাড়ী। বড় বড় হুটপুট সবলকায় হেলে-বলদগুলি দেখিলে চোখ জুড়াইয়া যায়। এগুলি সবই শ্রীহরি ঘোষের। ঘোষের ঘরে দশখানা হাল, কুড়িজন কৃষাণ। ঘোষের স্ত্রীসম ভাগ্যচ্ছটার প্রতিকূলন তাহার সর্বসম্পদে স্পর্শিষ্কৃত।

যতীন জামা গায়ে দিয়া বাড়ী হইতে বাহির হইয়া পড়িল। অতিক্রম করিয়া আসিয়া পড়িল মাঠে। দিগন্তবিস্তীর্ণ মাঠে। মাঠের প্রান্তে ময়ূরাক্ষীর বাধ, বাধের গায়ে কচি সবুজ শরবনের চাপ। তাহারই ভিতর হইতে উঠিয়াছে—তালগাছের সারি। মধ্যে মধ্যে পলাশ-পালতে-শিমুল-শিরীষ-তৈতুলের গাছ। গাছগুলির মাথার উপরে অস্পষ্ট আলোয় উদ্ভাসিত আকাশের গায়ে জংশন-শহরের কলের চিমনী। কলে ভেঁ বাজিতেছে—একসঙ্গে চার-পাঁচটা কলে বাজিতেছে। বোধ হয় চারিটা বাজিল।

মাঠ পার হইয়া সে বাধে উঠিল। বাধ হইতে নামিল ময়ূরাক্ষীর চর-ভূমিতে। জল পাইয়া চরে বেনাঘাসগুলি সবুজ হইয়া উঠিয়াছে। তাহার মধ্যে সযত্নকরিত তার ফসলের জমিগুলির গিরিরঙের মাটি বড় চমৎকার দেখাইতেছে। জমির মধ্যে তরকারির চারাগুলি সাপের ফনার মত ভগা বাড়াইয়া লতাইতে শুরু করিয়াছে। ভোরবেলায় তিতির পাখীর দল বাহির হইয়াছে খাত্তাঘেষণে। উইয়ের চিবি, পিঁপড়ের গর্ত ঠোকরাইয়া উই ও পিঁপড়ে খাইয়া ফিরিতেছে। যতীনের পাড়ার কয়টা তিতির ফর-ফর শব্দে উড়িয়া দূরে গিয়া জঙ্গলের মধ্যে লুকাইল।

আকাশ লাল হইয়া উঠিতেছে। যতীন নদীর বালির উপর গিয়া দাঁড়াইল। পূর্বদিগন্তে চৈত্রের বালুকাগর্ভময়ী ময়ূরাক্ষী ও আকাশের মিলন-রেখায় স্তূর্ধ উঠিতেছে। কয়েকদিন পরেই মহাবিশুব-সংক্রান্তি। ময়ূরাক্ষী এখানে ঠিক পূর্ববাহিনী।

ময়ূরাক্ষী পার হইয়া সে জংশনের ঘাটে উঠিল। মগ্নাহে দুই দিন তাহাকে থানায় গিয়া হাজিরা দিতে হয়। অগ্নাত দিন সে চা খাইয়া থানায় যায়। আজ ভোরবেলার নেশায় সে বাহির হইয়া এতটা যখন আসিয়াছে ; তখন জংশনে হাজিরার কাজটা সারিয়া যাওয়াই ঠিক করিল।

গ্রামের পথে পা দিয়াই যতীন আবার এক হাকামার সংবাদ পাইল। হাকামার হাকামার কয়েকদিন হইতেই গ্রামখানার মস্তর জীবন-যাত্রী অকস্মাৎ যেন তালভঙ্গ হইয়া গিয়াছে। আজ শ্রীহরির বাগানে কে বা কাহারো গাছ কাটিয়া তছনছ করিয়া দিয়াছে। গুজবে, জটলায়, উত্তেজনায় গ্রামখানা চঞ্চল হইয়া উঠিয়াছে। চণ্ডীমণ্ডপে আটচালায় শ্রীহরি ষোড়শ রাগে-হুঃখে অধীর হইয়া প্রায় মাথার চুল ছিঁড়িয়া বেড়াইতেছে। অকস্মাৎ তাহার মধ্য হইতে আজ বাহির হইয়া আসিয়াছে পূর্বের সেই বর্বর ছিন্ন পাল।

গ্রাম হইতে অল্প দূরে—উত্তর মাঠে অর্থাৎ যেদিকে ময়ূরাক্ষী নদী—তাহার বিপরীত দিকে, বস্তাভঙ্গ-নিরাপদ মাঠের মধ্যে—একটা মজা পুকুরে পঙ্কোদ্ধার করিয়া সেই পুকুরের

চারিপাশে শ্রীহরি শখ করিয়া বাগান তৈয়ারী করিয়াছিল। অতীত দিনের চাষী ছিন্নবস্ত্র নেশার সঙ্গে—বর্তমানের আভিজাত্যকামী শ্রীহরির কল্লনা মিশাইয়া বাগানখানি রচিত হইয়াছিল। বহু দামী কলমের বহু চারা আনিয়া পুঁতিয়াছিল শ্রীহরি; মালদহ মুর্শিদাবাদ হইতে আমের কলম, কলিকাতা হইতে লিচু-জামরুলের কলম ও নানা স্থান হইতে কানাইবাণী, অমৃতনাগর, কাবুলী প্রভৃতি কলার চারা সংগ্রহ করিয়া আনাইয়াছিল। শুধু ফলের কামনা নয়, ফুলের নেশাও তার ছিল—অশোক, চাঁপা, গোলাপ, গন্ধরাজ, বকুলের গাছও অনেকগুলি লাগাইয়াছিল।

শ্রীহরির কল্লনা ছিল আরও অনেক। বাগানের মধ্যে শোখীন দুই-কামরা একখানি ঘর, ঘরের সামনে পুকুরের দিকে খানিকটা বাঁধানো চত্বর হইতে নামিয়া যাইবে একটি বাঁধানো ঘাটের সিঁড়ি। সেই কল্লনায় কাঁচা ঘাটের দুই পাশে দুইটি কনক-চাঁপার গাছ পুঁতিয়াছিল। অশোক ফুলের চারা বসাইয়াছিল—বাগানে ঢুকিবার পথের পাশেই। গাছগুলি বেশ একটু বড় হইলেই গোড়া বাঁধাইয়া বসিবার স্থান তৈয়ারী করিবার ইচ্ছা ছিল। সম্ভ্রাম্য সে বন্ধুবান্ধব লইয়া বাগানে আসিয়া বসিবে, ইচ্ছা হইলে রাত্রে আনন্দ করিবে। গান-বাজনা-পান-ভোজন—কল্পনার বাবুদের মত।

গতরাত্রে কে বা কাহারো শ্রীহরি ঘোষের সেই বাগানটিকে কাটিয়া তছনছ করিয়া দিয়াছে শ্রীহরি বলিতেছে—চীৎকার করিয়া বলিতেছে—তাদেরও মাথায় কোপ মারব আমি!

তাহার ধারণা—মাহাদেব গাছ সে কাটিয়াছে, এ কাজ তাহাদেরই। পঞ্চপাণ্ডবের প্রতি আক্রোশে অস্থখামা যেমন নিষ্ঠুর আক্রমণে অন্ধকারের আবরণে পাণ্ডবশিশুগুলিকে হত্যা করিয়াছিল তেমনি আক্রোশেই কাপুরুষ শত্রু তাহাদের শখের চারা-গাছগুলিকে নষ্ট করিয়াছে। শ্রীহরি ছাড়িবে না, অস্থখামার শিরোমণি কাটিয়া সে প্রতিশোধ লইবে। থানায় থবর পাঠানো হইয়াছে। পথে ভুপালের সঙ্গে যতীনের দেখা হইয়াছে।

হরেন ঘোষাল দস্তুরমত ভড়কাইয়া গিয়াছে। শ্রীহরির এই মূর্তিকে তাহার দারুণ ভয়। সে আমলে ছিন্ন পাল তাহাকে একদিন জলে ডুবাইয়া ধরিয়াছিল।—ঘাড়ে ধরিয়া মুখ মাটিতে রগড়াইয়া দিয়াছিল। সে ব্রাহ্মণ বলিয়া ভয় করে না, ভদ্রলোক বলিয়া খাতির করে না। যতীন ফিরিতেই সে শুক্মুখে আসিয়া কাছে বসিল, বলিল—যতীনবাবু, কেস ইজ সিরিয়াস! ভেরি সিরিয়াস! ছিন্ন পাল ইজ ফিউরিয়াস! হি ইজ এ ডেঞ্জারাস ম্যান!

জগন ঘোষ খুব খুশী হইয়াছে। সে ইহাকে সর্বোত্তম স্থান বিচারক বিধাতার দণ্ড-বিচারের সঙ্গে তুলনা করিয়াছে। বার্ড ক্লাস পর্বন্ত পড়া বিছায় সে আজ দেবভাবায় ইহার ব্যাখ্যা করিয়া দিল—বশুস্ত শত্রু ব্যাঞ্জন নিপাতিতঃ। অর্থাৎ বাঁড়ের শত্রু বাঘে মারিয়াছে।

দেবু বলিল—না ভাক্তার, কাজটা অত্যন্ত অগ্নায় হয়েছে। হিঃ!

—তোমার কথা বাদ দাও ভাই, তুমি হলে ধর্মপুত্র যুধিষ্ঠির।

দেবু কোন উত্তর দিল না; রাগও করিল না। সে সত্য সত্যই দুঃখিত হইয়াছে। ওই গাছগুলি শ্রীহরি যত্নে পুঁতিয়াছিল—ফলও সে ভোগ করিত। শ্রীহরি তাহার গাছ কাটিয়াছে,

তবু হুঃখ সে পাইয়াছিল। কাজটা অজায়। গাছপালার উপর তাহার বড় মমতা। ওই সব গাছ বড় হইত, ফুল-ফলে ভরিয়া উঠিত প্রতিটি বৎসর; পুরুষাত্মক্রে তাহার বাড়িয়া চলিত। মাহুঘের চেয়ে গাছের পরমায়ু বেশী। শ্রীহরি, শ্রীহরির সন্তান-সন্ততি তাহার উত্তরাধিকারী। তাহারও পরের পুরুষ ওই গাছের ফলে-ফলে পরিতৃপ্ত হইত। দেবতার ভোগ দিত, গ্রামে বিলাইত, লোক তৃপ্ত হইত। সে গাছ কি এমনভাবে নষ্ট করিতে আছে?

ভোঁ শব্দে দৌড়াইয়া আসিরা উচ্চিঙে বলিল—দারোগা এসেছে।

হরেন চমকাইয়া উঠিল—কোথায়?

উচ্চিঙে তখন বাড়ীর মধ্যে গিয়া ঢুকিয়াছে। জবাব দিল গোবরা, সে উচ্চিঙের শিছনে ছিল, বলিল—সেই পুকুর দেখে গায়ে আসছে।

এবার জগনও শঙ্কিত হইয়া উঠিল, বলিল—যতীনবাবু, বেটা নিশ্চয় আমাদের সবাইকেই সন্দেহ করে এজাহার দেবে। পুলিশও বোধ হয় আমাদেরই চালান দেবে। জামিন-টামিনের ব্যবস্থা কিন্তু আপনাকেই করতে হবে। আপনি কংগ্রেসের সেক্রেটারীকে চিঠি লিখে রাখুন।

—দুর্গা আসিয়া দাঁড়াইল।—জামাই-পণ্ডিত!

—দুর্গা? দেবু যতীনের তরুণপোশে শুইয়া ছিল, উঠিয়া বলিল।

—হ্যাঁ। বাড়ী এস।

—কেন রে?

—পুলিস এসেছে, ঘর দেখবে। ডাক্তার, আপনার ঘরের সামনেও সিপাই দাঁড়িয়েছে।

হরেন সর্বাগ্রে উঠিয়া বলিল—মাই গড! মায়ের গীতাটা নিয়ে হয়েছে আমার মরণ।

একজন পুলিশের কনস্টবল জনতিনেক চৌকিদার লইয়া আসিয়া অনিষ্টকের তিন দরজায় পাহারা দিয়া বলিল।

পথে যাইতে যাইতে দুর্গা বলিল—জামাই-পণ্ডিত!

—কি রে?

—ঘরে কিছু থাকে তো আমাকে দেবে। আমি ঠিক পেট-হাঁচলে নিয়ে বাইরে চলে যাব।

—কি থাকবে আমার ঘরে? কিছু নাই!

বাড়ীর দুয়ারে সাব-ইন্সপেক্টার নিজেকে ছিল; সে বলিল—পণ্ডিত, আপনার ঘর আমরা সার্চ করব। দুর্গা, তুই ভেতরে ঘাস নে!

দুর্গা বলিল—ওরে বাবা, দুধের ঘটি রয়েছে যে দারোগাবাবু। আবার আমাকে নিয়ে পড়লেন ক্যানে?

হাসিয়া দারোগা বলিল—তুই ভারী বজ্জাত। কোথায় ঘটি আছে বল—চৌকিদার এনে দেবে।

দেবু বলিল—আমুন দারোগাবাবু। দুর্গা তুই বল, ঘটি আমি পাটিয়ে দিচ্ছি।

দারোগা বলিল—ঝরঝরে জায়গায় বস, দুর্গা দেখিস—সাপে কি বিছের কামড়ায় না যেন !

দেবু একটা জিনিসের কথা ভাবে নাই।

পুলিস বাড়ী-ঘর অহুসন্ধান করিয়া, দা-কুড়ুল-কাটারী বেশ তীক্ষ্ণদৃষ্টিতে পরীক্ষা করিয়া দেখিল, তাহার মধ্যে গত রাত্রের কচি গাছ কাটার কোন চিহ্ন আছে কিনা। কিন্তু সে-সব কিছু পাওয়া গেল না। কাচা কাপড়গুলি পরীক্ষা করিয়া দেখিল—তাহাতে কলাগাছের কণের চিহ্ন আছে কিনা। কিন্তু তাও ছিল না। পুলিস লইল নতুন প্রজা সমিতির খাতাপত্রগুলি। এই খাতাপত্রগুলির কথাই দেবুর মনে ছিল না। অত্র সকলের বাড়ী হইতে পুলিস শুধু হাতেই ফিরিয়া আসিয়াছিল।

শ্রীহরি যতীনের নামেও এজাহার দিয়াছিল—তাহাকে তাহার সন্দেহ হয়। শ্রীহরির বন্ধু জমাদার-সাহেব হইলে কি হইত বলা যায় না, কিন্তু সাব-ইন্সপেকটর শ্রীহরির এ কথা গ্রাহ্যই করিল না। বলিল—ঘোষ মশায়, সবেই মাত্রা আছে, মাত্রা ছাড়িয়ে যাবেন না।

এ সংসারে যাহারা আপন সত্যের বিধান লঙ্ঘন করিতে চায়—বিধাতাকে সব চেয়ে বেশী মানে তাহারাই। বিধাতার তুষ্টিলাভ করিলে সর্বপ্রকার বিধান-লঙ্ঘন-জনিত অপরাধের দণ্ড লঘু হইয়া যায়—এই বিশ্বাসই তাহাদের জীবনে পরম আশ্বাস। শ্রীহরি তাড়াতাড়ি বলিল—না—না—না। ওটা আমারই ভুল। ও আপনি ঠিক বলেছেন।

যাহা হউক, দেবুর ঘর তল্লাশ করার পর দারোগা বলিল—পণ্ডিত, আপনাকে আমরা অ্যারেস্ট করছি। আপনি প্রজা সমিতির প্রেসিডেন্ট, এ কাজটা প্রজা সমিতির দ্বারাই হয়েছে বলেই সন্দেহ হচ্ছে আমাদের। অবশ্য এনকোয়ারী আমাদের এখনও শেষ হয় নি ; উপস্থিত আপনাকে অ্যারেস্ট করলাম। চার্জটা অবশি থেকুট্ !

দেবু বলিল—থেকুট্ চার্জ—চুরি ? আমার বিরুদ্ধে ?

হাসিয়া দারোগা বলিল—গাছ কাটা তো আছেই, সেটার সমন করবেন এস-ডি-ও। ঘোষের ছুটো লোহার তারের জাকরি চুরি গেছে।

—আমাকে চুরির চার্জে চালান দেবেন দারোগাবাবু ?—দেবু মর্মান্তিক আক্ষেপের সহিত প্রশ্ন করিল।

—অজুনের মত বীরকে লম্বা-দোষে নপুংসক সাজতে হয়েছিল, জানেন তো পণ্ডিত ! ও নিয়ে ছুঃখ করবেন না। বেলা তো অনেক হয়ে গেল, খাওয়া-দাওয়া সেয়েই নিন !

দারোগার কথায় দেবু আশ্চর্য বকমের সাঙ্ঘনা পাইল। সে হাসিয়া বলিল—আপনি একটু জল-টল খাবেন ?

—চাকরি পেটের দ্বায়ে পণ্ডিত। খাব নিশ্চয়। তবে আপনার ঘরেও না, ঘোষের ঘরেও নহ্ন। আমাদের যতীনবাবু আছেন। ওখানেই যা হয় হবে।

দারোগা আসিয়া যতীনের ওখানে বলিল।

গ্রামের লোকেরা অবনত মস্তকে চারিপাশে বসিয়া ছিল। সকলেই সবিস্ময়ে ভাবিতেছিল

—কে এ কাজ করিল।

মেয়েরা আসিয়া জড় হইয়াছে—দেবুর বাড়ী। অনেকে উঠানের উপর ভিড় করিয়া দাঁড়াইয়াছে। কেহ কেহ দাওয়ার উপর বসিয়া পড়িয়াছে। বিলু যেন পাথর হইয়া গিয়াছে। দুর্গার চোখ দিয়া জল গড়াইয়া পড়িতেছে অনর্গল ধারায়। রাজাদিদির আর বিলাপের শেষ নাই। পদ্ম বসিয়া আছে বিলুর পাশে। বিলুর দুঃখে সেও অপরিণীত দুঃখ অহুভব করিতেছে। মনে হইতেছে—আহা, এ দুঃখের ভার যদি সে নিজেকে লইয়া বিলুর দুঃখ মুছিয়া দিতে পারিত! অবশেষের মধ্যে তাহার চোখ হইতেও টপ টপ করিয়া জল মাটির উপর ঝরিয়া পড়িতেছে।

অকস্মাৎ ছুটিয়া আসিল উচ্চিড়ে। লোকজনের ভিড়ের মধ্যে স্ককৌশলে মাথা গলাইয়া একেবারে পদ্মের কাছে আসিয়া হাঁপাইতে হাঁপাইতে বলিল—শীগ-গির বাড়ী এস মা-মণি!

যতীনের দেখাদেখি সে-ও পদ্মকে মা-মণি বলে।

পদ্ম বিরক্ত হইয়া ঘাড় নাড়িয়া ইঙ্গিতে প্রশ্ন করিল—কেন?—সে অবশ্য বুঝিয়াছে, যতীনের তলব পড়িয়াছে, চা করিতে হইবে।

—কর্মকারকে যে দারোগাবাবু ধরে নিয়ে যাচ্ছে গো!

পদ্মের বুকটা ধড়াস করিয়া উঠিল। তাহার সর্বাঙ্গ ধরধর করিয়া কাঁপিতে আরম্ভ করিল। অনিচ্ছাকে ধরিয়া লইয়া যাইতেছে! সে আবার কি কথা! একা পদ্ম নয়, কথাটায় সকলেই সচকিত হইয়া উঠিল।

দেবু প্রশ্ন করিল—তার আবার কি হ'ল?

কর্মকার সে সাউখুঁড় করে বললে—আমাকে ধর হে। আমি গাছ কেটেছি। দারোগা অমনি ধরলে। বলতে বলতেই উচ্চিড়ে যেমন ভিড়ের ভিতর দিয়া স্ককৌশলে মাথা গলাইয়া প্রবেশ করিয়াছিল, তেমনি স্ককৌশলেই বাহির হইয়া গেল।

কোনরূপে আত্মসম্বরণ করিয়া পদ্মও মেয়েদের ভিড় তৈলিয়া বাহির হইয়া আসিল।

—কামার-বউ!

পদ্ম পিছন ফিরিয়া দেখিল, ডাকিতেছে দুর্গা।

—দাঁড়াও, আমিও যাব।

উচ্চিড়ে কথাটা শুছাইয়া বলিতে পারে নাই, কিন্তু মিথ্যা বলে নাই। সত্যই বলিয়াছে। দ্বন্দ্ব জনতার মধ্য হইতে নিতান্ত অকস্মাৎ অনিচ্ছা চোখ-মুখ দৃষ্ট করিয়া দারোগার সম্মুখে বুক ফুলাইয়া আসিয়া বলিয়াছিল—দেবু পণ্ডিতের বদলে আমাকে ধর। ও গাছ কাটে নাই, গাছ কেটেছি আমি।

ডেটিনিউ যতীনের ঘরে দাওয়ায় বসিয়াছিল দারোগা। তাহার সম্মুখে জমিয়া দাঁড়াইয়াছিল একটি জনতা। সেই দারোগা হইতে সমবেত জনতা আকস্মিক বিশ্বাসে তাহার মুখের দিকে চাহিল।

অনিচ্ছা বলিয়াছিল—কাল রোতে টাঙি দিবে আমি বেবাক গাছ কেটেছি, আকরি দুটো

তুলে ফেলে দিয়েছি ‘চরখাই’ পুতুরের জলে ।

মিথ্যা কথা নয় । ধারালো টাঙি দিয়া অনিরুদ্ধ তাহাদের গাছ-কাটার প্রতিশোধ তুলিয়াছে ছিন্ন পালের উপর । উন্নত প্রতিশোধের আনন্দে গাছ কাটিতে কাটিতে সে সেই অন্ধকার রাত্রে নাচিয়া নাচিয়া ছুটিয়া বেড়াইয়াছে, আর ছোট ছেলেদের মত মুখে বলিদানের বাজনার বোল আওড়াইয়াছে—থা-জিং-জিং-জিনাক্-জিং-জিং ; না-জিং-জিং জিনাক্ । একথা কেহ জানে না, সে কাহাকেও বলে নাই, এমন কি পদ্মকে পর্যন্ত না । ওই ছেলে দুটাকে লইয়া পদ্ম আজকাল পৃথক শুইয়া থাকে ; রাত্রে নিঃশব্দে অনিরুদ্ধ উঠিয়া গিয়াছিল, ফিরিয়াছেও নিঃশব্দে । সকালবেলা হইতে সে ছিন্নর আফালন শুনিয়া মনে মনে কৌতুক বোধ করিয়াছে, পুলিশ আসিলেও সে একবিন্দু ভয় পায় নাই । ভোরবেলাতেই টাঙিখানাকে সে আঙুনে পোড়াইয়া সকল অপরাধের চিহ্নকে নিশ্চিহ্ন করিয়াছে । কাপড়খানাতে অবশ্য কলার কষ লাগিয়াছে—সেখানাকে অনিরুদ্ধ খিড়িকির বাটে জলের তলায় পুঁতিয়া রাখিয়াছে । কিন্তু যখন দেবু পণ্ডিতকে দারোগা গ্রেপ্তার করিল—তখন সে চমকিয়া উঠিল ।

তাহার মনে একটা প্রবল ধাক্কা আসিয়া লাগিল । একি হইল ? পণ্ডিতকে গ্রেপ্তার করিল ? দেবুকে ? এইমাত্র কিছুদিন হইল সে জেল হইতে ফিরিয়াছে । বিনাদোষে আবার তাহাকে ধরিল ? এ গ্রামের সকলের চেয়ে ভালমাহুষ, দশের উপকারী, তাহার পাঠশালার বন্ধু—বিপদের মিত্র—দেবুকে ধরিল ! জগনকে ধরিল না, হরেনকে ধরিল না, তাহাকে ধরিল না ? ধরিল পণ্ডিতকে ! জনতার মধ্যে চূপ করিয়া মাটির দিকে সে দৃক্ বিষন্ন মুখে ভাবিতেছিল । তাহার অপরাধের দণ্ড ভোগ করিতে দেবু-ভাই জেলে যাইবে ? সমস্ত লোকগুলিই নীরবে হাস-হাস করিতেছে । আক্ষেপে সে অধীর হইয়া উঠিল । ভাবিতে ভাবিতে সে আর আত্মলম্বরণ করিতে পারিল না । একটা অন্তত ধরনের আবেগের প্রাবল্যে দৃষ্ট ভঙ্গিতে সে দারোগার নিকট আসিয়া নিজের হাত বাড়াইয়া বলিল—দেবু পণ্ডিতের বদলে আমাকে ধর । ও গাছ কাটে নাই, গাছ কেটেছি আমি ।

মুহূর্ত্তে সমস্ত জনতা বিস্ময়ে হতবাক হইয়া গেল । একটা স্তব্ধতা ধম ধম করিতে লাগিল । দারোগা পৰ্ব্বস্ত অনিরুদ্ধের দিকে বিস্ময়ে বিফারিত দৃষ্টিতে চাহিয়া রহিল । সেই স্তব্ধ এবং বিস্মিত পরিমণ্ডলের মধ্যে অনিরুদ্ধ লোচ্চারে নিজের দোষ কবুল করিয়া ফেলিল ।

* * * *

এ স্তব্ধতা প্রথম ভঙ্গ করিল দেবু । উজ্জিৎড়ের কাছ হইতে খবর পাইয়া বাড়ী হইতে ছুটিয়া আসিয়া তাহাকে জড়াইয়া ধরিয়া থর থর কম্পিত কর্তে বলিল—অনি-ভাই, অনি ভাই, কিছু ভেবো না অনি-ভাই ! আমি প্রাণ দিয়ে তোমাকে ছাড়াতে চেষ্টা করব ।

অনিরুদ্ধ উত্তর দিতে পারিল না—গভীর আনন্দে বোকার মত আকর্ণবিস্তার হাসিয়া দেবুর মুখের দিকে চাহিয়া দাঁড়াইয়া রহিল । অকস্মাৎ তাহার চোখ হইতে দর দর ধারে জল গড়াইতে লাগিল । সঙ্গে সঙ্গে দেবুও কাঁদিয়া ফেলিল । তাহার সঙ্গে আরও অনেকে—এমন কি যতীন এবং দারোগা পৰ্ব্বস্ত চোখ মুছিতে লাগিল । সঙ্গে সঙ্গে গ্রামের প্রত্যেকেই

অনিরুদ্ধকে সাধুবাদ দিল।—মাহুকের মত কাজ করলে অনিরুদ্ধ এবার! এ একশো বার! সাবাস অনিরুদ্ধ, সাবাস!

ইহারই মধ্যে একটি উচ্চ কণ্ঠ জনতার পিছন হইতে ধ্বনিত হইয়া উঠিল—সাবাস তাই সাবাস! একশো বার সাবাস!

বিচিত্র ব্যাপার, এ কণ্ঠের সর্বস্বান্ত ভিক্ষুক তারিণী পালের। উচ্চিঙের বাবার। লোকটা কালো, লম্বা, দাঁত-উঁচু, খানিকটা খ্যাপা-খ্যাপা। অনিরুদ্ধের এই কাজটির মধ্যে সে কি করিয়া এক মহোৎসবের সন্ধান পাইয়াছে।

বাড়ীর ভিতরে পদ্ম নির্বাক হইয়া দাঁড়াইয়া রহিল, চোখ দিয়া তাহার শুধু জ্বলই ঝরিতেছিল। তাহার বাক্য হারাওয়া গিয়াছে, চোখের জল গলিয়া গলিয়া পড়িতেছে। দুর্গা দাঁড়াইয়া ছিল অল্প দূরে। উচ্চিঙে ও গোবরা কাছেই ছিল; অনিরুদ্ধ ভিতরে আসিতেই তাহারা সরিয়া গেল। অনিরুদ্ধ এতক্ষণে সপ্রতিভ ভাবে হাসিয়া সকলের দিকে চাহিয়া বলিল—চললাম তা হলে।

পদ্মের তখনও ভাত হয় নাই, যতীনেরও অল্প দেরি আছে। দেবু বলিল—আমার জ্ঞাত ভাতে-ভাত হয়েছে অনি-ভাই, তাই দুটো খেয়ে নেবে, চল।

দেবুর ঘরেই থাইয়া অনিরুদ্ধ খানায় চলিয়া গেল।

যাইবার সময় দারোগা দুর্গাকে একটা তলব দিয়া গেল—খানাতে যাবি একবার। তোর নামেও একটা রিপোর্ট হয়েছে।

আজ যতীন নিজে রান্না করিল। উত্তোগ করিয়া দিল উচ্চিঙে এবং গোবরা। দূরে দাঁড়াইয়া সমস্ত বলিয়া দিল দুর্গা।

পদ্ম কিছুক্ষণ ঘরে বসিয়াছিল, তাহার পর গিয়া বসিল খিড়কির ঘাটে। সেখানে বসিয়া তীক্ষ্ণদৃষ্টি নামহীন কোন ব্যক্তিকে উদ্দেশ্য করিয়া তীব্র নিষ্ঠুরতম অভিসম্পাত দিতে আরম্ভ করিল।

—শরীরে ঘুন ধরবে, আকাট রোগ হবে! শরীর যদি পাথর হয় তো ফেটে যাবে, লোহার হয়তো গলে যাবে! অলক্ষী ঘরে ঢুকবে—লক্ষী বনবাস যাবে! ঘরে আগুন লাগবে, ধানের মরাই ছাইয়ের গাদা হবে!

মনের ভিতর রক্ততর অভিসম্পাতের আরও চোখা-চোখা বাণী ঘুরিতেছিল—বউ বেটা মরবে, পিণ্ডি লোপ হবে, জোড়া বেটা এক বিছানায় শুয়ে ধড়ফড় করে যাবে। কিন্তু সঙ্গে সঙ্গে মনের কোণে উকি মারিতেছিল—বিশীর্ণ গৌরবর্ণা এক সীমন্তিনী নারীর অতি কাতর করুণা-ভিক্ষু মুখ। অল্পে অল্পে সে চুপ করিয়া গেল।

দুর্গা আসিয়া ডাকিল—কামার-বউ এস তাই, নজরবন্দীবাধু রান্না নিম্নে বসে আছেন। পদ্ম উত্তর দিল না।

—খালতরি, উঠে আস কেনে! পিণ্ডি খাবি না? তোর লেগে আমরাও খাব না নাকি?

এবার আসিয়া এমন মধুর সম্ভাষণে ডাকিল উচ্চিড়ে ।

পদ্ম উত্তর দিল—তোরা খা না গিয়ে হতভাগারা, আমি খাব না, যা ।

—খেতে দিছে না যি লজ্জবন্দীবাবু । তুমি না খেলে আমাদেরকে দেবে না । নিজেও খায় নাই । কস্মকর তো মরে নাই—তবে তার লেগে এত কাঁদছিল ক্যানে ?

—তবে রে মুখপোড়া !—পদ্ম ক্রোধভরে তাকে তাড়া করিয়া আসিয়া সেই টানে একেবারে বাড়ী ঢুকিয়া পড়িল ।

*

*

*

উনত্রিশে চৈত্র অনিরুদ্ধের মামলার দিন পড়িয়াছে । বিচার করিবার কিছু নাই ; সে নিজেই স্বীকারোক্তি করিয়াছে ।—পুলিসের কাছে করিয়াছিল । হাকিমের কাছেও করিয়াছে । উকিল মোক্তার কাহারও পরামর্শেই সে তাহা প্রত্যাহার করে নাই । সে যেন অকস্মাৎ বেপরোয়া হইয়া উঠিয়াছে । সেই দিনের সর্বজন্যের বাহবা তাহাকে যেন একটা নেশা ধরাইয়া দিয়াছে । সাজা তাহার হইবেই । দেবু কয়েক দিনই সদর শহরে গিয়াছিল, উকিল-মোক্তারও দেওয়া হইয়াছে । কিন্তু সকল উকীল-মোক্তারে এক কথাই বলিয়াছে । সাজা দুই মাস হইতে ছয় মাস পর্যন্ত হইতে পারে । কিন্তু সাজা হইবে ।

ইহার মধ্যে ইন্সপেক্টার আসিয়া একবার তদন্ত করিয়া গিয়াছে । প্রজা সমিতির সহিত কোন সংশব আছে কিনা—ইহাই ছিল তদন্তের বিষয় । ইন্সপেক্টার তাহার ধারণা স্পষ্টই গ্রামের লোকের কাছে বলিয়া গিয়াছে—প্রজা সমিতি এ কাজ করতে বলে নাই এটা ঠিক কিন্তু প্রজা সমিতি যদি না থাকত গ্রামে, তবে এ কাণ্ড হত না । এতে আমি নিঃসন্দেহ ।

দুর্গাকে ডাকা হইয়াছিল—তাহার বিরুদ্ধে নাকি রিপোর্ট হইয়াছে । কে রিপোর্ট করিয়াছে না বলিলেও দুর্গা বুঝিয়াছে । ইন্সপেক্টার তীক্ষ্ণদৃষ্টিতে তাহার দিকে চাহিয়া প্রশ্ন করিয়াছিল—কুনছি তোর যত দাগী বদমায়েশ লোকের সঙ্গে আলাপ, তাদের সঙ্গে তুই—। ব্যাপার কি বল তো ?

দুর্গা হাত জোড় করিয়া বলিল—আজ্ঞে হজুর, আমি নষ্ট-দুষ্ট—একথা সত্যি, তবে মশায় আমাদের গাঁয়ের ছিক পাল—। জিত কাটিয়া সে বলিল—না, মানে ঘোষ মহাশয়, শ্রীহরি ঘোষ, থানার জমাদারবাবু, ইউনান বোর্ডের পেসিডেনবাবু—এঁরা সব যে দাগী বদমাশ লোক—এ কি করে জানব বলুন ! মেলামেশা আলাপ তো আমার এঁদের সঙ্গে !

ইন্সপেক্টার ধমক দিল । দুর্গা কিন্তু অকুতোভয় । বলিল—আপনি ডাকুন সবাইকে—আমি মুখে মুখে বলছি । এই সেদিন রেতে জমাদার ঘোষ মশায়ের বৈঠকখানায় এসে আমোদ করতে আমাকে ডেকেছিলেন—আমি গেছিলাম । সেদিন ঘোষ মশায়ের খিড়কীর পুকুরে আমাকে সাপে কামড়েছিল—পেরমাই ছিল তাই বেঁচেছি । স্বামকিষণ সিপাইজী ছিল, ভূপাল খানাদার ছিল । শুধান সকলকে । আমার কথা তো কার কাছে ছাপি নাই ।

ইন্সপেক্টার আর কোন কথা না বাড়াইয়া কঠিন দৃষ্টি নিক্ষেপ করিয়া বলিয়াছিল—আচ্ছা

আচ্ছা, যাও ভূমি, সাবধানে থাকবে।

পরম ভক্তি সহকারে একটি প্রণাম করিয়া দুর্গা চলিয়া আসিয়াছিল

ছাকিৰণ

ইহার পর বিপদ হইল পদ্মকে লইয়া। তাহার মেজাজের অন্ত পাওয়া ভার। এই এখনই সে একরকম, আবার মুহূর্ত পরেই সে আর এক রকমের মাহুধ। উচ্চিড়ে গোবরা পর্যন্ত প্রায় হতভম্ব হইয়া পড়িয়াছে। তবে তাহারা বাড়ীতে বড় একটা থাকে না। বিশ তারিখ হইতে গাজনের ঢাক বাজিয়াছে, মাঠের চৌচুড়ে দীঘি হইতে বুড়াশিব চণ্ডীমণ্ডপ জাঁকাইয়া বসিয়াছেন; তাহারা দুইজনে নন্দী-ভৃঙ্গীর মত অহরহ চণ্ডীমণ্ডপে হাজির আছে। গাজনের ভক্তের দল বাণ-গোমাই লইয়া গ্রামে গ্রামে ভিক্ষা সাধিতে যায়—ছোড়া দুইটাও সঙ্গে সঙ্গে ফেরে।

গ্রামে গাজনে এবার প্রচুর সমারোহ। শ্রীহরি চণ্ডীমণ্ডপে দেউল ও নাটমন্দির তৈয়ারী করিয়া মূলতুবা রাখিলেও হঠাৎ এই কাণ্ডের পর গাজনের আয়োজনে সে উঠিয়া-পড়িয়া লাগিয়াছে। লোকে ভক্ত হইতে চাহিতেছে না কেন তাহার কারণ সে বোঝে। দেবু ঘোষ, জগন ডাক্তার আর দুষ্কপোস্ত একটা আগন্তুক বালক ষড়যন্ত্র করিয়া তাহাকে অপমান করিবার জন্তই গাজন ব্যর্থ করিবার ব্যবস্থা করিয়াছে, তাহা শ্রীহরি বুঝে। তাই হঠাৎ সে এবার গাজনে কোমর বাঁধিয়া লাগিয়া গেল। ছোট ধরনের একটি মেলার আয়োজনও করিয়া ফেলিল। দুই দল ভাল 'বোলান' গান—এক দল কুমুদ, এক দল কবি-গানের পাল্লার ব্যবস্থা করিয়া সে গ্যাট হইয়া বসিল। যাহারা বলিয়াছে চণ্ডীমণ্ডপ ছাইব না, তাহারাই যেন চকিৰণ ঘণ্টা আনন্দ আয়োজনের দ্বারপ্রান্তে পথের কুকুরের মত দাঁড়াইয়া থাকে—তাহারাই জন্ত এত আয়োজন। ভাত ছড়াইলে কাক ও কুকুর আপনি আসিয়া জুটে। সেই যেদিন ধান দানন করে, সেদিন গ্রামের লোক তাহার বাড়ীর আশেপাশে ঘুরিয়া ঘুরিয়া তাহার দৃষ্টি আকর্ষণের চেষ্টা করিয়াছে। ইহারই মধ্যে ভবেশ খুড়া বহুজনের দরবার লইয়া আসিয়াছে। কথাবার্তা চলিতেছে, তাহার ঘাট মানিয়া কমা-প্রার্থনা করিতে প্রস্তুত; প্রজা সমিতিও তাহার ছাড়িয়া দিবে বলিয়া কথা দিয়াছে।

গড়গড়া টানিতে টানিতে শ্রীহরি আপন মনেই হাসিল। তবে ওই হরিজনের দলকে সে কমা করিবে না। কুকুর হইয়া উহার ঠাকুরের মাথার উপর উঠিতে চায়।

কাল আবার অনিষ্টকের মামলার দিন। সদরে যাইতে হইবে। শ্রীহরি চঞ্চল হইয়া উঠিল। অনিষ্টক জেলে গেলে পদ্ম একা থাকিবে। অন্নর অভাব হইবে—বস্ত্রের অভাব হইবে। দীর্ঘ-ভ্রম, আয়ত নয়না, উজ্জতা, মুখরা কামারণী। এবার সে কি করে দেখিতে হইবে। তাবপর অনিষ্টকের চার বিধা বাকুড়ি। কামারের গোটা জোতটাই নীলামে উঠিয়াছে। হয়তো নীলাম এতদিন হইয়া গেল। যাক!

কালু শেখ আসিয়া সেলাম করিয়া বলিল—হুজুরের মা ডাকিতেছে।

—মা ? ও, আজ যে আবার নীল-যষ্ঠী !—শ্রীহরি উঠিয়া বাড়ীর ভিতরে গেল।

চৈত্র-সংক্রান্তির পূর্বদিন নীল-যষ্ঠী। তিথিতে যষ্ঠী না হইলেও মেয়েদের যাহাদের নীলের মানত আছে, তাহারা যষ্ঠীর উপবাস করিবে, পূজা করিবে, সন্তানের কপালে কৌটা দিবে। নীল অর্থাৎ নীলকণ্ঠ এই দিনে নাকি লীলাবতীকে বিবাহ করিয়াছিলেন। লীলাবতীর কোল আলো করিয়া নীলমণির শোভা। নীল-যষ্ঠী করিলে নীলমণির মত সন্তান হয়।

পদ্ম সকল যষ্ঠীই পালন করে; সে-ও উপবাস করিয়া আছে। কিন্তু বিপদ হইয়াছে উচ্চিড়ে ও গোবরাকে লইয়া। আজ সকালবেলা হইতেই তাহাদের দেখা নাই। চড়ক-পাটা বাহির হইয়াছে। ঢাক বাজাইয়া ভক্তরা গ্রামে গ্রামে ফিরিতেছে। একটা লোহার কাঁটায় কণ্ঠকিত তক্তার উপর একজন ভক্ত শুইয়া থাকিবে। সে কি সোজা কথা! সেই বিস্ময়কর ব্যাপারের পিছনে পিছনে তাহারা ফিরিতেছে। আগে এখানে বাণ ফোঁড়া হইত, এখন আর হয় না।

পদ্ম অপেক্ষা করিয়া অবশেষে নিজেই চণ্ডীমণ্ডপের প্রান্তে আসিয়া দাঁড়াইল। চণ্ডীমণ্ডপে ঢাক বাজিতেছে। বোধ হয় এ বেলার মত চড়ক ফিরিয়া আসিল।

চণ্ডীমণ্ডপ ঘিরিয়া মেলা বসিয়াছে। খানবিশেক দোকান। তেলেভাজা মিষ্টির দোকানই বেশী। বেগুনি, ফলুরা, পাপড়-ভাজা হইতেছে। ছেলেরা দলে দলে আসিয়া কিনিয়া খাইতেছে। খানচারেক মণিহারী দোকান। সেখানে তরুণী মেয়েদেরই ভিড় বেশী—কিতা, টিপ, আলতা, গন্ধ কিনিতেছে। গাছতলায় ছোট আসর পাতিয়া বসিয়াছে তিনজন চুড়ি-ওয়ালী। একটা গাছতলায় বৈরাগীদের নেলোও বসিয়াছে কতকগুলি মাটির পুতুল লইয়া। ওমা! বুড়ো পুতুলগুলো তো বেশ গড়িয়াছে! হঁকা হাতে তামাক খাইতেছে—আবার ষাড় নাড়িতেছে! বয়স্কেরা ঘুরিয়া বেড়াইতেছে—অলস পদক্ষেপে। আজকাল দুইদিন কোন চাষের কাজ নাই। হাল চাষিতে নাই, গরু জুতিতে নাই। এই দুই দিন সর্বকর্মের বিশ্রাম।

উচ্চিড়ে ও গোবরার সন্ধান মিলিল না। তাহা হইলে চড়ক হইতে এখনও ফেরে নাই। ও ঢাক শ্রীহরি ঘোষের যষ্ঠী-পূজার ঢাক। পদ্ম বোধ হয় জানে না—ঘোষ এবার দশখানা ঢাকের বন্দোবস্ত করিয়াছে।

পাতু নিজের গ্রাম ছাড়িয়া অগ্র গ্রামে বাজাইতে গিয়াছে। সর্বত্রই এক অবস্থা। বাত্বকরের চাকরান জমি প্রায় সর্বত্রই উচ্ছেদ ইয়া গিয়াছে। এ গ্রামের ঢাকা ও গ্রামে যায়, সে গ্রামের ঢাকা আসিয়াছে এ গ্রামে। সতশ বাড়ীও তাহার বোলানের দল লইয়া অগ্র গ্রামে গিয়াছে।

অগত্যা পদ্ম বাড়ী ফিরিয়া আসিয়া মাটিতে আঁচল বিছাইয়া শুইয়া পড়িল। পরের সন্তান লইয়া এ কি বিড়ম্বনা তাহার! কিছুক্ষণ পর আবার সে বাহির হইল। এবার শুষ্ক মুখ, ধূলি-ধূসর দেহ ছেলে দুইটাকে দেখিতে পাইয়া তাহাদিগকে ধরিয়া যতীনের সম্মুখে আনিয়া বলিল

—এই দেখ, একবার ছেলে ছুটোর দশা দেখ। তুমি শাসন কর।

যতীন কিছু বলিল না, মুহু হাসিল।

পদ্ম বলিল—হেসো না তুমি। আমার সর্বাপ জলে যায় তোমার হাসি দেখলে। ভেতরে এস একবার, ফোটা দেব।

ফোটা দিয়া পদ্ম বলিল—হাসি নয়, উচ্চিৎড়ে তুমি বল, এমনি করে বাইরে বাইরে ফিরলে তুমি ওকে রাখবেই না এখানে, জবাব দেবে। খেতে দেবে না। গোবরাটা ভাল—ওকে নিয়ে যায় উচ্চিৎড়েই। কাল ওরা যেন না বেরোয় ঘর থেকে।

যতীন এবার মুখে কৃত্রিম গাঙ্গীর্ষ টানিয়া আনিয়া বলিল তথাস্ত মা-মণি। তারপর সে উচ্চিৎড়ে কড়া রকমের ও গোবরাকে মুহু রকমের শাসন করিয়া দিল। অর্থাৎ দুইজনকে দুই রকমের কান মলিয়া দিল।

কিন্তু তাহাই কি হয়? উচ্চিৎড়ে আর গোবরা হোম-সংক্রান্তি, অর্থাৎ গাজনের দিন কি ঘরে থাকিবে? সেই তোররাগ্রেই ঢাক বাজিবার সঙ্গে সঙ্গেই উচ্চিৎড়ে গোবরাকে লইয়া বাহির হইল, আর বাড়ীমুখো হইল না,—পাছে পদ্ম তাহাদের আটক করে।

আজ বুড়ো-শিবের পূজা। পূজা হইবে, বলিদান হইবে, হোম হইবে। আজ ভক্ত শুইয়া থাকিবে সমস্ত দিন। লোহার কাঁটাওয়াল তক্তাখানা এমনভাবে বসানো আছে যে ঘুরাইলে বন-বন করিয়া ঘোরে।

উচ্চিৎড়ে গোবরাকে বলিল—আজ তাই আমরা শিবের উপোস করব।

—উপোস? গোবরার ক্ষুধাটা কিছু বেশী।

—হ্যাঁ। বাবা বুড়ো শিবের উপোস। সবাই করে, না করলে পাপ হয়। উপোস করলে মেলা টাকা হয়।

সবাই গাজনের উপবাস করে, এ কথাটা গোবরা অস্বীকার করিতে পারিল না। গাজনের উপবাস প্রায় সর্বজনীন। বাউড়ী-বায়েন হইতে উচ্চতম বর্ষ ব্রাহ্মণ আজ প্রায় সকলেরই উপবাস। অনিষ্টকের মামলার তদ্বিরে দেব উপবাস করিয়াই সদরে গিয়াছে। শ্রীহরিরও উপবাস। কিন্তু উপবাস করিলেই টাকা হয়—এ কথাটা গোবরা স্বীকার করিতে পারিল না। তাহা হইলে পণ্ডিত গরীব কেন?

গোবরার অন্তরের একান্ত অনিচ্ছা উচ্চিৎড়ে বুঝিল; বলিল—বেশী ক্ষিদে লাগে তো, ছই চৌধুরীদের বাগানে গিয়ে আম পেড়ে খাব! বেশ বড় বড় হয়েছে—বুঝিল? আম পাড়লে চৌধুরীরা কিছু বলবে না, আর ওতে পাপও হবে না।

এবার গোবরার তেমন আপত্তি রহিল না।

—শেষকালে না-হয় কাক বাড়ীতে মেগে খাব ছুটো।

—উহ। মা-মণি তা হলে মারবে। বলবে—ভিখিরি কোথাকার, বেরো হতভাগায়া।

—তবে চল, আমরা মহাগেরাম যাই। সেখানে এখানকার চেয়ে বেশী ধুম। আর সেখানে মেগে খেলে, মা-মণি কি করে জানবে? তাই চল।

গোবরা এ প্রস্তাবে উৎসাহিত হইয়া উঠিল।

গ্রামের প্রান্তে একটা জলশূন্য পুকুরের পাড়ে খোঁড়া পুরোহিতের তেঠেঙে ঘোড়াটা ঝাল খাইতেছিল। উচ্চিৎড়ে দাঁড়াইল। বলিল—এই ঘোড়াটা ধর দিকি!

—চাঁট ছুঁড়বে।

—তোর মাথা! পেছনকার একটা ঠ্যাং খোঁড়া। চাঁট ছুঁড়তে গেলে নিজেই ধপাস করে পড়ে যাবে। ধর ওইটার ওপর চেপে হুজনা চলে যাব। তোর কাপড়টা খোল, নাগাম করব।

সত্যি ঘোড়াটা চাঁট ছুড়িতে পারে না; কিন্তু কামড়ায় থেকী কুকুরের মত দাঁত বাহির করিয়া মাথা উচাইয়া কামড়াইতে আসে। এটা উচ্চিৎড়ে জানিত না। সম্ভবত এটা ঘোড়াটার আত্মরক্ষার আধুনিকতম অস্ত্র আবিষ্কার। অস্বারোহণের সঙ্কল্প ত্যাগ করিতে হইল।

* * * *

সন্ধ্যায় গাজনের পূজা শেষ। চড়ক শেষ হইয়াছে। ভক্তদের আগুন লইয়া ফুল-খেলাও হইয়া গিয়াছে। বলি-হোমও হইয়া গিয়াছে। কপালে তিলক পরিয়া ভবেশ ও হরিশ চণ্ডীমণ্ডপে বসিয়া আছে। শ্রীহরি এখনও সদর হইতে ফেরে নাই। ঢাকীর দল প্রচণ্ড উৎসাহে ঢাকের বাজনার কেরামতি দেখাইতেছে। বড় বড় ঢাক, ঢাকের মাথায় দেড় হাত লম্বা পালকের ফুল। এ ঢাকের আওয়াজ প্রচণ্ড, ভদ্রলোকেরা বলে, ঢাকের বাগু খামিলেই মিষ্ট লাগে। কিন্তু ঢাকের গুরুগম্ভীর আওয়াজ নিপুণ বাগুকের হাতে রাগিণীর উপযুক্ত বোলে যখন বাজে, তখন আকাশ বাতাস পরিশূন্য হইয়া যায়—গুরুগম্ভীর ধ্বনির আঘাতে মাতৃশবের বকের ভিতরেও গুরুগম্ভীর ঝঙ্কার উঠে। নাচিয়া নাচিয়া নানা ভঙ্গি করিয়া মুখে বোল আওড়াইয়া—এক-একজন ঢাকী পর্যায়ক্রমে ঢাক বাজাইতেছে, তাহাদের নাচের সঙ্গে নাচিতেছে—ঢাকের পাখার কালো পালকের তৈয়ারী ফুল; একেবারে মাথার কাছে বকের সাদা পালকের গুচ্ছ।

হরিশ আক্ষেপ করিতেছিল—এবার চৌধুরী আসতে পারলেন না! ঠাইটি একেবারে খাঁ-খাঁ করছে।

চৌধুরী প্রতি বৎসর উপস্থিত থাকে। ঢাকের বাজনার সে একজন সমঝদার শ্রোতা। বসিয়া বসিয়া তালে তালে ঘাড় নাড়ে। পাশে থাকে একটি পৌটলা। বাজনার শেষে চৌধুরী পৌটলা খুলিয়া পুরস্কার দেয়—কাহাকেও পুরানো জামা, কাহাকেও পুরানো চাদর, কাহাকেও বা পুরানো কাপড়। এবার চৌধুরী শয্যাশায়ী হইয়া আছে। সেই মাথার আঘাত পাইয়া বিছানায় শুইয়াছে, আর উঠে নাই। ঘা শুকাইতেছে না, সঙ্গে সঙ্গে অল্প অল্প জ্বরও হইতেছে।

চণ্ডীমণ্ডপের চারিপাশে মেলার মধ্যে পথে ভিড় এখন প্রচুর। মেয়ে, ছেলে, স্ত্রী, পুরুষ দলে দলে ঘুরিতেছে। সন্ধ্যার পর কবিগান হইবে। কলরবের অস্ত্র নাই। অকস্মাৎ সেই

কলরব ছাপাইয়া কালু শেখের গলা শোনা গেল—হঠ হঠ, হঠ সব !

ভিড় ঠেলিয়া পথ করিয়া কালু শেখ বাহির হইয়া আসিল—তাহার পিছনে ত্রিহরি। ঘোষ ফিরিয়াছে। ভবেশ ও হরিশ অগ্রসর হইয়া গেল।

ত্রিহরি ফোকলা দাঁতে একগাল হাসিয়া বলিল—সুখবর। দুই মাস সশ্রম কারাদণ্ড।

*

*

*

পথের ভিড় ঠেলিয়া দেবু ঘোষও খাইতেছিল। বিমর্ষমুখে সে গেল যতীনের ওখানে।

যতীন, দেবু, জগন ও হরেন—আজ সাক্ষ্য মজলিসে লোক কেবল চারজন। সকলেই চুপ করিয়া বসিয়া আছে। আজিকার সমস্তা—পদ্মকে এ সংবাদটা কে দিবে, কেমন করিয়া দিবে ?

ভিতরের দরজায় শিকল নড়িয়া উঠিল। পদ্ম ডাকিতেছে। যতীন উঠিয়া গেল। অনিরুদ্ধের দণ্ডের কথা শুনিয়া যতীন খুব বিষন্ন হয় নাই। দুই মাস জেল—যতীনের মতে লঘুদণ্ডই হইয়াছে। যে মন লইয়া অনিরুদ্ধ দেবুকে মিথ্যা দণ্ড হইতে বাঁচাইতে গিয়া সভ্য স্বীকারোক্তি করিয়াছে, সে মন যদি তাহার টিকে—তবে সে নূতন মাছুষ হইয়া ফিরিবে। আর যদি সে মন বুদ্ধদের মত ক্ষণস্থায়ীই হয়—তবুও বা দুঃখ কিসের! দারিদ্র্য-ব্যাধিতে জীর্ণ মহুস্বদের মৃত্যু তো ধুবই ছিল। কিন্তু বিপদ হইয়াছে পদ্মকে লইয়া। কি মায়ায় যে এই অশিক্ষিতা আবেগসর্বস্বা পল্লী-বধূটি তাহাকে জড়াইয়া ধরিয়াছে তাহা সে বুঝিতে পারে না। বুদ্ধি দিয়া বিশ্লেষণ করিয়াও সে তাহাকে উপেক্ষা করিতে পারে না। বৃহত্তর জীবন, মহত্তর স্বার্থের মানদণ্ডে ওজন করিয়াও সে কিছুতেই তাহার মূল্যকে অকিঞ্চিৎকর করিয়া তুলিতে পারে না। মাটির মূর্তির মধ্যে সে দেবীরূপ কল্পনা করিতে পারে না। জলে বিসর্জন দিলে সে মূর্তি গলিয়া কাদা হইয়া যায়, জলতলে সে রূপ পঙ্ক-সমাধিলাভ করে, এ সত্য মনে করিয়া সে হাসে। কিন্তু ঐ ভদ্র মাটির মূর্তি অক্ষয় দেবীরূপ লাভ করিল কেমন করিয়া ? কালের নদী-জলে তাহাকে বিসর্জন দিলেও যে সে গলিবে না বলিয়া মনে হইতেছে। শিক্ষা নাই সংস্কৃতি নাই—অভিমান ও কুসংস্কার-সর্বস্ব পদ্ম মাটির মূর্তি ছাড়া আর কি ? সে এমন সজীব দেবীমূর্তি হইয়া উঠিল কি করিয়া ? কোন মঞ্চে ?

ইতিমধ্যে কাঁদিয়া কাঁদিয়া পদ্মের চোখ দুইটা ফুলিয়া উঠিয়াছে। চোখের জল মুছিতে মুছিতে মান হাসিয়া সে বলিল—‘দু’ মাস জেল হয়েছে ?

যতীন আশ্চর্য হইয়া গেল। ইহার মধ্যে কথাটা তাহাকে কে বলিল ? মাথা নিচু করিয়া সে বলিল—হ্যাঁ।

একটা দীর্ঘনিঃশ্বাস ফেলিল পদ্ম, বলিল—তা হোক। ভালোয় ভালোয় ফিরে আসুক সে। কিন্তু পণ্ডিতকে যে তার পাপের দণ্ডভোগ করতে হয় নাই, সে যে সত্যি কথা বলেছে—সেই আমার ভাগি। তা না হলে তার অনন্ত নরক হ’ত, সাত পুরুষ নরকস্থ হ’ত।

যতীন অবাক হইয়া গেল।

পদ্ম বলিল—জল গরম হয়েছে। চা তুমি করে নাও। আমি একবার দেখি সেই

মুখপোড়া ছেলে দুটোকে । এখনও ফেরে নাই । সারাদিন খায় নাই ।

—তুমিও তো খাওনি মা-মণি ? খেয়ে নাও ! যতীনের মনে পড়িল—কাল পদ্মের নীল-বগীর উপবাস গিয়াছে । আজ আবার সে সারাদিন গাজনের উপবাস করিয়াছে ।

—খাব । সে দুটোকে আগে ধরে আনি !

যতীন আর কিছু বলিবার পূর্বেই পদ্ম বাহির হইয়া গেল ।

শ্রীহরির খিড়কীর ঘাটে শ্রীহরির মা উচ্চকণ্ঠে সবিস্তারে অনিরুদ্ধের শাস্তির কথা দস্ত-সহকারে ঘোষণা করিতেছে । এ সে বহুকণ পূর্বেই আরম্ভ করিয়াছে ; এখনও শেষ হয় নাই । পুত্রগর্বিতা বৃদ্ধা শুধু অপেক্ষা করিতেছে—অদূরে উচ্চকণ্ঠের একটি সবিলাপ রোদন-ধ্বনির ।

কথাবার্তা কহিবার অবসর আজ খুব কমই হইতেছিল ।

চা খাওয়া শেষ করিয়া যতীন বলিল—চৌধুরী কেমন আছেন ডাক্তারবাবু ?

দেবু চমকাইয়া উঠিল, অনিরুদ্ধের হাঙ্গামায় আজ দু-দিন চৌধুরীর সংবাদ লওয়াই হয় নাই ।

জগন বলিল—একটু ভাল আছেন । তবে এই একটুকু ঘা আর কিছুতেই সারছে না । ঘায়ের মুখ থেকে অল্প অল্প পুঁজ পড়ছে, আর প্রায়ই সামান্য সামান্য জ্বর হচ্ছে ।

যতীন বলিল—যাব একদিন দেখতে ।

দেবু বলিল—কালই চলুন না সকালে । আমি যাব ।

—আমাকে ডেকে দেবু । তোমাদেরই সঙ্গে যাব । আমাকে তো যেতেই হবে । একসঙ্গেই যাব । হয়েন যাবে নাকি ?

—টু-মরো তো হবে না ব্রাদার ! পয়লা বোশেখ, খাতা ফেরার হাঙ্গামা আছে । আমাকে ছুটতে হবে আলোপুর, ইলু শেখের কাছে—গোটা-চারেক টাকা আনতে হবে । নইলে বেটা বৃন্দাবনকে তো জান ? একটি পয়সা আর ধার দেবে না ।

পয়লা বৈশাখ হালখাতা । কথাটা যেন বনাৎ করিয়া পড়িল । কথাটা দেবুরও মনে হইল । ধার সে বড় করে না । তবে এবার তাহার অল্পপস্থিতিতে দুর্গার মারফৎ জংশনের একটা দোকানে বাকী পড়িয়াছে—এগারো টাকা দশ আনা । অনিরুদ্ধের হাঙ্গামায় কথাটা তাহার মনেই হয় নাই । দুর্গাও কোন তাগাদা দেয় নাই । টাকাটা বা কোথা হইতে আসিবে ? আসিয়া অবশি নিজের ভাবনা যে ভাবাই হয় নাই ! কিন্তু না তাবিলে ভবিষ্যৎ কি হইবে ?

সে যদি হঠাৎ মারা যায়, তবে কি বিলু এই পদ্মের মত—কিংবা অবশেষে তারিণীর স্ত্রীর মত—ভাবিতেই সে শিহরিয়া উঠিল । বার বার সে নিজেকে থিক্কার দিয়া উঠিল—ছি, ছি, ছি !

তবুও চিন্তা গেল না । বিলুর বদলে মনে হইল খোকার কথা ।

তাহার খোকাও কি ওই উচ্চিঃড়ের মত—না—না—না । সে মনে মনেই বলিল—

কিছুতেই না। কাল নববর্ষের প্রথম দিন হইতে সে নিজের ভাবনা ভাবিবে, আর নয়—
আর নয়। স্ত্রী-পুত্র লইয়া—দারিদ্র্য লইয়া দেশের ভাবনা ভাবিবার অধিকার তাহার নাই,
সে অধিকার ভগবান তাহাকে দেন নাই। সে ভার—সে অধিকার শ্রীহরির। গোটা
গাজনের খরচটা সে-ই দিয়াছে। গোটা দেশের লোককে ধান দান সে-ই দিয়াছে। সে
ভার তাহার।

সে অত্যন্ত আকস্মিক ভাবে উঠিয়া পড়িল।

জগন জিজ্ঞাসা করিল—কি ব্যাপার হে? হঠাৎ উঠলে?

—একটা জরুরী কাজ ভুলেছি।

সে চলিয়া আসিল। পথে চণ্ডীমণ্ডপে উঠিয়া শিবকে প্রণাম করিল—হে দেবাদিদেব
মহাদেব, ভালয়-ভালয় এ বৎসর পার করে দিলে। আশীর্বাদ কর—আগামী বৎসরটি যেন
ভালয়-ভালয় যায়।

খোঁড়া পুরোহিত তাহাকে আশীর্বাদী নির্মালা দিল।

* * * *

পথে নামিয়া সে বাড়ী গেল না। সে গেল দুর্গার বাড়ী। দুর্গাই দোকান হইতে ধার
আনিয়া দিয়াছিল। তাহারই মারফতে একটা টাকা কাল সে পাঠাইয়া দিবে এবং মাসখানেক
সময় চাহিয়া লইবে। সময় একটু বেশী লওয়াই ভাল। বৈশাখের প্রথমই সে তিসি,
মসিনা, গম, যব—যে কয়টা ঘরে আছে—বিক্রি করিয়া দিবে। সর্বাগ্রে সে ঋণ পরিশোধ
করিবে।

বাড়ীতে দুর্গার মা বসিয়াছিল; একা অন্ধকারে দাওয়ার উপর বসিয়া কাহাকে গালি
দিতেছিল—রাকস, প্যাটে আগুন নাগুক—আগুন নাগুক—আগুন নাগুক! মরুক, মরুক,
মরুক! আর হারামজাদী নচ্ছারী, বানের আগে কুটো—সব্বাগ্যে তোর যাওয়ার কি দরকার
কুনি?

দেবু জিজ্ঞাসা করিল—ও পিসেস, দুর্গা কই!

বিলু দুর্গার মাকে বাপের বাড়ীর গ্রামবাসিনী হিসাবে পিসী বলে, তাই দেবু বলে—পিসেস
অর্থাৎ পিস-শান্তী।

দুর্গার মা মাথায় একটু ঘোমটা টানিয়া দিল। জামাইয়ের সামনে মাথায় কাপড় না থাকিলে
এক জামাই মাথার চুল দেখিলে, চিত্তান্ত নাকি মাথার চুল পোড়ে না। ঘোমটা দিয়া দুর্গার মা
বলিল—সে নচ্ছারীর কথা আর বলো না বাবা! বানের আগে কুটো। ‘রূপেন’ বায়েনের কিনা
কি ব্যামো হয়েছে, তাই সর্ব্বাগ্যে গিয়েছেন তিনি।

‘রূপেন’ অর্থাৎ উপেন। আত্মীয়স্বজনহীন বৃদ্ধ উপেন, আহা-হা বেচারী! কেউ নাই
সংসারে। কিন্তু সে তো এখানে থাকে না। সে তো কঙ্কণায় ভিক্ষা করিত!

দেবু প্রশ্ন করিল—উপেন আজকাল গাঁয়ে কিরেছে নাকি?

—স্বল্পে কিরেছে বাবা। গাঁয়ে আগুন নাগাতে কিরেছে। কাল থেকে গাঁয়ে গাজনের

মেলা দেখতে এসেছে। আজ সকালে ফুলুরীর দোকানদার কতকগুলো ডে-বাসী ফুলুরী ফেলে, বিরেছিল—সেনেটারী বাবু আসবে শুনে। রূপেন তাই কুড়িয়ে গবাগব খেয়েছে। খেয়ে সন্কে থেকে ‘নামুনে’ হয়েছে। আমাদের দুগ্গা বিবি তাই শুনে দেখতে ছুটেছেন। আহা-হা, দরদ কত! কি বলব বাবা বল?

‘নামুনে’; অর্থাৎ কলেরা! সর্বনাশ! সম্মুখে এই বৈশাখ মাস—কোথাও এক ফোঁটা পানীয় জল নাই! এই সময় কলেরা।

সে ক্ষতপদে আসিয়া উঠিল উপেনের বাড়ী। এক মুহূর্তে তাহার সব ভুল হইয়া গেল।

উঠানে মাটির উপর পড়িয়া জরা-জীর্ণ বৃদ্ধ ছটকট করিতেছিল,—জ-ল—জ-ল—জ-ল! স্বর অহুনাশিক হইয়া উঠিয়াছে। অশ্রু কেহ নাই, কেবল দুর্গা দাঁড়াইয়া আছে, সে যথাসাধ্য সংস্পর্শ বাঁচাইয়া একটা ভাঁড়ে করিয়া তাহাকে জল ঢালিয়া দিয়াছে। বৃদ্ধ কিন্তু আপনার জল খাইবার ভাঁড়ের নিকট হইতে অনেকটা দূরে আসিয়া নিস্তেজ হইয়া পড়িয়াছে। কম্পিত বাহু বিস্তার করিয়া বিক্ষারিত দৃষ্টিতে তীব্র ব্যগ্রতায় সে চীৎকার করিতেছে, জল—এঁকটু জল!

দেবু অগ্রসর হইল, ভাঁড়টি লইয়া উপেনের মুখের কাছে বসিয়া একটু একটু করিয়া জল ঢালিয়া দিতে আরম্ভ করিল। দুর্গাকে বলিল—দুর্গা, শীগগির গিয়ে একবার জগনকে খবর দে। বলবি আমি বসে রয়েছে।

যতীনের কথাও একবার মনে হইল। কিন্তু পরক্ষণেই ভাবিল—বিদেশী ভদ্রলোক! তাহাকে এসব বিপজ্জনক ব্যাপারে টানিয়া আনা উচিত হইবে না। এ তাহাদের গ্রাম, এখানকার সকল দুঃখকষ্ট একান্ত করিয়া তাহাদের। অতিথি আগন্তুককে দিতে হয় স্বথের ভাগ। দুঃখের ভাগ কি বলিয়া কোন মুখে সে তাহাকে লইতে আহ্বান করিবে!

সাতাশ

শুভ নববর্ষ। বুদ্ধেরা শিহরিয়া উঠিল। নিতান্ত অশুভ প্রারম্ভ। রুদ্ররূপে মৃত্যু প্রবেশ করিয়াছে—লক্ষ্মী মহামারীকে লইয়া। চতুর্মণ্ডপে বুধ-গণনা পাঠ ও পঞ্জিকা বিচার চলিতেছে। করিতেছে খোঁড়া গুরোহিত, শুনিতেছে শ্রীহরি ঘোষ এবং প্রবীণ মণ্ডলেরা।

গত রাত্রির শেষভাগ হইতে বায়েনপাড়ায় তিনজন আক্রান্ত হইয়াছে; বাউড়ীপাড়ায় দুইজন। উল্লেখ মরিয়াছে। শ্রীহরি গম্ভীর ভাবে বসিয়া ভাবিতেছিল। এ যে প্রকাণ্ড দ্বন্দ্বিহ লক্ষ্য। গ্রামকে দ্রুত করিতে হইবে। হতভাগ্যের দল, তাহার সহিত বিরোধিতা করিয়াছে বলিয়া সে এসময় বিমুখ হইলে, সে যে ধর্ম পতিত হইবে। অবশ্য কাজ সে আরম্ভ করিয়া দিয়াছে। ভূপাল চৌকিদারকে ইন্ট্রনিয়ন বোর্ডে পাঠাইয়াছে। স্যানিটারী ইন্সপেক্টরের কাছে সংবাদ দিতে ইউ-বির সেক্রেটারিকে পত্র দিয়াছে। লোকটি কাল

সকালেই আসিয়াছিল। বাউড়ীপাড়ায়, বায়েনপাড়ায় কিছু চাল সাহায্য দিবার কথাও সে ভাবিয়া রাখিয়াছে। চণ্ডীমণ্ডপের ইদারটিকে কলেরার সংস্পর্শ হইতে বাঁচাইয়া রাখিবার জন্য কঠোর ব্যবস্থা করিয়াছে। কালু শেখ পাহারায় মোতায়েন আছে।

বুড়ী রাণাদিদি আজ সকালে ভগবানকে গাল দেয় নাই; সে জোড়হাতে তারনন্দে বার বার বলিতেছে—ভগবান, রক্ষা কর, হে ভগবান। দোহাই তোমার বাবা! তুমি ছাড়া গম্বীর আর কে আছে দয়াময়? গেরাম রক্ষা কর বাবা বুড়োশিব! হে বাবা! হে ভোলানাথ! হে মা কালী!

পদ্ম আকুল হইয়া উঠিয়াছে—উচ্চিড়ে ও গোবরার জন্য। ‘আলাপা’ ছেলে—সাপ দেখিলে ধরিবার মত ছঃসাহস উহাদের;—কি করিয়া উহাদের সে বাঁচাইবে? তাহার সর্বাত্মক ধরধর করিয়া কাঁপিতেছে।

যতীনও চিন্তাধিত হইয়া উঠিয়াছে; বাংলাদেশে কত লোক কলেরায় মরে, কত লোক ম্যালেরিয়ায় মরে, কত লোক অনাহারে মরে, কত লোক অর্ধাশনে থাকে—এসব তথ্য সে জানে। নিয়তিকে সে স্বীকার করে না। সে জানে এ মহাশক্ত ক্রটি, আপনাদের অজ্ঞানতার অন্ধমতের অপরাধের প্রতিকূল। অপরাধ একমাত্র এই দেশটিতেই আবদ্ধ নয়—মাহুষের ভ্রম হইতে, ভেদবুদ্ধি হইতে, অন্ধমতা হইতে উদ্ভূত এ অপরাধ পৃথিবীর সর্বত্র ব্যাপ্ত। ব্যাধি এক দেশ হইতে অত্র দেশে সংক্রামিত হয় নাই, সেই দেশ হইতেই উদ্ভূত হইয়াছে—অর্থগুরু ধন উপার্জন-শক্তির প্রতিক্রিয়ায় চৌধুর মত, দানধর্মের প্রতিক্রিয়ায় ভিক্ষা-ব্যবসায়ের মত। পুলিশ অ্যাডমিনিস্ট্রেশন-রিপোর্ট সে পড়িয়াছে—ভিক্ষকের দল এক-একটা শিশুকে হাঁড়ির ভিতর দিবারাত্র বসাইয়া রাখে—বৎসরের পর বৎসর বসাইয়া রাখে যাহাতে তাহাদের অর্ধাঙ্গ বৃদ্ধি না পায়, পুষ্ট না হয়। পরে ইহাদের বিকলাঙ্গের দোহাই দিয়া দিয়া ভিক্ষার ব্যবসার পুতুল করিয়া তুলে। হয়তো এদেশের ক্রটি বেশী, এদেশে লোক বেশী মরে, কুকুর-বিড়ালের মত মরে। তাহার প্রতিকারের চেষ্টাও চলিতেছে। হয়তো একদিন—তাহার চোখ জলজল করিয়া জলিয়া উঠিল—আরতির যুগল কপূর-প্রদীপের শিখার মত, মূর্ত্তের জন্য। পরমুহূর্ত্তেই সে একটা দীর্ঘনিশ্বাস ফেলিল। কালের দ্বারে বলি ভাবিয়া দৃষ্টিতে আজ কিন্তু এ সমস্ত সে দেখিতে পারিতেছে না। পুন্দের মত সমস্ত গ্রামখানাই কবে কখন তাহার সমস্ত অন্তরকে মমতায় আচ্ছন্ন করিয়া ফেলিয়াছে—সে বুঝিতে পারে নাই। গ্রামের এই বিপর্দয়ে—বিরোগে—শোকে সে নিতান্ত আপন জনের মতই একান্ত বিবল ও ব্যথিত হইয়া উঠিল।

*

*

*

*

বৈশাখের প্রথম দিন। সেই মধ্যরাত্রে কিছু বৃষ্টি হইয়াছে—তারপর আর হয় নাই। হ হ করিয়া গরম ধূলিকণাপূর্ণ বাতাস বহিতেছে ঝড়ের মত। সেই বাতাসে শরীরের রক্ত যেন শুকাইয়া যাইতেছে। মাটি তত্তিয়া আগুন হইয়া উঠিয়াছে। চারিদিকে যেন একটা ভূষাতুর হা-হা ধনি উঠিয়াছে। কোথাও মাহুষ দেখা যায় না। একদিনেই একবেলাতেই

একটা মানুষের মৃত্যুতেই মানুষ ভয়ে দ্রুত হইয়া ঘরে ঢুকিয়াছে, একটা মানুষও আর পথের উপরে নাই।

তুখু বাহির হইয়াছে দেবু ও জগন। তাহারা এখনও ফেরে নাই। যতীনও একবার বাহির হইয়াছিল, অল্পক্ষণ পূর্বে ফিরিয়াছে। সে ফিরিতেই পদ্ম অঝোরবরে কাঁদিয়া বলিল—আমাকে খুন করো না তুমি—তোমার পায়ে পড়ি। দোহাই একটু সাবধানে থাক তুমি।

যতীন ভাবিয়া পায় না—এই অবোধ মা-মণিকে সে কি বলিবে!

দেবু গিয়াছে উপেনের সংকারে। সকাল হইতে দেবু যেন একাই একশ হইয়া উঠিয়াছে। এই অধশিক্ষিত পল্লী-যুবকটির কর্মদক্ষতা ও পরার্থপরতা দেখিয়া যতীন বিস্মিত হইয়া গিয়াছে। আরও একটা নূতন জিনিস সে দেখিয়াছে। ডাক্তারের অভিনব রূপ। চিকিৎসকের কর্তব্যে তাহার এতটুকু ক্রটি নাই। শৈথিল্য নাই। এই মহামারী ক্ষেত্রে নির্ভীক জগন—পরম যত্নের সহিত প্রতিটি জনকে আপনার বিত্তাবুদ্ধি মত অকাতরে চিকিৎসা করিয়া চলিয়াছে। গ্রামে সে কখনও ফি লয় না; কিন্তু এমন ক্ষেত্রে, কলেরার মত ভয়াবহ মহামারীর সময় ডাক্তারদের উপার্জনের বিশেষ একটা ম্যোগ পাইয়াও জগন আপনার প্রথারীতি ভাঙে নাই,—এটা জগনের নুকাইয়া রাখা একটা আশ্চর্য মহত্বের পরিচয়। মুখে আজ তাহার কর্কশ কথা পর্বন্ত নাই, মিষ্ট ভাষায় সকলকে অভয় দিয়া চলিয়াছে।

দেবু ডিক্টিষ্ট বোর্ডে টেলিগ্রাম পাঠাইয়াছে। টেলিগ্রাম লইয়া জংশনে গিয়াছে দুর্গা। ইউনিয়ন বোর্ডেও দেবু সংবাদ পাঠাইয়াছে, পাতু সেখানে গিয়াছে। নিজে সে রোগাক্রান্তদের বাড়ী বাড়ী ঘুরিয়াছে। যাহারা গ্রাম হইতে সরিয়া যাইতে চাহিয়াছে—তাহাদিগকে সাহায্য করিয়াছে। তারপর উপেন বায়েনের সংকারের ব্যবস্থা করিতে বসিয়াছে। বায়েনদের মধ্যে এখানে সক্ষম পুরুষ মাত্র তিনজন। তাহাদের একজন পলাইয়াছে। বাকী দুইজন রাজী থাকিলেও দুইজনে একটা শব লইয়া যাওয়া অসম্ভব কথা। পাশেই বাউড়ীপাড়ায় অনেক লোক আছে বটে, কিন্তু বাউড়ীরা মূটার শব স্পর্শ করিবে না। তবে বাউড়ীদের মাতব্বর সতীশ তাহার সঙ্গে আছে।

শ্মশানের পথও কম নয়, ময়ুরাক্ষীর-গর্ভের উপর শ্মশান—দ্রব্র দেড় মাইলের উপর। অনেক চিন্তা করিয়া শেষে বেলা এগারোটার সময় আপনার গাড়ী গরু আনিয়া, দেবু গাড়ীতে করিয়া উপেনের সংকারের ব্যবস্থা করিল।

সংকারের ব্যবস্থা করিয়াই তাহার কর্তব্য শেষ হইল না; বাউড়ী-বায়েনদের দায়িত্বজ্ঞান কম—হয়তো গ্রামের কাছেই কোথাও ফেলিয়া দিবে আশঙ্কা করিয়া সে শবের সঙ্গে শ্মশান পর্বন্ত যাইতে প্রস্তুত হইল। তা ছাড়া পাতুও তাহার সঙ্গী—মাত্র দুইজনে এই কলেরারোগীর মৃতদেহ লইয়া শ্মশানে যাইতে তাহারা যেন ভয় পাইতেছিল। দেবু তাহা অগ্রভব করিল। এবং বলিল—ভয় করছে পাতু?

তুমুখে পাতু বলিল—আজ্ঞে!

—ভয় করছে নিজে যেতে?

—করছে একটুকু। ভয়াত শিশুর মতই অকপটে সে স্বীকার করিল।

—তবে চল, আমি তোমাদের সঙ্গে যাই।

—আপুনি ?

—হ্যাঁ। আমি। চল যাই।

পাতু ও তাহার সঙ্গীর মুখ উজ্জ্বল হইয়া উঠিল। পাতু বলিল—আপুনি বাঁধের ওপরটিতে শুধু দাঁড়াবেন তা হলেই হবে।

—চল, আমি শ্রমশান পর্বন্তই যাব।

এচও উল্লাপে উত্তপ্ত বৈশাখী দ্বিপ্রহরে তাহারা গাড়ীর উপর শবদেহ চাপাইয়া বাহির হইয়া পড়িল। মাঠে আজ জনশূন্য। রাখালেরা সকলেই প্রায় এই বাউড়ী-বায়েনের ছেলে—তাহারা এমন আতঙ্কিত হইয়া উঠিয়াছে যে, মাঠে গরু লইয়া আসে নাই। গ্রামের আশে-পাশেই গরু লইয়া চূপচাপ বসিয়া আছে। বৈশাখী দ্বিপ্রহরে এই ধু-ধু করা প্রান্তরে আসিয়া যদি অকস্মাৎ তাহারা রোগাক্রান্ত হইয়া পড়ে, তাহা হইলে কি হইবে ? মাঠে আগুনের মত ধূল্য পড়িয়া তুফান ছটফট করিয়া মরিবে যে ! এই আতঙ্কে তাহারা আতঙ্কিত। চারিদিকে যতদূর দৃষ্টি যায় মাঠখানা খা-খা করিতেছে। মধ্যে যে বৃষ্টি হইয়া গিয়াছে, তাহার আর এক বিন্দুও কোথাও জমিয়া নাই। মাটির রস পর্বন্ত শুকাইয়া গিয়াছে। প্রাচীন কালের বড় বড় শিচের পুকুরগুলি এমনভাবে মজিয়া গিয়াছে, মোহনার বাঁধ এমনভাবে ভাঙিয়া গিয়াছে যে, বিন্দু বিন্দু করিয়া যে জল ভিতরে জমে, তাহাও নিঃশেষে বাহির হইয়া আসে। গ্রামের প্রান্ত হইতে ময়ূরাক্ষী পর্বন্ত কোথাও এক ফোঁটা জল নাই। বড়ের মত প্রবল বৈশাখী দ্বিপ্রহরের বাতাসে মাঠের ধূলা উড়িতেছে ; তাহাতে যেন আগুনের স্পর্শ ! ইহারই মধ্যে গাড়ীটা ধীর গতিতে চলিয়াছিল। ক্যা—ক্যা—ক্যা—চাকার দীর্ঘ একটান। একঘেয়ে শব্দ উঠিতেছে। ক্যা—ক্যা— !

পাতু বলিল—এবার আর আমাদের রক্ষে নাই ; কেউ বাঁচবে না পণ্ডিত মশায়।

দেবু স্নেহসিক্ত স্বরে অভয় দিয়া বলিল—তুই পাগল পাতু ! ভয় কি ?

—ভয় ? পাতু হাসিল, বলিল—একেবারে পয়লা বোশেখ নাম্নে ঢুকল গায়ে। তা ছাড়া লোকে বলছে—এবার আমরা চঞ্জীমণ্ডপ ছাইয়ে দিলাম না—বাবা বুড়োশিবের রাগেই হয়তো—

দেবুও একটা দীর্ঘনিঃশ্বাস কেলিল। সে দেবধর্মে বিশ্বাসী। কিন্তু বাবা কি এমনই অবিচার করিবেন ! নিরপরাধের অপরাধটাই বড় হইবে তাঁহার কাছে ? দেবোত্তর সম্পত্তি যাহারা আত্মসাৎ করিয়া লইয়াছে, তাহাদের তো কিছু হয় নাই ! সে দৃঢ়স্বরে বলিল—না পাতু। বাবার কাছে কোন অপরাধ তোমাদের হয় নাই। আমি বলছি।

পাতু বলিল—তবে ই-রকমটা ক্যানে হল পণ্ডিত মশাই ?

দেবু কলেয়ার বৈজ্ঞানিক ব্যাখ্যা আরম্ভ করিল।

উঃ ! এই ঠিক হুপুরে স্রীলোক কে এদিকে আসিতেছে ? বোধ হয় জংশন হইতে

ফিরিতেছে। ই্যা—তাই তো। এ যে দুর্গা! দুর্গা টেলিগ্রাম পাঠাইয়া ফিরিতেছে।

উপেনের শবের সঙ্গে দেবুকে দেখিয়া ধমকিয়া দাঁড়াইল—নিকটে আসিয়া তিরস্কার-ভরা কণ্ঠ করিয়া বলিল—এ কি করেছ জামাই! তুমি কেন এলে? তুমি যাচ্ছ কেন? ফেরো!

দেবু কথাটা একেবারে ঘুরাইয়া দিল—এতক্ষণে ফিরলে দুর্গা? টেলিগ্রাম হল?

—হল। কিন্তু তুমি কিসের লেগে যাচ্ছ জামাই? ফিরে চল।

—ফিরছি, তুই যেতে লাগ।

—না, তুমি ফেরো আগে।

—পাগলামি করিস না দুর্গা। তুই যা, আমি শীগগির ফিরব।

তাহারা চলিয়া গেল; দুর্গার চোখ দিয়া অকারণে জল পড়িতে আরম্ভ করিল।

শীঘ্র ফিরিব বলিলেও—শীঘ্র ফেরা হইল না। ফিরিতে অপরাহ্ন গড়াইয়া গেল। ময়ূরাক্ষীর কাধা বালি-গোলা, হাঁটুডোবা জলে কোনমতে স্নান সারিয়া বাড়ী আসিয়া দেবু ডাকিল—বিলু!

ছুটিয়া বাহির হইয়া আসিল খোকা, তাহার খোকনমণি। দুটি হাত বাড়াইয়া সে ডাকিল—বা-বা!

দেবু দুই পা পিছনে সরিয়া আসিয়া বলিল—না, না, ছুঁয়ো না আমাকে। না।

খোকন আমোদ পাইয়া গেল। মুহূর্তে তাহার মনে পড়িয়া গেল লুকোচুরি খেলার আমোদ, সে খিল-খিল করিয়া হাত বাড়াইয়া আরও ছুটিয়া আসিল। খোকনের আমোদের হোঁয়াট দেবুকেও লাগিল—সে আরও খানিকটা সরিয়া আসিয়া বলিল না খোকন, দাঁড়াও ওখানে। তারপর সে ডাকিল বিলুকে।—বিলু—বিলু!

বিলু বাহির হইয়া আসিল—অভিমানক্ষুরিতাধরা! সে কোন কথা বলিল না। চুপ করিয়া স্বামীর আদেশের প্রতীক্ষায় দরজার কাছে দাঁড়াইয়া রহিল। দেবু কি তাহার সর্বনাশ করিতে চায়? এই প্রশ্নের গ্রীষ্ম, তাহার উপর এই ভয়ঙ্করী মহামারী, দেবু সেই মহামারী লইয়া মাতিয়া উঠিল—তাহার সর্বনাশ করিবার জন্ত! সে সমস্ত হৃদয় কাঁদিয়াছে।

দুর্গা আসিয়াছিল; সে বিলুকে তিরস্কার করিয়া গিয়াছে। বলিয়া গিয়াছে একটুকুন শক্ত হও বিলু-দিদি, জামাই—এর একটু রাশ টেনে ধর। নইলে এই রোগের পিছুতে ও আহাৰনিষে ভুলবে, হয়তো তোমাদের সর্বনাশ—নিজের সর্বনাশ করে ফেলবে।

দেবু তাহার মুখের দিকে চাহিয়া তাহার অভিমান অল্পভব করিল। হাসিয়া বলিল—আমার বিলুমণির রাগ হয়েছে? শীগগির একটু খোকাকে ধর বিলু!

বিলুর চোখের জল আর বাঁধ মানিল না। বর বর করিয়া সে কাঁদিয়া ফেলিল।

দেবু বলিল—কৈদো না, ছি! কথা শোন, শীগগির ধর খোকাকে। আর আমাকে একটু ঝড় জেলে আগুন করে দাও, তারপর তাড়াতাড়ি এক কড়া জল গরম চাপাও। গরম জলে হাত-পা ধুয়ে কেঁদে; কাপড়-জামাও গরম জলে ছুটিয়ে নিতে হবে।

বিলু কোন কথা বলিল না, ছেলেটিকে টানিয়া কোলে তুলিয়া লইল। ছেলেটি দেবকে সকাল হইতে দেখিতে পায় নাই, সে চীৎকার আরম্ভ করিয়া দিল—বাবা দাব! বাবা দাব।

বিলু তাহার পিঠে একটা চাপড় বসাইয়া দিয়া বলিল—চুপ কর বলছি, চু-উ-প। তবুও তাহার জিদ দেখিয়া তাহাকে ভ্রম করিয়া নামাইয়া দিল।

দেব আর সহ্য করিতে পারিল না। বিলুকে তিরস্কার করিয়া বলিল—আঃ! বিলু! ও কি হচ্ছে? শীগগির ওকে কোলে নাও বলছি।

বিলু আজ ক্ষেপিয়া গিয়াছে, সে বলিল—কেন, তুমি মারবে নাকি? ছেলের আদর কত করছ—তা জানি!

দেব স্তম্ভিত হইয়া গেল।

বিলু হ-হ করিয়া কাদিয়া উঠিল; বলিল—এমন দম্ভে মারার চেয়ে আমাকে তুমি খুন করে ফেল! আমাকে তুমি বিষ এনে দাও!

দেব উত্তর দিতে গেল—সামান্য মূর উত্তরই সে দিতেছিল। কিন্তু দেওয়া হইল না। সর্পস্পৃষ্টের মত সে চমকাইয়া উঠিল, শিহরিয়া উঠিল—পিছন হইতে থোকা তাহাকে দুই হাত দিয়া জড়াইয়া ধরিয়া খিল খিল করিয়া হাসিতেছে। ধরিয়াছে, সে ধরিয়াছে—পলাতককে সে ধরিয়াছে! দেব পিছন কিরিয়া থোকের দুই হাত শক্ত করিয়া ধরিয়া ফেলিয়া, আতঙ্কিত বিলুকে বলিল—শীগগির জল গরম কর বিলু, শীগগির। থোকের হাত ধুয়ে দিতে হবে। এখনি হয়তো ওই হাত মুখে দেবে।

থোকা হ্রস্ব অভিমানে চীৎকার করিয়া হাত-পা ছুঁড়িয়া কাদিয়া অস্থির হইয়া উঠিল। তাহার ধারণা হইল—তাহার বাবা তাহাকে দূরে ঠেলিয়া দিতেছে। শুধু সে কাদিলই না—ঝুঁকিয়া পড়িয়া রোষে ক্ষোভে দেবুর হাতের এক জায়গায় কামড়াইয়া ক্ষতবিক্ষত করিয়া দিল। শেষে তাহার ভিজা কাপড়ের খানিকটাও দাঁত দিয়া ছিঁড়িয়া দিল।

দেব ইহাতে রীতিমত আতঙ্কিত হইয়া উঠিল। বিলুকে একপ্রকার হাত ধরিয়া বাড়ীর মধ্যে টানিয়া আনিয়া বলিল—বিলু, লক্ষ্মীটি, সব বুঝিয়ে বলছি তোমায়। চট করে এখনি তুমি গরম জল চাপাও। থোকের মুখখানা তাড়াতাড়ি ধুইয়ে দাও।—

বিলুর রাগ কিন্তু একটু পরেই নিভিয়া গিয়াছে। দেবুর কোলে থোকনকে দেখিয়া সে মহাখুশী হইয়া উঠিয়াছে। বলিল—তুমি কি নিষ্ঠুর বল দেখি! ছেলেটা আমার চেয়েও তোমাকে ভালবাসে—আর তুমি কিনা ওকে কলে বাইরে বাইরে থাক! তোমার বোধহয় বাড়ীর বাইরে পা দিলে সংসার বলে কিছুই মনে থাকে না। ছিঃ, থোকাকে ভুলে যাও তুমি!

দেব বলিল—না। আর যাবনা বিলু, আমি প্রতিজ্ঞা করছি আর যাব না।

গরমজলে মুখ হাত পা ধোওয়াইয়া নিজে ধুইয়া দেবু থোকাকে একদশে ভাল করিয়া কোলে লইল। বাপের কোলে থাকিয়াই সে মাকে কাছে আসিতে ছেঁচিয়া বাপের বুকে

মুখ লুকাইল। বিলু দেখিয়া হাসিয়া বলিল—ওই দেখ দেখি!

খোকন বলিয়া উঠিল—না, দাব না। না, দাব না।

বিলু খিলখিল করিয়া হাসিয়া বলিল—ওরে ছুট ছেলে! না দাবে না তুমি? বাপ পেয়ে আমার ভুললে বুঝি? আচ্ছা, আমিও তোমাকে মেহু দেব না।

খোকন এবার মায়ের মন রাখিতে দেবুকে বলিল—বাবা, মা দাই!

বিলু বলিল—উছ। বাবাকে ধরে রাখ, বাবা পালাবে।

দেবুর বুকখানা রুদ্ধ আবেগে তোলপাড় করিয়া উঠিল।

সেটা বিলুর চোখে পড়িল। সে শঙ্কিত হইয়া প্রশ্ন করিল—হ্যাঁগা, তোমার শরীরটা ভাল আছে তো?

হাসিবার চেষ্টা করিয়া দেবু বলিল—শরীরটা খুব ক্লান্ত হয়েছে।

—একটু চা করব, খাবে?

—কর।

চা খাইয়াও সে তেমনি নীরব বিষন্নতার মধ্যে উদ্বেগ উদ্বেলিত অন্তরে একটা ভীষণ কিছু অপেক্ষা করিয়া বসিয়া রহিল। সন্ধ্যার সময় বাউড়ী-বায়েনপাড়ায় একটা কান্নার রোল উঠিল। কেহ নিশ্চয় মরিয়াছে। দেবু খোকাকে ঘুম পাড়াইতে পাড়াইতে অধীর হইয়া উঠিল।

বিলু বলিল—কেউ ম'ল বোধহয়।

তিক্তস্বরে দেবু বলিল—মরুক গে, আমি আর খোঁজ নিচ্ছি না।

অবাক হইয়া বিলু তাহার মুখের দিকে চাহিয়া রহিল; তারপর বলিল—আমি কি তোমাকে বলেছি যে, কেউ মলে তুমি খোঁজ করবে না, না তাদের বিপদে তুমি দেখবে না! উপেন বায়েন—মুচী, তার সংকারের জন্ত গাড়ী দিলে, আমি কিছু বলেছি? কিন্তু তুমি শ্মশান পর্যন্ত স্বে গেলে কেন বল দেখি? খাওয়া নাই—এই বোশেখ মাসের রোদ! তাই বলেছি আমি।

খোকা দেবুর কোলে ঘুমাইয়া পড়িয়াছিল। বিলু খোকাকে দেবুর কোল হইতে লইয়া বলিল—ঘাও, একবার দেখে এখনি ফিরে এস। তোমার উপর কত ভরসা করে ওরা—তা তো জানি।

দেবু যন্ত্রণালিত পুতুলের মতই বিলুর কথায় বাড়ী হইতে বাহির হইয়া পড়িল। চণ্ডীমণ্ডপে খোল-করতাল লইয়া হরিনাম-সংকীর্তনের দল বাহির করিবার উদ্যোগ হইতেছে। মৃদঙ্গের ধ্বনিতে নাকি অমঙ্গল দূরীভূত হয়।

৩-পাড়ার ধর্মদেবের পূজার আয়োজন চলিতেছে। সে সতীশকে ডাকিল। সতীশ আসিয়া তাহাকে প্রণাম করিয়া বলিল—অবস্থা যে ভয়ানক হয়ে উঠল পণ্ডিত মশায়। বিকেলে আবার হু-জনার হয়েছে। গণার পরিবার একটুকু আগে মারা গেলেন।

—তাড়াতাড়ি সংকারের ব্যবস্থা কর।

—আজ্ঞে হ্যাঁ। সে-সব করছি। কিছুক্ষণ চুপ করিয়া থাকিয়া অপরাধীর মত সে বলিল—উবেলায় রূপেনের মড়া নিয়ে আপনাকে—কি করব বলেন? আমাদের জাত তো লম্বা। আমাদের লেগে আপনাকে এত ভাবতে হবে না।

কিছুক্ষণ চুপ করিয়া থাকিয়া দেবু বলিল—ডাক্তার বিকেলে এসেছিল?

—আজ্ঞে হ্যাঁ। বিকেলে আবার ঘোষ মশায় নোক পাঠিয়েছিলেন—চাল দেবেন বলে। তা ডাক্তারবাবু বললেন—কিছুতেই লিবি না।—আমরা যাই মশায়।

দেবু অল্পমনস্কভাবে চুপ করিয়া রহিল। তাহার মনের মধ্যে ধীরে ধীরে একটা গভীর উদ্দেশনতা যেন নিবিড় কুয়াশার মত জাগিয়া উঠিতেছে—তাহার সুখ-দুঃখ সব যেন সংবেদন-শূন্যতায় আচ্ছন্ন হইয়া যাইতেছে। যে গভীর উদ্বেগ সে সহ করিতে পারিতেছে না—সেই উদ্বেগ যেন পুরাণের নীলকণ্ঠের হলাহলের মতই তাকে মোহাচ্ছন্ন করিয়া ফেলিয়াছে।

সতীশ আবার ডাকিল—পণ্ডিত মশায়!

—আমাকে কিছু বলছ?

সতীশ অবাক হইয়া গেল, বলিল—আজ্ঞে হ্যাঁ।

পণ্ডিত মশায় আর কে আছে এখানে, ও-নামে আর কাহাকে ডাকিবে সে?

—কি বল?

—বলছি। রাগ করবেন না তো?

—না, না, রাগ করব কেন?

—বলছিলাম কি, ঘোষ মশায় চাল দিতে চাইছেন, তা লিতে দোষ কি? অভাবী নোক সব—এই মহা বেপদের সময়—

দেবু প্রসন্ন সহাত্বভূতির সঙ্গেই বলিল—না, না, কোন দোষ নাই সতীশ। ঘোষ মশায় তো শক্র নন তোমাদের, আমাদেরও নন। তিনি যখন নিজে যেতে দিতে চাচ্ছেন—তখন নেবে বৈকি।

সতীশ দেবুর পায়ের ধূলা লইয়া বলিল—আপনকার মত যদি সবাই হত পণ্ডিত মশায়! আপনি একটুকুন বলে দেবেন ডাক্তার বাবুকে। উনি আবার রাগ করবেন।

—আচ্ছা, আচ্ছা। আমি বলে দোব ডাক্তারকে।

—ডাক্তারবাবু বসে আছেন লজ্জাবলীবাবুর কাছে।

দেবু ফিরিল। কিন্তু আজ আর যত্নবীরের ওখানে যাইতে ইচ্ছা হইল না। সে বাড়ীর পথ ধরিল। বাড়ীতে দুর্গা আসিয়া বলিয়া আছে। দুর্গা বলিল—আমাদের পাড়া গিয়েছিলে জামাই-পণ্ডিত? গণার বউটা মারা গেল, নয়?

—হ্যাঁ—সে বিলুকে বলিল—থোকন কই?

—সে সেই ঘুমিয়েছে, এখনো ওঠেনি।

—ঘুমিয়েছে! দেবু একটা স্বস্তির নিঃশ্বাস ফেলিল। প্রায় ঘণ্টা-চারেক কাটিয়া গেল

ধোকা নিশ্চিত হইয়া ঘুমাইতেছে। ঘুম হ্রাস্তার একটা লক্ষণ। তারপর সে দুর্গাকে প্রণয় করিল—তুই এতক্ষণ ছিলি কোথায় ?

—জংশন গেছলাম।

বিলু বলিল—একটু জল খাও। দুর্গা খাতা ফিরিয়ে মিষ্টি এনেছে।

—তাই তো। ইয়ারে দুর্গা, জংশনে দোকানদারদের কাছে ভারী কথার খেলাপ হয়ে গেল রে !

—সে-সব ঠিক হয়েছে গো, তোমাকে অত ভাবতে হবে না।

দুর্গা হাসিল—বিলু-দিদির মত লক্ষ্মী তোমার ঘরে, ভাবনা কি ? বিলু-দিদি আমাকে দু-টাকা দিয়েছিল, আমি দিয়ে এসেছি। আবার সেই আঘাতে কিছু দিয়ে রাখের দিনে, আর কিছু আশ্বিনে,—দোকানী তাতেই রাজী হয়েছে।

পরম আরামের একটা নিঃশ্বাস কেলিয়া এতক্ষণে সত্যকার হাসি হাসিয়া দেবু বলিল—বিলু, আমি যতীনবাবুর কাছ থেকে একটু ঘুরে আসি। বরলে ?

—এই রাস্তিরে আবার বেরুচ্ছ ? তা একটুকুন জল খেয়ে যাও।

—আমি যাব আর আসব। জল এখন আর খাব না।

—আচ্ছা উপোস করতে পার তুমি ! বিলু হাসিল। দেবু বাহির হইয়া গেল।

যতীনের আসরে আজ কেবল যতীন, জগন, আর চা-প্রত্যাশী গাঁজাখোর গদাই। চিত্রকর নলিনও আসিয়া একটি কোণে অভ্যাসমত চুপ করিয়া বসিয়া আছে। সে আজ একটি টাকা চাহিতে আসিয়াছে। গ্রাম ছাড়িয়া কয়েকদিনের জন্ত সে অন্তত যাইবে।

জগন অনর্গল বকিতেছে। দেবুকে দেখিয়া ডাক্তার বলিল—কি ব্যাপার হে ? এ বেলা পান্ডাই নাই ! আমি ভাবিলাম, তুমি বুঝি ভয় পেয়েছ।

দেবু হাসিল।

যতীন বলিল—শরীর কেমন দেবুবাবু ? গুনলাম, শ্মশানে গিয়েছিলেন, ফিরেছেন চারটের পর।

—শরীর খুব ক্লান্ত। নইলে ভালই আছি।

—তুমি মুচী মড়ার সঙ্গে গিয়েছ, চণ্ডীমণ্ডপে গিয়ে দেখে এস একবার ব্যাপারটা। আর তোমার রক্ষে নাই।

দেবু ও-কথা আমলেই আনিব না, বলিল—আচ্ছা ডাক্তার, কলেরার বিষ যদি শরীরে ঢোকে, তবে কতক্ষণ পরে রোগ প্রকাশ পায় ?

জগন হো হো করিয়া হাসিয়া উঠিল—তুমি ভয় পেয়ে গিয়েছ দেবুভাই !

গদাই ওপাশ হইতে সসঙ্কোচে বলিল—কিসের ভয় ? ওর ওষুধ হল এক ছিলিম গাঁজা।

দেবু আর কোন প্রশ্ন করিল না, প্রশ্ন করিতেও তাহার ভয় হইতেছে। বিজ্ঞানের সত্য যদি তাহার উৎকর্ষ বাড়াইয়া দেয় ! সে বার বার মনে করিল—বিজ্ঞানই একমাত্র সত্য নয়, এ সংসারে একটা পরম তত্ত্ব আছে—সে পুণ্য, সে ধর্ম। তাহার ধর্ম, তাহার পুণ্য তাহাকে

রক্ষা করিবে। সেই অমৃতের আবরণ খোকাকে মহামারীর বিষ হইতে অবগ্ৰহীত রক্ষা করিবে।

যতীন বলিল—কি ব্যাপার বলুন তো দেবুবাৰু ? হঠাৎ এ প্রশ্ন করলেন কেন আপনি ?

দেবু বলিল—আজ যখন বাড়ী ফিরলাম—শাশানে উপেনের শব আমাকে ধরতে হয়েছিল ; তারপর অবশিষ্ট ময়ুরাঙ্গীতে স্নান করেছি। তারপর বাড়ী ফিরে—কে ? দুর্গা নাকি ?

হ্যাঁ, দুর্গাই। অন্ধকার পথের উপর আলো হাতে আসিয়া দুর্গাই দাঁড়াইল।

বাম্পরূপ কণ্ঠে দুর্গা বলিল—হ্যাঁ, বাড়ী এস শীগ্গির ! খোকার অস্তিত্ব করেছে, —একবারে জলের মতন—

দেবু বিদ্যাপুষ্কটের মত উঠিয়া, এক লাফে পথে নামিয়া ডাকিল—ডাক্তার !

বৈজ্ঞানিক সত্য ধর্মবিশ্বাসের কণ্ঠরোধ করিয়া শেষে কি তাহার গৃহেই রুদ্রমূর্তিতে আত্মপ্রকাশ করিল ?

*

*

*

সর্বনাশী মহামারী মানবদেহের সকল রস দ্রুত শোষণ করিয়া জীবনীশক্তিকে নিঃশেষিত করিয়া দেয়। সেই মহামারী দেবুর সকল রস, সকল কোমলতা নিষ্ঠুর পেথনে পিষ্ট করিয়া পাথর করিয়া দিয়া তাহার ঘর হইতে বাহির হইয়া গেল। একা খোকা নয়, খোকা ও বিলু—দু-জনেই কলেরায় মারা গেল। প্রথম দিন খোকা, দ্বিতীয় দিন বিলু। গুপ্তাশ্রম ও চিকিৎসার কোন ফল হয় নাই। জংশন-শহর হইতে রেলের ডাক্তার, কল্লণার হাসপাতালের ডাক্তার—দুইজন বড় ডাক্তার আনা হইয়াছিল। কল্লণার হাসপাতালের ডাক্তারটি সংবাদ পাইয়া আপনা হইতেই আসিয়াছিল। লোকটি গুপ্তগ্রাহী, দেবুর প্রতি শ্রদ্ধাবশতই আসিয়াছিল। জগন নিজে জংশনে গিয়া রেলের ডাক্তারকে আনিয়াছিল। অনাহারে-অনিদ্রায় দেবু অকাতরে তাহাদের সেবা করিয়াছে আর ঈশ্বরের নিকট মাথা খুঁড়িয়াছে—দেবতার নিকট মানত করিয়াছে। দুর্গাও কয়দিন প্রাণপণে তাহার সাহায্য করিয়াছে। জগন ডাক্তারের তো কথাই নাই ; যতীন, সতীশ, গদাই, পাতু দুইবেলা আসিয়া তত্ত্ব লইয়া গিয়াছে কিন্তু কিছুতেই কিছু হয় নাই। দেবু পাথরের মত অশ্রুহীন নেত্রে নীরব নির্বাক হইয়া সব দেখিল—বুক পাতিয়া নিদারুণ আঘাত গ্রহণ করিল।

বিলুর সংকার যখন শেষ হইল, তখন সূর্যোদয় হইতেছে। দেবু ঘরে প্রবেশ করিল—নিঃশ্ব, রিক্ত, তিক্ত জীবন লইয়া। সুখ-দুঃখের অহুভূতি মরিয়া গিয়াছে, হাসি ফুরাইয়াছে, অশ্রু শুকাইয়াছে, কথা হারাইয়াছে ; মন অনাড়, দৃষ্টি শূন্য ; চোঁট হইতে বুক পর্যন্ত নীরস শুষ্ক—
— সাহারার মত সব খাঁ খাঁ করিতেছে। দেওয়ালে ঠেস দিয়া সে উদাস শূন্য দৃষ্টিতে সম্মুখের দিকে চাহিয়া রহিল। সব আছে—সেই পথ, সেই ঘাট, সেই বাড়ী-ঘর, সেই গাছপালা, কিন্তু দেবুর দৃষ্টির সম্মুখে সব অর্ধহীন, সব অস্তিত্বশূন্য ব্যাপস ; এক রিক্ত অসীম তৃষাতুর ধূসর প্রান্তর—আর বেদনাবিধুর পাণ্ডুর আকাশ। ওই বিবর্ণ ধূসরতার মধ্যে ভবিষ্যৎ বিলুপ্ত নিশিহ্ন।

সমস্ত গ্রামের লোকই ভিড় করিয়া আসিয়াছিল তাহাদের অকৃত্রিম সহায়ত্ব জ্ঞানাইতে। কিন্তু দেবুর এই মূর্তির সম্মুখে তাহারা কেহ কিছু বলিতে পারিল না। যতীনও তাহাকে সাধনা দিতে আসিয়া নির্বাক হইয়া বসিয়া ছিল। আশ্চর্যান্বিত সে কষ্ট পাইতেছে—তাহার মনে হইতেছে দেবুকে সে-ই বোধ হয় এই পরিণামের মুখে ঠেলিয়া দিয়াছে। জগনও স্তব্ধ হইয়া গিয়াছে। শ্রীহরি, হরিশ, ভবেশও আসিয়াছিল। তাহারাও নীরব। দেবুর সম্মুখে কথা বলিতে শ্রীহরিরও যেন কেমন সঙ্কোচ হইল।

ভবেশ শুধু বলিল—হরি-হরি-হরি।

নির্বাক জনমণ্ডলীর প্রান্তদেশে দাঁড়াইয়া কে ডাকিল—ভক্তারবাবু!

বিরক্ত হইয়া জগন বলিল—কে? কি?

—আজ্ঞে, আমি গোপেশ। একবার আসেন দয়া করে।

—কেন, হল কি?

দেবু একদিকের ঠোট ঝাঁকাইয়া বিবর্ণ হাসিয়া বলিল—আর কি? বুঝতে পার্ছ না? যাও দেখে এস।

জগন দ্বিরুক্তি করিল না—উঠিয়া গেল। যতীন বলিল—দাঁড়ান, আমিও যাচ্ছি।

একে একে জনমণ্ডলী নীরবে উঠিয়া চলিয়া গেল, দেবু একা ঘরে বসিয়া রহিল। এইবার তাহার ইচ্ছা হইল সে একবার বুক ফাটাইয়া কাঁদবে। চেষ্টাও করিল, কিন্তু কান্না তাহার আসিল না। তারপর সে শুইবার চেষ্টা করিল। এতক্ষণে চারিদিক চাহিয়া চোখে পড়িল—চারিদিকে শত সহস্র স্মৃতি। দেওয়ালে থোকর হাতের কালির দাগ, বিলুর হাতের সিঁহুরের চিহ্ন, পানের পিচ, থোকর রং-চটা কাঠের ঘোড়া, ভাঙা বাঁশী, ছেঁড়া ছবি। পাশ ফিরিয়া শুইতে গিয়া—শয্যাতলে যেন কিসের চাপে সে একটু বেদনা বোধ করিল। হাত দিয়া সেটা বাহির করিল—থোকর বালা! সেই বালা দুইগাছি, বিলুর নাকচাবি, কানের ফুল, হাতের নোয়া। একটা পাঁজর-কাটা গভীর দীর্ঘশ্বাস ফেলিয়া সে অকস্মাৎ ডাকিয়া উঠিল—থোকা! বিলু!

ঠিক এই সময়ে বাড়ীর ভিতরের দিকের দরজার মুখে কে মুখ বাড়াইয়া বলিল—দেবু!

—কে?—দেবু উঠিয়া আসিল—রাঙাদিদি?

বুড়ী হাউ হাউ করিয়া কাঁদিয়া উঠিল। তাহার সঙ্গে আরও কেউ।

একা রাঙাদিদি নয়, দুর্গাও একপাশে বসিয়া নীরবে কাঁদিতেছিল।

দেবু ইচ্ছা ছিল, গভীর রাত্রে—সকলে ঘুমাইলে—বিশ্বপ্রকৃতি নিস্তব্ধ হইলে সে একবার প্রাণ ভরিয়া কাঁদবে।

একা নয়। সম্ভ্রা হইতে বহুজনেই আসিয়াছিল, সকলে চলিয়া গিয়াছে। তাহার নিকট শুইতে আসিয়াছে কেবল—জগন ভক্তার, হরেন ঘোষাল ও গাঁজাখোর গদাই, উচ্চিৎসের বাবা তারিণী। শ্রীহরি ভূপাল চৌকিদারকেও পাঠাইয়াছে। সে রাত্রিতে দেবুর দাঁড়ায়

তইয়া থাকিবে।

সকলে ঘুমাইয়া পড়িলে দেবু উঠিল। উঠানে আসিয়া উদরস্থে আকাশের দিকে চাহিয়া সে দাঁড়াইয়া রহিল। থোকা নাই—বিলু নাই—বিশ্বসংসারে কোথাও নাই! স্বর্গ মিথ্যা, নরক মিথ্যা, পাপ মিথ্যা, পুণ্য মিথ্যা। কোন্ পাপ সে করিয়াছিল? পূর্বজন্মের? কে জানে? একবার যতীনের কাছে গেলো হয় না! একা বসিয়া সে থোকা ও বিলুকে চিন্তা করিবার অবসর খুঁজিয়াছিল, কিন্তু তাহাও যেন ভাল লাগিতেছে না। আত্মগ্লানিতেই তাহার অন্তর পরিপূর্ণ হইয়া উঠিয়াছে। সেই তো মৃত্যুর বিষ বহন করিয়া আনিয়াছিল। সেই তো তাহাদের হত্যা করিয়াছে। কোন্ লজ্জায় সে কাঁদিবে? সে বাহির হইয়া দাওয়ায় আসিয়া দাঁড়াইল। দূরে রাস্তায় একটা আলো আসিতেছে।

এত রাত্রে আলো হাতে কে আসিতেছে? একজন নয়, জনকয়েক লোকই আসিতেছে।

*

*

*

কাহার কণ্ঠধ্বনি বাজিয়া উঠিল।—পণ্ডিত!

দেবুর সম্মুখে আসিয়া দাঁড়াইলেন গ্রায়রত্ন; তাহার সঙ্গে যতীন, পিছনে লণ্ঠন হাতে আর একটি লোক।

—আপনি? কিন্তু আমাকে তো—

—চল, বাড়ীর ভেতর চল।

—আমাকে তো প্রণাম করতে নাই—আমার অশৌচ।

সম্মুখে তাহার মাথায় হাত দিয়া গ্রায়রত্ন বলিলেন—অশৌচ! তিনি মৃদু হাসিলেন।—একটা কিছু আন পণ্ডিত, এইখানে এই উঠোনেই বসা যাক। ঘরের ভেতর থেকে ঘুমন্ত লোকের শ্বাসপ্রশ্বাসের শব্দ পাওয়া যাচ্ছে যেন। থাক, যারা ঘুমোচ্ছে ঘুমোক। তোমার সঙ্গে নিরানায় একটু আলাপ করব বলে এত রাত্রে আমার আসা। লোকজনের ভিড়ের মধ্যে আসতে ইচ্ছা হল না। পথে যতীন-ভায়া সঙ্গে নিলে। ওঁদের দৃষ্টি জাগ্রত তপস্বীর মত। ফাঁকি দিতে পারলাম না। দেখলাম—আকাশের দিকে চেয়ে উনিও বসে আছেন তোমার মত। আমাকে বললেন—তোমার এই নিষ্ঠুর বিপর্যয়ের জন্ত উনিই দায়ী। ওঁর চোখে জল ছিল-ছিল করে উঠল। তাই ওঁকে সঙ্গে নিয়ে এলাম। আমাদের স্বথ-দুঃখের কথায় উনিও অশ্রীদার হবেন।

গ্রায়রত্ন হাসিলেন। এ-হাসি স্বথের নয়—দুঃখের নয়—এক বিচিত্র দিব্য হাসি।

দেবুও হাসিল। গ্রায়রত্নের হাসির প্রতিবিম্বটিই যেন ফুটিয়া উঠিল। ঘর হইতে একটি মোড়া আনিয়া পাতিয়া দিয়া সে বলিল—বসুন।

গ্রায়রত্ন বসিয়া বলিলেন—বস. আমার কাছে বস। বস, যতীন-ভায়া, বস।

তাহারা মাটির উপরেই বসিয়া পড়িল। দেবু বলিল—এই সেদিন পরমশ্রদ্ধায় বিলু আপনার পা ধুইয়ে দিয়েছিল। কিন্তু আজ—আজ সে কোথায়!

গ্রায়রত্ন তাহার মাথার উপর হাত রাখিয়া বলিলেন—দেবু-তাই, আমি সেই দিনই বুকে

গিয়েছিলাম—এই পরিণামের দিকেই তুমি এগিয়ে চলেছ। তোমাকে দেখেই বুঝেছিলাম, তোমার স্বীকে দেখেও বুঝেছিলাম।

দেবু ও যতীন উভয়ে বিস্মিত হইয়া তাঁহার মুখের দিকে চাহিয়া রহিল।

জায়রত্ন যতীনের দিকে চাহিয়া বলিলেন—সেদিনের গল্পটা মনে আছে বাবা! সবটা সেদিন বলিনি। বলি শোন! গল্প এখন ভাল লাগবে তো?

দেবু সাগ্রহে তাঁহার মুখের দিকে চাহিয়া বলিল—বলুন।

জায়রত্ন আরম্ভ করিলেন—“সেই ব্রাহ্মণ ধনবলে আবার আপন সৌভাগ্যে প্রতিষ্ঠিত হলেন। পুত্র-কন্যা-জামাতায়, পৌত্র-পৌত্রী-দৌহিত্র-দৌহিত্রীতে সংসার হয়ে উঠল—দেববৃক্ষের সঙ্গে তুলনীয়। ফলে অমৃতের স্বাদ ফুলে অণ্ডক-চন্দনকে লজ্জা দেয় এমন গন্ধ। কোন ফল অকালে চ্যুত হয় না, কোন ফুল অকালে শুক হয় না।

পরিপূর্ণ সংসার তাঁর, আনন্দে শান্তিতে সুখে সিংহ সমুজ্জল। ছেলেরাও প্রত্যেকে বড় বড় পণ্ডিত, জামাতারাও তাই। প্রত্যেকেই দেশান্তরে স্বকর্মে প্রতিষ্ঠিত। কেউ কোন রাজ্যের কুলপণ্ডিত, কেউ সভাপণ্ডিত, কেউ বড় টোলার অধ্যাপক। ব্রাহ্মণ আপন গ্রামেই থাকেন—আপন কর্ম করেন।

একদিন তিনি হাটে গিয়ে এক মেছুনীর ডালার দিকে চেয়ে চমকে উঠলেন। মেছুনীর ডালায় একটি কালো রঙের সুডোল পাথর, গায়ে কতকগুলি চিহ্ন। তিনি চিনলেন, নারায়ণ-শিলা—শালগ্রাম। মেছুনীর এই অপবিত্র ডালায় আমিষ-গন্ধের মধ্যে পুত নারায়ণ-শিলা! তিনি চমকে উঠলেন এবং তৎক্ষণাৎ সেই মেছুনীকে বললেন—মা, ওটি তুমি কোথায় পেলে?

মেছুনী একগাল হেসে প্রশ্নাম করে বলল—বাবা, ওটি নদীর ঘাটে কুণ্ডিয়ে পেয়েছি, ঠিক একপো গুজন; বাটখারা করেছি ওটিকে। তারি পয় আমার বাটখারাটির। যোঁদন থেকে ওটি পেয়েছি—সেদিন থেকে আমার বাড়বাড়ন্তর আর সীমা নেই।

সত্য কথা। মেছুনীর এক-গা সোনার গহনা।

ব্রাহ্মণ বললেন—দেখ মা, এটি হল শালগ্রাম-শিলা—ঐ আমিষের মধ্যে এঁকে রেখে দিয়েছ—ওতে তোমার মহা-অপরাধ হবে।

মেছুনী হেসেই সারা।

ব্রাহ্মণ বললেন—ওটি তুমি আমাকে দাও। আমি তোমায় কিছু টাকা দিচ্ছি। পাঁচ টাকা দিচ্ছি তোমাকে।

মেছুনী বললে—না বাবা। এটি আমি বেচব না।

—বেশ, দশ টাকা নাও!

—না বাবা-ঠাকুর। ও আমাকে অনেক দশ-টাকা পাইয়ে দেবে।

—বেশ, কুড়ি টাকা!

—না বাবা। তোমাকে জোড়-হাত করছি।

—আচ্ছা, পঞ্চাশ টাকা !

—হবে না ।

—একশো !

—না গো, না ।

—এক হাজার !

মেছুনী এবার ব্রাহ্মণের মুখের দিকে অবাক হয়ে চেয়ে রইল । কোন উত্তর দিল না ; দিতে পারল না ।

—পাঁচ হাজার টাকা দিচ্ছি তোমায় !

এবার মেছুনী আর লোভ সম্বরণ করতে পারল না । ব্রাহ্মণ তাকে পাঁচটি হাজার টাকা গুনে দিলে নারায়ণকে এনে গৃহে প্রতিষ্ঠা করলেন । কিন্তু আশ্চর্যের কথা, প্রথম দিনেই ব্রাহ্মণ স্বপ্ন দেখলেন—একটি জ্যোতির্ময় ছুরন্ত কিশোর তাঁর মাথার শিয়রে দাঁড়িয়ে তাঁকে বলছে—আমাকে কেন তুমি মেছুনীর ডালা থেকে নিয়ে এলে ? আমি সেখানে বেশ ছিলাম । যাও এখন ফিরিয়ে দিলে এস আমাকে ।

ব্রাহ্মণ বিস্মিত হলেন ।

দ্বিতীয় দিনেও আবার সেই স্বপ্ন । তৃতীয় দিনের দিনেও স্বপ্নে দেখলেন কিশোরের স্তম্ভিত উগ্রমূর্তি । বললেন—ফিরিয়ে দিয়ে এস, নইলে কিন্তু তোমার সর্বনাশ হবে ।

সকালে উঠে সেদিন তিনি গৃহিণীকে সব বললেন । এতদিন স্বপ্নের কথাটা প্রকাশ করেন নি, বলেন নি । আজ আর না বলে পারলেন না ।

গৃহিণী উত্তর দিলেন—তাই বলে নারায়ণকে পরিত্যাগ করবে নাকি ? যা হয় হবে । ও চিন্তা তুমি করো না ।

রাত্রে আবার সেই স্বপ্ন, আবার—আবার । তখন তিনি পুত্র-জামাতাদের এই স্বপ্ন-বিবরণ লিখে জানতে চাইলেন তাঁদের মতামত । মতামত এল, সকলেরই এক জবাব—গৃহিণী যা বলেছিলেন তাই ।

সেদিন রাত্রে স্বপ্নে তিনি নিজে উত্তর দিলেন—ঠাকুর, কেন তুমি রোজ এসে আমার নিদ্রার ব্যাঘাত কর, বল তো ? কাজে-কর্মে-বাক্যে-চিন্তায় আমার জবাব কি তুমি আজও পাও নি ? আমিঘের ডালায় তোমাকে আমি রেখে দিতে পারব না ।

পরের দিন ব্রাহ্মণ পূজা শেষ করে উঠে নাতি-নাতনীদের ডাকলেন—প্রসাদ নেবার জন্তে । সকলের ঘোঁট ছোট, সেটি ছুটে আসছিল সকলের পিছনে । সে অকস্মাৎ হেঁচট খেয়ে পড়ে গেল । ব্রাহ্মণ তাড়াতাড়ি তাকে তুললেন—কিন্তু তখন শিশুর দেহে আর প্রাণ নাই । মেয়েরা ডাক ছেড়ে কেঁদে উঠল । ব্রাহ্মণ স্তম্ভিত হয়ে আকাশের দিকে তাকিয়ে দাঁড়িয়ে রইলেন ।

রাত্রে স্বপ্নে দেখলেন—সেই কিশোর নির্ভর হাসি হেসে বলছে—এখনও বুঝে দেখ ! জান তো, ‘সর্বনাশের হেতু ষাট, আগে মরে নাতি তার’ ।

ব্রাহ্মণ নীরবে হাসলেন।

তারপর অকস্মাৎ সংসারে আরম্ভ হয়ে গেল মহামারী। একটির পর একটি—‘একে একে নিভিল দেউটি’। আর রোজ রাত্রে একই স্বপ্ন। রোজই ব্রাহ্মণ নীরবে হাসেন।

একে একে সংসারে সব শেষ হয়ে গেল। অবশিষ্ট রইলেন—ব্রাহ্মণ আর ব্রাহ্মণী।

আবার স্বপ্ন দেখলেন—এখনও বুঝে দেখ ব্রাহ্মণী থাকতে!

ব্রাহ্মণ বললেন—তুমি বড়ই প্রগল্ভ হে ছোকরা, তুমি বড়ই বিরক্ত করছ আমাকে।

পরদিন ব্রাহ্মণীও গেলেন।

আশ্চর্য—সেদিন আর রাত্রে কোন স্বপ্ন দেখলেন না!

অতঃপর ব্রাহ্মণ শ্রাদ্ধাদি শেষ করে, একটি ঝোলায় সেই শালগ্রাম-শিলাটিকে রেখে ঝোলাটি গলায় ঝুলিয়ে বেরিয়ে পড়লেন। তার্থ থেকে তার্থান্তরে, দেশ থেকে দেশান্তরে, নদ-নদী জঙ্গল-পাহাড়-পর্বত অতিক্রম করে চললেন। পূজার সময় হলে একটি স্থান পরিষ্কার করে বসেন—ফুল তুলে পূজা করেন, ফল আহরণ করে ভোগ দেন—প্রসাদ পান।

অবশেষে একদা তিনি মানস সরোবরে এসে উপস্থিত হলেন। স্নান করলেন—তারপর পূজায় বসলেন। চোখ বন্ধ করে ধ্যান করছেন—এমন সময় অপূর্ব দিব্যগন্ধে স্থানটি পরিপূর্ণ হয়ে গেল, আকাশমণ্ডল পরিপূর্ণ করে বাজতে লাগল দেব-দ্রুমুন্ডি। কে যেন তাঁর প্রাণের ভিতর ভেদে বলল—ব্রাহ্মণ, আমি এসেছি!

চোখ বন্ধ করেই ব্রাহ্মণ বললেন—কে তুমি?

—আমি নারায়ণ।

—তোমার রূপটা কেমন বল তো?

—কেন, চতুর্ভূজ। শঙ্খ চক্র—

—উহ, যাও যাও, তুমি যাও।

—কেন?

—আমি তোমায় ডাকি নি।

—তবে কাকে ডাকছ?

—সে এক প্রগল্ভ কিশোরী। প্রায়ই সে স্বপ্নে এসে আমাকে শাসাত, আমি তাকে চাই।

এবার সেই স্বপ্নের কিশোরের কণ্ঠস্বর তিনি শুনতে পেলেন,—ব্রাহ্মণ, আমি এসেছি!

চোখ খুলে ব্রাহ্মণ এবার দেখলেন—হ্যাঁ, সেই তো বটে!

হেসে কিশোর বললেন—এস আমার সঙ্গে।

ব্রাহ্মণ আপত্তি করলেন না, বললেন—চল। তোমার দৌড়টাই দেখি।

কিশোর দিব্যরথে চড়িয়ে তাঁকে এক অপূর্ব পুরীতে এনে বললেন—এই তোমার পুরী। তোমার জন্তে আমি নির্মাণ করে রেখেছি। পুরীর দ্বার খুলে গেল; সঙ্গে সঙ্গে বেরিয়ে এল—সেই সকলের ছোট নাতিটি—যে সর্বাগ্রে মারা গিয়েছিল। তার পিছনে পিছনে আর সব।”

গল্প শেষ করিয়া গ্রায়রত্ন চূপ করিলেন ।

দেখু একটা দীর্ঘনিঃশ্বাস কেলিয়া মুখ তুলিয়া একটু হাসিল ।

যতীন ভাবিতেছিল এই অদ্ভুত ব্রাহ্মণটির কথা ।

গ্রায়রত্ন আবার বলিলেন—সেদিন তোমাকে দেখে—বিলুকে দেখে এই কথাই আমার মনে হয়েছিল । তারপর যখন গুনলাম—উপেন রুইদাসের মৃতদেহের সংকার করতে গেছ তুমি—তাদের সেবা করছ তখন আর সন্দেহ রইল না । আমি প্রত্যক্ষ দেখতে পেলাম—মেছুনীর ডালার শালগ্রাম উদ্ধার করতে হাত বাড়িয়েছ তুমি । আত্মা নারায়ণ, কিন্তু ওই বায়েন-বাউড়ীদের পতিত অবস্থাকে মেছুনীর ডালার সঙ্গে তুলনা করি, তবে—আধুনিক তোমরা রাগ করো না যেন ।

এতক্ষণে দেবুর চোখ দিয়া কয়েক ফোঁটা জল ঝরিয়া পড়িল ।

গ্রায়রত্ন চাদরের খুঁট দিয়া সম্মুখে সে জল মুছাইয়া দিলেন । দেবুর মাথায় হাত দিয়া বহুক্ষণ বসিয়া রহিলেন । তারপর বলিলেন—এখন উঠি ভাই । তোমার সাস্থনা তোমার নিজের কাছে, প্রাণের ভেতরই তার উৎস রয়েছে । ভাগবত আমার ভাল লাগে । আমার শশী যেদিন মারা যায় সেদিন ভাগবত থেকেই সাস্থনা পেয়েছিলাম । তাই তোমাকে আজ বলতে এসেছিলাম ভাগবতী লীলার একটি গল্প ।

যতীনও গ্রায়রত্নের সঙ্গে উঠিল ।

পথে যতীন বলিল—এই গল্পগুলি যদি এয়ুগের উপযোগী করে দিয়ে যেতেন আপনি !

হাসিয়া গ্রায়রত্ন বলিলেন—অনুপযোগী কোন্ জায়গা মনে হল ভাই ?

—রাগ করবেন না তো ?

—না, না, না । সত্যের যুক্তির কাছে নতশির হতে বাধ্য আমি । রাগ করব ! গ্রায়রত্ন শিশুর মত অকুণ্ঠায় হাসিয়া উঠিলেন ।

—ওই আপনার মাছের চুবড়ি, চতুর্ভূজ—শঙ্খ, চক্র ইত্যাদি ।

—ভগবানের অনন্ত রূপ । যে রূপ খুশি তুমি বসিয়ে নিয়ে । তা ছাড়া ব্রাহ্মণ তো চতুর্ভূজ মূর্তি চোখেই দেখেন নি । তিনি দেখলেন—তীর স্বপ্নের মূর্তিকে—সেই উগ্র কিশোরকে ।

যতীন বাড়ীর দুয়ারে আসিয়া পড়িয়াছিল, রাত্রিও অনেক হইয়াছে । কথা বাড়াইবার আর অবকাশ রহিল না । গ্রায়রত্ন চলিয়া গেলেন ।

বসিয়া থাকিতে থাকিতে যতীনের মনে অকস্মাৎ রবীন্দ্রনাথের একটি কবিতার কয়েকটি ছত্র গুঞ্জন করিয়া উঠিল ।

‘ভগবান, তুমি যুগে যুগে দূত পাঠিয়েছ বারে বারে

দয়্যাহীন সংসারে,

তারার বলে গেল ‘ক্ষমা করো লবে’ বলে গেল ‘ভালোবাসো—

অস্তর হতে বিদ্রোহ বিধ নাশো’ ।—

বরশীয় তারা, শরশীয় তারা, তবুও বাহির-দ্বারে
আজ দুদিনে ফিরান তাদের ব্যর্থ নমস্কারে ।...
নাঃ, ছায়ারস্তের কথা সে মানিতে পারিল না ।

আটাশ

মাশ দুয়েক পর । গ্রামের কলেরা থামিয়া গিয়াছে ।

আষাঢ় মাসের প্রথম সপ্তাহ । সাত তারিখে অম্বুবাচী পড়িল । ধরিত্রী নাকি এই দিনটিতে ঋতুমতী হইয়া থাকেন । আকাশ ঘন-ঘোর মেঘাচ্ছন্ন । বর্ষা প্রত্যাসন্ন বলিয়া মনে হইতেছে । ‘মিগের বাতে’ এবার যেরূপ প্রচণ্ড গুমোট গিয়াছে, তাহাতে এবার বর্ষা সত্ত্বর নামিবে বলিয় চাষা অতুমান করিয়াছিল । জ্যৈষ্ঠের শেষের দিকে মৃগশিরা নক্ষত্রে যেবার এমন গুমোট হয়, সেবার বর্ষা প্রথম আষাঢ়েই নামিয়া থাকে । অম্বুবাচীতে বর্ষণ হইয়া যদি কাড়ান লাগে, তবে সে অতি স্বলক্ষণ—ঋতুমতী ধরিত্রীর মস্তিকা জলে ভিজিয়া অপরূপ উর্বরা হইয়া উঠে । অম্বুবাচীর তিনদিন হল কর্ষণ নিষিদ্ধ ।

গ্রামে গ্রামে ঢোল বাজিতেছে, লড়াইয়ের ঢোল ।

অম্বুবাচীতে চাষীদের মধ্যে কুস্তি-প্রতিযোগিতা হইয়া থাকে । চলতি ভাষায় ইহাকে বলে ‘আমুতির লড়াই’ ; এখানকার মধ্যে কুস্তমপুর ও আলেপুরেই সমারোহ সর্বাপেক্ষা বেশী । এই দুইখানি মুসলমানের গ্রাম । আমুতির লড়াই হিন্দু মুসলমান দুই সম্প্রদায়েরই সমারোহের বস্তু । চাষের পূর্বে চাষীরা বোধ হয় শক্তি পরীক্ষা করে । এ অঞ্চলের মধ্যে ভরতপুরে হয় সর্বাপেক্ষা বড় লড়াইয়ের আখড়া । বিভিন্ন স্থান হইতে নামকরা শক্তিমান চাষারা যাহারা এখানে কুস্তিগীর বলিয়া খ্যাত, তাহারা যোগ দেয় । ভরতপুরে যে বিজয়ী হয় ; সেই এ অঞ্চলে শ্রেষ্ঠ বীর বলিয়া সম্মানিত হইয়া থাকে । তবে শক্তি-চর্চায় শক্তি-প্রতিযোগিতায় মুসলমানদের আগ্রহ অপেক্ষাকৃত বেশী ।

ষতীনের বাড়ীর সম্মুখে একটা জায়গা খুঁজিয়া উচ্চিঙে ও গোবরা আখড়া খুলিয়াছে । দুইটাতে সারাদিন যুধ্যমান হইয়া পড়িয়াই আছে ।

আজ নির্জীবান চাষীর বাড়ীতে অরক্ষন । ঋতুমতী ধরিত্রীর বৃকে আগুন জালিতে নাই । ব্রাহ্মণ, বৈষ্ণব এবং বিধবারা এই তিন দিনই অগ্নিসিদ্ধ বা অগ্নিদগ্ধ কোন জিনিসই খাইবেন না । দেব আজ অরক্ষন ব্রত প্রতিপালন করিতেছে । একা বসিয়া শাস্ত উদাস দৃষ্টিতে চাহিয়া আছে মেঘ-মেতুর আকাশের দিকে । বর্ষার সজল ঘন মেঘ ; পুঞ্জিত হইতেছে, আবর্তিত হইতেছে, ভাসিয়া চলিতেছে শুই দূর-দিগন্তের অন্তরালে । আবার এ দিগন্ত হইতে উদয় হইয়াছে নূতন মেঘের পুঞ্জ । অচিরে বর্ষা নামিবে । অজস্র বর্ষণে পৃথিবী স্বজলা হইয়া উঠিবে; শস্যসজ্জারে স্তামলা হইয়া উঠিবে । মাহুঘের দুঃখ-কষ্ট শুচিবে ।

সবুজ হইয়া উঠিবে মাঠ, জলে ভরিয়া উঠিবে ঘাট । ময়ূরাকাং বহিয়া নৈরিক জলস্রোত,

বহিয়া যাইবে। শূন্ত মাঠ কসলে ভরিয়া উঠিবে।' নীল আকাশ মেঘে ভরিয়া গিয়াছে। মেঘ কাটিয়া গেলে সূর্য, রাত্রে চন্দ্র তারায় ভরিয়া থাকিবে। তাহারই জীবন শুধু শূন্ত হইয়া গিয়াছে। এ আর ভরিয়া উঠিবে না।

একা বসিয়া এমনি করিয়া কত কথাই ভাবে। অকস্মাৎ জীবনে যে প্রচণ্ড বিপর্যয় ঘটিয়া গেল—তাহার কলে তাহার প্রকৃতি—চরিত্রেও একটা পরিবর্তন ঘটিয়া গিয়াছে। প্রশান্ত, উদাসীন, একান্ত একাকী একটি মানুষ; গ্রামের সকলে তাহাকে ভালবাসে, শ্রদ্ধা করে, কিন্তু তবু তাহার তাহার পাশে বেশীক্ষণ বসিয়া থাকিতে পারে না। দেবুর নিশ্চেষ্ট নির্বাক উদাসীনতার মধ্যে তাহারা যেন হাঁপাইয়া উঠে।

রাত্রে—গভীর রাত্রে দেবু গিয়া বসে যতীনের কাছে। ওই সময় তাহার সাথী মেলে। যতীন তাহাকে অনেকগুলি বই দিয়াছে। বঙ্কিমচন্দ্রের গ্রন্থাবলী দেবুর ছিল। যতীন তাহাকে দিয়াছে রবীন্দ্রনাথের কয়েকখানা বই, শরৎচন্দ্রের গ্রন্থাবলী, কয়েকজন আধুনিক লেখকের লেখা কয়েকখানা বইও তাহার মধ্যে আছে। নিঃসঙ্গ অবসরে উহারই মধ্যে তাহার সময় অনেকটা নিরুদ্বেগ প্রশান্তির মধ্যে কাটে। কখনও কখনও সে দাণ্ডয়ার উপর একা বসিয়া চাহিয়া থাকে। ঠিক দাণ্ডয়ার সম্মুখে রাস্তার উপরের শিউলী গাছটির দিকে। ওই শিউলী গাছটির সঙ্গে বিলুর সহস্র স্মৃতি বিজড়িত। বিলু শিউলী ফুল বড় ভালবাসিত। কতদিন দেবুও বিলুর সঙ্গে শরৎকালের ভোরে উঠিয়া শিউলী ফুল কুড়াইয়াছে।

আজ আবার বৈকালে তাহাকে আলেপুর যাইতে হইবে। আলেপুরের শেখ চাষীরা তাহার নিকট আসিয়াছিল; তাহাকে তাহাদের কুস্তির প্রতিযোগিতায় পাঁচজন বিচারকের মধ্যে একজন হইতে হইবে।

সে হাসিয়া বলিয়াছিল—আমাকে কেন ইচ্ছ-তাই, আর কাউকে—

ইচ্ছ বলিয়াছিল—উরে বাস রে! তাই কি হয়! আপনি যে বাত বুলবেন—পাঁচখানা গায়ের নোক সিটি মানবে।

দেবু সেই কথাই ভাবিতেছে।

পাঁচখানা গ্রামের লোক তাহাকে মানিবে—একদিন এমনি আকাজকাই তাহার অন্তরে ছিল। কিন্তু কোন্ মূল্যে সে ইহা পাইল।

যতীন যদি তাহার সঙ্গে আলেপুর যাইত, বড় ভাল হইত; এই রাজবন্দী তরুণটিকে তাহার বড় ভাল লাগে, সে তাহাকে অসীম শ্রদ্ধাও করে। যতীন মধ্যে মধ্যে বলে—আমাদের দেশের লোক শক্তির চর্চাটা একেবারে করে না। তাহাকে সে 'আমূতির লড়াই' দেখাইত। সকলেই শক্তির চর্চা একদিন করিত, প্রথাটা এখনও বাঁচিয়া আছে—ওই চণ্ডীমণ্ডপটার মত। চণ্ডীমণ্ডপটা এবার ছাওয়া নো হয় নাই, বর্ষায় এবার ওটা পড়িয়া যাইবে। গ্রামের লোক ছাওয়া নাই, ক্রীহরিও হাত দেয় নাই। ক্রীহরি ওটা ভাঙিতে চায়। এবার দুর্গাপূজার পর সর্বভক্তা ত্রয়োদশীর দিন সে ওখানে দেউবা তুলিবে, পাকা নাটমন্দির গড়িবে। চণ্ডীমণ্ডপ এখন সত্যলতাই ক্রীহরি।

শ্রীহরিই এখন এ গ্রামের জমিদার। শিবকালীপুরের জমিদারী সে-ই কিনিয়াছে। চণ্ডীমণ্ডপ তাহার নিজস্ব। ইহার মধ্যে অনাচ্ছাদিত চণ্ডীমণ্ডপের দেওয়ালগুলি বৈশাখের ঝড়ে, কাদায় ভরিয়া গিয়াছে। কত পুরাতন দিনের বহুধারার চিহ্নগুলির একটিও আর দেখা যায় না।

শ্রীহরিও এখন তাহাকে প্রায়ই ডাকে—এস খুড়ো, আমার ওখানে পায়ের ধুলো দিয়ো।—বাক্য করিয়া বলে না, সত্যিই সে অন্তরের সঙ্গে শ্রদ্ধা করিয়া বলে।

কিন্তু বলিলে কি হইবে? ওদিকে আবার যে শ্রীহরির সঙ্গে গ্রামের স্বন্দের সম্ভাবনা ধীরে ধীরে বীজ হইতে অঙ্কুরের মত উদগত হইতেছে। সেটেলমেন্টের পাঁচধারার ক্যাম্প আসিতেছে। শস্তের মূল্যবৃদ্ধির দাবিতে শ্রীহরি খাজনা বৃদ্ধি দাবি করিবে। শ্রীহরি সেদিন তাহার কাছে কথাটা তুলিয়াছিল। দেবু বলিয়াছে—আশেপাশের গ্রামে কি হয় দেখ। সব গ্রামে কি হয় দেখ। সব গ্রামের লোক যদি জমিদারকে বৃদ্ধি দেয়—তুমিও পাবে।

গভর্নমেন্ট সার্ভে হওয়ার ফলে এ দেশে জমিদারদের একটা সর্বজনীন পর্বের মত খাজনা বৃদ্ধির একটা সাধারণ উপলক্ষ উপস্থিত হইয়াছে। প্রজারা চিন্তিত হইয়া উঠিয়াছে। গ্রামের মাতব্বরেরা তাহার কাছে ইহারই মধ্যে গোপনে গোপনে আসিতেছে। সে বরাবর বলিয়াছে, মনেও করিয়াছে—এসব ব্যাপারে সে থাকিবে না। তবু লোক গুনিতেছে না। কিন্তু খাজনাবৃদ্ধি! ইহার উপর খাজনাবৃদ্ধি? সে শিহরিয়া উঠে। গ্রামের দিকে চাহিয়া দেখে—জীর্ণ গ্রাম, মাত্র দুইখানা কাপড়, দুই গুঁঠা ভাত মানুষের জুটিতেছে না, ইহার উপর খাজনা বৃদ্ধি হইলে প্রজারা মরিয়া যাইবে। চাষীর ছেলে জমিদার হইয়া শ্রীহরি এসব কথা প্রায় ভুলিয়াছে; কিন্তু থোকাকে বিলুকে হারাইয়া সে আজ প্রায় সন্ন্যাসী হইয়াও একথা কিছুতেই ভুলিতে পারিতেছে না। গত কয়েকদিন ধরিয়া যতীনের সঙ্গে তাহার এই আলোচনাই চলিতেছে।

কি করিবে? যদি প্রয়োজন হয়—তবে আবার সে উঠিয়া পড়িয়া লাগিবে। মধ্যে মধ্যে মনে হয়—না, কাজ কি এসব পরের ঝগড়াতে গিয়া? তাহার মনে পড়ে ছায়রস্তের গল্প। ধর্ম-জীবন যাপন করিবার ইচ্ছা হয়। কিন্তু কিছুতেই তাহা হইয়া উঠে না। যতীন তাহাকে এ গল্পের অন্তরূপ অর্থ বুঝাইবার চেষ্টা করিয়াছে, তাহাতেও তাহার ভাল লাগে নাই। কিন্তু একান্তভাবে ধর্মকর্ম লইয়াও সে থাকিতে পারিল না—এটাই তাহার নিজের কাছে সব চেয়ে বিস্ময়কর ব্যাপার বলিয়া মনে হইতেছে। তাহার ভিতরে একজন কে যেন আছে যে তাহাকে এই পথে এই ভাবে লইয়া চলিতেছে। সেই হয়তো আসল দেবু ঘোষ।

জগন ও হরেন তো ইহারই মধ্যে ভারী খাজনাবৃদ্ধিকে উপলক্ষ করিয়া যুদ্ধ ঘোষণার পায়-তাড়া করিতেছে। হরেন পথে-ঘাটে পাড়ায়-পাড়ায় বেড়ায়, অকারণে অকস্মাৎ চীৎকার করিয়া উঠে—লাগাও ধর্মঘট। আমরা আছি।

বাংলার প্রজা-সমাজে ধর্মঘট একটি অতি পরিচিত কথা ও একটি অতি পুরাতন প্রথা। ধর্মঘট নামেই ইহার প্রাচীনত্বের পরিচয় বিদ্যমান। ধর্ম সাক্ষ্য করিয়া—ঘট পাতিয়া যে-কোন সর্বসাধারণের কর্মসাধনের জন্ত পূর্ব হইতে শপথ গ্রহণ করা হইত। পরে উহা জমিদার ও প্রজার—পুঁজিপতি ও শ্রমজীবীর মধ্যে স্বন্দের ক্ষেত্রেই সীমাবদ্ধ হইয়াছে।

ইহার মধ্যে তাহারা বিপুল উত্তেজনা অনুভব করে, সম্ভবশক্তির প্রেরণায় অসম্ভবকে সম্ভব করিয়া তুলিতে চায়,—আত্মস্বার্থ অঙ্কুতভাবে হস্তমুখে বলি দেয়। প্রতি গ্রামেই ইতিহাস অনুসন্ধান করিলে দেখা যাইবে—দরিদ্র চাষীদের মধ্যে এক-আধজনকে পূর্বপুরুষ সেকালের প্রজা-ধর্মঘটের মূখ্য ব্যক্তি হইয়া সর্বস্ব খোয়াইয়া ভাবী পুরুষকে দরিদ্র করিয়া গিয়াছে। কোন কোন গ্রামে পোডো ভিটা পড়িয়া আছে; যেখানে পূর্বে ছিল কোন সমৃদ্ধিশালী চাষীর ঘর—সে-ঘর ওই ধর্মঘটের ফলে ধ্বংসস্থাপে পরিণত হইয়াছে। ঘরের মাল্যবেরা উদরারের তাড়নায় গ্রাম ত্যাগ করিয়া চলিয়া গিয়াছে, অথবা রোগ অনশন আসিয়া বংশটাকে শেষ করিয়াছে।

কিন্তু ধর্মঘট সচরাচর হয় না। ধর্মঘট করিবার মত সর্বজনীন উপলক্ষ সাধারণত বড় আসে না। আসিলেও অভাব হয় প্রেরণা দিবার লোকের। এবার এমনই একটি উপলক্ষ আসিয়াছে। এ অঞ্চলেও প্রাতি গ্রামেই গভর্নমেন্ট সার্ভের পর শস্যের মূল্যবৃদ্ধির অজুহাতে খাজনাবৃদ্ধির আয়োজন করিতেছে জমিদারেরা। প্রজারা খাজনাবৃদ্ধি দিতে চায় না। এটাকে তাহারা অগ্নায় বলিয়া মনে করে। কোন যুক্তিই তাহাদের মন মানিতে চায় না। তাহারা পুরুষানুক্রমে প্রাণপাত পরিশ্রম করিয়া জমিকে উর্বরা করিতেছে—সে জমির শস্য তাহাদের। অব্যয় মন কিছুতেই বুঝিতে চায় না। গ্রামে গ্রামে প্রজাদের জল্পনা কল্পনা চলিতেছে। আশ্চর্য—তাহার প্রতিটি তরঙ্গ আসিয়া আঘাত করিতেছে দেবুকে।

আলেপুরের মুসলমান অধিবাসীরা তাহাকে আজ যে আশ্রিত লড়াই দেখিবার নিয়ন্ত্রণ করিয়াছে, সে-ও এই তরঙ্গ। লড়াইয়ের পর ওই কথাই আলোচিত হইবে।

মহাগ্রামের তরঙ্গও তাহার কাণে আসিয়া পৌঁছিয়াছে। গ্রামের লোকেরা শ্রায়রত্ন মহাশয়ের সমাপন্থ হইয়াছিল। ঠাকুর মহাশয় তাহাদের পাঠাইয়া দিয়াছেন দেবুর কাছে। একটা চিঠিতে লিখিয়া দিয়াছেন পাওত, আমার শাস্ত্রে ইহার বিধান নাই। ভাবিয়া দেখিলাম—তুমি পার; বিবেচনা করিয়া বিধান দিয়ো।

শ্রায়রত্নকে সে মনে মনে প্রণাম করিয়াছে।—তুমি আমার ঘাড়ে এই বোঝা চাপাইতেছ ঠাকুর? বেশ, বোঝা ঘাড়ে লইব।—মুখে তাহার বিচিত্র হাসি ফুটিয়া উঠিয়াছে। সে তাই ভাবিতেছে—অগ্নায় সজ্জ্ব সে বাধাইবে না। আগামী রথের দিন—শ্রায়রত্নের বাড়ীতে গৃহদেবতার রথযাত্রাকে উপলক্ষ করিয়া যে মেলা বসিবে, সেই মেলায় সমবেত হইবে—পাঁচ সাতখানা গ্রামের লোক। প্রতি গ্রামের মাতব্বরেরা শ্রায়রত্নের আশীর্বাদ লইতে আসে। শ্রায়রত্ন দেবুকে নিয়ন্ত্রণ করিয়াছেন। দেবু ঠিক করিয়াছে, সেইখানেই সকল গ্রামের মাতব্বরদের সঙ্গে পরামর্শ করিয়া যাহা হয় স্থির করিবে।

—পৌ—ভস-ভস-ভস!

রেলগাড়ী ছুটাইয়া আসিয়া হাজির হইল উজ্জিৎড়ে। মূহুর্তের জন্ত দাঁড়াইয়া সে বলিল—লজ্জবন্দীবাবু ভাকছে। তারপর মুখে বাঁশী বাজাইয়া দিয়া ছুটিল—পৌ—ভস-ভস-ভস—দেবু উজ্জিৎড়ের ভাব দেখিয়া হাসিতে লাগিল। দেবু আসিতেই যতীন বলিল অনিরুদ্ধের কথা।

—হুঁমাস তো পেরিয়ে গেল দেবুবাবু। তাঁর তো এতদিনে ফেরা উচিত ছিল। আমি হিসেব করে দেখেছি—দশদিন আগে বেরিয়েছেন তিনি। হিসেবে তাই হয়, খানাতোও তাই বলে।

—তাই তো! অনি-ভাইয়ের তো এতদিনে ফেরা উচিত ছিল।

—আমি ভাবছি—জেলের আবার কোন হাঙ্গামা করে নতুন করে মেয়াদ হ'ল না তো?

বিচিত্র নয়। অনি-ভাইকে বিশ্বাস নাই। গায়ে প্রচণ্ড শক্তি, হৃদান্ত ক্রোধ। অনিরুদ্ধ সব পারে। দেবু বলিল—কামার-বউ বোধ হয় খুব ব্যস্ত হয়ে পড়েছে?

যতীন হাসিল—মা-মণি? দেবুবাবু, ও এক বিচিত্র মানুষ। দেখেছেন না—বাউণ্ডলে ছেলে দুটো আর কোথাও যায় না। বাড়ীর আশেপাশেই ঘুরছে দিন-রাত। মা-মণি ওই গুদের নিয়েই দিনরাত ব্যস্ত। একদিন মাত্র অনিরুদ্ধের কথা জিজ্ঞাসা করেছিল। বাস। আবার যেদিন মনে পড়বে জিজ্ঞাসা করবে।

দেবুর চোখে এই তুচ্ছ কারণে জল আসিল। থোকাকে কোলে করিয়া বিলুর্ হাসিভরা মুখ, ব্যস্তসমস্ত দিনের কথা তাহার মনে পড়িয়া গেল। যতীন বলিল—বরং দুর্গা আমাদের দু-তিনদিন জিজ্ঞাসা করেছে।

চোখ মুছিয়া দেবু হাসিল, বলিল—দুর্গা আমার ওদিক দিয়ে আজকাল বড় যায় না। একদিন জিজ্ঞাসা করলাম—তো বললে—গায়ের লোককে তো জান জামাই! এখন আমি বেশী গেলে এলেই—তোমাকে জড়িয়ে নানান কুখ্যা রটাবে।

সত্য কথা। দুর্গা দেবুর বাড়ী বড় একটা যায় না। কিন্তু তাহার মাকে পাঠায় দুধ দিতে, পাতুকে পাঠায়—দু-বেলা। রাত্রে পাতুই দেবুর বাড়ীতে শুইয়া থাকে,—সে-ও দুর্গার বন্দোবস্ত। তাছাড়া সে-ও যেন কেমন হইয়া গিয়াছে। সে আর লীলাচকলা তরঙ্গময়া নাই। আশ্চর্য রকমের শান্ত হইয়া গিয়াছে। বোধ হয় দেবুর ছোয়াচ লাগিয়াছে তাহাকে। যতীনের কিশোর তরুণ রূপ তাহাকে আর বিচলিত করে না। সে মাঝে মাঝে দূর হইতে দেবুকে দেখে—তাহারই মত উদাস-দৃষ্টিতে পৃথিবীর দিকে নিরর্থক চাহিয়া থাকে।

যতীন কিছুক্ষণ পরে বলিল—গুনেছি শ্রীহরি ঘোষ সদরে দরখাস্ত করেছে—গ্রামে প্রজা-ধর্মঘটের আয়োজন হচ্ছে; তার মূলে আমি আছি। আমাদের সন্মত করছেন। সন্মতও আমাদের হবে বলে মনে হচ্ছে। কিন্তু এই মেহ-পাগলিনী মেয়েটির জন্য যে ভেবে আকুল হচ্ছি। এক ভরসা আপনি আছেন। কিন্তু সে-ও তো এক ঝগড়া। তা ছাড়া এ-এক অদ্ভুত মেয়ে, দেবুবাবু, ওই দুটো ছেলেকে আবার জুটিয়েছে। থাকে কি, দিন চলবে কি করে? আমি গেলেই—সব ভাড়া দশ টাকা তো বন্ধ হয়ে যাবে। আজকাল মা-মণি ধান ভাগে, কঙ্কণ ভদ্রলোকদের বাড়ীতে গিয়ে মুড়ি ভাজে। কিন্তু ওতে কি ওই ছেলে দুটো সমেত সংসার চলবে?

কিছুক্ষণ চিন্তা করিয়া দেবু বলিল—জেল-অফিস ভিন্ন তো অনিরুদ্ধের সঠিক খবর পাওয়া যাবে না। আমি বরং একবার সদরে গিয়ে খোঁজ করে আসি।

সদরে গিয়া দেবু দুই দিন ফিরিল না।

যতীন আরও চিন্তিত হইয়া উঠিল। অপর কেহ এ সংবাদ জানে না। পদ্মও জানে না। তৃতীয় দিনের দিন দেবু ফিরিল। অনিরুদ্ধের সংবাদ পাওয়া যায় নাই। জেল হইতে সে বাহির হইয়াছে দশ দিন আগে। দেবু অনেক সন্ধান করিয়াছে, সেই জন্ত দুই দিন দেরি হইয়াছে। জেল হইতে বাহির হইয়া একটা দিন সে শহরেই ছিল—দ্বিতীয় দিন জংশন পর্যন্ত আসিয়াছিল। সেখান হইতে নাকি একটি স্ত্রীলোককে লইয়া সে চলিয়া গিয়াছে। এই পর্যন্ত সংবাদ মিলিয়াছে যে কলে কাজ করিবার জন্ত সে কলিকাতা বা বোম্বাই বা দিল্লী বা লাহোরে গিয়াছে। অন্তত সেই কথাই সে বলিয়া গিয়াছে—কলে কাজ করব তো এখানে কেনে করব? বড় কলে কাজ করব। কলকাতা, বোম্বাই, দিল্লী, লাহোর যেখানে বেশী মাইনে পাব, যাব।

বাড়ীর ভিতর শিকল নড়িয়া উঠিল।

যতীন-ও দেবু উভয়েই চমকিয়া পরস্পরের মুখের দিকে চাহিল। আবার শিকল নড়িল। যতীন এবার উঠিয়া গিয়া নতশিরে অপরাধীর মত পদ্মের সম্মুখে দাঁড়াইল।

পদ্ম জিজ্ঞাসা করিল—সে জেল থেকে বেরিয়ে কি কোথাও চলে গেছে?

—হ্যাঁ।

—কলকাতা, বোম্বাই?

—হ্যাঁ।

পদ্ম আর কোন প্রশ্ন করিল না। ফিরিয়া চূপ করিয়া দেওয়ালে ঠেস দিয়া বসিল।—সে চলিয়া গিয়াছে। যাক। তার ধর্ম তার কাছে!

তাহার এ মূর্তি দেখিয়া যতীন আজ আর বিস্মিত হইল না। পদ্ম বিধগ্ন মূর্তিতে বসিতেই গোবরা ও উচ্চিড়ে আসিয়া চূপ করিয়া পাশে বসিল। যতীন অনেকটা আশ্বস্ত হইয়া দেবুর নিকট ফিরিয়া আসিল।

*

*

*

দিন চারেক পর। সে-দিন রথের দিন।

গত রাজি হইতে নব-বর্ষার বর্ষণ শুরু হইয়াছে। আকাশ-ভাঙা বর্ষণে চারিদিক জলে থৈ থৈ করিতেছে। ‘কাড়ান’ লাগিয়াছে। প্রচণ্ড বর্ষণের মধ্যে মাথালী মাথায় দিয়া চাষীরা মাঠে কাজ আরম্ভ করিয়া দিয়াছে। জমির আইলের কাটা মুখ বন্ধ করিতেছে, ইহরের গর্ত বন্ধ করিতেছে,—জল আটক করিতে হইবে। পায়ের নিচে মাটি মাখনের মত নরম, সেই মাটি হইতে সৌন্দর্য গন্ধ বাহির হইতেছে। সাদা জল পরিপূর্ণ মাঠ চক চক করিতেছে মেঘলা দিনের আলোর প্রতিকলনে। মধ্যে মধ্যে বীজধানের জমিতে সবুজ সতেজ ধানের চারা চাপ রাখিয়া এক-একখানি সবুজ গালিচার আসনের মত জাগিয়া আছে। বাতালে ধানের চারাগুলি ছলিতেছে—যেন অদৃশ্য লক্ষ্মীদেবী মেঘলোক হইতে নামিয়া কোমল চরণপাতে পৃথিবীর বুকে আসিয়া আসন গ্রহণ করিবেন বলিয়া চাষীরা আসনখানি পাতিয়া রাখিয়াছে।

সেই বর্ষণের মধ্যে যতীন বাসা ছাড়িয়া পথে নামিল। তাহার সঙ্গে দারোগাবাবু। দুইজন চৌকিদারের মাথায় তাহার জিনিসপত্র। দেব, জগন, হরেন,—গ্রামের প্রায় যাবতীয় লোক সেই বর্ষণের মধ্যে দাঁড়াইয়া আছে।

যতীনের অতুমান সত্য হইয়াছে। তাহার এখান হইতে চলিয়া যাইবার আদেশ আসিয়াছে। সদর শহরে—একবারে—কতৃপক্ষের প্রত্যক্ষ দৃষ্টির সম্মুখে রাখার ব্যবস্থা হইয়াছে এবার। দুয়ার ধরিয়া দাঁড়াইয়া আছে স্নানমুখী পদ্ম; আজ তাহার মাথায় অবগুষ্ঠন নাই। দুই চোখ দিয়া তাহার জলের ধারা গড়াইতেছে। তাহার পাশে উচ্চিঙে ও গোবরা—স্তব্ধ, বিষণ্ণ।

প্রথমটা যতীন শঙ্কিত হইয়াছিল। ভাবিয়াছিল—পদ্ম হয়তো একটা কাণ্ড বাধাইয়া বসিবে। মুছাঁ-ব্যাধিগ্রস্ত পদ্ম হয়তো মুর্ছিত হইয়া পড়িবে—এইটাই তাহার বড় আশঙ্কা হইয়াছিল। কিন্তু পদ্ম তাহাকে নিশ্চিত্ত করিয়া কেবল কাঁদিল। তাহার পাশে উচ্চিঙে গোবরা বেশ শান্ত হইয়া বসিয়াছিল। পদ্ম তাহাকে কোন কথা বলিল না।

উচ্চিঙে জিজ্ঞাসা করিল—তুমি চলে যাবা বাবু?

—হ্যাঁ। মা-মণির কাছে খুব ভাল হয়ে থাকবি, উচ্চিঙে। কেমন? আমি চিঠি দিয়ে খোঁজ নেব তোদের।

ঘাড় নাড়িয়া স্বীকার করিয়া উচ্চিঙে বলিল—আর তুমি কিরে আসবা না বাবু?

যতীন ঘাড় নাড়িয়া হাসিতে গিয়া একটা দীর্ঘনিশ্বাস ফেলিল—তারপর পদ্মকে বলিল—মা-মণি, যেদিন ছাড়া পাব, একদিন তো ছেড়ে দেবেই, তোমার কাছে আসব।

পদ্ম চুপ করিয়াই রহিল।

এতক্ষণে পদ্ম নীরব রোদনের মধ্যেও মূহু হাসিয়া হাতটি উপরের দিকে বাড়াইয়া দিয়া আকাশের দিকে চাহিল।

যতীনের চোখে জল আসিল। আত্মসম্বরণ করিয়া সে বলিল—যখন যা হবে, পণ্ডিতকে বলবে—তার পরামর্শ নেবে।

পদ্মের মুখ এবার উজ্জল হইয়া উঠিল,—হ্যাঁ, পণ্ডিত আছে। চোখ মুছিয়া এবার সে বলিল—সাবধানে থেকো তুমি।

নলিন, সেই চিত্রকর ছেলেটিও ভিড়ের মধ্যে চুপ করিয়া দাঁড়াইয়া ছিল। সে নীরবে অগ্রসর হইয়া আসিয়া চুপ করিয়া একটি প্রণাম করিয়া, অভ্যাসমত নীরবেই চলিয়া গেল।

যতীন তাহার দিকে চাহিয়া হাসিল।

হরেন হাত ধরিয়া বলিল—গুডবাই ব্রাদার।

জগন বলিল—রিলিজ্‌ড্‌ হলে যেন থবর পাই।

সতীশ বাউড়ী আসিয়া প্রণাম করিয়া একখানি ভাঁজকরা ময়লা কাগজ তাহার দিকে বাড়াইয়া একমুখ বোকার হাসি হাসিয়া বলিল—আমাদের গান। নিকে নিতে চেয়েছিলেন আপুনি। অনেকদিন নিকিয়ে রেখেছি, দেয়া হয় নাই।

যতীন কাগজখানি লইয়া সময়ে পকেটে রাখিল।

আশ্চর্য! দুর্গা আসে নাই।

দারোগাবাবু বলিল—এইবার চলুন যতীনবাবু।

যতীন অগ্রসর হইল—চলুন।

দেবু তাহার পাশে পাশে চলিল। পিছনে জগন, হরেন, আরও অনেকে চলিল। পথে চণ্ডীমণ্ডপের ধারে শ্রীহরি ঘোষ দাঁড়াইয়া ছিল। মজুরেরা চণ্ডীমণ্ডপের খড়ের চাল খুলিয়া দিতেছে; বর্গার জলে ওটা ভাঙিয়া পড়িবে। তারপর সে আরম্ভ করিবে—ঠাকুরবাড়ী। শ্রীহরি ঘোষও মৃদু হাসিয়া তাহাকে ক্ষুদ্র একটি নমস্কার করিল।

গ্রাম পার হইয়া তাহারা মাঠে আসিয়া পড়িল। যতীন বলিল—ফিরুন এবার আপনারা।

সকলেই ফিরিল। কেবল দেবু বলিল—চলুন, আমি বাধ পর্যন্ত যাব। ওখানে থেকে মহাগ্রামে যাব ঠাকুরমশায়ের বাড়ী। তাঁর ওখানে রথযাত্রা।

পথে নির্জন একটি মাঠের পুকুরপাড়ে গাছতলায় দাঁড়াইয়া ছিল দুর্গা। তাহাকে কেহ দেখিল না। কিন্তু সে তাহাদের দিকে চাহিয়া যেমন দাঁড়াইয়া ছিল—তেমনি দাঁড়াইয়া রহিল।

সকলেই চলিতেছিল নীরবে। একটি বিষমতায় সকলেই যেন কথা হারাইয়া ফেলিয়াছে। দারোগাবাবুটিও নীরব। এতগুলি মানুষের মিলিত বিষমতা তাহার মনকে তাহার অজ্ঞাতসারেই স্পর্শ করিয়াছে।

যতীনের মনে পড়িতেছিল—অনেক কিছু কথা, ছোটখাটো স্মৃতি। সহসা মাঠের দিকে চাহিয়া তাহার ভাবান্তর উপস্থিত হইল। এই বিস্তীর্ণ মাঠ একদিন সাজু ধানে ভরিয়া উঠিবে, ধীরে ধীরে হেমন্তে স্বর্ণবর্ণে উদ্ভাসিত হইয়া উঠিবে। চাষার ঘর ভরিবে রাশি রাশি সোনার ফসলে।

পরমুহূর্তেই মনে হইল—তারপর? সে ধান কোথায় যাইবে?

তাহার মনে পড়িল অনিরুদ্ধের সংসারের ছবি। আরও অনেকের ঘরের কথা। জার্ণ ঘর, রিক্ত অঙ্গন, অভাবক্লিষ্ট মানুষের মুখ, মহামারী, ম্যালেরিয়া, ঋণভার; শীর্ণকায় অর্ধউলঙ্গ অজ্ঞ শিশুর দল। উচ্চিড়ে ও গোবরা—বাংলার ভাবীপুরুষের নমুনা।—

পরক্ষণেই মনে পড়িল—পদ্ম তাহাদের কপালে অশোক-বটীর ফোটা দিতেছে।

হঠাৎ তাহার পড়া স্ট্যাটিস্টিক্সের কথা তুচ্ছ মনে হইল। অর্ধমত্য—সে শুধু কঠিন বস্তুগত হিসাব। কিন্তু সংসারটা শুধু হিসাব নয়। কথাটা তাহাকে একদিন জ্বায়রত্ন বলিয়াছিলেন। তাহাকে মনে পড়িয়া গেল। সে অবনত মস্তকে বার বার তাহাকে প্রণাম জানাইয়া স্বীকার করিল—সংসার ও সংসারের কোন কোন মানুষ হিসাবের গণ্ডিতে আবদ্ধ নয়। জ্বায়রত্ন হিসাবের উর্ধ্বে—পরিমাপের অতিরিক্ত। আরও তাহার পাশের এই মানুষটি—পণ্ডিত দেবু ঘোষ, অর্ধশিক্ষিত চাষীর ছেলে, হৃদয়ের প্রসারতায় তাহার নির্ধারিত মূল্যাককে ছাড়াইয়া গিয়াছে। কতখানি—কতদূর যতীন তাহা নির্ধারিত করিতে পারে নাই, কেমন করিয়া গেল—সেও অল্পশাস্ত্রের অতিরিক্ত এক রহস্য।

এই হিসাব-ভুলের ফেরেই তো সৃষ্টি বাঁচিয়া আছে। এক ধুমকেতুর সঙ্গে সন্ধ্যাবে পৃথিবীর

একবার চুরমার হইয়া যাইবার কথা ছিল। বিরাট বিরাট হিসাব করিয়া ও অল্প কবিরায়ী—সেটা অকলস হিসাবেই ঘোষিত হইয়াছিল। অল্প ভুল হয় নাই, কিন্তু পৃথিবী কোন্ বহুশস্যময়ের ইচ্ছিতে ভুল করিয়া ধূমকেতুটার পাশ কাটাইয়া বাঁচিয়া গিয়াছে।

নহিলে, সেই সমাজ-শৃঙ্খলার সবই তো ভাঙিয়া গিয়াছে। গ্রামের সনাতন ব্যবস্থা—নাপিত, কামার, কুমোর, তাঁতি—আজ স্বকর্মত্যাগী, স্বকর্মহীন। এক গ্রাম হইতে পঞ্চগ্রামের বন্ধন, পঞ্চগ্রাম হইতে সপ্তগ্রাম, নবগ্রাম, দশগ্রাম, বিংশতিগ্রাম, শতগ্রাম, সহস্রগ্রামের বন্ধন-রজ্জু গ্রন্থিতে গ্রন্থিতে এলাইয়া গিয়াছে।

মহাগ্রামের ‘মহা’ বিশেষণ বিকৃত হইয়া মছতে পরিণত হইয়াছে, শুধু শব্দার্থেই নয়—বাস্তব পরিণতিতেও তাহার মহা-মহিমত্ত্ব বিলুপ্ত হইয়া গিয়াছে। আঠারো পাড়া গ্রাম আজ মাত্র অল্প কয়েক ঘর লোকের বসতিতে পরিণত। গ্রায়রত্ন জীর্ণ বৃদ্ধ একান্তে মহাপ্রয়াণের দিন গণনা করিয়া চলিয়াছেন।

নদীর ওপারে নূতন মহাগ্রাম রচনা করিতেছে—নূতন কাল। নূতন কালের সে রচনার মধ্যে যে রূপ ফুটিয়া উঠিবে—সে যতীন বইয়ের মধ্যে পড়িয়াছে—তার জন্মস্থান কলিকাতায় প্রত্যক্ষ দেখিয়াছে। সে মনে হইলে শিহরিয়া উঠিতে হয়, মনে হয় গোটা পৃথিবীর আলো নিভিয়া যাইবে, বায়ুপ্রবাহ স্তব্ধ হইবে, গোটা সৃষ্টিটা দুর্বৃত্ত-ধর্ষিতা নারীর মত অন্তঃসারশূন্য কাঙালিনীতে পরিণত হইবে। জীর্ণ অন্তর বৃকে হাহাকার, বাহিরে চাকচিক্য মুখে কৃত্রিম হাসি। দুর্ভাগিনী সৃষ্টি! আত্মিক নিয়মে তার পরিণতি—ক্ষয়রোগীর মত তিলে তিলে মৃত্যু। তবু কিন্তু সে হতাশ নয় আজ। মানুষ সমস্ত সৃষ্টির মধ্যে অন্ধশাস্ত্রের অতিরিক্ত রহস্য। পৃথিবীর সমুদ্র-তটের বালুরাশির মধ্যে একটি বালুকণার মতই ব্রহ্মাণ্ড-ব্যাপ্তির অভ্যন্তরে এই পৃথিবী, তাহার মধ্যে যে জীবন রহস্য, সে রহস্য ব্রহ্মাণ্ডের গ্রহ-উপগ্রহের রহস্যের ব্যতিক্রম—এককণা পরিমাণ জীবন, প্রকৃতির প্রতিকূলতা মৃত্যুর অমোঘ শক্তি—সমস্তকে অতিক্রম করিয়া শত ধারায়, সহস্র ধারায়, লক্ষ ধারায়, কোটি কোটি ধারায় কালে কালে তালে তালে উজ্জ্বলিত হইয়া মহাপ্রবাহে পরিণত হইয়া বহিয়া চলিয়াছে। সে সকল বাধাকেই অতিক্রম করিবে। আনন্দময়ী প্রাণবতী সৃষ্টি, অফুরন্ত তাহার শক্তি—সে তাহার জীবন-বিকাশের সকল প্রতিকূল শক্তিকে ধ্বংস করিবে, তাহাতে তাহার সংশয় নাই আজ। ভারতের জীবন-প্রবাহ বাধা-বিঘ্ন ঠেলিয়া আবার ছুটিবে।

গ্রায়রত্ন জীর্ণ। তাঁহার কাল অতীত হইতে চলিয়াছে। তিনি থাকিবেন না। কিন্তু তাঁহার স্মৃতি, আদর্শ নূতন জন্মলাভ করিবে।

যতীন হাসিল। মনে পড়িল—গ্রায়রত্নের পৌত্র বিখনাথকে। সে আসিবে। দেবু ঘোষ নবরূপে পল্লীর এই শৃঙ্খলাহীন যুগে, ভাঙাগড়ার আসরের মধ্যে—শ্রীহরি পাল, কঙ্কণার বাবু, খানার জমাদার, দারোগার রক্তচক্ষুকে তুচ্ছ করিয়া উঠিয়া দাঁড়াইয়াছে, মহামারীর আক্রমণকে সে রোধ করিয়াছে। দেবুর বৃকে বৃক রাখিয়া আলিঙ্গনের সময় সে স্পষ্ট অহুভব করিয়াছে, অভয়ের বাণী তাহার বৃকের মধ্যে আলোড়িত হইতে। সকল বাধা দূর করিয়া জীবনের সার্থকতা লাভের অদম্য আগ্রহের বাণী!

উল্লেখনীয় বিপ্লববাদী শরীরে থর থর করিয়া কম্পন বহিয়া গেল। এ চিন্তা তাহার বিপ্লব-বাদের চিন্তা। আনন্দে তাহার চোখে ফুটিয়া উঠিল অদ্ভুত এক দীপ্তি। তাহার আনন্দ, তাহার সাধনা এই যে, সে তাহার কর্তব্য করিয়াছে। বন্দী-জীবনে এই পল্লীর মধ্যে দেবুর জাগরণে সে সাহায্য করিয়াছে। বন্দীও তাহার নিজের জীবনের জাগরণের ভাবপ্লাবনের গতিরোধ করিতে পারে নাই। এমনি করিয়াই নূতন কালের ধ্বংস-প্রচেষ্টা ব্যর্থ হইবে—মাহুষ বাঁচিবে। ভয় নাই, ভয় নাই।

বাঁধের উপর দেবু দাঁড়াইয়া বলিল—যতীনবাবু, আসি তা হলে। নমস্কার।

যতীন বলিল—নমস্কার দেবুবাবু, বিদায়। দেবুর হাত ছুঁখানি নিজের হাতের মধ্যে গ্রহণ করিয়া দেবুর মুখের দিকে চাহিয়া রহিল, হঠাৎ খামিয়া আবৃত্তি করিল—

‘উদয়ের পথে শুনি কার বাণী—ভয় নাই ওরে ভয় নাই।’

নিঃশেষে প্রাণ যে করিবে দান ক্ষয় নাই তার ক্ষয় নাই ॥’

তারপর সে নিতান্ত অকস্মাৎ মুখ ফিরাইয়া দ্রুতবেগে চলিতে আরম্ভ করিল। দেবু যতীনের গতিপথের দিকে একদৃষ্টে চাহিয়া দাঁড়াইয়া রহিল। চোখ দিয়া তাহার দরদরধারে জল পড়িতে আরম্ভ করিল। এই একান্ত একক জীবন—বিলু, খোঁকা চলিয়া গিয়াছে,—জগন, হরেন আসিয়া আর তেমন কলরব করে না। সমস্ত গ্রাম হইতে সে বিচ্ছিন্ন হইয়া পড়িতেছে। আজ যতীনবাবুও চলিয়া গেল। কেমন করিয়া দিন কাটিবে তাহার? কাহাকে লইয়া বাঁচিয়া থাকিবে?—সহসা মনে পড়িল স্মারকস্মরণ গল্প। কই, তাহার সে শালগ্রাম কই? সে উর্ধ্ব-লোকে আকাশের দিকে চাহিয়া আত্মহারার মত হাত বাড়াইল, সমস্ত অন্তর পরিপূর্ণ করিয়া অকপট-কাতর স্বরে ডাকিল—ভগবান!

মধুরাক্ষীর গর্ভে নামিয়া যতীন আবার কিরিয়া দাঁড়াইল, হুউচ্চ বাঁধের উপর দণ্ডায়মান উর্ধ্ববাহু দেবুকে দেখিয়া সে আনন্দে তৃপ্তিতে মোহগ্রস্তের মত নিশ্চল হইয়া দেবুর দিকে চাহিয়া রহিল।

দারোগা ডাকিল—যতীনবাবু, আহ্নান!

যতীন মাটিতে হাত ঠেকাইয়া, সেই হাত কপালে ঠেকাইয়া প্রণাম করিল। তারপর বলিল—চলুন।

অকস্মাৎ দূরে কোথাও ঢাক বাজিয়া উঠিল।

সেই দূরগত ঢাকের শব্দে সচেতন হইয়া দেবু একটা দীর্ঘনিশ্বাস ফেলিল। ঢাক বাজিতেছে। মহাগ্রামে ঢাকের শব্দ। স্মারকস্মরণ বাড়ীতে রথযাত্রা। রথ কোথায় গিয়া থাকিবে—কে জানে?

বাঁধের পথ ধরিয়া সে দ্রুতপদে অগ্রসর হইল।